


Copy of the

8° 7712

(Reims) Flodoardus

m. 19. 914



to A.D. 966

Cura & studio IACOBI SIRMONTI Soc.
ÆSV Presbyteri.



CVM PRIVILEGIO REGIS.

- 1611 -

Seager William 13 Apr. 1971.

PHILIPPS

LIBRARY

OF THE

AMERICAN

ANTI-SLAVERY

SOCIETY

NEW YORK


1847

Vol. 1

No. 1

1847

1847



1847

1847

1847

1847

1847

1847



Ill^{mo} & R^{mo} Principi

D. LVDOVICO

A. LOTHARINGIA,

REMORVM ARCHIEP.

ac Duci, Francia

Parium primo.



ELICI quadam
forte Remensibus
tuis inter cætera id
obtiguit, Princeps
Ill^{me}, vt cùm supe-
riorib. sæculis ex-

riterint in Gallia non pauci, qui
Ecclesiasticas diuersarū ciuitatum
historias litteris commendarint,
sola hodie Remorum Metropolis,
cùm reliquæ vel nuda Historico-
rum suorum nomina ciere vix pos-

EPISTOLA.

Sint, rerum suarum scriptorem integrum, æuo atque iniuriæ superstitem videat. Is est Flodoardus presbyter, qui ante annos DCL.V. niuersam Præfulum Remensium antecessorum tuorum seriem, ad sua usque, id est Artoldi Episcopi tempora, rudi quidem illo fortasse, sed qualem historiæ fides amat, simplici ac fuci nescio stylo deduxit. Quo in opere publicarum præterea rerum, quibus Remenses Antistites vel generis nobilitas, vel sedis suæ prærogatiua semper inseruit, tanta inest varietas atque copia, ut hoc etiam nomine gratiam auctori iure debeant, qui ea historiæ parte delectantur. nec frustra iam pridem Latina eius editio ab Æis etiam desiderata sit, qui Gallicam non indiligentis alias hominis interpretationem legerant: in qua non ignorarent plurima, ea-

EPISTOLA.

que interdum optima fuisse multis locis præterita. ita ut gustū potius aliquem Flodoardi præbuisse, quàm iustam sitim expleſſe videatur. Nunc autem & lingua sua, & totus quantus est prodit in lucem, Remensis Ecclesiæ, Præſulumque eius amplitudinem, gloriam, dignitatem ad exteras quoque gentes auspiciis tuis perlaturus, si modò missionē, quā à te necessario postulat, impetrarit. Etenim clericus tuus est, extra Diœcesim sine Antistitis sui formata egredi non potest. Tua verò tutela nixus, tuis ornatus insignibus, non solum benignius propensiusque ab omnibus excipietur; sed maiore etiā, quod præcipuè optandum est, cum fructu & commodo legetur. Atq. ut Principū olim effigies in foris, in theatris, in tribunalibus, publicisq. aliis cōuentibus collocatæ hoc agebant,

EPISTOLÆ.

vt & actionibus ipsis auctoritatem
 adderent, & officij sui vnumquem-
 que admonerent : ita exsplendi-
 dissimi nominis tui conspectu, &
 Flodoardi verbis fides ac pondus
 accedet, & lectoribus tacita cohor-
 tatio, ne quid finistri consili (quæ
 multotum hodie labes est) in ocu-
 lis tuis adferant, sed ea mente om-
 nia legant, vt magistram vitæ, mo-
 rumque historiam esse memine-
 rint. Dabis hoc, Ill^mc Princeps, su-
 cepti, clientisq; tui precibus, da-
 bis & publicæ vtilitati. Sic nostra
 pro te vota, sic publica, qui te tam
 illustrium, tantæque virtute & glo-
 ria Pontificum in cathedra sedere
 iussit, placida Deus aure semper
 exaudiat.

Ill^mæ ac R^mæ C. T.

Deditissimus

IACOBVS SIRMONDVS SOC. IESV.

LECTORI



FLODOARDI editionē, Lector, ut hanc cui debes habere gratiā, iam pridem adornabat ordinis nostri Theologus Ioānes Gualterus, qui ex Remorum Metropolis Ecclesiae in Societatem nostrā cooptatus, in ea nuper felici exitu vitam posuit. Eius nos apographum ex Collegij Remensis nostri bibliotheca nacti, tersē illud quidem ac nitidē descriptum, sed cui satis liqueret ad emendationem plurima deesse, quae in eo desiderari videbātur, ex variis aliorum codicum lectionibus, quae licuit fide ac studio supplere conati sumus. Ceterū de Flodoardo praeter ea quae ipse de se multis locis scripsit, vix est, quod liceat affirmare, Presbyterum & Canonicum Ecclesiae Remensis appellauimus, codices Remensem atque Igniacensem secuti, qui his illum titulis ornant. Qui si adscititij non sunt, Flodoardum hunc illum esse oportet, cuius in vetere Calendario S. Mariae Rem. adnotatus est obitus his verbis, *xvi. Kalend. Iunias, Flodoardus Presbyter & Canonicus*. ut iam non abs re dubitasse acutissimus Pithæus videatur, idēne sit, an diuersus à Chronici auctore Frodoardo, quem v. Kalendas Aprilis vitam functum Chronici Appendix docet. quo sanē ipso die alterius quoque Flodoardi, sed sine tituli, graduve adiectione meminit idem Calendarium. Verū hāc aliās fortasse. Nunc quae damus boni consule, & vale.



INDEX CAPITVM. QVI

IN ANTIQVIS EXEMPLARIBVS
subiicitur epistolæ Flodoardi ad R.
hoc est ad Rodulfum, vt nonnulli pu-
tant, Episcopum Laudunensem.

LIBRI PRIMI.



<i>E conditione Vrbs Remensis.</i>	
Cap.i.	fol.2.b
<i>De amicitia Romanorum atque</i>	
<i>Remorum. ij.</i>	4.b
<i>De primis huius Vrbs Episcopis.</i>	
ij.	7.b
<i>De primis eiusdem martyribus. i v.</i>	8. b
<i>De successoribus præmissorum Præsulum. v.</i>	
13. b	
<i>De sancto Nicasio vi.</i>	14. a
<i>De miraculis ipsius Ecclesiæ. vij.</i>	21. a
<i>De sancto Oriculo & sororibus eius. viij.</i>	22. a
<i>De successoribus beati Nicasii. ix.</i>	ibid. b
<i>De sancto Remigio. x.</i>	23. b
<i>De ordinatione ipsius ad Episcopatum Remen-</i>	
<i>sem. xi.</i>	25. b

INDEX CAPITVM.

De diuersis ab eo patratis miraculis & doctri- na ipsius. xij.	27. a
De conuersione Francorum. xij.	32. a
De possessionibus, quas ei Rex Ludouicus & Franci contulerunt. xiv.	36. b
De victoriis Ludouici per auxilium sancti Re- migij, & fine ipsius regis. xv.	41. a
De synodo vbi conuertit hereticum. xvi.	42. b
De mitigatione ignis, & obitu eiusdem, vel se- pultura ipsius. xvij.	43. a
Testamentum ab ipso editum. xvij.	46. b
De remedio pestis inguinaria, & ceteris per ipsū collatis. xix.	56. b
De translatione corporis ipsius, & quibusdam denuo patratis miraculis. xx.	57. a
De altera vel iterata translatione seu relatione corporis eius ad urbem. xxi.	66. a
De remediis subinde plurib. impensis. xxij.	68. b
De discipulis eiusdem beati Remigij. xxij.	76. b
De sancto Theodorico. xxi.	78. b
De sancto Theodulfo.	xxv. 86. a
De fonte in horum sanctorum monasterio nu- per exorto. xxvi.	91.

CAPITVLA LIRRI

SECVNDI.

D Ec successoribus beati Remigij. Cap. i.	92. b
De Egidio Præsule. ij.	93. a

INDEX

De sancto Basolo. iij.	97. a
De Romulfo Præsulc. iij.	101. b
De Sonnatio. v.	103. a
De Leudegiselo, Angelberto, & Landone. vi.	108. b
De sancto Niuardo. viij.	109. b
De Translatione sanctæ Helenæ ad ipsius sancti monasterium. viij.	112. a
De translatione sancti Sindulfi ad idem monasterium. ix.	115. b
De sancto Reolo Episcopo. x.	116. b
De sancto Rigoberto. xi.	118. b
De eius expulsionē ab Vrbe Remensi. xij.	121. b
De miraculis in vita insus per eum ostensis. xij.	125. a
De obitu & sepultura ipsius. xij.	126. a
De translatione corporis eiusdem. xij.	127. a
De Abele eius successore. xvi.	129. a.
De Tilpino Episcopo. xvij.	130. b
De Vulfario Episcopo. xvij.	134. b
De Ebone Præsulc. xix.	137. a
De ipsius depositione. xx.	146. a

CAPITVLA LIBRI

TERTII.

D E electione vel ordinatione Hincmari.	
Cap. i.	152. a

CAPITVM.

De reparatione iudicij pro Ebonis depositione.

ij. 153. b

De visione cuiusdam Bernoldi. iij 154. b

De restitutione rerum Ecclesiasticarum à Carolo rege peracta. iij. 156. a

De reparatione Remensis Ecclesiæ ab ipso Hincmaro patrata. v. 159. b

De miraculis in eadem Ecclesiâ postea declaratis vi. 161. a

De visione cuiusdam Gerardi presbyteri. vij. 164. b.

De aliis quibusdam miraculis. viij. 166. b

De secunda beati Remigij corporis translatione ix. 168. a

De pallij vsus quotidiani à Romanæ sedis Præsule perceptione, & rebus Ecclesiæ sub eo concessis. ibid. b.

De synodo comprouinciali apud Sueffonicam urbem habita. xi. 172. a

De vacatione Cameracensis sedis, & coniunctione Balduini cum Iudith filia regis. xij. 180. a

De causa Rothadi Sueffonici Episcopi depositi. xij. 183. b.

De quodam Gothescalco schismatico. xij. 201. b

De libris quos idem Præsul Hincmarus composuit. xv. 204. b

De his quæ Carolo regi scripsit. xvi. 211. b

INDEX

- De synodo sex provinciarum Gallie apud
Trecas habita. xvij. 215. b
- Item de prefato rege Carolo. xvij. 218. b
- Quæ Ludonico eiusdem Caroli filio scripsit. xix.
222. b
- De ijs quæ Ludonico fratri eiusdem Caroli
scripsit. xx. 223. b
- De iis quæ quibusdam Archiepiscopis vel Epi-
scopis scripsit. xxi. 229. b
- Quæ instrumenta vitæ vel redargutiones Hinc-
maro nepoti suo scripserit. xxij. 236. a
- Quæ Altfrido Transrhenensi Episcopo, vel cate-
ris quibusdā Episcopis scripserit. xxij. 255. b
- Quæ Abbatibus quibusdam scripta direxerit.
xxiv. 268. b
- Quæ sacerdotibus vel monasteriis quibusdam.
xxv. 274. b
- Quæ viris quibusdam illustribus. xxvi. 277. a
- Quæ aliquibus reginis scripta misit. xxvij.
293. b
- Quæ sibi subiectis monita salutis ediderit. xxvij
300. a
- De libro, qualiter Domini vel sanctorum sunt
imagines veneranda. xxix. 307. a
- De translatione corporis sancti Remigij à mo-
nasterio ipsius, & obitu Hincmari Epi-
scopi. xxx. 308. a

CAPITVM.

CAPITVLA LIBRI

QVARTI.

DE Episcopatu Fulconis, & quæ scripta
quibusdam Romanis Pontificibus dire-
xerit. Cap. I. 309. a

Quæ Formosus Papa eidem Fulconi quoque, vel
Carolo regi, atque Odoni. ij. 317. a

Quæ Franciæ quibusdam Præsulibus scripta le-
gauerit. iij. 317. b

Quæ Stephanus Papa ipsi Fulconi, & quæ Ful-
co eidem Papæ rescripserit. iij. 322. b

Quæ regibus quibusdam Fulco scripta direxit. v.
334. b

Quæ diuersis quoque scripserit Episcopis. vi.
339. a

Quæ Abbatibus vel illustribus Viris quibusdam
vii. 341. b

De rebus quibus Episcopium auxit, & ceteris
bonis, quæ in Episcopatu egit. viii. 344. a

De sancto Gibriano, & fratribus eius. ix.
345. a

De interemptione ipsius Fulconis. x. 347. b

De præfulatu domni Heriuei. xi. 349. a

De relatione beati Remigij ad monasterium
suum. xij. 350. a

De reparatione castri Mosomi, aliarumque mu-

INDEX

- nitionum quarundam vel Ecclesiarum xij.
 ibid. b.
- De synodalibus Conciliis habitis, & Norman-
 norum conuersione, vel expeditione contra
 Hungaros. xiv. 351. b
- De Caroli regis à suis derelicti sustentatione.
 xv. 352. b
- De Erlebaldi Comitis excommunicatione vel
 absolutione. xvi. ibid.
- De obitu ipsius Præsulis. xvij. 353. a
- De successionem Seulsi Episcopi. xvij. ibid. b
- De Synodo quam habuit in villa Trosteio, &
 ceteris actibus vel fine ipsius. xix. 354. b
- De electione Hugonis filij Heriberti Comitis,
 xx. 355. a
- De infestatione Hungarorum & discordia in-
 ter Rodulfum regem & Heribertum Comitē
 exorta. xxi. 356. a
- De introductione Odalrici Aquensis Episcopi
 ad Episcopale ministerium Remis exsequendū,
 & reductione sub custodia Caroli regis. xxii.
 357. a
- De similitudine inter Hugonem & Heribertū Co-
 mites ac Rodulfum regē exorta. xxij. 357. b
- De ordinatione domni Artoldi præsulis. xxiij
 358.
- De signis Remis visis & morbis insecutis. xxv
 359. a

CAPITVM.

De accensione vel receptione Ludouici post mortem Rodulphi regis. xxvi. ibid. b

De excommunicatione Heriberti Comitis. xxvij. 360. b

De expulsionem domni Artoldi ab Vrbe Remensi. xxviii. 361. a

De malis quæ deinceps consequuta sunt. xxix 362. b

De occupatione Altmontis castri, vel Mosomi, & morte Heriberti. xxx. 363. b

De obsidione Urbis Remensis ab exercitu Ludouici regis. xxxi. 364. b

De restitutione monasticae regulæ in monasterio sancti Remigij, & constitutione abbatis Hincmari. xxxij. 365. a

De repulsione Hugonis Episcopi. xxxiii. ibid. b

De synodo Viriduni habita. xxxiv. 367. b

De synodo apud Engulenheim congregata. & excommunicatione Hugonis Episcopi. xxxv. 368. b

De obsessione vel incensione Urbis Sueffonicae ab Hugone Comite. xxxvi. 377. a

De excommunicatione Hugonis Comitis. xxxvii. 378. b

De quibusdam Ecclesiis vel monasteriis Urbis Remensis. xxxviii. 379. a

De sancto Balderico abbate. xxxix. 380. a

De miraculis post obitum ipsius ostensis. xl. ibid. b

INDEX CAPITVM.

De villa Vvaslicia xli.	382. b
De Ecclesia sancti Romani, vel miraculis in Geltani monte, xlii.	383. b
De miraculo in Rheno flumine patrato. xliii.	387.
De miraculis in monasterio sanctarum Bouæ & Dodæ factis. xli v.	388. b
De visione cuiusdam puellæ. xl v.	ibid.
De altero Remis puellarum monasterio. xl vi.	390.
De domino Guntherto, & ipsius monasterij cō- ditore. xl vij.	ibid. b.
De duabus Ecclesiis sancti Hilarij Remis. xl viij.	392. a
De Ecclesiis in honore sancti Martini circum- quaque constructis. xlix.	394. a
De miraculis sancti Martini Remis ostensis. l.	395. a
De sancta Macra Virgine. li.	396. a
De sanctis Rufino & Valerio martyribus. lij.	ibid. b
De miraculis eorundem sanctorum. lij.	398. a.

FLODO-



FLODOARDI
PRESBYTERI ET
CANONICI ECCLESIAE
Remensis, Historiarum
eiusdem Ecclesiae
Libri IV.

PRÆFATIO AD
R. EPISCOPVM.


*Domino venerabili, & in Christi caritate
admodum diligibili, præclaro Præsuli R. Flo-
doardus, tantæ benignitatis famulus, omne
sanctarum virtutum in Christo gaudium.*



REBERRIMIS admo-
nitionum vestrarum sti-
mulis instigatus, discuf-
so tandem desidiæ pi-
gritantis torpore, abiectisque di-
uersarum curarum occupationi-

bus, relego feruentis studij vestri
solertię quadrifidum nostri labo-
ris opus vndecúmque collectum,
& capitulatim, prout iubere digna-
ti estis, dispositum: nostræ scilicet
Ecclesiæ Remensis historiarum li-
brum. Haud mirari velcumque
petens sanctitatem culminis vestri
super hac remoratione obsequij
nostri, vtpotè diuersis occupatio-
nibus præpediti, hyemali quoque
glacialis gelu rigoris obstricti, cha-
raxatorum insuper indigentia co-
artati. Neque mirum me minimũ
in correctione meorum te-
rere moras opusculorum; cùm
veterum nonnulli scriptorum
magis in retractatione suorum
quàm meditatione demorati fe-
rantur librorum. Sed nec adhuc
ad perfectum omnes me puto
eliminasse mendas: & si qua re-

perientur scriptoris fortè vitia, industriæ vestræ poterunt expurgari sagacia. Non enim me ita perfectum reor ad vnguem fore perscrutatorem, vt ferre nolim, si quem diligentior in eliminandis vitiis inuenero correctorem. Igitur quia sanctitatis vestræ circa tantitatem nostram profusa videtur exuberasse dilectio; hunc studij nostri fructum vestri dignum duxi tutaminis delegare patrocinio: vt quæ à nostra sunt dicta in tenebris humilitate, ab industriæ vestræ sublimitate dicantur in lumine.



LIBER PRIMVS.

De conditione vrbis Remensis.

Cap. I.



IDEI nostræ funda-
mina proditurus, ac
nostræ patres Ecclesiæ
memoraturus, mor-
tuum locatores no-
strorum vel instructo-
res exquisisse, non ad
rem adeò pertinere videbitur: cùm ipsi
salutis æternæ nil nobis contulisse, quin-
immo erroris sui vestigia lapidibus in-
sculpta reliquisse doceantur. De vrbis
namque nostræ fundatore, seu nominis
inditore, non omnimodis à nobis appro-
banda vulgata censetur opinio, quæ Re-
mum Romuli fratrem ciuitatis huius in-
stitutorem ac nominis tradit auctorem:
cùm vrbe Roma geminis auctoribus
Remo, Romulóque fundata, à fratris
militibus Remum certis accipiamus scri-

ECCLESIAE REMEN. LIB. I. 3

ptoribus interfectum, nec illum prius à fratre recessisse: cùm vno partu editi, & inter pastores educati, latrociniisque dediti urbem constituisse reperiantur, ortaque simultate, ac Remo fratre interfecto, ciuitati Romulus ex nomine suo nomen dedisse legatur. Nam vt Titi Lib. 1. Liuij verbis vtamur: *Numitori Albanare permissa Romulum Remumque cupido cepit in his locis, vbi expositi, vbiq̃ue educati erant, Urbis condendæ; & supererat multitudo Albanorum Latinorumque, ad id pastores quoque accesserant: qui omnes facile spem facerent, paruum Albam, paruum Lauinium præ ea vrbe quæ conderetur fore. Interuenit deinde his cogitationibus auitum malum, regni cupido: atque inde fœdum certamen coortum à satis miti principio. quoniam gemini essent, nec ætatis verècundia discrimen facere posset; vt Dÿ, quorum tutela ea loca essent, augurijs legerent, qui nomen nouæ Vrbi daret, qui conditam imperio regeret. Palatinum Romulus, Remus Auentinum ad inaugurandum templa capiunt. Priori Remo augurium venisse fertur sex vultures: iamque nunciato augurio, cùm duplex numerus Romulo se ostendisset, vtrumque regem sua multitudo consalutauerat. Tempore illi præcepto, at*

hi numero avium regnum trahebant. Inde cum altercatione congressi à certamine irarum ad eadem vertuntur. Ibi in turba ictus Remus cecidit. Vulgatiꝛ autem fama est, ludibrio fratris Remum novos transiluisse muros. Inde ab irato Romulo (cũ verbis quoque increpitans adiecisset; sic deinde quicumque alius transiliet mea mœnia) interfectum. Ita solus potitus imperio Romulus. condita Vrbs conditoris nomine appellata. Probabilius ergò videtur, quòd à militibus Remi patria profugis vrbs nostra condita, vel Remorum gens instituta putatur: cùm & mœnia Romanis auspicijs insignita, & editior porta, Martis Romanæ stirpis veterum opinione propagatoris ex nomine vocitata, priscum ad hæc quoque nostra cognomen reservauerit tempora. Cuius etiam fornicem, prodeuntibus dexterum, lupæ Remo Romuloque parvis vbera præbentis fabula cernimus innotatum: medius autem XII. mensium iuxta Romanorum dispositionem panditur ordinatione desculptus: tertius, qui & sinister, cycnorum vel anserum figuratus auspicio. Nautę siquidem cycnum bonam prognosin prodere ferunt, vt Aemilius.

Apud
Ibid. lib.
XII. c.
VII.

Cycnus in auspicijs semper latissimus ales

ECCLESIAE REMEN. LIB. I. 4

Hunc optant nautæ, quia se non mergit in undas.

Anseres quoque nocturnas excubias celebrant, quas cantus assiduitate testantur. Denique Romana etiam Capitolia Gallo seruasse traduntur ab hoste. Nec mirum tamen, urbis nostræ conditionem vel originem non in propatulo dari: cum de ipsius gentium vel orbis dominæ Romæ, Isidoro teste, oriatur plerumque dissensio conditione, ut eius diligenter agnoscere non possit origo. Nam

Sallustius: *Urbem, inquit, Romam, sicut* In Ca-
tilin.
ego accepi, condidere atque habitauere initio Troiani, qui Aenea duce sedibus incertis vagabantur. Alij dicunt ab Euandro; secundum quod Virgilius:

Tunc rex Euandrus Romana conditor artis. Æneid.,
VIII.

Eutropius quoque in lib. hist. sic loquitur dicens. *Romulus cum inter pastores latrocinaretur, xvij. annis natus, Urbem exiguan in Palatino monte constituit; conditam ciuitatem ex nomine suo Romam vocauit. Post hunc Tullus Hostilius eam adiecto Cælio monte ampliauit: indeque ceteri diuersis temporibus Principes eius editores vel amplificatores extitere Urbis autem nostræ nomen Durocortorum quondam dictum Cæsaris adstruitur*

De bel- historia, in qua libro sexto sic legitur: *Fa-*
 lo Gal- *Etis legionibus exercitum Cæsar Durocortorum*
 lico. *Remorum ducit: concilioque in eum locum Gal-*
liæ indicto, de coniuratione Senonum & Carnu-
tum questionem habere instituit. Aethicus
etiã in Cosmographia sic memorat: A Me-
diolano per Alpes Cottias Viennã M.P.M.cccc
ix. Inde Durocortorum M.P.M.ccc xxxij: qua-
fiunt leugæ cc xxi. Item à Durocortoro Diuodo-
rum vsque, M.P.M. lxij. Item alio itinere, à
Durocortoro Diuodorũ vsq; M.P.M. lxxx viij.
Itẽ à Durocortoro Treueros vsque, leugæ xc viij.
Item à Bagaco Nerviorum Durocortorum Re-
morum vsque, M.P. M. liij.

De amicitia Romanorum atque
Remorum. Cap. II.

Lib. II. **C**onstat itaque Remorum popu-
 lum populo Romanorum tenacis-
 sima priscis olim temporibus ami-
 citia vinctum: prælibatæ Iulij Cæsaris hi-
 storia libris hoc ipsum ad stipulâtibus: vbi
 legitur. Eo, scilicet Cæsare, ad fines Belgarũ de
 improviso, celeriusque omnium opinione perueniente
 Remos, qui proximi Galliæ ex Belgis sunt, ad
 eum legatos Iccium & Antebrogium primos

ECCLESIAE REMEN. LIB. I. 5

ciuitatis suæ misisse, & se suaque omnia offerentes in fidem atque amicitiam populi Romani omnino coniurasse, paratosque & obsides dare, & imperata facere, & oppidis recipere, & frumento, ceterisque rebus iuuare. Reliquos omnes Belgas in armis esse. Germanosq; , qui ripas Rheni incolunt, sese cum his coniunxisse; tantumque esse eorum omnium furorem, vt ne Sueffones quidem, fratres consanguineosque suos, qui eodem iure, eisdem legibus vtantur, vnum magistratum cum illis habeant, detertere potuerint, quin cum his consentirent. Item: Cæsar postquam omnes Belgarum copias in vnum locum coactas ad se venire vidit, neque iam longè abesse ab his, quos miserat, exploratoribus, & ab Remis cognouit, flumen Axonam, quod est in extremis Remorum finibus, exercitum traducere maturauit, atque ibi castra posuit. Quæ res & latus vnum castrorum ripis fluminis munitum & post eum quæ erant, tuta ab hostibus reddebat, & commeatus ab Remis, reliquisque ciuitatibus, vt sine periculo ad eum portari possent, efficiebat. In eo flumine pons erat. Ibi præsidium ponit, & in altera parte fluminis Titurium Sabinum Legatum cum sex cohortibus reliquit. Castra in altitudinem pedum xij. fossamque pedum xvij. muniti iubet. Ab ipsis

FLODOARDI HIST.

castris oppidum Remorum nomine Bibrax,
 quod aberat millia passuum xviij. ex itinere ma-
 gno impetu Belgæ oppugnare cœperunt. Aegrè eo
 die sustentata est Gallorum atque Belgarum
 oppugnatio hæc. Vbi circumiecta multitudine
 hominum totis mœnibus, vndique in murum
 lapides iaci cœpti sunt, murusque defensoribus
 nudatus esset, testudine facta portas succedunt,
 murumque subruunt. quod tum facile fiebat.
 Namque tanta multitudo lapides ac tela conij-
 ciebant, vt in muro consistendi potestas esset nul-
 li. Cum finem oppugnandi non fecissent, Iccius
 Remus, summa nobilitate & gratia inter suos,
 qui tum oppido præfuerat, vnus ex his, qui
 Legati de pace ad Cæsarem venerant, nuntium
 ad eum mittit, nisi subsidium sibi mittatur, sese
 diutius sustinere non posse. Eo die media nocte
 Cæsarijsdem ducibus vsus, qui nuncij ab Iccio
 venerant, Numidas & Cretas sagittarios, &
 funditores Baleares subsidio oppidanis mittit.
 Quorum aduentu & Remis cum spe defensionis
 studium propugnandi accessit, & hostibus ea-
 dem de causa spes potiundi oppidi discessit. Itaque
 paulisper apud oppidum morati, agrôsque Re-
 morum depopulati, omnibus vicis edificijsque,
 quò adire poterant; incensis, ad castra Cæsaris
 omnibus copijs contenderunt: & à millibus pas-

ECCLESIAE REMEN. LIB. I. 6

suum minus duobus castra posuerunt. Et post pauca: Hostes protinus ex eo loco ad flumen Axonam contenderunt, quod esse post nostra castra demonstratum est. Ibi vadis repertis partem copiarum suarum traducere conati sunt, eo consilio, ut si possent, castellum, cui praeerat Q. Titurius Legatus, expugnarent, pontemque interciderent. Si minus potuissent, agros Remorum popularentur, qui magno nobis usui ad bellum gerendum erant, commeatusque nostros sustinebant. Certior factus à Titurio, omnem equitatum, & levis armaturæ Numidas, funditores, sagittariosque pontem traducit, atque ad eos contendit. Acriter in eo loco pugnatum est. Hostes nostri in flumine aggressi magnum eorum numerum occiderunt. Per eorum corpora reliquos audacissime transire conantes, multitudine telorum, & audacia repulerunt: primos qui transierant equitatu circumuentos interfecerunt. Item in eadem Historia libro tertio. Caesar Labienum Legatum in Treuiros, qui proximi Rheno sunt, cum equitatu mittit. Huic mandat Remos, reliquosque Belgas adeat, atque in officio contineat. Item in V. Tantam omnium voluntatis commutationem, Cæsar scilicet, attulit, ut præter Aeduos & Remos, quos præcipuo semper honore Cæsar habuit, alteros

FLODOARDI HIST.

pro Vetere ac perpetua erga P. R. fide, alteros pro recentibus belli Gallici officijs, nulla fere ciuitas fuerit non suspecta nobis. Item in VI. Carnutes legatos, obsidesque mittunt, vsi deprecatoribus Remis, in quorū erant clientela. Eadem ferunt responsa, quæ videlicet Senones, obsidibus imperatis. Principatum quoque Remos antiquitus inter sibi finitimos tenuisse constat. Sed & apud Romanos id ipsum obtinuisse, auctumque sibi legitur in præmissa tam ius quàm decus historia. Vt in eodem libro VI. Sequani principatum dimiserant, in eorum locum Remi successerant. Semper enim & in omnibus bellis Remi fidem Romanis seruauerant. Et in VII. etiā quando totius penè Galliæ populi aduersus Romanos conspirasse, conciliūque Bibracte habuisse leguntur; illi nullatenus adesse voluere, quòd amicitiam Romanorum sequebantur. In necessitatibus autē copias eos Romanorum sustentasse proditnt. Vt in quinto eiusdē historiæ lib. Quo anno frumentum propter siccitates angustius prouenerat, coactus est, Cæsar scilicet, aliter ac superioribus annis exercitum in hibernis collocare, legionésque in plures ciuitates distribuere. Ex his vnam in Morinos ducendam

ECCLESIAE REMEN. LIB. I. 7

C. Fabio Legato dedit; alteram in Nervios Q. Ciceroni; tertiam in Eßuos L. Roscio; quartam in Remis cum T. Labieno, in confinio Treuirorum hyemare iussit. Item in vij. C. Fabium & L. Minutium cum legionibus duabus in Remis collocat. Insuper & usque ad internecionem pene Remos pro salute Romanorum certasse, Orosius etiam libro vi. adstipulatur, eo prælio, quod Bellouaci post cæterorum Gallorum, qui arma contra Romanos tulerant, deuictum exercitum instaurauerant, magnam Remorum manum, quæ auxilio Romanis erat, asserens trucidatam. Remos denique præliis fortes, optimosque fuisse iaculatores, sed & ad bella ciuilia, quibus Pompeio superato monarchiam totius vt fertur orbis obtinuit, Cæsare inuitante profectos, Lucanus libro primo testatur his versibus.

rura Nemetis

*Qui tenet, & ripas Satyri, quæ littore curuo
Molliter admissum claudit Tarbellicus aquor,
Signa mouet, gaudetque amoto Santonus hoste,
Et Bitures, longisque leues Axones in armis.
Optimus excusso Leucus, Remusque lacerto:*

FLODOARDE HIST.

*Optima gens flexis in gyrum Sequana franis,
Et docilis rector rostrati Belga couini.*

De primis huius Urbis Episcopis.

Cap. III.

NEc solùm apud Ethnicos tunc temporis tanti habitum Remorum populum, quin & apud primos Ecclesię Dei propagatores, atque per Euangelium in Christo patres, primę huius prouincię nostrę sedis pontifices constat semper honore decoratos. adeò vt ipse beatissimus Ecclesię Christi princeps, Petrus Apostolus, vrbi nostrę beatum Sixtum à se Archiepiscopum ordinatum, cum suffraganeorum auxilio censuerit delegandum; idoneos ei, ac necessarios in eadem prouincia destinans socios: S. Sinicium videlicet, Sueffonicę sedis primo, nostrũ postea Præsulem, ac beatum Memmium Catalaunicę vrbis rectorem. Sanctus verò Sixtus Remorum primus Episcopus, etiam Sueffonicam fundasse fertur Ecclesiam, & beatum Sinicium collaboratorem & cooperatorem suum inibi constituisse. Quique post eiusdem sancti Sixti de-

cessum, nepote suo, vt ferunt, sancto Diuitiano Sueffonis à se Pontifice ordinato, quoniam nouiter instituta Remensis Ecclesia lacte adhuc tenera forte fouebat pignora, nec dum ad onus Pontificale perferendum robusta, Remis Archiepiscopalem ea cogente necessitate subiit cathedram, Vbi pro animarum salute fideliter elaborans, bonumque certamen decertans, cum decessore, vt in cœlis, ita etiam meruit in terris habere consortium, vnius eiusdemque templi, tumbæque sortitus cum beato Sixto sepulcrum. Quorum postmodum meritis Basilicæ domus, ipsorum claris illustrata miraculis, nonnullis dotata ditatur muneribus: agris quoque, domibûsque, ac vineis locupletata, clericorum pariter enituit ministeriis decorata. Quorum nonnunquã duodecim, nonnunquam decem, vt domni Sonnatij Præsulis tempore, ibidem reperitur congregationem fuisse. Donec moderno tempore, abundante iniquitate, & refrigescente caritate, deficere Deo inibi militantium chorus, & vnius cœpit esse templum Presbyteri titulus. Quocirca etiam ipsorum nuper abinde ossa transla-

ta, in Ecclesia beati Remigij post altare sancti Petri, eorundem præceptoris, seruantur recondita. Nec eos Ecclesiã nostrã tantummodo ab vrbe Roma constat habuisse patres vel fundatores: quæ Martyribus etiam redimita, eorũque sacrata sanguine, atque triumphis sub ipso Romanæ persecutionis articulo decorata probatur.

De primis eiusdem Martyribus Urbis.

Cap. III.

BEATVS siquidem Timotheus, ab Orientis partibus ad hanc Remensem perueniens urbem, Iesu Christi domini publicè non veritus est prædicare veritatem. Vnde & à præside Lampadio, qui tunc præerat huic populo, tentus, & quòd nouæ legis propositum hominibus suaderet, conuentus; hinc minis principum, legũque seueritate vexatus, opum quoque pollicitatione tentatus, responsum, quod olim ab Ecclesiæ principe didicerat improbo incussum supernæ nundinatori gratiæ, rependere non timuit: Diuitiæ, inquit, tuæ tecum sint in perditionem. &c

nem; & ibis cum ipsis in ignem æternum. Dominus enim meus Iesus Christus filius Dei ipse te iudicaturus est. Tunc Præses ira repletus iussit eum torqueri. Et dum Christum constanter inter ipsa cruciatuum confiteretur tormenta, inferens inter cætera, quòd illi, quos Præses pro Christi nomine se putabat occidere, ipsi pœnaliter eum iudicaturi essent; & Præses diceret: Ergo tu iudex eris mei? ego te occidam, & quis erit qui te eripiat de manibus meis? Sanctus Timotheus respondit; Dominus meus, cui credo, potest me liberare; in te autem debita tormenta immittet. Iterum, dum per supplicia multa cruciari iussus fuisset, ait ad iudicem; Quanto tu mihi ampliora tormenta intuleris, tanto amplius refrigerium præstabit dominus cui credo. Et cum caderetur à ministris, exclamavit voce magna dicens: Aspice Domine, & vide quæ infert diabolus seruo tuo: ne me derelinquas, ne dicant homines, ubi est Deus eius. Præses denique iussit calce viua & aceto aspergi plagas ipsius. Sanctus vero Timotheus dixit: Ago tibi gratias, Domine Iesu

Christe, qui mihi das tolerantiam, vt hæc possim sufferre. ita istud factū est in corpore meo, tanquā oleo perūctus sim. Vnus autem de ipsis credētibus, nomine Apollinaris, vidit duos Angelos stantes ad latus eius, & dicentes illi: Confortare Timothee: missi autem sumus ad te, vt ostendamus tibi Dominum Iesum Christum, pro cuius nomine sustines pœnas, vt videas quæ aguntur in cœlis. Erige caput tuum, & vide. Aspiciens autem sanctus Timotheus, vidit cœlos apertos, & Iesum ad dexteram patris coronam tenentem ex lapidibus pretiosis, ac dicentem sibi: Timothee, hæc quam vides, tibi parata est: accipies illam tertia die imminente de manibus meis. Et Angeli dixerunt ei: Confortare Timothee; & abierunt in cœlos. Apollinaris verò cū hæc vidisset, procidens ad pedes eius, dixit ei: Domine Timothee ora pro me. Ego enim libentissimè torquor pro nomine Christi: quia vidi tecum loquentes viros splendidissimos, dum tecum loquerentur magnalia Dei illius qui regnat in cælo. Tunc Præses vt vidit se esse confusum, dixit: Sistatur

Apollinaris: afferte autem mihi plumbum bulliens, & infundite in os ipsius, ut non talia verba loquatur. Cumque allatum fuisset plumbum bulliens, & missum in ore eius, factum est frigidum tanquam glacies. Viso autem hoc miraculo multitudo magna credidit in Dominum Iesum Christum. Tunc praeses iracundia plenus & confusione dixit: Ducite illos in carcerem, usque dum ego pertractem quo supplicio interficiantur. Cum autem ducerentur, plurima turba sequebatur eos, flens & dicens: O iniustum iudicium, quod incidit in civitatem istam! Perducti sunt vero in carcerem: & multi erant circa eos desiderantes consolari à sancto Timotheo. Ipsa autem nocte adueniens quidam Presbyter, nomine Maurus, multitudinem hominum baptizavit in nomine Domini nostri Iesu Christi. Apollinaris vero cum baptizaretur, vidit coelos apertos, & audiuit Angelum dicentem sibi: Beatus es, Apollinaris, qui credidisti. Beati omnes, qui tincti sunt in aqua, in qua tu purificatus es. Quicumque hac nocte hic baptizatus fuerit, crastina die in Paradiso suscipietur. Hoc autem

dictum omnes qui ibidem aderant audierunt, & genua flectentes dixerunt: Parce nobis domine Deus noster, & presta misericordiam tuam his qui diligunt nomen tuum. Altera autem die iussit Præses adduci eos ante tribunal suum. Astantibus autem illis Præses dixit; Stulti homines, quæ res vos circumuenit, ut credatis in hominẽ crucifixũ, qui sub Pontio Pilato multa perpeffus est, nouissimẽ autẽ crucifixus asseritur? Tunc illi responderunt dicentes: Vidimus in hac nocte Angelum Dei loquentem cum Sanctis, quos tu tenes in carcere: & ipsi Angeli dixerunt nobis hodie ituros esse in Paradisum, & accepturos esse coronas, quas tui oculi videre non merebuntur. Præses verò iracundia plenus iussit singulos decollari. Cũque ducerentur Sancti extra ciuitatem, signauerunt se signaculo Christi, & sic martyrizati sunt, confitentes Patrem, & Filium, & Spiritum sanctum. Fuerunt autem omnes qui decollati sunt quinquaginta viri, sub die vndecimo Kalendas Septembris. Altera autem die procedens Præses sedit pro tribunali: Sactum verò Timotheum & Apollina-

rem adduci præcepit. Astantibus autem illis, ait ad eos Præses: Infelicissimi hominum, consentite præceptis Imperatorum, & adorete eos quos illi adorant. Timotheus & Apollinaris dixerunt: Nos daemones non adoramus, sed solū Dominum Iesum Christum, qui est Deus viuus & verus: ipsum oportet confiteri nos. Tu ergo ne putes nos artibus tuis separari à caritate, & à regno dei. Hoc autem tibi notum sit, quia qua hora nos putas mortificari, tunc viuificamur, sicut illi qui à te hesternā die interfecti sunt & viuunt in cœlis. Te ergo percutiet Iesus Christus vlcere pessimo. Iratusque Præses dixit: Istos si non mortificauero, alij multi ad nouam sectam venturi sunt. Sic dedit aduersus eos sententiam, vt gladio interficerentur: illi autem cum magna fiducia producti sunt extra ciuitatem, in via quæ appellatur Cæsarea, in locum qui Buxitus dicitur, ibique martyrizauit eos sub die X. Kalend. Septembris, & coronati sunt ab Angelis. Et vox audita est dicens: Venite Timothee & Apollinaris dilectissimi mei, & ostendam vobis quanta mirabi-

lia meruistis pro animabus vestris, quas
 obtulistis pro nomine meo; & scitote
 quæ facturus sum Lampadio Præsidi.
 statimque iaculum igneum descendit
 de cælo multis videntibus, & ingres-
 sum est humerum eius dextrum: & à
 dæmonio arreptus vitam finiuit. Corpo-
 ra verò sanctorum sepulta sunt à Chri-
 stianis die nono Kal. Septembris. Euse-
 bius quidam vir spectabilis, qui & ipse
 per verbum ipsorum credidit, fabrica-
 uit illis Basilicam, in qua multa signa &
 remedia ostenderunt: cæcis visum, clau-
 dis gressum reddiderunt, & qui à dæmo-
 nibus vexabantur, curati sunt in nomine
 domini nostri Iesu Christi. Eorum ve-
 rò corpora domnus Tilpinus Archie-
 piscopus veteri permouens tumulo, se-
 pulcrum ipsorum decenter argento de-
 corauit & auro. Altare denique, quod an-
 te tumbam eorundem stat medium, san-
 cti Mauri fertur reliquiis & honore di-
 catum, qui eodem quo præfati tempore
 pro Christo cæsus capite, ipsorum me-
 ruit consorcio renitere. Cuius ossa in Ec-
 clesia beati Celsini seruantur deposita.
 Caput autem infra ciuitatem intra bea-

tæ Dei genitricis Mariæ basilicam in ar-
 ca secus altare veneratur reconditum.
 Ipsa etiam præmissorum Ecclesia Marty-
 rum pignoribus complurium traditur
 insignita Sanctorū. In cuius dextera par-
 te sanctorum Siluani & Siluiniani, in si-
 nistra verò sancti Tonantij & sancti Io-
 uini feruntur reseruari corpora. Hic e-
 tiam in eadem sanctorum basilica bea-
 tus Remigius tumulum sibi parari præ-
 cepisse reperitur, vt post conditam testa-
 menti sui continentiam subintulit addens.
Post conditum testamentum, immò signatum,
occurrit sensibus meis, vt Basilicæ domnorum
martyrum Timothei & Apollinaris missorium
argenteum VI. librarum ibi deputem, vt ex eo se-
des futura meorum ossium componatur. Sed &
 in ipso testamento, duodecim solidos ad
 ipsius basilicæ camerā struendam iusserat
 dari. Diuersi quoque diuersis idem locu-
 pletauere dotibus templum. Vbi dom-
 nus Gondebertus, vir clarissimus, cum v-
 xore sua Berta, villam in pago Vontise-
 fitam, Pertas nomine dedit. Reperitur au-
 tem, congregationem ibidem nonnun-
 quam xx. nonnunquam xii. fuisse cleri-

corum in tempore Theoderici Regis; quando ad eandem basilicam prædiorū donaria plura leguntur tradita. & vsque ad recentia nuper tempora, quibus religione deficiente ad vnius est redacta presbyteri titulum, Deo seruientiū cœtu dignoscitur insignita virorum. Nonnullis etiam aliis templa locis eorū splendent honore decorata: quoniam signis pluribus eis olim coruscantibus, amatores Christi memoriis ipsorum suas excolere studuerunt atque munire possessiones. Quorum quidam, ceu Gregorius Turonensis Episcopus in libro miraculorū refert, eorum reliquias ædificata horum honore basilica deuotus expetiit. Quas pontifice loci per presbyterū honorificè dirigente; dum iter idē presbyter ageret, ab obuia quadam muliere salutatus, obnixè, importunèque ab ea rogatus est, vt horum sibi quiddā pignorum condonaret. Qui diu nutatim differens, mulieris improbitate tandem deuietus, sacrorum cinerū particulam tradit roganti. Ascensoque caballo iniunctum sibi moliens iter expedire, nullatenus eum percussis admodum lateribus valet itineri promo-

uere. Insuper ipse quoque sic interim prægrauatus opprimitur, ut vix valeret attollere caput. Ita demum animaduertens virtute se detineri Martyrum, motus poenitentia recepit opportunè, quod largiri præsumpsit incongruè; redhibitæque sacrorum quam dempserat portione, liber ad iussa relaxatur abire. Apud Duodecimum quoque vicum horum constructa decore sanctorum basilica Martyrum magnorum prædicatur radiare nitore magnalium, optabilique refulgere gratia sanitarum.

Beati denique Timothei ossa, Rex Otto, concedente Artaldo Archiepiscopo, transferri fecit in Saxoniam, & monasterium monachorum in eius instituit honore. In qua translatione multa mira feruntur ostensa. Nam ut Anno tunc Abbas, nunc Episcopus, mihi retulit, à quo eadem sacra pignera translata sunt, præter alia plura remedia, XII. inter cæcos & claudos fuere curati. Beatus quoque Apollinaris ossibus suis in Orbacense translatus monasterium, nonnullis inibi florere spectatur gratiarum insignibus.

De successoribus præmissorum Præsulum.
Cap. V.

FREQUENTIBVS igitur persecutio-
 num procellis intonantibus, Ecclesiæ
 puppis nostræ iactata, diuersisque oppres-
 sa fluctibus, quoniam caput vix attollere
 poterat, quanto sedes ipsa tempore re-
 ctore vacua digno resederit, haud facilè
 panditur. adeò vt post præmissos nostræ
 fidei patres, beatum Sixtum atque Sini-
 cium, vnum duntaxat præsulem inuenia-
 mus Amansum ad imperium vsque
 Constantini: sub quo Betansius reperi-
 tur, qui cum Primogenito Diacone
 suo primus ex hac Belgica prouin-
 cia legitur Arelatensi primæ interfuisse
 Synodo, relatæ per Marinum Episco-
 pum beatissimo Papæ Siluestro, Volusia-
 no & Aniano Consulibus. Post quem A-
 per, inde Maternianus: cuius reliquias
 ossium domnus Hincmarus Archiepi-
 scopus Ludouico Regi Transrhenensi
 se direxisse commemorat, in epistola pro
 eisdem aliorumque Sanctorum pigneri-
 bus ad eundem regem transmissa. Hinc

Donatianus extitit Episcopus : cuius etiam pignera maritimas in partes Episcopij Nouiomagensis, vel Tornacensis perlata, vario signorum memorantur splendore decorata. Quem beatus Viuentius tam celsis illustribus vitæ meritis, quàm clario pontificalis sequitur ordine culminis. cuius etiam sacra membra, domno Ebone Antistite nostro deferente, super fluuium Mosam translata, Braguis instructa Ecclesia, dispositaque famulorum caterua clericorum, debito deponuntur honore seruanda. Vbi etiam pluribus olim renituisse prædicatur insignibus, claudis ingressum; cæcis quoque reformans aspectum. Cui successit Seuerus.

De sancto Nicasio Cap. VI.

POST præmissos præsules beatus Nicasius cultu sequitur pontificatus, magnæ vir caritatis, magnæque constantiæ, sub Vandalica in Galliis persecutione sanctæ sibi commissæ validissimus rector Ecclesiæ. in pace quidem nobilitator ac decorator: in periculis verò moderator & tutor. piis populum doctri-

nis & exemplis instituens: decorémque
 cœlibis sponsæ Christi Ecclesiæ fabricis
 & ornatibus attollens. Is namque sedis
 huius sanctæ basilicam in honore perpe-
 tuæ virginis Dei genitricis Mariæ diui-
 na traditur admonitus reuelatione fun-
 dasse: quam proprio quoque consecrauit
 sanguine. Cathedra siquidem pontifica-
 lis antiquitus in Ecclesia, quæ ad Aposto-
 los olim, nunc sancti Symphoriani dici-
 tur, extitisse fertur. Hic beatus An-
 tistes Angelica præmonitione instructus,
 futuram longè antè præscisse doce-
 tur internecionem, perniciosamque
 prosperitatis redarguendo securitatem,
 imminentem diuini prædixisse verbe-
 ris ultionem. Portabat autem caritatis
 humeris anxius peccatorum crediti sibi
 gregis pondus; mori paratus pro omni-
 bus, vt iram indignationis Dei à populo
 auerteret, aut in ipsa certè vindicta cœ-
 lestem clementiam humilitatis spiritu, &
 animo contrito placaret; ne vsque ad
 animam licet temporalis, at non æterna-
 lis perueniret gladius. Sed quia verbi
 Dei semen in spinis diuitiarum suffoca-
 tur consitum, prosperantesque in va-

nitate sæculi gloriantes monita salutis aure cordis ad fructificandum non admittunt: immo perituris impliciti occupationibus, nec vera vitæ, quin lethifera peccati mortisque stipendia sequentes, quoniam perfectè mala non oderant, vera sectari bona dignè non valebant. Piam insuper religionem negligere, diuinitatis præcepta postponere, vanitatibus inferuire, concupiscentiæ vitiis inhærere, schismatica scandala suscitare, Deumque, proh dolor! in his omnibus haud metuebant offendere. Et ecce subito eisdem prosperitatis temporibus animositas dirissimarum gentium commota, Dei offensionis iram in diuersas vindicatura prouincias intentione truculenta, Vandalorum multitudo properanter accelerat. Subuersis multarum munitionibus urbium, gladioque interemptis vtriusque sexus progenitoribus cum filiis, non aliam dignitatis gloriam, non aliud aliquid in temporalibus lucris tam desideranter concupiscere cernebatur, quàm humanum haurire ac fundere sanguinem, & Christianorum duntaxat sitire interuersionem. Sub huius verò

tempestatis turbinem, gloriosi renitebant in Galliis inter Episcopos viri, sanctissimus Remorum præsul Nicasius, & beatissimus Aurelianensium pontifex Anianus: sanctus quoque Lupus Treassinus, & beatus Seruatius Tungrensis Antistes, alique nonnulli virtutibus insignes: qui hanc indignationis Dei suis meritis ac precibus iram diu differre certauerunt, vt omnibus hæresibus & prauitatibus populi restinctis, ad Catholicam religionem & verum Dei cultum per pœnitentiam reuocarent; ac tantæ persecutionis & diuinæ animaduersionis gladium ab Ecclesiæ ceruicibus auocarent. Sed proh nefas! *Impius*, vt scriptum est, *cum in profundum peccatorum venerit, contemnet*, salutaribus eorum præceptis nullatenus obtemperabant. At vir beatissimus Nicasius præsul instantibus studiis, continuisque doctrinis ac precibus, populum Dei ad pœnitentiam seu patientiam & triumphum martyrij prouocabat: vt quos incauta prosperitas ad offensionis impulerat foueam, aduersitatis deuota tolerantia non iudicium damnationis, sed gratiam purgationis, causamque sa-

lutis efficeret. Interea castra metantur
agmina Vandalorum circa urbē Remo-
rum, vniuersaque regione depopulata,
neces tantum inibi habitantium feruen-
tissime pertractantes Christianorum,
hos veluti Deorum suorum inimicos,
& moribus paganorum contrarios in-
terimere, penitusque de terra delere am-
biebant. Beatus itaque Nicasius animam
suam pro fratribus, Christi sequens ex-
emplum, ponere paratus, sibi que com-
missum nullatenus omittere gregem,
prorsus instituit, aut cum eis pariter vi-
uere, aut pariter quod eos paterfami-
liās perpeti vellent sufferre, ne fugiendo
Christi videretur, sine quo non possunt
homines vel viuere, vel Christiani fieri,
deferere ministerium. Vnde & iuxta bea-
ti Augustini sententiam, maiorem cari-
tatis reperit fructum, quàm qui non pro-
pter fratres, sed propter seipsum fugiens
atque comprehensus non negauit Chri-
stum, suscepitque martyrium. Metuebat
enim potius Antistes sanctissimus, ne se
deserente lapides viui extinguerentur;
quàm ne lapides & ligna terrenorum æ-
dificiorum se præsente incenderentur.

Magis timens ne destituta Christi corporis membra spiritali victu necarentur, quàm ne membra corporis sui hostili oppressa impetu torquerentur. paratus ad vtrumque; vt si non posset hic calix transire, fieret voluntas eius, qui mali aliquid non potest velle. Nec requirebat quæ sua sunt, sed imitans eum qui dixit, non quæro quod mihi vtile est, sed quod multis, vt salui fiant. Et ne magis fugiendo obesset exemplo, quàm viuendo prodesset officio, nulla ratione consensit esse fugiendum. Neque temporalem mortem, quæ quandòque ventura est etiamsi caueatur, sed æternam, quæ potest si non caueatur venire, & potest si caueatur etiam non venire, formidans. Non sibi placens, nec personam suam in tantis periculis fuga digniorem, vt potest gratia excellentem, iudicans, ne ministerium in his maximè periculis necessarium ac debitum subtraheretur Ecclesiæ. non vt mercenarius videns lupum venientem, dimissis ouibus fugit, sed vt pastor bonus pro grege sibi credito animam paratissimus obtulit: & quod melius agendum inuenire potuit; sedulas ad dominum

num pro se suisque fundere preces elegit. Fatigatis igitur tandem praeliatoribus impugnatione continua, excubiis & inedia, furentibusque circumquaque hostibus, ac fortiter bello concutientibus urbem, nimio terroris radio ciuitas vniuersa perculsa, ad sanctissimum Nicasium in orationibus prostratum decurrunt, futuram paganorum victoriam pertimescentes, & auxilium consolationis ab eo velut à patre filij requirentes. Interrogant quid vtilius consilij faciendum decernat, aut seruituti sese gentium tradere, aut ad mortem vsque pro salute vrbs dimicare. Beatus autem Nicasius coelitus diuina præsciens reuelatione Remorum subuertendam ciuitatem, consolans eos, infatigabiliter Domini supplicabat clementiæ, quatenus hæc tribulatio mortis temporariæ, non ad iudicium, sed ad indulgentiam persistentibus in vera fidei confessione proficeret: pro animæ pugnare salute, non armis visibilibus, sed probis docens moribus: non corporaliû fiducia vitium, sed spiritualium exercitatione virtutum. Hanc supernam iusto Dei iudicio peccantium sceleribus exci-

FLODOARDI HIST.

ratam demonstrans indignationem: certum salutis id prædicans esse consilium, si ad diuina compuncti flagella conuerterent animum; suscipientes hæc non inuiti aut desperantes, vt iniquitatis filij: quin patientes ac mansueti, ceu filij pietatis, promissa regni cœlestis præmia percepturi. Exhortans eos, spe salutis æternæ præsentem deuotissimè sufferre tribulationem; vltroque seipsos ad hanc offerre momentaneam necē, quo debitam reatibus perpetuæ damnationis euadere mererentur vltionē, quatenus eis mors præsens non supplicium, sed animarum fieret perenne remedium. Pro inimicis eos etiam admonens exorare, vt tandem aliquando resipiscerent ab iniquitatibus suis, & qui ministri tunc videbantur impietatis, possent cultores nonnunquam pietatis, sectatorēsque fieri veritatis. Seipsum esse paratum depromens, vt bonum decet pastorem, pro ouibus animam ponere, præsentēque vitam contemnere, quatenus ipsi peccatorum veniam & salutem secum mererentur æternam percipere. Aderat etiam germana sua beata Eutropia, virgo Christi sacratissima, quæ

ob castitatis munitionem sanctissimum
 semper imitando & adhærendo sequeba-
 tur Episcopum, vt & ab spiritualibus alie-
 na nequitia à Domino seruaretur puritas
 mentis; & à carnalium corruptione de-
 lectationum tegeretur immunis integri-
 tas corporis. Ambo itaque plebem Dei
 pro viribus ad coronam martyrij piis ex-
 hortationibus animabant; & agonem vi-
 ctoriae suae Domino precibus commen-
 dabant. Dei tandem decreto iudicio, ir-
 ruptionis die, dum paganorum furibun-
 dum beatus praesul Nicasius irruere com-
 perit impetum, sancti Spiritus virtute ro-
 boratus, alma comitate sorore, cum hym-
 nis & canticis spiritualibus, ad ostium
 Basilicae S. Dei genitricis Mariae, quam
 ab eodem in huius urbis arce fundatam
 memorauimus, traditur occurrisse. Dum-
 que diuinæ deditus psalmodiae, versum
 domino Dauidicum pia voce decantat
 inquiens: *Adhaesit pavimento anima mea,*
mox insequente gladio cervicem caesi
verbum pietatis ab ore non defecit, ca-
pite in terram cadente immortalitatis, vt
traditur, sententiam profecuto, Vniifica
me Domine secundum verbum tuum, in se-

FLODOARDI HIST.

rendo. Sancta verò Eutropia videns impietatem circa se quasi mitigatam, & pulchritudinem suam ceu paganorum litibus reseruata, super eundem sacerdotis interfectorem insiliens, magnòque clamore increpitans, & ad martyrij sui bellum prouocans, sacrilegi alapa faciem percussi oculos, diuini numinis virtute euulsos, in terram proditur effudisse. Quæ mox insanientium ferro iugulata, sacro fuso sanguine palmam victoriæ suæ cum germano suo Pontifice Christi, cæterisque triumphatoribus sanctis adipisci meruit. Fuere siquidem nonnulli, tam ex clero, quàm ex laicali cœtu, constantiæ huius sectatores ac comites: qui per præsentis tolerantia participationem, æternæ beatitudinis cum hoc beatissimo patre suo consequi certauere communicationem. Inter quos Florentius Diaconus, & beatus Iocundus extitisse clarissimi referuntur: quorû capita Remis, post altare sanctæ Dei genitricis Mariæ, tumultata seruantur. Barbaros igitur de constantia virginis, & profani spiculatoris subitanea multatione stupefactos, expleta cæde, sacro

inundante cruore, terribilis omnes horror inuasit, quasi cœlestes acies dimicantes, tanti sceleris vindices aspicientes: ipsa quoque horrendo reboante basilica sonitu. Relictis ergo passim spoliis territa Vvandalorum agmina, dum diuinam metuunt ultionem, irreuocabiliter per diuersa fugientes, inuasam trepidi deserunt ciuitatem. Qua diu sic manente solitaria, Christianis, qui ad munitiones montium fugerant, incursiones paganorum trepidantibus; paganis verò cœlestes, quos ibi pertulerant, horrores pertimescentibus; sub diuina duntaxat, Angelicâque custodia, sanctorum seruantur inibi Martyrum corpora: ita vt in noctibus à longè cœlestia cernerentur lumina, & suauissimi fidereis supernarum soni virtutum choris dulciter reboantibus, audirentur à nonnullis carmina. Vnde & cœlestis victoriæ reuelatione confortati tandem conciues, qui ad sepelienda Sanctorum corpora diuina remanserant prouidentia, cum precum votis ad urbem regredientes, inæstimabilem suauitatis odorem, vbi sanctorum decorabantur funera, hauriunt: gaudióque permiscentes

gemitum, lacrymosis Dominum laudibus magnificant, & ad tumultandum sacra se præparantes pignera; congruis ex circa ciuitatem locis veneranter recondunt. Beatissimi verò Nicasij Præsulis, ac fororis eius, sacratissima sollemniter in cameterio sancti Agricolaë, templo quondam à Iouino Christianissimo Romanæ militiæ Magistro longè scilicet ante fundato, magnificèque decorato collocant membra: vt appareat instinctu diuinæ procurationis ad celebritatis istorum dignitatem magis, quàm ad primæ præparatû fuisse conditionis auctoritatem. Hanc autem basilicam præfatus vir Iouinus his versibus aureo prætitulauit decore.

*Felix militiæ sumpsit deuota Iouinus
Cingula, virtutum culmen prouectus in altû:
Bisq. datus meritis equitû, peditûq. Magister.
Extulit æternum sæclorum in sæcula nomen.
Sed pietate graui tanta hæc præconia vincit,
Insignesque triumphos religione dicauit.
Vt quem fama dabat, rebus superaret honore.
Et vitam factis posset sperare perennem.
Conscijs hic sancto manantis fonte salutis,
Sedem viuacem moribus disponere membris,*

Corporis hospitium latus metator adornat.

Reddendos vitae saluari prouidet artus.

Omnipotens Christus iudex venerabilis atq.

Terribilis, pie, longanimis, spes fida precantū,

Nobilis eximios famulis non imputat actus.

Plus iusto fidei ac pietatis præmia vincāt.

Vbi postea quam sunt horum de-
posita sanctorum Martyrum corpora,
innumerabilibus eadem Ecclesia con-
stat miraculorum signis redimita. vt &
eorum meritis ac precibus multitudo
languentium recuperationis inibi perci-
piat alacritatem, & exemplis ipsorū plebs
ad cœlestē deuota discat properare sub-
limitatem. Meminit huius barbaricæ per-
secutionis beatus Hieronymus scribens Epist. xi
ad quandam adolescentulam viduam
Ageruchiam nobilem, & exhortans eam
de monogamia & perseuerantia viduita-
tis; ita memorando inter cætera. Innu-
merabiles & ferocissimæ nationes vniuersas
Gallias occuparunt. Quicquid inter Alpes &
Pyreneum est, quod Oceano & Rheno inclu-
ditur, Quadus, Vandalus, Sarmata, Alani, Ge-
pides, Heruli, Saxones, Burgūdiones, Alamāni,
& ô lugenda res publica! Hostes Pannonij

vastauerunt. Etenim Assur venit cum illis. Magontiacus, nobilis quondam ciuitas, capta atque subuersa est, & in Ecclesia multa millia hominum trucidata. Vangiones longa obsidione deleti. Remorum Vrbs præpotens, Ambiani, Atrabates, extremique hominum Morini, Tornacas, Nemetes, Argentoratus translata in Germaniam. Aquitania, Nouémque populorum, Lugdunensis, & Narbonensis Prouincia, præter paucas Vrbes, cuncta populata sunt, quas & ipsas foris gladius, intus vastat fames. &cet. In præfata denique Basilica beatus Remigius morandi traditur habuisse consuetudinem: quatenus sanctorum martyrum meritis, vt erat spiritu semper, ita proximus redderetur & corpore. Monstratur adhuc ædicula secus altare, vbi secretè Domino vacare, & inspectori summo beatissimæ speculationis hostias, turbis remotus popularibus, deuotissimè consueuerat immolare. Istuc enim intentus his degebat officiis, quando comperto vrbs incendio, cum diuinitatis inuocatione deproperans, Sanctorum fultus suffragio, lapidibus Ecclesiæ graduum deinceps expressa reliquit vestigia.

De miraculis ipsius Ecclesiae. Cap. VII.

DIVERSIS etiam multimoda clarificatione fertur hæc illustrata temporibus ædes. Sed nos vnum tantum, quod nostris ferè diebus actum, referentibus nostris qui interfuere patribus, agnouimus, propalandum putauimus. Solemnitas hyemali tempore præfatorum agebatur Martyrum, quæ solito XIX. Kal. Ianuarias celebrari consuevit. Ad cuius celebritatis vigilias fratres temperius exsurgentes, custodes ipsius Ecclesiæ dormientes, ostia quoque diligenter obserata reperiunt. Quæ diutius obterendo pulsantes, dum neminem responsa dantem deintus accipiunt, domum Presbyteri petunt, portamque crebris incutientes ictibus, & tecta lapidibus verberantes, ubi nullum sibi qui pandat excitare præualent, templi ianuam repetunt: quam sponte patentem reperientes, accensa luminaria cuncta vident: sed auctorem facti neminem intus aspiciunt. Sicque post orationem, Christo gratias agentes, nocturnas ineunt laudes. Quibus iam magna

parte decursis , ad horum voces Presbyter excitatur , rem cum suis admiratus: hymnos dicturus cum ceteris stupefactus approperat. Nullúmque demum accensionis huius vel refectionis reperire queunt administratorem , nisi summum duntaxat diuini muneris largitorem; qui Sanctorum suorum iugi mirorum splendore propagare non desistit honorem. Huius autem beati Pontificis & Martyris' pignora quædam Nouiomagensium Episcopus quidam obtenta suam pertulit ad ciuitatem. Quæ tam apud Nouiomum, quàm & apud Tornacum castrum, vbi nunc quoque seruari perhibentur, claris multisque referuntur illustrata miraculis. Postea verò cætera corporis eiusdem martyris Fulco Archiepiscopus , simul cum corpore beatæ sororis eius Eutropiæ, intra Remensis transuexit moenia; retróque post altare sanctæ Dei genitricis Mariæ, vbi ea modo veneramur, iuxta beati Pape Callisti membra debita recondidit reuerentia.

*De sancto Oriculo & sororibus eius.**Cap. VIII.*

SV B eadem Vandalorum vel Hun-
 norum persecutione, quidam Dei ser-
 nus Oriculus nomine Deo vacabat, cum
 sororibus suis Oricula & Basilica, in hoc
 eodem Episcopatu Remēsi, in pago Dul-
 cumensi, vico Sinduno, in Ecclesia quam
 construxerat: vbi fertur quoque perem-
 ptus à Barbaris cum prædictis sororibus
 suis. Traditur etiam caput suum, postquā
 decollatus est, ipse in quodam fonte la-
 uisse: de sanguine quoque suo signū cru-
 cis, quod adhuc manifestè apparere di-
 citur, in quadam petra digito figurasse
 suo: & proprium manibus caput ferens,
 sepulcrum, quod sibi condiderat, expe-
 tisse. Ad quod multa miracula referuntur
 ostensa. Erat olim quidā rusticus ibi ma-
 nens: cui reuelatio in somnis facta est, vt
 fontem, de quo caput sibi sanctus Dei,
 ceu diximus, lauerat, tecto cooperiret.
 Qui postquam bis admonitus id facere
 distulit, in infirmitatem decidit, in qua in-
 tegro anno ægrotans decubauit. Post

hæc votis, vt iussa compleret, promissis conualuit, & fontem ligneis tabulis circumdans operuit. Ex quo fonte potantes à diuersis multi curantur languoribus. Presbyter eiusdem loci, nomine Betto, balneum ex ipsius puteo, quem infra Ecclesiam hic sanctus Martyr edidisse traditur, sibi parari præcepit. Quo postquam ablutus est balneo, sic elanguit, vt vsque ad anni terminum ægrotus iacuisse, nec adhuc perfectè postea reuiguisse constiterit. Quorum Sanctorum corpora vno dudum sarcofago recondita, tempore Seulsi Archiepiscopi leuantur è terra, humo prius sponte patefacta, & loculo, in quo iacebant, vltro sursum mirabiliter eleuato.

De successoribus beati Nicasij. Cap. IX.

Post præmemoratam Vandalorum discessionem, beato Nicasio Baruc Episcopali sede traditur successisse. quem Barucius, inde Barnabas subsequuti feruntur: tum Bennadius, cuius tamen Benagius nomen in testamento suo propria ipsius manu, velut inibi legitur,

perscripto reperitur charaxatum. Huius enim ipse testamenti auctoritate, rerum suarum heredem Remensem fecit Ecclesiam, cum fratris sui filio, quem in sacro fonte sub gratiae sempiternae traditione se commemorat suscepisse. Inter cetera verò, vas argenteum, ab antecessore suo sanctae recordationis Episcopo Barnaba sibi, ut meminit, testamento collatum, Ecclesiae suae delegat heredi: quod ad ipsius ornamentum, cum illud proprios distrahere potuisset in usus, se asserit reseruasse. Deputat & solidos xx. ad eiusdem Ecclesiae reparationem, cum agellis & syluis. Presbyteris ipsius Ecclesiae solidos viii. Diaconibus sol. iv. ad captiuos sol. xx. subdiaconibus sol. ii. lectoribus sol. i. ostiariis & exorcistis sol. i. Sanctimonialibus & viduis in matricula positis sol. iii. Heredem suam subinferendo alloquens Ecclesiam, ut in se ducat esse collatum, quicquid presbyteris, diaconibus, ac diuersis clericorum scholis, captiuis quoque & pauperibus pro refrigerio sui fuisset in commemoratione deuotum,

PRæfacto Bennagio beatissimus succedens Remigius, imbuendis ad fidem præfulgidum surrexit lumen gentibus. Quem diuina pietas, vt Fortunatus quoque poeta noster asserit, nō solum priusquam nasceretur, sed & antequam conciperetur elegit. In tantum vt Montanus quidam monachus, dum leuissimo sopore quiesceret, tertio fuisset admonitione pulsatus, vt matri suæ benedictæ Cilinæ, quod masculum conceptura esset, veridica relatione prædiceret, & nomen eius vel meritum designaret. Hic itaque Montanus in reclusione solitariam vitam ducens, ieiuniis, vigiliis, & orationibus assiduè vacans, cæterarum quoque virtutum insignibus diuinitati se commendabilem reddens, dum supernam Christi clementiam pro pace sanctæ ipsius Ecclesiæ, quæ variis apud Galliarum prouincias vexabatur afflictionibus, indefessis precibus exoraret; vbi quadam nocte carnis compellente fragilitate membra permittit sopori quiete

reparanda, Angelicis subito per diuinam gratiam chorus, sanctarumque sibi videtur animarum cœtibus interesse; celeberrimum quoque haurire colloquium, eosque de Gallicanæ deiectione vel restitutione Ecclesiæ conferentes, & quia iam tempus esset miserendi eius, percensentes audire. Interea vocem à superioribus atque secretioribus suauissimè intonantem excipit, quòd Dominus de excelso sancto suo prospexerit, de cœlo in terram aspexerit, vt audiret gemitus compeditorum, vt solueret filios interemptorum, vt annuntietur nomen eius in gentibus, in conuenièdo populos in vnum & reges, vt seruiant ei. Et quòd Cilinia concipiens filium pareret, nomine Remigium, cui saluandus foret populus committendus. Vir igitur iste venerabilis, tanto percepto solamine, post tertiam diuinæ super his præceptionis admonitionem, visionis æthereæ nuntiat oraculum Ciliniæ. Hac autem beata genitrix in flore dudum iuuentutis, ex vñico viro suo Aemilio pepererat Principium, Suefforum ciuitatis postea sanctum Episcopum, & patrem bea-

FLODOARDI HIST.

ti Lupi eiusdem Principij successoris. Mirari beata Cilinia, vt pote iam prouecta, quonam pacto sit anus paritura, vel sobolem lactatura. Et quia tam vir eius quàm ipsa diebus iam multis processerant effœti, & carne infœcundi, nec spes eis vlteriùs procreandi, nec appetitus inerat pignoris. Beatus verò Montanus, vt meritùs accresceret patientiæ, corporaliū frustratus oculorum ad tempus extiterat lumine. Qui dictis vt fidem faceret, oculos sibi lacte ipsius asserit perungendos, moxque lumen amissum pueri sibi fotu recipiendum. Gaudis ergo de tanta consolatione parentibus, concipitur futurus Christi Pontifex : cuius adminiculante gratia feliciter editus, nomē sacro sumit è fonte Remigius. In cuius lactatione promissum pridem vati gaudium veraciter adimpletur, dum eius oculis beatæ matris illius lacte tactis, lumen olim perditum reparatur. Ortus est autem puer iste, præconiis declaratus antequam natus, in pago Laudunensi, alto parentum sanguine, iam tamen senum, diuque steriliū resplendens, insignè mirificatus in ortu, qui magnificè disponebatur

disponebatur mirificandus in actu. Nomen illi dignè diuina imponitur iussione Remigius; vt pote qui Ecclesiam Dei, specialiterque Remorum, in huius fluctuantis vitæ salo remis erat doctrinæ rector; & ad portum salutis æternæ meritis & orationibus perducturus. Remedium tamen eum fuisse vocatum, in veteribus quibusdā reperitur scriptis. quod & merita vel acta ipsius attendentes ritè crederemus; nisi gestis emendatioribus oraculo illum diuino Remigium nuncupari debere cognosceremus. In versibus etiam ab eo compositis, & eius præcepto in vase quodam per eundem Deo dicato sculptis, ita lectum asseritur:

*Hauriat hinc populus vitam de sanguine sacro,
Inieceto æternus quem fudit vulnere Christus.
Remigius reddit Domino sua vota sacerdos.*

Quod vas vsque ad moderna tempora perdurauit; donec fufum Nordmannis dudum in redemptionem datum est Christianorum. Huius beatissimi Remigij nutrix beata Balsamia fuisse traditur: quæ mater extitisse sancti Celsini memoratur. Qui & ipse beati Remigij discipulus fuisse familiaris asseritur:

miraculis quoque postmodum claruisse
dinoscitur, & æquorum maximè votis
adhuc insignis habetur. in cuius & ipsa
beata genitrix eiusdem requiescit Eccle-
sia. Traditus à parentibus scholæ beatus
Remigius litteris imbuendus, breui coæ-
uis, sed & natu maioribus doctrina emi-
nentior est effectus. Cunctos superans
condiscipulos morum maturitate, ac be-
niuolentiæ caritate: populorum studens
turbas vitare, atque solitarius in reclusio-
ne Domino deferuire. quod & obtinuit:
habitæque sanctæ conuersationis studiis
pius adolescens inclusione, Lauduni
Christo militauit.

*De ordinatione ipsius ad Episcopatum
Remensem. Cap. XI.*

A St vbi vigesimum secundum ætatis
subiit annum, defuncto præfato ve-
nerabili Bennadio Archiepiscopo, in hac
vrbe Remensi omnium generaliter vo-
tis ad apicem pontificatus, non tam ele-
ctus, quàm raptus fuisse dignoscitur. Fuit
siquidem populi concursus, diuersi qui-
dem sexus, conditionis, dignitatis, &

ætatis, vna eadēque sententia, hunc verè Deo dignum, & qui populis præfici deberet, acclamantis. Sanctissimus igitur adolescens his depressus angustiis; quoniam nec fugæ locus ei vspiciam patebat, nec populo, vt ab intentione cœpta desisteret, vllō modo satisfacere poterat; super ætatis infirmæ cœpit conqueri tempore, & quòd Ecclesiastica regula hanc ætatem ad tantam non admitteret dignitatem, voce publica prædicare. Sed cùm irreuocabiliter populi adclamaret frequentia, & vir Dei magna reniteretur constantia; placuit omnipotenti Deo manifestissimis indiciis propalare, quod ipse de eo iudicium dignabatur habere. Traditur enim cœlestis radij lumen super ipsius sanctum subitò descendisse verticem, & cum ipso lumine cœlitus eius infusum capiti vnguinis diuini liquorem; cuius sacri nectaris eiusdem totum videretur caput infusione delibutum. Omni ergo posthabita dubitatione, Præsulum Remensis vnanimitate Prouinciæ, Pontificali consecratur benedictione. Ad quod officium mirificè mox deuotus &

& aptissimus apparuit exequendum: largus in eleemosynis, sedulus in vigiliis, attentus in orationibus, in humanitate profusus, in caritate perfectus, in doctrina præcipuus, in conuersatione sanctissimus. Mentis purissimæ sinceritatem pij vultus præferebat alacritate, clementissimique cordis benignitatem sermonis indicabat tranquillitate. Salutis æternæ munia non minus implens opere, quàm edocens prædicatione: reuerendus aspectu, venerandus incessu, metuentus seueritate, amplectendus benignitate. Censuram distractionis permixtione temperabat mansuetudinis. Minari quidem frontis videbatur austeritas, sed cordis blandiebatur serenitas: vt erga deuotos Petrus appareret in vultu, contra delinquentes Paulus videretur in spiritu. Sicque gratiarum diuersitate in vnum conueniente, illius pietatis, huius erat imitator auctoritatis. Neglector quietis, refuga voluptatis, appetitor laboris patiens abiectionis, impatiens honoris. Pauper in pecunia, diues in conscientia: humilis ad merita, superbus ad vitia. Et vt ante nos de ipso prædicatum

legitur, sic in se diuersas excoluit gratiarum virtutes, vt vix ita pauci tenerent singulas, quomodo ille impleuit vniuersas. Semper in sancti operis exercitio, semper in compunctionis affectu. Nulla illi ex omnibus propensior cura, nisi aut de Deo in lectione atque sermone, aut cum Deo in oratione loqui. Sicque attenuato continuatis ieiuniis corpore, de persecutore certabat inimico iugi triumphare martyrio. Inter hæc tamen omnia, intendebat vir beatissimus, vt etiam ab aliis de ipso iamdudum prædicatum legitur, iactantiam virtutū fugere, in quo nō poterat gratia celsa latere. Præminebat enim in admirationem omniū, veluti ciuitas supra montis verticem sita: nec sub modio voluit Dominus hanc oculi lucernam, quam supra candelabri constituerat eminentiam: igne diuinæ tribuens eam caritatis ardere, claræque splendorum Ecclesiæ suæ virtutum lumina ministrare.

De diuersis ab eo patratis miraculis, & de doctrina ipsius. Cap. XII.

AD cuius sanctitatis innocentiam non solum rationabilium, sed etiam

irrationabilium consueverant agrestia corda mansuescere. adeò ut inter domesticos secretius cum contigisset habere conuiuium, & delectaretur in hilaritate carorum, passeret ad eum sine trepidatione descenderent, & mensæ reliquias ab eius manu colligerent: discederent alij saturi, accederent alij saturandi. Quod ab eodem nequaquam iactantia propagabatur meritorum; sed id Dominus agi certa disposuerat utilitate conuiuatium: ut hoc, aliisque frequentissimis per hunc Christi famulum visis miraculis, sese dominicis frequentius studerent mancipare seruitiis.

Hic vir beatissimus cum ex more quodam tempore pastoralis sollicitudine parochias circumiret, ut si negligeret aliquid in diuinis cultibus ageretur, fidelis Christi seruus agnosceret, in vicum Calmiciacum nomine ipsius accessit studij deuotione. ubi dum quidam cæcus ab eo misericordiæ postulasset opem, cœpit qua dudum captus extiterat infestatione dæmonis, vexatione torqueri corporis. Tunc sanctus Remigius in oratione, qua Deo semper sancta intentione vacabat, corporea se deiectione prostrauit:

statimque pristinū cæco lumē redhibens,
immūdi quoque pestē spiritus effugauit;
triplici remedio victu solans egenū, mu-
nerans visu cōtectum, restituens liberta-
ti captiuum.

Alio quoque tempore dum pontifi-
cali sollicitudine parrochiam peragraret,
rogatus à quadam sobrina sua, nomine
Celsa, Deo sacrata, villam ipsius voca-
bulo Celtum adiit. Ibi dum beatus vir
spiritualibus colloquiis vitæ propinat ho-
spiti de more pocula, minister præfatæ
Celsæ vini sufficientiam dominæ suæ
nuntiat non adesse. Re huiuscemodi co-
gnita, sanctus Remigius hanc hilari con-
solatur vultu, & post blanda verbi so-
lamina eiusdem sibi domus ostendi
præcepit habitacula. Sicque de industria
prius perlustrans cætera, tandem ad cel-
lam peruenit vinariam. quam sibi fa-
ciens aperiri, rogat si fortè remanserat
in aliquo vasorum quippiam vini, & de-
signato sibi vase, in quo tantillum vini,
pro saluādo scilicet eodem, relictum fue-
rat, claudi præcepit ostium, iussuque
consistere loco cellararium, ipse verò
ad alteram accedens vasis frontem, super

idem, quod erat non modicæ quantita-
tis, Christi annotat crucem, flectens-
que genua secus parietem, cœlo deu-
tam dirigit precem. Cœpit interea, mi-
rum dictu, vinum per foramen superius
exundare, supra pauimentum abundan-
ter effluere. Exclamat hoc viso Cellara-
rius stupore perculsus: sed mox à sancto
viro repressus, ne id palàm faciat inhibe-
tur. At quia tam clari lumen operis mi-
nimè valuit abscondi; vbi consobrina sua
factum comperit, eandem villam ipsi &
Ecclesiæ ipsius perpetim possidendam
tradidit, ac legali iure confirmavit.

Huic simile ferme miraculum ab eo-
dem domno Remigio in olei fertur li-
quore patratum. cùm ægrotus quidā fa-
miliæ non ignobilis, nec tamen baptiza-
tus, à sancto Remigio se visitari postulas-
set, & iam velut in vltimo spiritu se cre-
dere fateretur, & baptizari deposceret,
beatus pontifex à Presbytero loci oleum
& chrisma requirens, iamque penitus in
ampullis vtrumque defecisse comperiēs,
ipsas ampullas penè vacuas super altare
posuit, ac sese in oratione prostravit. Sur-

gens autem ab oratione vascula plena reperit: & sic infirmum oleo diuinitus dato perungens, Ecclesiastico de more baptizauit, & chrismate cœlitus liniuit, redditaque sanitate, tam animæ salute quàm corporis incolumitate donauit.

Humani denique generis hostis ostendere nequitiam non desistens suæ malignitatis, urbem Remorum surgentibus flammarum subito globis immissione dira succendit, crudelique vastatione iam partem ferè tertiam concrematio peracta consumpserat, & quod residuum erat victrix lambebat. Cuius rei nuncium beatus Antistes accipiens, ad solita sese confert oratione præsidia, & in beati Nicasijs martyris basilica, vbi tunc temporis morandi consuetudinem fecerat, Christi prostratus exposcit suffragia. Surgensque ab oratione oculos ad cœlum attollit, & exclamans cum gemitu ait, Deus Deus meus, adesto voci meæ. Sicque cursu concito per gradus ante ipsam lapidibus stratos Ecclesiam descendens, ciuitatem petiit. In quibus graduum lapidibus, ac si supra molle lutum depressa, hodièque

ad memoriam diuini miraculi signata vi-
suntur vestigia. Celeri deniq; festinatione deproperans se flammis obiecit. statimque vt extensa contra ignem dextera signum crucis cum inuocatione Christi nominis edidit, totum illud incendium fracta & in sese relisa virtute cedere, atque ante viri Dei præsentiā quasi fugere cœpit. Quod beatus Remigius inse-
quens, & se inter ignem, & ea quæ adhuc videbantur intacta, cum signo sanctitatis opponens, hanc omnem flammarum immanitatem ante se fugientē per patētem portam, fultus diuinæ potentia præsidiis, expulit, & eandem portam clausit; vtque nunquam aperiretur ab aliquo, cum interminatione vindictæ in eum qui vetita hæc præsumpsisset, inhibuit. Post aliquot verò annos ciuis quidam, nomine Fercin-
ctus, secus ipsam portam commanens, maceriem, qua eadem porta fuerat ob-
structa, vt suæ domus hinc eiiceret rude-
ra, perforauit. Sed mox ultio tanta fertur eius audaciam consecuta, vt non pecus, nec homo, clade superueniente in eadem remanserit domo.

Quædam puella, præclaris ab vrbe To-

losa natalibus orta, maligni spiritus ab infantia tenebatur obsidione captiua. Quā cū tenero genitores amore diligerent, ad sepulcrum sancti Petri Apostoli cum magna deuotione duxerunt. In eisdem namque partibus enitebat tūc virtute venerabilis Benedictus, plurimis effulgens virtutibus. Cuius comperta fama, puellæ parentes, hanc ad eundem perducere satagunt. Qui multis ieiuniis & orationibus pro ipsius emundatione laborans, cū diri serpentis virus ab ea non valuisset eiicere, hoc tantū responsi nominis diuini obtestatione ab antiquo extorquere potuit hoste, quod nunquam alterius de eodem habitaculo, nisi huius beatissimi Remigij Pontificis orationibus, posset expelli. Tunc parentes eius tam ipsius beati Benedicti, quā etiam Gothorum Regis Alarici affatibus suffragati, eorūque litteris ad beatum Remigiū datis, vt traditur, freti, ad eundem sanctum Antistitem cum deuincta sobole peruenerunt, virtutem deprecantes eius in purgatione prolis agnoscere, quam latronis iam præsciuerant confessione. At beatissimus Re-

migius cum diuturna relictatione se non
 esse dignum assereret, & humilitate so-
 lita repugnaret, precibus est populi sup-
 plicantis euictus, vt orationem pro ipsa
 funderet, ac parentum lacrymis con-
 doleret. Meritis itaque sanctitatis arma-
 tus, verbi præcepit imperio, vt iniquus
 prædo per quod ingressus fuerat disce-
 dens, Christi famulam relaxaret. Sicque
 cum nimio vomitu, & obscæno fœtore,
 per os, quo fuerat intromissus, abscessit.
 Sed paulo pòst recedente Pontifice, dum
 nimio labore fessa nutaret, vitæ calore
 priuata spiritum vitalem amisit. Itera-
 tis ergo precibus turba supplicantum re-
 currit ad medicum. Beatus autem Re-
 migius se potius accusat facinus perpe-
 trasse, quàm sanitatis remedium indul-
 disse, homicidii que reum extitisse, non
 remedium contulisse. Igitur ad sancti
 Ioannis basilicam, vbi corpus iacebat
 exanime, populi obtentus deprecatione
 regreditur: ibique cum lacrymis ad pau-
 menta Sanctorum in oratione prosterni-
 tur, & reliquos vt ita facerent adhorta-
 tur. Hinc effuso lacrymarum imbree con-
 surgens, suscitauit mortuam, quam prius

purgarat obfessam. Quæ protinus apprehensa manu Pontificis, cum integra incolumitate surrexit, & ad propria feliciter remeavit.

Cuius verò doctrinæ, cuius sanctitatis atque sapientiæ beatissimus hic pater nitore radiauerit, opera testantur ipsius. quia vera procul dubio sapientia esse dinoscitur, quæ operum exhibitione, velut arbor fructibus, approbatur. Testatur gens Francica per eum ad fidem Christi conuersa, & baptismi sanctificatione consecrata. Testantur diuersa prudentissimè ab ipso tam facta, quàm prædicata. Testantur diuersæ ipsius personæ temporis. Ex quibus Sidonij Aruernorum Episcopi, viri eruditissimi, & tam genere, quàm religione ac sermone clarissimi epistolam huic beatissimo Pontifici directam inserere placuit.

SIDONIVS DOMNO PAPAE
REMIGIO S. *Quidam ab Aruernis Belgicam petens (persona mihi cognita est, causa incognita, nec refert) postquam Remos aduenerat, scribam tuum siue bibliopolam pretio, fors fuit, officiùe demeritum, copiosissimo, velis, nolis, declamationum tuarum schedio emunxit. Qui*

redux nobis, atque oppidò gloriabundus, quippe perceptis tot voluminibus, quæcunque detulerat, quamquam mercari paratis, quod ciuis, nec erat iniustum, pro munere ingessit. Curæ mihi è vestigio fuit, hisque qui student, cum meritò lecturiremus, plurima tenere, cuncta transcribere.

Omniū assensu pronunciatum, paucos nunc posse similia dictare. Etenim rarus aut nullus est, cui meditaturo par assistat dispositio per causas, positio per literas, compositio per syllabas. Ad hoc opportunitas in exemplis, fides in testimoniis, proprietas in epithetis, Urbanitas in figuris, virtus in argumentis, pondus in sensibus, flumen in verbis, fulmen in clausulis. Structura vero fortis & firma, coniunctionūque perfacetarum nexa cæsuris insolubilibus. Sed nec minus hinc lubrica & lenis, ac modis omnibus erotundata; quæque lectoris linguam inoffensam decenter expediat; ne salebrosas passa iuncturas, per cameram palati volutata balbutiat. Tota denique liquida prorsus & ductilis. Veluti cum crystallinas crustas, aut onychintinas non impacto digitus ungue perlabitur: quippè si nihil eum rimosis obicibus exceptum tenax fractura remoretur. Quid plura? non extat ad præsens viui hominis oratio, quam peritia tua non sine labore transgredi queat, ac superuadere. Vnde prope su-

spicor, domine Papa, propter eloquium exundans atque ineffabile, venia sit dicto, te superbi-
re. Sed licet bono fulgeas, vt consciētia, sic dictio-
nis ordinatissimæ; nos tamen tibi minimè sumus
refugiendi, qui bene scripta laudamus, & si lau-
danda non scribimus. Quocirca desine in poste-
rum nostra declinare iudicia, quæ nihil mordax,
nihil quoque minantur increpatorium. Alioquin
si distuleris nostram sterilitatem facundis fœ-
cundare colloquiis, aucupabimur nundinas inuo-
lantum, & vltro scrinia tua, conniuentibus
nobis ac subornantibus, effraCTORUM manus
arguta populabitur. inchoabisque tunc frustra
moueri spoliatus furto, si nunc rogatus non mo-
ueris officio. Memoro nostri esse dignare domi-
ne Papa.

De conuersione Francorum. Cap. XIII.

CVIVS autem prudentiæ, quàm san-
cti studij noster hic pater ac pastor
almus extiterit; quàm fidelis & prudens
in eroganda domini sui pecunia vi-
guerit, Francorum, vt prætulimus, ab
idolis ad Deum verum facta per ipsum
probat conuersio. Qui Gallicas eo tem-
pore, transito Rheno, deprædabatur pro-

uincias , & Agrippinam iam Coloniam, quasdam quoque alias occupauerant Gallia ciuitates. At postquam rex ipsorū Clodoueus Syagrium Romanum quendam principem, qui Gallis tunc præerat , euicit atque peremit , omni pene Gallia dominari cœpit. Cōperta beatissimi gestorum fama Remigij, quòd scilicet enīteret virtute sanctitatis ac sapientiæ , miraculorum præclarus exhibitione, reuerbatur eum, & licet paganus diligebat tamen illum. Quo quondam secus urbem Remorum transitum faciente , à quibusdam militibus eius agminis ablata quædam Remensis Ecclesiæ vasa referuntur. Ea inter vrceus etiam magnus argenteus, & decora pulcritudine comptus. Pro quo beatus Remigius legatos ad eum direxisse traditur , vt illum saltem recipere mereretur. Ast vbi ad locum diuisionis prædæ ventum est, rogat suos , vt ipsum sibi dare ne renuant vrceum. Pluribus igitur annuētibus, quidā Francus bipenni percutiens vrceū, nihil hinc à rege nisi forte pertollendū proclamat. Obstupefactis hac temeritate ceteris, rex iniuriā

patienter ad tempus tolerans, apprehensum plurimis fauentibus vasculum Ecclesiastico reddidit misso, iram sub corde rectam reseruans. Peraçto denique anno cunctum sui exercitus apparatus solito prodire iubet in campum, vt armorum speculetur de more nitorem. Quem conuentum à Marte Martium vocare consueuerat. Rex ergo instructas circumiens ritè phalanges, ad eum qui dudum percusserat vrceum peruenit, spretisque ipsius armis eius tandem Franciscā proiecit in terram. Ad quam recipiendam inclinato militi rex in caput suam defigit bipennem, quam pridem in vase perpe-trauerat cum increpitationis acerbitate rememorans præsumptionem. Quo sic interempto, timor ingens regis super hac vltione cæterorū perstringit corda Francorum. At postquam Clodoueus Toringiam sibi prouinciam subiugauit, & regnum vel ditionem suam dilatauit, etiā Rothildim filiam Chilperici fratris Gundeaudi Burgundionum regis in matrimonium sumpsit. Quæ cum esset Christiana, & filios ex rege susceptos baptismo consecrari, marito quoque nolente,

fecisset , etiam virum ad Christi fidem perducere conabatur. Sed animum barbari mulier ad credendum flectere non valebat . Interea bellum Francis aduersus Alamannos accidit , & Francis cæde nimia corruentibus , rex ab Aureliano consiliario suo suadetur , vt credens in Christum , ipsumque regem regum & cœli ac terræ Deum confitens inuocet , qui ei victoriam pro velle possit conferre. Quod cùm fecisset , Christique suffragia iam deuotus expetisset , fiendumque se Christianum vouisset , si virtutem ipsius in capiendo victoriam experiri meruisset : post huius voti pollicitationem mox in fugam vertuntur Alamanni , regemque suum comperientes interfectum , Clodouei se subdunt ditioni. Quos ille sub iugo constituens tributarios reuertitur victor in sua , gaudium referens magnum reginæ , quòd ad inuocationem scilicet Christi nominis victoriam meruerit obtinere. Tunc regina beatum Remigium vocat , deprecans vt regi viam salutis ostendat. Quem sanctus sacerdos doctrina vitæ salutaris informans , ad baptismi commonet venire

sacramenta. Ille se populum super his exhortatum ire respondens, affari studet exercitum, ut Deos qui eis subuenire non poterant deserentes, ipsius cultum susci- perent, qui tam præclaram largitus eis victoriam fuerat. Conclamat multitudo, diuina se præueniente gratia, mortales se Deos relinquere, atque in Christum, qui sibi præsidio fuerat, credere. Nun- ciantur hæc sancto Remigio. Qui ma- gno repletus gaudio regem, populum- que, qualiter diabolo & operibus ac pompis ipsius abrenunciantes, Deum ve- rum credere debeant, instruere satagit: & quia Paschalis solemnitas imminebat, indicit eis ieiunium iuxta morem fide- lium.

Die verò passionis Dominicæ, pridie scilicet antequam baptismi gratiam per- cepturi erant, post hymnos precesque nocturnas, Præsul regium cubile petiit, ut absoluto curis sæcularibus rege, libe- riùs ei committere sacri valeret mysteria verbi. Quo reuerenter à cubiculariis admissio; rex prosiliens obuius alacriter occurrit, & oratorium beatissimi Apo- stolorum principis Petri, cubiculo regis

FLODOARDI HIST.

fortè contiguum, pariter ingrediuntur. Cúmque dispositis sedilibus Pontifex, rex, atque regina confedissent, intromissis quibusdam clericis, sed & aliquibus regi necessariis ac domesticis; & venerabilis pater regem monitis imbueret salutaribus; ad corroborandam salutiferam fidelis serui sui doctrinã, Dominus etiam visibiliter dignatus est ostendere sese fidelibus suis in nomine suo congregatis, vt promiserat semper adesse. Repente namque lux tam copiosa totam repleuit Ecclesiam, vt solis videretur euincere claritatem. mox cum luce vox facta est inquiring: Pax vobis, ego sum, nolite timere, manete in dilectione mea. Post quæ verba lux quæ aduenerat abscessit, sed ineffabilis odor suauitatis in eadem domo remansit: vt euidenter valeret agnoscí lucis, pacis, atq; piæ dulcedinis illuc auctorem venisse. Beatus etiam Præsul ex eodem lumine non modicum visus est vultus fulgorem traxisse. Rex igitur atque regina pedibus almi sacerdotis adstrati, cum magno pauore, ipsius requirunt consolationem audire, opere adimplere parati, quæ propalarentur ore patroni. Delectabantur etenim verbis

quæ audierant, interiùs illuminati quam viderant luce, licet exteriore territi luminis claritate. Sanctus autem pater supernæ repletus splendore sapientiæ, de cœlestis eos instruit visionis consuetudine: quæ aduentu quidem suo corda mortalium terret, sed timorem præcedentem subsequenti consolatione demulcet: ut quibus apparuit patribus, primùm quidem pauorem incusserit; at postea per pietatis gratiam lætitiæ blandimenta refuderit. Irradiatus quoque vir beatissimus Remigius, ut exteriùs veteris exemplo legislatoris, vultus illustratione, ita multoque magis interiùs diuini fulgoris illuminatione, spiritu prophetico quæ ipsis vel eorum forent euentura profapiæ, traditur prædixisse. Quomodo videlicet eorum posteritas regnum nobiliter esset propagatura; Ecclesiam quoque Christi sublimatura, Romanaque dignitate vel regno potitura, & victorias contra impetus aliarum gentium perceptura: si non à bono degenerantes salutis viam fortè relinquerent, & quibus Deus offenditur scelera consecrati, pestiferorū vitiorum laqueos incurrerent, quibus re-

gna subuerti, atque de gente solent in gentem transferri. A domo denique regis eundi ad baptisterium via præparatur. Vela, cortinæque appenduntur; hinc inde plateæ sternuntur; Ecclesiæ componitur baptisterium, balsamo, ceterisque odorientis aspergitur. Tantamque Dominus populo gratiam subministrabat, ut odoribus se paradisi refoueri gauderet. Sicque præcedentibus sacrosanctis Euangelis & crucibus, cum litanis, hymnis, & canticis spiritalibus, sanctus Pontifex manum tenens, regis, subsequente regina cum populo, ab aula pergit ad baptisterium: & inter eundum rex rogitalle fertur Episcopum, an id erat Dei quod sibi promiserat regnum. Non hoc, Præsul inquit, illud est regnum, sed initium viæ qua peruenitur ad ipsum. Vbi verò ad præparatum baptisterii peruentum est locum, clericus chrisma ferens à populo interceptus ad fontem pertinere penitus est impeditus. Sanctificato denique fonte nutu diuino chrisma defuit. Sanctus autem Pontifex oculis ad cælum porrectis tacite traditur orasse cum lacrymis. Et ecce subito columba

ceunix aduolat candida, rostro deferens
 ampullam, cælestis doni chrismate reple-
 tam: cuius odoris mirabili respersi ne-
 ctare, inæstimabili qui aderant, super
 omnia, quibus antea delectati fuerant,
 replentur suauitate. Accepta itaque san-
 ctus Præsul ampulla, postquam chrisma-
 te fontem conspersit, species mox co-
 lumbæ disparuit. Rex autem tantæ gra-
 tiæ conspecto miraculo lætus, actutum
 diaboli pōpis & operibus abnegatis, à re-
 uerēdo se petit Pontifice baptizari. Quo
 vitæ fontem perennis ingresso, beatus
 profatur Præsul ore facundo: *Mitis depone
 colla, Sicamber: adora quod incendisti, incende
 quod adorasti.* Sicque post orthodoxæ
 confessionem fidei trina tinctusmersione,
 diuino summæ, indiuiduæq; Trinitatis,
 Patris & Filij & Spiritus sãcti sub nomine,
 suscipitur ab eodem sancto Pontifice, di-
 uoque consecratur insignitus vngvine.
 Baptizantur sorores regis, Albofledis &
 Landehildis: simulque de Francorū ex-
 exercitu virorum tria millia, præter mulie-
 rum, paruulorumque nomina. Quo die
 magnum in cœlis celebratum sanctis
 gaudium credere possumus Angelis, &

hominibus lætitiā non modicā in terra deuotis. Exercitus autem pars magna Francorū, nec dum ad fidē Christi conuersa, cum quodam Raganario principe trans Somenam fluuium pōst aliquandiu in infidelitate versata est: donec superna disponente gratia præfato Rege Clodoueo gloriosis potito victoriis, idem Raganarius flagitiorum sectator, ac turpitudinum, vinctus à Francis traditus est & interemptus; omnisque Francorum populus ad Christi fidem per beatum Remigium conuertitur ac baptizatur.

De possessionibus quas ei Rex Ludouicus & Franci contulerunt. Cap. XIII.

REx igitur, Francorumque potentes plurimas beato Remigio possessiones per diuersas contulere prouincias: ex quibus illē tam Remensem quam reliquas nonnullas Franciæ ditauit Ecclesias. Non modicā necnon earundem partem rerum Ecclesiæ sanctæ Mariæ Lauduni clauati, Remensis parochiæ castri, vbi nutritus fuerat, tradidit: ibique Genebaudum carne nobilem virum, tamque sacris quā sæcularibus litteris eruditum; qui relictā coniuge sancti Re-

migij, ceu traditur, nepte religiosam sub-
 ierat vitam, ordinauit Episcopum, Co-
 mitatúsque Laudunensis eidem castro
 subiecit parrochiam. Qui Genebaudus
 de ante acta vita nimium, gradúsque su-
 blimitate confidens, ab vxore quam re-
 liquerat, incauté, quasi pro instruenda ea,
 se crebrius visitari permisit. Sed vt di-
 uina testantur eloquia: *Lapides excauant a-* Iob. 14.
que, & alluione terra consumitur: rupis trans- & 18.
fertur de loco suo: ita quoque huic contigit,
 vt frequentes mulieris visitationes, blan-
 dáque colloquia durum validúmque cō-
 tra libidinem pectus emollirent Episcopi,
 & quasi rupem de loco sanctitatis ad cœ-
 num transferrent luxuriæ. Qui suasionem
 diabolica in libidinis flammam exagitatus
 erupit, veterique se miscens sodali, filium
 ex eadem progeniuit, quem velut in la-
 trocinio procreatum Latronem nomina-
 ri præcepit. Et quia culpa pluribus ignota,
 ne in suspicionem hinc fortè procederet,
 si à solita se Præsulis visitatione fœmina
 submoueret, cœpit, vt antea domum fre-
 quentare Pontificis. Sicque factum est, vt
 hominibus culpa celata, tacitúsque tam
 viri, quàm mulieris ardor in corde libi-

dinis compunctum prius contra peccatum, ad culpam tandem retraxerit Episcopum. Qui velut oblitus quod planxerat, iteravit crimen quod defleuerat. At ubi exortam de flagitio comperit filiam nomen eidem mandat imponi Vulpeculam, vtpotè fraudibus argutæ matris generatam. Domino denuò, qui beatum Petrum respexerat, hunc quoque respiciente, compunctus mente Genebaudus sanctum Remigium petit ire Laudunum. Quo cum debita veneratione suscepto, postquam cubilis iniere secretum, magnum prorumpens in eiulatum, stolam deponere nititur reus, sancti se patroni prosternens pedibus. Quo doloris tanti causam diligenter indagante, lacrymis singultuque præpediente, vix admissa transgressor narrat ex ordine. Quem vir Dei contritum videns, ac penè desperatum, blandè consolari satagit, dolere se protestàs, non tam de perpetrato facinore, quàm quòd ille de Domini videbatur benignitate diffidere, cui constat nihil quod voluerit impossibile, qui nullum ad se reuertentem peccatorem despicit, qui pro peccatoribus etiam sanguinem suum

fudit. Diuersis itaque vir benignus & prudens erigere lapsum certat exēplis. quòd apud Deum scilicet facile reatus huius veniam valeret obtinere, si dignos pœnitentiæ fructus Deo studeret offerre. Sic demum dignis exhortationibus indicit animato pœnitentiam, struētaque manūcula fenestellis paruis illuminata, cum oratorio, quæ secus adhuc Ecclesiā S. Iuliani manere feruntur, in ea pœnitentem cōcludit Episcopū. Eius quoque per annos septem gubernans parochiam, vnam Remis Dominicam, Lauduni celebrare consueuerat alteram. qua sub reclusione quantæ contritionis & continentię distriktionē se vir præfatus coarctauerit, quàm dignos inibi pœnitentiæ fructus exegerit, diuina post modum propalauit clementia. Anno siquidem septimo, cū in vigilia cœnæ Dominicæ pœnitens pernoctaret in oratione, se ipsum deflens in hoc, quoniam qui ad id vsque prouectus fuerat, vt Domino pœnitentes reconciliaret, hac die nec inter pœnitentes ipse criminibus suis exigentibus in Ecclesia merebatur consistere: Angelus Domini circa mediam noctem magna cum luce

venit ad eum, vbi pronus iacebat in oratorio; talique decubantem compellasse fertur alloquio. *Genebaude, exaudite sunt pro te orationes patris tui Remigij. suscepit Dominus poenitentiam tuam, & dimissum est peccatum tuum. Surge, & hinc egrediens fac ministerium Episcopalis officij, & reconcilia Domino poenitentes de criminibus suis.* Genebaudus autem nimio terrore percussus respondere non poterat. Tunc Angelus Domini confortans eum, ne timeat hortatur, immo gaudeat de misericordia Domini sibi collata. Roboratus tandem respondisse fertur, non se posse hinc egredi, quia dominus & pater suus Remigius ostij clauem secum haberet, quod & sigillo suo signasset. Et angelus ad eum, *Vt non dubites, inquit, à Domino me missum; sicut patet tibi coelum, sic & ostium istud patebit.* Et statim saluo sigillo ac sera ostium illud apertum est. Tunc Genebaudus in modum crucis se prosternens in limine sic traditur asseruisse: *Etiam si Dominus ipse Iesus Christus dignatus fuerit ad me peccatorem venire, non hinc egrediar, nisi venerit ille, qui me in eius nomine sub hac reclusione constituit. Ad quæ re-*

sponsa mox Angelus abcessit ab eo. Beatus autem Remigius in crypta, quæ subter Ecclesiæ sanctæ Mariæ sedem Remis habetur in oratione pernoctabat. Quam postea cryptam Præsul Herineus in honore consecrauit eiusdem beatissimi Remigij. Vbi tunc ipse vir sanctus vigiliis fatigatus, & quasi dormiens, in excessum raptus, videt Angelum sibi assistentem, qui hæc vt acta fuerant ita narrat, eidem iubens, vt quantocius Laudunum petat, atque Genebaudum sedi datæ restituens, ei coram se pontificali fungi ministerio persuadeat. Illico vir beatus, nihil hæsitans adit magna cum celeritate Laudunum. Quo perueniens in ostij lumine, saluo sigillo seræque reſerati Genebaudum iacentem reperit. Quem protensis brachiis, cum gaudij lacrymis Domini clementiam collaudans erexit, eumque sedi & officio Sacerdotali reddens; Remos cum gaudio repedauit. Genebaudus autem in sanctitate postea cunctos vitæ suæ dies, Dei fretus gratia peragens, palàm quæ sibi Dominus fecerat prædicabat. Obiit igitur Genebaudus in pace sanctis Dei connumeratus, tam diu

Episcopatu perfunctus, ut ei successerit
 Latro filius eius Episcopus, & ipse postea
 sanctus.

Rex denique Clodoueus in ciuitate
 Sueffonica sedem suam constituens de-
 lectabatur presentia & colloquio S. Re-
 migij. Sed quia vir sanctus in ciuitatis eius
 vicinia villas non habebat alias, nisi quā-
 dam paruum, quę sancto Nicasio data fue-
 rat: rex suggerente regina, locorumque
 petentibus incolis, qui multiplicibus erāt
 aggrauati xeniis, ut quod regi debebant
 Ecclesię Remensi persoluerent, sancto
 proposuit Remigio, ut quantum circum-
 iret dum ipse meridie quiesceret, illi totū
 donaret. Beatus igitur Remigius per fines
 qui videntur adhuc manifesti, profectus,
 itineris sui signa dimisit. In qua determi-
 natione quidam possidens molendinum
 repulit sanctum virum, ne intra ipsos illū
 concluderet fines. Quem vir Domini le-
 niter affatus ait: Amice, non sit tibi du-
 rum, ut habeamus simul hoc molendinū.
 At ille ut eum reiecit, statim in contra-
 rium rota molendini verti cœpit. Repul-
 sor autem clamare post sanctum Remi-
 gium, Serue Dei, veni. Cui vir sanctus:

Nec mihi, nec tibi. Mox tanta profunditas in eodem loco tellure se subducente facta est, ut nunquam deinceps inibi molendinum haberi posset. A quibusdam quoque repulsus, ne syluulam quandam suos intra terminos comprehenderet, dixit, ut nec folia vnquam de ipsa sylua, licet esset contigua, trans fines ipsos euolarent, neque fustis ex ea uersus eosdem terminos caderet. Quod & obseruatum uoluntate Dei traditur, donec ipsa sylua perdurasse dinoscitur. Abinde quoque procedens, venit ad villam nomine Cauriacum; quam finibus suis nitens concludere, prohibetur ab hominibus eiusdem villæ. Tunc ille miti vultu modò reiectus, modò repropinquans, signa quæ parent adhuc per suum dimisit iter. Tandem repulsus, dixisse fertur ad illos: *Semper laborate, & egestatem sustinete.* Quod hodièque compleri manentis sententiæ virtus ostendit. Surgens autem rex à somno meridiano, quæcunque B. Remigius ambitu suæ circuitionis incluserat, eidem præcepto regię dedit auctoritatis. Quarum rerum sunt Iuliacus & Codiciacus capi-

ta, quæ Remensis adhuc iure quieto possidet Ecclesia.

Eulogius denique vir præpotens conuictus apud Regem Lodouicum super Regiæ maiestatis crimine, ad intercessionem beati confugit Remigij. Cui vir sanctus tam vitam quàm rerum obtinuit possessionem. Ipse verò quasi recompensationis beneficio benefico patrono Sparnacum villam suam obtulit in proprietatē. Beatus autem Præsul temporalem pro suæ intercessionis munere vitans retributionem recipere prædictam virum, quoniam verecundiæ confusione depressus, quia contranatalium decus suorum vita donari pro indulgentia meruisset, in habitu sæculari manere nolebat, salubriter exhortatus est dicens, vt si perfectus esse vellet, vendens omnia sua, daret pauperibus, & sequeretur Christum. Sicque taxatum de thesauris Ecclesiasticis prætium quinque millia, scilicet argenti libras Eulogio fertur dedisse, ipsamque villam in Ecclesia possessionem comparasse. Bonū cunctis exemplum relinquens Episcopis, cæterisque Sacerdotibus, vt dum pro his, qui ad Ecclesiæ sinum, vel seruorum Dei præsidia

præsidia confugium faciunt, intercedunt, aut bona quælibet agunt, hæc pro temporali recompensatione non expleant, nec transitoria velint recipere: sed iuxta mandatum Domini qui gratis acceperunt, studeant quoque gratis impendere.

*De victoriis Ludovvici per auxilium sancti
Remigij, & sine ipsius Regis.
Cap. XV,*

REx itaque Ludovvicus contra Gondebaudum & Godegisilum fratrem eius ducens exercitum, percepta benedictione à beato Remigio, victoriam sibi prædicente, accepit in mandatis ab eo sibi datis, vt tandiu contra hostes dimicaret: quandiu benedictum sibi vinum, quod ei vir Domini dederat, in vsu quotidiano sufficeret. Contra quem Burgundiones cum prædictis ducibus propugnaturi venerunt super Oscaram fluuium, secus Diuionem castrum. Vbi confligentes atrociter Burgundiones in fugam vertuntur, & Auinione castro se Gondebaudus cōcludens, à Ludovvico pacem per Arediū Consiliarium suum multis datis thesau-

ris obtinuit. Ludouicus autem cum exercitu Francorum præda potitus maxima, reuertitur ad propria. Sic etiam constituta Parisiis in honore beatorum Apostolorum Petri & Pauli basilica, & synodo per sancti patroni sui Remigij consiliū in vrbe Aurelianensi habita, pergens contra regem Alaricum Arianum, & accipiens à B. Remigio benedictionē, redditur de victorię perceptione securus. Cui vir quoq; sanctus, vt & pridem fecerat, vas quod vulgò flasconem vocant, vini à se benedicti plenum dedit; hoc idem quod antea mandans, vt eo vsque ad bellum procederet, donec sibi, suisque quibus exinde dare vellet, hoc vinum de prædicto flascone non deficeret. Bibit igitur rex ex eo, pluresque suorum: vas tamen vini non patitur detrimentum. Bellum verò cum Gothis conferens, eos in fugam conuertit, & ipso B. Remigio sibi suffragante victor extitit. In qua pugna dum duo Gothi contis eum in latera feriunt, huius patroni sui se protegentibus meritis illum lædere nequiverunt. Multis autem ciuitatibus suæ ditioni subactis, vsque Tolosam perrexit: & Alarici thesauros acci-

piens, per Ecclesiam ciuitatem, cuius ante conspectum ipsius muri corruerunt, interfectis Gothis, qui erant intus, ad propria cum gloriosa redit victoria, vino flacons non deficiente, donec reuersus est in sua.

Denique Rex Ludouicus, exhortante S. Remigio, regnum, hoc est coronam cum gemmis pretiosis auream, donum B. Petro Apostolo misit: & Codicellos ab Anastasio Imperatore pro consulatu sibi missos cum corona aurea, tunicâque blattea sumpsit, & abinde Consul appellatus esse memoratur. Hormisda quoque Romanæ sedis Pontifex S. Remigio vires suas in regno Ludouici litteris suis ad ipsum directis commisit. Post hæc mortuus est Ludouicus rex in pace, ac sepultus in basilica S. Petri Apostoli, quam Parisiis ædificauerat. Eodémque momento, quo spiritum emisit, reuelâte Spiritu sancto, B. Remigius Remis positus eum obisse cognouit, & assistentibus sibi manifestauit.

*De Synodo, ubi conuertit hæreticum.
Cap. XVI.*

GAlliæ quondam Præfules ad Synodum fidei gratia conuenientes, B. Remigium, vt pote virum diuinis eloquiis eruditissimum, & doctrinis Ecclesiasticis exercitatissimum, ad idem Concilium venire petierunt. Cui conuentui Arianus quidam Episcopus, acerrimus disputator, & dialecticis propositionibus ac conclusionibus confisus, hincque nimis elatus intèrerat. Ingrediente verò Concilium S. Remigio, & à multitudine fratrum reuerenter, ei cunctis assurgentibus, excepto, superbus hæreticus illi assurgere dedignatur. At mox vt B. Remigius ante ipsum transiit, ille locutionis officiū ore obstructo amisit. Expectantibus vniuersis vt post allocutionem S. Remigij loqueretur ille, ne vllum quidem verbū proferre potuit: sicque beati viri vestigia pronus tandem petens, nutibus veniam postulauit. Cui S. Remigius, *In nomine*, inquit, *Domini nostri Iesu Christi veri filij Dei vni*, si sic de eo rectè sentis loquere, & de illo

sicut Catholica credit Ecclesia, crede & confitere. Ad cuius vocem hæreticus antè superbus, humilis iam factus, atque Catholicus, orthodoxam fidem de diuina & inseparabili Trinitate, ac de Incarnatione Christi Catholicè confessus, in eadem confessionis suæ fide se permanfurum repromisit. Sicque in anima per infidelitatē perditō, & corporali voce propter superbiam iustè condemnato, virtute diuina venerabilis pontifex, & animæ reddidit & corporis sanitatem: cunctis qui aderant, vel hæc cognituri forent, sacerdotibus patenter ostendens in hoc malè sentiente de Christo, qui proximus & frater nobis per humanitatem fieri dignatus est, qualiter contra peccantes in ipsum, vel in Ecclesiam, atque rebelles, & erga post recognoscentes ac poenitentes debeant agere.

*De mitigatione ignis, & obitu eiusdem,
vel sepultura ipsius. Cap. XVII.*

SENESCENTE iam S. Remigio, Deique spiritu sibi reuelante, quod abundantiam tunc præsentem fames secutu-

ra foret; de frugibus villarum Episcopij nonnullos iussit aceruos fieri, fame laboraturæ postmodum profuturos plebi. Quorum in villa, quæ Celtus vocatur, facti sunt plures. At homines illius villæ seditiosi & rebelles erant. Qui die quodā inebriati cœperunt inter se dicere, quid ille iubelæus, ita virum sanctum propter ætatis prolixitatem vocitantes, facere revellet ex his quas aggregauerat metis; an ciuitatem de ipsis facere cogitaret, quia sicut turres per muros ciuitatis, ita per circuitum cortis dispositi cernebantur acerui. Tandem suadente diabolo se mutuo cohortati miserunt in eos ignem. Quod cū beato Præsuli nunciatum fuisset, in propinqua villa, quàm Basilicæ cortem vocant, tunc fortè consistenti, ascenso protinus equo celeriter ad tantam compescendam præsumptionem deuenit Celtum. Quò cū peruenisset, ardentésque fruges reperisset, ad ipsum calefacere se cœpit ignem, Semper iniquiens est bonus focus, si non super potest. Veruntamen omnes qui hoc egerunt, & qui de ipso germine nati fuerint, viri ponderosi fiant, & fœminæ gutturis

calamitate plectantur. Quod ita quoque constat impletum. Usque ad tempora siquidem magni Caroli, qui huiuscemodi homines de Celto, quoniam Vicedominum Ecclesiæ Remensis in eadem villa necarunt, exterminauit, cædis auctoribus interfectis, & consentientibus per diuersas prouincias dispersis, atque perpetuo condemnatis exilio, ac de cæteris huius Episcopij villis eandem restaurari fecit; ita viri fœminæque generationis huius mulctati permanserunt, vt sancti viri sententia promulgauit. Et aptè quidem vir Dei, quoniam posteros eorum rebelles ac seditiosos fore prouidit, huiusmodi vindicta non solùm præsumptores, sed etiam genus ipsorum plecti decreuit.

Post hæc igitur, aliæque multarum magnalia virtutum, quæ Dominus operari per hunc fidelē suum famulū dignatus est, gemitus illius exaudiens atque suspiria, quibus dicere consueuerat: *Quando veniam & parebo ante faciem Dei? satior dum manifestabitur gloria eius;* illi pia consolatione Dominus obitus suidienū reuelauit imminere. Qua reuela-

Psal. 41.
Psal. 16.

tionem fretus, rerum suarum condidit testamentum, ad illam pertingere festinans hereditatem, de qua dicit Propheeta: *Cum dederit suis somnum: hæc est hereditas Domini.* Sic ergo sanctus hic vir Dei terrenam derelinquens, hereditatem percepit æternam. Condito siquidem testamento, & suis omnibus rite dispositis, quia verus agricola omnem vitis veræ palmitem fructum ferentem purgat, ut fructum plus afferat, oculorum corporali lumine priuatus est aliquandiu, quo superna mentis oculis, ad quæ toto anhelabat desiderio, contemplari valeret attentius. Ipse verò studebat in suæ probationis tētatione semper gratias agere, laudibus, hymnisque Deo diebus ac noctibus vacare; fideli mente pertractans, quoniam qui patienter, humiliterque flagella suscipiunt, post flagella sublimiter ad requiem suscipiuntur. Cuius æternæ gloriæ pignus in eo volens Dominus ostendere, priusquam decederet, ei visum restituit: unde sicut & de amissione nomen Domini benedixit. Et non post longum spatium, sciens adesse sui transitus diem, per Missarum celebrationem,

& sacrae communionis participationem
 vale faciens, & dans pacem filiis suis,
 postquam septuaginta quatuor annos in
 Episcopatu religiosissime fidelis seruus
 & prudens Domino ministrauerat, nona-
 gesimo sexto ætatis suæ anno, Idibus
 Ianuarij, cursu sancti certaminis consum-
 mato, fide seruata, cum multiplici bono-
 rum operum fructu, & animarum lucro,
 vt diu desiderauit, anima cœlos penetrans
 terræ corpus reliquit: accipiens stolam
 candidam, beatitudinem scilicet animæ
 sempiternam: percepturus in resurrectio-
 ne alteram; beatam videlicet ad gloriam
 resuscitati corporis immortalitatem: pos-
 sessurus partem, societatemque cum præ-
 cipuis Christi membris in regno cœlesti:
 sicut attestatur Apostolica sibi collata
 gratia; gens siquidem Francica per ipsum
 ad fidem Christi conuersa, Martyrij pal-
 ma, longanimitas patientiæ in longæ-
 uitate ipsius vitæ, confessionis gloria, or-
 thodoxæ fidei prædicatio, magnaliūque
 tam in vita corporis quàm post obitum
 præclara manifestatio. Cum verò funus
 ipsius sanctissimum deferretur ad sepul-
 crum sanctorum Martyrum Timothei

& Apollinaris in Ecclesia præparatum, ita feretrum in medio vico est aggrauatum, vt nullo modo posset hominibus quotlibet annitentibus moueri. Stupefactis omnibus, Deique misericordiam postulantibus, vt dignaretur ostendere, quo in loco Sancti sui vellet recondi corpus; designant ad basilicam præfatorum Martyrum; nec feretrum mouere possunt: proponunt ad Ecclesiam sancti Nicasij; nec capulum valet attolli: decernunt ad ædem sanctorum Sixti & Sini-
cij; nec sic potest moueri. Tandem coacti, quoniam parua supererat Ecclesia in honore beati Christophori martyris, & nullius propalati corpus seruabatur in ea Sancti, circumiacentibus tamen atriis Ecclesiæ cœmeterium ferebatur ex antiquo Remense; petierunt vt Dominus declararet, vtrum nam in eadem Ecclesiola pignus illud sacratissimum reponi decerneret. Ad quæ vota tanta facilitate loculum leuant, vt nullum portantes onus sentirent. Recondita sunt autem reuerentissimi patris huius membra in hac Ecclesiola, diuina moderante dispositione, in loco vbi nunc habetur altare

beatæ virginis Genouefæ. Vbi verò fere-
trum constat ipsius aggrauatum, mul-
ta fertur ostensa miracula postmodum.
Hic etiam crux extat abinde posita, co-
lumnæ monumentis his insignitæ præ-
fixa.

*Cum transisset ex hoc mundo ad cæle-
stem patriam Præsul magnus beatus Re-
migijs, huc à plebe sancta dignè dela-
tus est, corpore in Ecclesia condendus Timo-
thei Martyris. Tunc hoc loco moram
fecit; nec moueri potuit, donec quo locan-
dus esset Dominus reuelauit. Vbi nunc
fauente Christo præpollet virtutibus; præ-
stans hic Deo deuotis apta beneficia, cæcis
visum, claudis gressum, & agris reme-
dium. Igitur profusis votis exoremus, ve-
niã vt delictorũ pijs eius precibus merea-
mur adipisci & cælorum gaudia. Sancte
Remigi, confessor pretiose Domini, Ade-
loldi quoque tui miserere famuli.*

Testamentum ab ipso editum. Cap. XVIII.

IN NOMINE PATRIS,
ET FILII, ET SPIRITVS
sancti. Gloria Deo,
Amen.

EGO Remigius Episcopus ciuitatis Remorum sacerdotij compos, testamentum meum condidi iure prætorio: atque id codicillorum vice valere præcepi, si ei iuris aliquid videbitur defuisse. Quandoque ego Remigius Episcopus de hac luce transiero, tu mihi hæres esto, sancta & venerabilis Ecclesia Catholica Urbis Remorum, & tu fili fratris mei Lupe Episcopo, quem præcipuo semper amore dilexi: & tu nepos meus Agricola Presbyter, qui mihi obsequio tuo à pueritia placuisti; in omni substantia mea, quæ mea sorte obuenerit, antequam moriar: præter id quod unicuique donauero, legaue- ro, dari ve iussero, vel vnumquemque vestrum voluero habere præcipuum. Tu sancta hæres mea Remensis Ecclesia, colonos, quos in Portensi habeo territorio, vel de paterna, maternaque substantia, vel quos cum fratre meo sanctæ memorie Principio Episcopo commutavi, vel do-

natos habeo, possidebis, Dagaredum, Profuturum,
 Prudentium, Temnaicum, Maurilionem, Baudol-
 leifum, Prouinciolum: Nauiatenam, Lautam,
 Suffroniam, colonas: Amorum quoque ser-
 uum, cum omnibus quos intestatos reliquero, tuo
 dominio vindicabis. Necnon villas agrosque,
 quos possideo in solo Portensi: Tudiniacum sci-
 licet, & Balatonium, siue Plerinacum, & Vac-
 culiacum, vel quaecunque in eodem solo Porten-
 si qualibet auctoritate possedi, integrè cum om-
 nibus campis, pratis, pascuis, syluis ad te testa-
 menti huius auctoritate reuocabis. Similimodo,
 sanctissima haeres mea, quaecunque tibi à propin-
 quis & amicis meis in quocunque solo & ter-
 ritorio collocata sunt, sicuti disposuero in ptochiis,
 coenobiis, martyriis, Diaconiis, Xenodochiis,
 omnibusque matriculis sub tua ditione degenti-
 bus, ordinationem meam futuri successores mei,
 ordinis sui memores, sicut ego praedecessorum
 meorum, ita quoque inconuulsè & absque vlla
 refragatione seruabunt. Ex quibus Celtus, quam
 per manum meam Celsa sobrina mea tibi tradidit, &
 Huldriciaca villa, quam Huldéricus Comes, ei loco,
 ubi ossa mea sancti fratres & Coepiscopi Dioce-
 seos tuae ponenda elegerint, in tegumētis deseruiar,
 sitq; locus ille success. meis Rem. Episc. peculiari-
 ter proprius, & in alimoniis ibidem Deo militantiū

Vicus ex proprio in Portensi, & Villanis quoque ex Episcopio in Remensi deseruiant. Blandibacius villa in Portensi, quam à cohæredibus meis Benedicto & Hilario datis pretiis emi de thesauro Ecclesiæ, & Albinicus ex Episcopio in alimoniis clericorum Remensis Ecclesiæ communiter deputentur. Quibus etiam Berna ex Episcopio, quæ peculiaris prædecessoribus meis esse solebat, cum duabus villis quas Ludouicus à me sacro baptismatis fonte susceptus amore nominis mei, Piscofeseim sua lingua vocatas, mihi tradidit, siue cum Coslo & Gleni, vel omnibus syluis, pratis, pascuis, quæcunque per diuersos ministros in Vosago infra, circum, & extra, tam vltra quàm citra Rhenum pretio dato comparauit, picem annuatim ministraret, cunctisque locis regularibus, tam à me quàm ab antecessoribus meis ordinatis, siue in futuro ab Episcopis successoribus meis ordinandis, pro necessitate locorum ad vascula vinaria componenda annuatim distribuatur. Crusciniacum verò & Faram, siue villas quas sanctissima virgo Christi Genouefa à rege Christianissimo Ludouico pro compendio itineris sui, cum Remensem Ecclesiam sæpius visitare soleret, adipisci promeruit, alimoniisque ibidem Deo famulantium deputauit, sicut ab ea ordina-

tum est, ita confirmo: ut Crusciniacus futuri Episcopi successoris mei obsequiis & sartatectis principalis Ecclesiae deputetur: Faram Verò eidem Episcopo & sartatectis Ecclesiae, ubi iacuero, perpetualiter servire iubeo. Sparnac^o villa, quam datis quinq; millia libris argenti ab Eulogio comparavi, tua, sanctissima haeres mea, non extraneorum haeredum meorum esse cernitur; eo quòd cum criminis accusatione regiae maiestatis idem teneretur obnoxius, & se minimè purgare posset, non solum ne occideretur dato iam dicto pretio de thesauris tuis, sed ne pecunia eius publicaretur, unà tecum obtinui: & idcò ut praefata Sparnacus perpetualiter tibi ad restituendum thesaurum, stipendijsq. tui Pontificis deferuiat, liberali sanctione firmani. Duodeciacus Verò, sicut à Clodoualdo nobilissimae indolis puero confirmatum est, tibi haeres mea perpetualiter famuletur. Villas, quas mihi Dominus, illustrisque memoriae Ludovicus rex, quem de sacro baptismatis fonte suscepi, cum adhuc paganus Deum ignoraret, ad proprium tradidit, locis pauperioribus deputavi: ne fortè, cum esset infidelis, cupidum terrenarum rerum me arbitrari posset, & non potius suae salutem animae, quam exteriora ab ipso bona requirere. Quod admiratus intercedere me pro quibuscunque ne-

cessitatem patientibus, & fidelis, & ante fidem
benignè liberalitèrque concessit. Et quia ex om-
nibus Episcopis Galliarum pro fide & conuoca-
tione Francorum potissimum me laborare co-
gnouit, dedit mihi Deus tantam gratiam in con-
spectu eius, virtúsque diuina, quæ per Spiritum
sanctum me peccatorem plurima signa ad salutē
præfate gentis Francorum operari fecit, ut non
solum ablata omnibus Ecclesiis Regni Francorū
restitueret, sed etiam de proprio gratuita bonitate
plurimas ditaret Ecclesias. neque prius de regno
eius, quantum passus est pedis, Ecclesiæ Remorū
iungere volui; donec ut hoc omnibus Ecclesiis
adimpleret, obtinui. Sed neque post eius baptis-
mum, nisi Codiciacum & Iuliacum: super qui-
bus iam dictus puer sanctissimus & vnanimus
mihi Clodoualdus, & incolæ loci illius multi-
plicibus xeniis grauati, obnixè deprecantes, quod
regi debebant Ecclesiæ meæ soluendum me pete-
re compulerunt. Quod idem piissimus rex &
gratanter accipiens promptissima voluntate lar-
gitus est, vsibusque tuis, sanctissima hæres mea,
iuxta eiusdem piissimi datoris præceptum Epi-
scopali auctoritate firmaui. Res etiam, quas sæpe
dictus rex, piissimúsque Princeps tibi in Septi-
mania & Aquitania concessit, & eas quas in
Prouincia Benedictus quidam, cuius filiam mihi
ab Alarico

ab Alarico missam, gratia sancti Spiritus, per
impositionem manus meae peccatricis, non solum
à Diabolicae fraudis vinculo, sed ab inferis reuo-
cavit, ad usum luminis tui, & loci ubi corpus
meum iacuerit, continuatim deseruire præci-
pio; villasque in Austria, siue Toringia. Futuro
Episcopo successori meo, amphibalum album
Paschalem relinquo; stragula columbina duo; ve-
la tria, quae sunt ad ostia dieb⁹ festis triclinij, cellae,
& culinae. Vas argentum triginta, & aliud decem
& octo librarum, inter te, haeres mea, & Diace-
sim tuam Ecclesiam Laudunensem, factis pa-
tenis atque calicibus ad ministerium sacrosan-
ctum, pro ut volui, Deo annuente distribui. Il-
lud quoque vas aureum decem librarum, quod
mihi saepe nominatus Dominus, illustrisque me-
moriae Ludo Vvicus rex, quē ut praedixi de sacro
Baptismatis fonte suscepi, donare dignatus est,
ut de eo facerem quod ipse voluisssem, tibi hære-
di meae Ecclesiae supra memoratae iubeo turricu-
lum & imaginatum calicem fabricari; & epi-
grammata, quae Lauduni in argenteo ipse dicta-
ui, in hoc quoque conscribi volo. Quod faciā per
me si habuero spatium vitae. si autem clausera
ultimum diem; tu fili fratris mei Lupc Episcope,
species ante dictas tui ordinis memor efficias.

Compresbyteris meis & Diaconibus, qui sunt

Remis, viginti quinque solidos equaliter diuidendos in commune dimitto. Vitis plantam super vineam meam ad Suburbanum positam, simili modo communiter possidebunt, cum Melanio Vinatore, quem do in loco Ecclesiastici hominis Albouichi, vt Albouichus libertate plenissima perfruatur. Subdiaconibus solidos duodecim: lectoribus, ostiariis, & iunioribus solidos octo iubeo dari. Pauperibus duodecim in matricula positus: ante fores Ecclesiæ expectantibus stipem duo solidi, vnde se reficiant, inferentur: quibus Corcellum villam dudum, deservire præcepi. Aliis pauperibus tribus, vbi fratres quotidie pedes lavare debent, quibus etiam balatoforum, quod dicitur, xenodochium, ad hoc ministerium statui, solidus vnus dabitur. Viduis quadraginta in porticu Ecclesiæ alimoniam præstolantibus, quibus de decimis villarum Calmisciaco, Tessiaco. Nouawilla stipendia ministrabantur, superaddo de Villa Huldriciaca superius memorata eis in perpetuum stipendia inferri; & tres solidos & denarios quatuor dari iubeo. Ecclesiæ sancti Victoris ad portā Sueffonicā sol. duos. Ecclesiæ S. Martini ad portam Collatitiam, solidos duos. Ecclesiæ sancti Hilarij ad portā Martis, solidos duos. Ecclesiæ sanctorum Crispini & Crispiniani ad portam Treuericā, solidos duos. Ecclesiæ S. Petri in-

fra urbem, quæ curtis Dominica dicitur, sol. duos. Ecclesiæ quam in honore sanctorum omnium Martyrum supra cryptam Remorum ædificauit, cum per auxilium virtutis Dei ab igne demonis penè iam totam urbem concrematam eripui, sol. duo. Ecclesiæ, quam pro eodem signo virtutis Dei in honore S. Martini & omnium Confessorum infra urbem ædificauit, sol. duos. Diaconia infra urbem, quæ dicitur ad Apostolos, sol. duos. Titulo S. Mauricij in via Casarea, sol. duos. Ecclesiæ Iouinianæ tituli B. Agricola, vbi ipse vir Christianissimus Iouinus, & sanctus Martyr Nicasius, cum plurimis societatis suæ Christi martyribus requiescunt: vbi etiam quinque Confessores proximi antecessores domni Nicasii, cum sanctissima Virgine & martyre Eutropia conditi sunt, sol. tres. Eidem quoque Ecclesiæ proprium quod fuerat Iouini in solo Sueffonico, cum Ecclesia B. Michaelis, rebus prioribus superaddidi. Ecclesiæ sanctorum martyrum Timothei & Apollinaris, vbi etiam, Domino dante, si fratribus, ac filiis meis Episcopis Dioceseos nostræ visum fuerit, ossa mea ponere disposui, sol. quatuor. Ecclesiæ sancti Ioannis, vbi virtus Christime orante filiâ Benedicti suscitauit, sol. duos. Ecclesiæ sancti Sixti, vbi cum tribus successoribus suis requiescit, sol. tres. cui etiam de proprio meo Plebeias supra

FLODOARDI HIST.

Matronam adiunxi. Ecclesiæ sancti Martini in eodem solo sanctæ Rem. Ecclesiæ posita sol. duos. Ecclesiæ S. Christophori sol. duos. Ecclesiæ S. Germani, quā ipse in solo Remensi ædificaui, sol. duos. Ecclesiæ SS. Mart. Cosmæ & Damiani in præfata matris solo posita sol. duos. Matricula S. Mariæ, quæ dicitur Xenodochium, ubi duodecim pauperes stipendium expectant, solidus dabitur. Quam denique matriculam loco, ubicumque fratribus meis & filiis ossa mea ponere placuerit, perseverare præcipio: & ut die, noctuque pro peccatis atque criminibus meis Dominum deprecantur, de proprio hereditatis meæ iure, rebus, quas antecessores mei in eorum stipendiis Domino dederant, superaddo etiam villam Scladronam, & villam sancti Stephani, & quicquid in villa Herimundi mihi per successionem evenit. Quod verò precio ibidem comparavi, Ecclesiæ sancti Quintini Martyris iam diu delegavi. De iam dicto Vacculiaco, Fruminiū, Dagaleisum, Dagaredum, Ductionem, Baudouicū, Vdulfum, Vinosaisā liberos esse præcipio. Tennaredus, qui de ingenua nascitur matre, statu libertatis utatur. Tu verò, fili fratris mei Lupe Episcopo, tuo dominio vindicabis Nisastem, & matrem suam mutam. Vineam quoque, quam Aeneas vinitor colit, Aeneam & Monulfum eius filium iuniorem iubeo libertate per-

fungi. Melloficum porcarium & Pascaſidē coniugem ſuam; Veruinianum cum filiis ſuis, excepto Vuidragasio, cui tribui libertatem, tuo iuri deputabis. Seruum meum de Ceſurnico, tuum eſſe præcipio. Agrorum partem ad te, quam frater meus Principius Epiſcopus tenuit, cum ſyluis, pratis, paſcuis reuocabis. Seruū meū, quē Mello Vvicus tenuit, Viteredum tibi derelinquo. Teneurſolum Capalinū & vxorē ſuā Teodoroſenam tuo iuri dominiōque tranſcribo. Teodoniua quoque ex mea præceptione ſit libera. Edoueiſam, quæ homini tuo ſociata fuit, & eius cognitionem retinebis. Vxorem Arigilli & cognitionem ſuam ingenuos eſſe iubeo. Partem meam de prato, quod Lauduni iuxta vos habeo, ad imitationem montium poſito, & quæ Iouia ſunt pratella quæ tenui, ad te reuocabis. Labrinacum tibi, Vbi oſſa genitricis meæ poſui, cum præfixis terminis deputavi. Tibi autē, nepos meus Agricola Presbyter, qui intra domeſticos parietes meos egiſti pueritiam tuā, trado, atque tranſcribo Merumnāſtē ſeruū, & vxorē ſuam Meratenā, & eorū filiū nomine Marconicū. Eius fratrem Medonicū iubeo eſſe liberū. Amātiū & vxorē ſuā tibi met derelinquo. Eorū filiā eſſe præcipio liberā Daſoundā. Alaricū ſeruū tuæ deſuto portioni: cuius vxorē, quā redemi, & manum iſi, comēdo ingenuā deſendēdā. Bebrimodū & vxorē ſuā Moriā tuo

FLODOARDI HIST.

dominio vindicabis. Eorum filius Monacharius
 gratulabitur beneficio libertatis, Mellaricum
 & uxorem suam Placidiam ad tuum dominium
 reuocabis. Medaridus eorum filius sit libertus.
 Vineam, quam Mellaricus Lauduni fecit, tibi do-
 no; Britobaudem seruum meum, necnon etiā Gi-
 bericum. Vineam, quam Bebrimodus facit, tibi
 eatenus derelinquo, vt diebus festis & omnibus
 Dominicis sacris altaribus mea inde offeratur
 oblatio, atq. annua communia Remensibus Pres-
 byteris & Diaconibus præbeantur. Delegoque
 nepoti meo Prætextato Moderatum, Tottionem,
 Marconicum, Innocentium seruum, quem accepi
 à Profuturo originario meo. Cochlearia quatuor
 de maioribus, acetabulum, lucernam quam mihi
 Tribunus Friaredus dedit, & argenteam cabu-
 tam figuratam. Filiolo illius paruulo acetabulum
 & tria cochlearia, & casulam, cuius fimbrias
 commutavi. Remigia cochlearia tria, quæ meo
 sunt nomine titulata; mantile ipsius quod habeo
 feriale, transcribo. Hiclinaculum quoque dono il-
 li, de quo Gondebodo dixi. Delegoque benedictæ
 filię meæ Hilarie Diaconæ ancillam nomine
 Nocam, & vitium pedaturam, quæ suæ iungi-
 tur vineæ, quam Catusio facit, dono. & partem
 meam de Talpusciaco transcribo, pro obsequiis
 quæ mihi indesinenter impendit. Aetio, nepoti

meo, partem de Cesurnico, quæ mihi sorte diuisionis obuenit, cum omni iure quod tenui atque possedi. Ambrosium quoque puerum ad ius illius, dominiūque transmittō. Vitalem colonum liberum esse iubeo, & familiam suam ad nepotem meum Agathemerum pertinere: cui vineam dono, quam posui Vindonissæ, & meo labore constitui: sub ea conditione, ut à partibus suis omnibus diebus festis & Dominicis, pro commemoratione mea sacris altaribus offeratur oblatio, & Laudunensibus Presbyteris atque Diaconibus annua conuiuia, cōcedere Deo, præbeantur. Dono Ecclesiæ Laudunensi ex villis, quas sanctæ mihi recordationis præfatus rex Ludoꝝvicus dedit duas, Anisiacum, solidosque decem & octo, quos Presbyteri & Diaconi inter se æquali diuisione distribuunt. Partem meam de Seria ex integro ad se reuocet Ecclesia Laudunensis, & Lauscitam, quam mihi charissima filia & soror mea, Virgōque, ut credo, Christi sanctissima Genouefa in vñibus pauperum Christi tibi dandam ad integrum delegauit. Commendo sanctitati tuæ, fili fratris mei Lupe Episcopo, ex præfatis villis quos liberos esse præcipio, Catusionem & Auliatenam coniugē suam, Nonmonem, qui meam vineam facit: Sonnoeifam, quam captiuam redemi bonis parentibus natam,

FLODOARDI HIST.

& eius filium Leuberedum, Mellaridū, & Mel-
 latenam, Vasantem cocum, Cæsariam, Dagarase-
 nam, & Baudorosenam Leonis neptē, & Mar-
 coleifum filiū Tottonis. Hos totos, fili fratris mei
 Lupe Episcopo, sacerdotali auctoritate liberos de-
 fensabis. Tibi autem heredi Ecclesiæ meæ Flavia-
 num & vxorem suam Sparagildem dono. Eorū
 filiulam paruulam Flauarasenam, liberā esse con-
 stitui. Fedamiam vxorem Melani, & eorū par-
 uulam Remenses Presbyteri & Diaconi possi-
 debunt. Cispiciolum colonum liberum esse præci-
 pio, & eius familiam ad nepotem meum Aetiū
 pertinere. Ad vtrumque, id est, ad Aetiū & A-
 gathimerum peruenire Colonicā Passiacū. Pro-
 nepti meæ Prætextatæ dono Odorosenam. Pro-
 futuro Leudocharium puerum trado. Profutura
 dari iubeo Leudoueram. Laudunensibus Subdia-
 conibus, Lectoribus, ostiariis, & iunioribus qua-
 tuor sol. derelinquo. Pauperibus in matricula po-
 sitis solidus dabitur ad eorum refectiōem. Dele-
 gōque ex dato præfati Principis Saluonarias su-
 pra Moram, & decem sol. Ecclesiæ Sueffonica
 pro commemoratione nominis mei. Nam Sablo-
 narias supra Matronam heredibus meis deputaui.
 Catalaunensi Ecclesiæ ex dato sæpediti filij mei
 Gellonos supra Matronam, & sol decem. Eccle-

sic sancti Memmij Fascinarias ex donis praescripti Principis, & sol. octo. Mosomagensi, sol. quinque. Vongensi agrum apud officinam molarum, quae ibi est constituta. Catarigensi Ecclesiae, sol. quatuor, totidemque Portensi pro commemoratione mei nominis inferentur. Ecclesiae Attrebatensi, cui Domino annuente Vedastum fratrem meum carissimum Episcopum consecraui, ex dono iam dicti Principis villas duas in alimoniis clericorum deputaui, Orcos videlicet & Sabucetum: quibus etiam pro memoria nominis mei sol. viginti dari iubeo. Vrsi Archidiaconi familiaribus usus obsequiis dono ei domi textilis casula subtile, & aliam pleniorē, duo saga delicata, tapete quod habeo in lecto, & tunica quam tempore transitus mei reliquero meliorem. Heredes mei, Lupe Episcopo, & Agricola Presbyter, porcos meos inter vos aequaliter diuidetis. Friaredus, quem ne occideretur quatuordecim sol. comparaui, duos concessos habeat: duodecim det ad basilicae domnorum Martyrum Timothei & Apollinaris cameram faciendam. Haec ita do, ita lego, ita testor. Ceteri omnes exheredes estote, suntore.

Huic autem testamento meo dolus malus abest, aberitque. In quo si qua litura, vel charaxatura fuerit inuenta, facta est me praesente,

dum à me relegitur & emendatur. Neque ei duo priora testamenta, primum quod ante quatuordecim, & alterum quod ante septem condidi annos obsistere, obuiare, aut vllatenus nocere poterunt. eoquod quicquid in ipsis continebatur, in præsentia fratrum meorum hic inserta, & quæ deerant adiuncta, insuper, & quæ Dominus mihi largiri in postmodum dignatus est, superaddita noscuntur. Sed inconuulsum & incontaminatum præsens hoc quod condidi testamentum à fratribus meis successoribus, videlicet Remorum, Episcopis, conseruatū; à regibus quoque Francorum, filiis scilicet meis charissimis, quos per baptismum Iesu Christi dono & gratia Spiritus sancti cooperante Domino consecraui, vbiq; defensum atque protectum, contra omnia, & in omnibus inuiolabilem, perpetuamque semper obtineat firmitatem. Et si quis in ordine clericali, à Presbytero vsque ad tonsuram, contradicere aut obuiare ei præsumpserit, correptus à successore meo satisfacere neglexerit, conuocatis ex vicinioribus locis Remorum Diocesis tribus Episcopis deponatur à gradu. Si verò, quod non opto, nec cupio, sed neque spero, successor quilibet mihi in hac sede Remorum Episcopus execrabili cupiditate ductus, res præfatas, sicut à me, auctore Domino meo Iesu Christo, ad illius

honorem, & eius pauperum consolationem ordinatæ sunt, aliorum distrahere, immutare, commutare, seu quolibet obtentu in usus laicorum beneficij gratia dare, aut à quolibet datas favere, aut consentire præsumpserit, convocatis totius Dioeceseos Remorum Episcopis, Presbyterisque Diaconibus, nec non & ex filiis meis carissimis Franciæ religiosis quamplurimis, reatus sui poenam priuatione sui Episcopatus persoluat: & nequaquam ultra recuperationem gradus amissi in hoc sæculo promerebitur. Quicumque verò ex laïco habitu à nobis statuta parui pendens, sibi-que fauens, quæ pauperibus Ecclesiæ attributa sunt, abuti, aut usurpare quolibet obtentu præsumpserit, pari simul perpetuæque damnatione, alienator, petitor, dator, acceptor, peruasor, anathematis vinculo ab Ecclesia Catholica se iungantur, donec valeant, Deo miserante, condignæ satisfactionis emendatione indulgentiam promereri. Sin autem in hoc perseverare cuiuscunque donationis occasione quilibet delegerit, spes ei præsentis ac futuræ restitutionis à successore meo, Remorum scilicet Episcopo, omnimodis auferatur. Generi tantummodò regio, quod ad honorem sanctæ Ecclesiæ, & defensionem pauperum, vnâ cum fratribus meis, & Cocpis-
scopis omnibus Germaniæ, Galliæ, atque Neu-

FLODOARDI HIST.

*stria in regia maiestatis culmen perpetuò regna-
 rum statuens elegi, baptizavi, à fonte sacro
 suscepi, donoque septiformis spiritus consignavi,
 & per eiusdem sacri chrismatis vñctionem or-
 dinato in regem parcens, statuo, vt si aliquando
 genus illud regium per benedictionem meam
 totiens Domino consecratum, mala pro bonis
 reddens, Ecclesiarum Dei peruasor, destructor,
 depopulator, grauis aut contrarius existere vo-
 luerit, conuocatis Remorum diœceseos Epis-
 copis, primum moneatur: & deinde Ecclesia
 Remensis præfata, adiuncta sibi sorore Eccle-
 sia scilicet Treuirensi, iterum conueniat: tertio
 Verò, Archiepiscopis tantummodo Galliarum
 tribus aut quatuor conuocatis, Princeps ille
 quicumque fuerit moneatur: ita vt vsque ad sep-
 timam monitionem, si prius satisfacere venuerit,
 paternæ pietatis longanimitate differatur. Tan-
 deq; si postpositis omnibus præfatis benedictio-
 nibus incorrigibilis contumaciæ spiritum non
 deposuerit, & se per omnia Deo subdi nolens
 benedictionibus Ecclesiæ participare noluerit,
 elogium segregationis à corpore Christi ab om-
 nibus ei porrigatur, quod per prophetam & re-
 gem David longè antè, eodem qui in Episcopis
 est dictate Spiritu sancto, noscitur decantatum:*

Quia persecutus est, inquit, hominem inopem, &
 mendicum, & compunctum corde, & non
 est recordatus facere misericordiam; & dilexit
 maledictionem, & veniet ei, & noluit bene-
 dictionem, & elongabitur ab eo: totumque ei,
 quod in persona Iudæ traditoris Domini
 Iesu Christi, & malignorum Episcoporum,
 Ecclesia decantare solet, per singulas ei decætetur
 Ecclesias: quia Dominus dixit: Quam diu fe-
 cistis vni ex minimis meis, mihi fecistis, &
 quandiu his non fecistis, nec mihi fecistis. Et ideo
 quod probatur in capite, in membris intelligen-
 dum esse non dubitetur. Vnum tantummodo ibi
 verbum per interpositionem commutetur: Fiant
 dies eius pauci, & principatum eius accipiat
 alter. Quod vtique si successores mei, Remo-
 rum scilicet Episcopi, operari, sicut à me ordina-
 tum est, neglexerint: in se quicquid in Principi-
 bus refecandum fuerat maledictionibus depra-
 uati reperiant; vt fiant dies eorum pauci, &
 Episcopatum eorum accipiat alter. Si verò Do-
 minus meus Iesus Christus vocē orationis meæ,
 quam quotidie pro genere illo in conspectu di-
 uinæ maiestatis specialiter fundo, audire di-
 gnatus fuerit, vt sicut à me accepit, ita in dispo-
 sitione regni & ordinatione sanctæ Dei Eccle-
 siæ perseueret, benedictiones, quas Spiritus sãctus

per manū meā peccatricē super caput eius infudit,
 plurimæ super caput illius per eundem Spiritum
 sanctū superaddantur, & ex ipso reges & Impe-
 ratores procedāt: qui in præsentī & futuro iuxta
 voluntatem Domini, ad augmentum suæ sanctæ
 Ecclesiæ, virtute eiusdem in iudicio & iustitia
 confirmati & corroborati, regnum obtinere at-
 que augere quotidie valeant, & in domo Da-
 vid, hoc est in cœlesti Hierusalem cum Domi-
 no in æternū regnaturi sublimari mereantur. A-
 mē. Peractum Remis die & Cōsule supradictō,
 intercedētibz & mediis signatoribus. Remigius
 Episcopus, testamentum meum relegi, signa-
 vi, subscripsi, & in nomine Patris, & Filij, &
 Spiritus sancti, Deo adiuuante, complui. † Ve-
 dastus Episcopus, cui pater meus Remigius ma-
 ledixit, maledixi, & cui benedixit, benedixi: in-
 terfui quoque, atque subscripsi. † Gencbandus
 Episcopus cui pater meus Remigius maledixit,
 maledixi, & cui benedixit, benedixi: interfui
 quoque, atque subscripsi. † Medardus Episco-
 pus cui pater meus Remigius maledixit, ma-
 ledixi, & cui benedixit, benedixi: interfui quo-
 que atque subscripsi. † Lupus Episcopus cui
 pater meus Remigius maledixit, maledixi, &
 cui benedixit, benedixi: interfui quoque atque

subscripsi. † Benedictus Episcopus, cui pater
 meus Remigius maledixit, maledixi, & cui be-
 nedixit, benedixi: interfui quoque atque subscri-
 psi. † Eulogius Episcopus, cui pater meus
 Remigius maledixit, maledixi, & cui benedi-
 xit, benedixi: interfui quoque atque subscripsi. †
 Agricola Presbyter, cui pater meus Remigius
 maledixit, maledixi, & cui benedixit, benedixi:
 interfui quoque atque subscripsi. † Theoderi-
 cus Presbyter, cui pater meus Remigius maledi-
 xit, maledixi, & cui benedixit, benedixi: inter-
 fui quoque atque subscripsi. † Celsinus Pres-
 byter, cui pater meus Remigius maledixit, male-
 dixi, & cui benedixit, benedixi: interfui quo-
 que atque subscripsi. V.C. Papolus interfui
 & subscripsi. V.C. Eulodius interfui & sub-
 scripsi. V.C. Eusebius interfui & subscri-
 psi. V.C. Rusticolus interfui & signavi. V.C.
 Eutropius interfui & signavi. V.C. Danneus
 interfui & signavi.

Post conditum testamentum, immo signa-
 tum, occurrit sensibus meis ut basilica domnorū
 Martyrum Timothei & Apollinaris missorium
 argenteum sex librarum ibi deputem; ut ex eo
 sedes futura meorum ossium componatur.

De remedio pestis inguinaria, & ceteris per ipsum collatis.

Cap. XIX.

Degloria Confess. c. LXIX.

POST huius beatissimi patris obitum, cū lues inguinaria, veluti Gregorius Turonensis enarrat, populū primæ Germaniæ devastaret, & omnes huius cladis terrentur auditu; concurrit Remensis populus ad Sancti sepulcrum, congruum huius causæ flagitare remedium. Accensis cereis, lychnisque non paucis, hymnis, Psalmisque celestibus per totā excubat noctem. Mane autem factō, quid adhuc precatui desit, in tractatu rimatur. Reperiunt etenim, reuelante Deo, qualiter oratione præmissa maiori adhuc propugnaculo Urbis propugnacula munirentur. Assumptam igitur pallam de beati sepulcro componunt in modum feretri: accensisque super cruces cereis atque ceroferariis, dant voces in canticis, circumeunt Urbem cum vicis; nec prætereunt ullum hospitium, quod non hac circumitione concludant. Nec post multos dies fines huius ciuitatis lues aggredditur memorata. Veruntamen vsque ad eum locum accedens, quō Beati pignus accessit, ac si constitutū cerneret terminum, intro ingredi non est ausa: sed etiam

sed etiam quæ in principio peruaferat huius virtutis repulſu reliquit. Multa denique poſtmodum ad ipſius ſepulcrum ſunt diuinitus oſtenſa miracula, quæ per negligentiam non habentur ſcripta.

De translatione corporis ipſius, & quibuſdam denuò patratis miraculis.

Cap. XX.

SEpulto igitur in præmemorata baſilica beatiffimi Remigij corpore, cum multa ſtupendæque in eadem per Domini gratiam fierent miracula, dilata- ta & exaltata eſt ipſa Eccleſia: factaque crypta poſt altare, in qua tranſferretur pignus venerabile; detegunt humo loculum, quo præparatum deponant in antrum; ſed ipſum penitus mouere non poſſunt. Superueniente verò nocte multis accenſis luminaribus, circa noctis medium ſopor excubantes occupat omnes. Quibus euigilantibus, inuenitur tranſuectus ſacro cum theſauro ſarcoſagus, in præparatum non niſi manibus Angelicis habitaculum deportatus. Tantæque cuncti replentur odoris ſuaui- tate, quantam lingua non valet hu-

H

mana propalare. Quæ delectationis
amœnitas in eadem per totam diem il-
lâ, sed & in crastina, perseverauit Eccle-
sia. Hac igitur die translationis eius,
scilicet Kal. Octob. cū diuinis laudibus
sumptæ sunt reliquiæ de capillis eius,
& casula, tunicaque ipsius, & inte-
grum, licet exsiccatum, corpus eiusdem
rubeo constat brandeo inuolutum.

Hic itaque pater reuerendus, & in vi-
ta corporis, & post obitum, sicut infir-
mis sanitatum gratiam contulit, sic &
in perualores vel præsumptores sapi-
sime vindex apparuit. De quo præfatus
Episcopus Gregorius referre studuit,
quod ex ipsius hîc verbis indere placuit.

De gl.
Conf.
c. 69.

*Erat enim haud procul à basilica fundus tel-
lure fœcundus; (tales incolæ Olcas vocant)
& hic datus basilicæ Sancti fuerat. Quem
vñus è ciuibus peruadit, despiciens hominem
qui eum loco sancto contulerat. Qui cū ab E-
piscopo ac loci Abbate crebrò conuentus fuisset,
vt quæ iniustè peruaserat redderet; parui pen-
dens verba quæ audiebat, pertinaci direpta de-
fensabat intentione. Denique causa extitit, &
non deuotio, vt Urbem adiens properaret ad
eius Sancti basilicam. Arguitur iterum ab Ab-*

bate pro campi peruatione: sed nihil dignum ratione responder. Explicitisque negotiis ascenso equo domini redire disponit. Sed obstat nisi eius sacerdotis iniuria. Nam sauciatus à sanguine, diruit in terram. Obligatur lingua quæ locuta fuerat campum tolli; clauduntur oculi, qui concupierant: manus contrahuntur, quæ apprehenderant. Tum balbutiens, & vix sermonem explicare valens, ait: Deferte me ad basilicam Sancti, & quantūcunque super me auri est ad sepulcrum eius proiicite. peccavi enim auferendo res eius. Aspiciens autem dator campi hunc cum muneribus deferri, ait: Ne accipias quæso, Sancte Dei, munera eius, quæ nunquam cupidè accipere consueuisti. Ne sis, deprecor, adiutor eius; qui inflammante concupiscentia rerum suarum nequam possessor extitit. Nec distulit Sanctus audire vocem pauperis sui. Nam homo ille licet dedisset munera, ostendit Sanctus Domini se illa non acceptasse, dum rediens peruasor domum amisit spiritum, & recepit Ecclesia res suas.

Temporibus Chilperici Francorum regis extitisse fertur Moderamnus, Redonensis Ecclesiæ Præsul, vir nobili pro sapia oriundus. Qui per licentiam prædicti regis limina sancti Petri adire dis-

ponens, diuertit in Monasterium beati Remigij situm in suburbio Remensis vrbis. Vbi liberaliter à fratribus eiusdem loci susceptus, impetrauit à Bernardo sacrorum custode reliquias de stola, cilicio, atque sudario sancti Remigij. Quibus gratanter acceptis, iter inceptum latus agens, dum permeat Italiam, in monte Bardorum quadam nocte metaturn habens, memoratas in ilicis ramo suspendit reliquias. Cumque diluculo surgens iter coeptum arriperet immemor horum; nutu, ceu creditur, diuino hæc ibidem remansere pignera. Proecedente verò aliquanto longius Episcopo, ubi relictarum memor fuit reliquiarum, suum statim ad has recipiendum dirigit clericum, nomine Vulfadum. Quo ad has perueniente, nullo valet eas ingenio contingere, dum mirabili signo, ut eas attingere vellet, eleuarentur in sublime. Hoc præfatus Episcopus audito miraculo, egrediens in eodem loco fixit tentorium: sed relictæ pignera eadem nocte minimè valuit recipere; donec facto mane in Monasterio, quod vocatur Beracetum, in honore sancti Abundij mar-

tyris inibi constructum, Missam celebrans prædictorum partem munerum deuoueret ibidem. se relicturum. Sicque rapta sibi recipiens, impleto venerabiliter voto cœptū repetit iter. Cui obuius factus Luitbrandus Italorum rex strenuus, qui hanc auditu iam compererat sacrorum virtutem, amore beati Remigij ductus, idem Monasterium, Bercetum scilicet, cum omnibus adiacentiis, omnique Abbatia, mansos octingentos vt tradunt, continenti, præfato Præsuli Moderamno delegauit, eique in præsentia fidelium suorum legali de more vestituram ex ea & chartam fecit. Remeans autem ab vrbe Roma memoratus Præsul, accessit ad venerandum B. Remigij sepulcrum: atque sicut illi præmissus rex hanc terram tradidit, ita nihilo minus ille S. Remigio eandem contulit. Sicque prosperè in suum reuersus Episcopium, successorem sibi ordinari fecit: & vale faciens filiis suis, Bercetum monasterium repetiit, & vsque ad obitus sui diem in loco illo moderatè & honestè, vt seruus Dei, conuersatus vixit. qui quoque nonnullis deinceps locus miraculis

illustratus claruit.

Processu denique temporis Pippinus rex, Caroli magni pater, Episcopi Laudunensis villam, quæ dicitur Anisiacus, accipere nifus, quasi sub censu, velut alias quasdam fecerat, venit in eam. Vbi cum dormiret, apparuit ei S. Remigius, dicens: *Tu quid hîc facis? quare in hanc Villâ intrasti, quâ mihi homo te deuotior dedit, & quâ ego Ecclesiæ dominæ meæ Dei genitricis donauit?* Et flagellauit eum satis acriter; ita vt liuores in eius postea corpore parent. At vbi disparuit B. Remigius, surrexit Pippinus; & correptus valida febre quantocius ab ipsa villa recessit. De qua febre non paruo tempore laborauit. Deinceps verò regni Princeps inibi vsque ad moderna tempora non mansit, vt nec in Codiciaco, vel Iuliaco: nisi Ludouicus rex Germaniæ: qui quando fratris sui Caroli regnum peruasit, in Iuliaco mansit, & inde turpiter in crastinum fugiens ante ipsum fratrem suum, vix euasit.

Partem quoque magnam siluæ in saltu Vosago beatus hic pater dato comparauit pretio. Villulas etiam quasdam ini-

bi constituisse fertur, quæ Cosla & Gleni vocantur : incolasque de vicina Episcopij villa , nomine Berna, dudum sibi à Francis data in eas transferens , ibidem manere disposuit ; & vt picem religiosi annuatim locis Ecclesiæ Remensis administrarent, instituit. Quibus & pensam tribuit , quæ hodièque ab ipsorum successoribus accipitur ; cum qua suum quoque persoluant debitum. Huius etiam suæ coemptionis fines ita per gyrum determinauit, vt & omnibus videntibus pateat ipsa determinatio , & hætenus ipsi fines ab eo denotati nomine tenus vocitentur, & assignentur. In quibus determinationibus ligni cuiusdam concauo manu sua petram coniecisse traditur ; quam quicumque voluerit contrectare, manum in ipsam cauernam valent inferre , lapidem deuoluere ; sed ab eadem concauitate nullomodo queunt educere. Post aliqua verò tempora , quidam beati viri laudibus inuidens ipsam manu petram de ligno nisus est euellere. Quod explere non valens, ipsum securi foramen tentauit ampliare. Sed eleuato ferro, vt arborem percuteret , arefacta

mox dextera, quam procaciter extulit, ipse quoque lumen oculorum amisit; & qui famam sancti patris huius extinguere voluit, venerationem laudis adauxit inuitus.

Istius partem syluæ, huius almi patroni nostri studiis emptæ, duo quidam fratres custodes regij saltus inuadentes, assererant quòd potius ad fiscum, quàm ad ius sancti Remigij pertineret. Accidit autem, dum quonidam cum incolis Ecclesiæ Remensis ditioni subditis ob id altercarentur, vt vnus eorum veniens ad porcos suos, quos in eandem syluam pastum miserat, lupum inter eos inueniret. Quem ascenso equo celeriter insecutus, eumque percutere molitus, equo pauefacto caput ad quandam collisit arborem, cerebroque ipsius in terram defluente, mortuus est. Frater verò ipsius in alteram pergens partem, peruenit ad quandam petram, dicens: *Omni- bus notum sit, quia vsque ad hanc petram est ista sylua Imperatoris*: eoque sic lapidem cum dicto bipenni, quam manu gestabat, percutiente, lapidis particulæ in eius oculos ab ipso profiliunt, & cæcus efficitur. Sic-

que præsumptionis vterque mercedem recepit, & mendacij sui.

Quidam vir nobilis ex territorio Niuer-
nensi, B. Remigij reliquiis obtentis, ora-
torium in sua proprietate sub ipsius ædi-
ficauit honore. Vbi Dominus nonnulla
propter huius dilecti sui merita propalan-
da dignatus est ostendere signa. Cum
deniq; Ludouico Imperatore defuncto,
Aquitani absque Principis iugo facti,
gentilitiâque mobilitate permoti, prout
quisque poterat, efferre sese, mutuôque
impugnare; ac per contiguos pagos de-
bacchari cœpissent; pauperes quoque res
suas in Ecclesiis reponere studuerunt.
Vnde confisi virtutum, quæ inibi fiebant,
opinionem, sua multi seruanda in eodem
certatim recondunt oratorio. Audientes
autem prædones, hoc opibus oratorium
pluribus refertum, plurimorum eas vi di-
spicere nituntur. Quorum quodam obse-
rati seram conante frangere ostij, mox vt
in uiam calce percussit, eidem cohærente
de ipsius ostio, resupinus in terram præ-
emptor cecidit. Quod alij cernentes au-
giunt. Ipse verò miser, cogente crucia-
tu, cum maximo suos eiulatu cœpit ex-

primere dolores, & amarissimis promittere cum lacrymis, quia si Deus per merita S. Remigij pedem ipsius ab hac compede solueret, vlteriùs nunquam vel de illa, vel de qualibet aliquid Ecclesia tolleretur, aut tolli, quantum in ipso esset, vllomodo cõsentiret. Caballum quoque suum cum sella, & alia quæ potuit ad eandẽ donauit Ecclesiam. Sicque post confessionẽ, lacrymas, & votum, pes eius ab ostio, cui adheferat, est solutus. Verumtamen eo postmodum pede claudus permanfit, dum crure, femorẽque computrescente morte decessit.

Quando tres fratres Lotharius, Ludouicus, & Carolus regnum sibi Francorum post patris obitum diuisere, villas Episcopij Remensis, quas tenebat Fulco Presbyter, Carolus suis distribuit militibus. Ex quibus villam Iuliacum cuidam Ricuino dedit: cuius vxor, nomine Betta, dum in ipsius villæ cubiculo iaceret, venit ad eum S. Remigius in somnis, dicens: *Non est iste locus tuus ad iacendum. Alterius meriti & officij debet esse, qui hanc villam habere, & in hoc cubiculo debet iacere. Surge quantocius, & hinc abscede. quod illa paruipendit,*

putans inane se visum videre. Iterum quoque apparuit ei sanctus Domini dicēs: *Cur hinc non abcessisti, sicut tibi præcepi? Vide ne te hinc amplius inueniam.* Quod ipsa ceu prius, etiam nunc pro nihilo duxit: Tertiò venit ad eandem beatissimus Præsul & dixit: *Nonne iam semel & secundò tibi iussisti, ut hinc abscederes? sed quia pergere contempsisti, aliorum deportatione discedes.* Et percussit illam virga, quam tenebat in manu. quæ mox in maximum toto corpore còuersa tumorem, viro suo quod viderat, aliisque nonnullis dixit. & per aliquot dies seuerissimè cruciata vitam finiuit. Cuius corpus vir eius in Ecclesiam sancti Remigij deportari, & ibidem sepelire fecit. Quod autem funus ipsius in Ecclesia sua pater hic almus receperit, non adeò mirabitur, si quis dignè perpenderit, quia Sancti vindictas in delinquentes exercere soleant intentione: videlicet, ut si pœnituerint, hinc recipiant quod merentur, ne post æternis suppliciis addicantur. Vt in Regum libro de Propheta legitur, qui ori Domini inobediens extitit, & à Leone percussus interiit; atque post ultionem perceptam corpus ipsius intactum à fera

remanſit. quòd verò præmiſſam mulie-
rem ter admonere curauit: nec eam pri-
mò vel ſecũdo viſitās percutere voluit:
quam tamen vltione plectendam vt pote
Deo coniunctus nō ignorauit: quid aliud
quàm patientiæ nobis exempla propo-
ſuit? ne ſcilicet ad perferendā in quem-
que ſententiam faciles ſimus, qui Deo
per diuerſa diſiungimur, cū & eū patien-
ter expectare probemus, quē Deo cohæ-
rere, atque cum ipſo iudicare confidim⁹.

Moderno tempore colonus quidam
villæ Remenſis Episcopij, quæ Plumbea
fontana dicitur, manens iuxta regij vil-
lam fiſci, quam Roſetum vocant, neque
meſſem, neque pratum, cæterumve pe-
culium propter fiſcalinorum infeſtatio-
nem habere quietè valebat: vnde ſepe
iuſtitiam apud miniſteriales regios ſibi
fieri petiit, nec obtinere potuit. Inuenit
autem tandem ſibi ſalubre conſilium.
Nam coxit panes & carnes: & accepta
ceruiſia, prout viſum fuit, in vaſculis hæc
omnia, vehiculo, quod vulgo benna di-
citur, impoſuit; & iunctis bobus ad baſi-
licam ſancti Remigij candelam manu fe-
rens proparauit. quò perueniens cibariis
quæ detulit matricularios paut, ad ſepul-

crum Sancti candelā posuit, & eius auxilium contra suos oppressores expetiit: puluerem quoque de pauimento colligens Ecclesiae, panno colligauit, & in praedicta benna ponens, linteum desuper, vt supra corpus mortui solet fieri, composuit, & ad propria remeare coepit. Si qui verò de obuiantibus eum interrogabant, quid in illo carro duceret, respondebat se sanctum Remigium ducere. Mirabantur autem omnes in dictis & factis illius, amentem hunc esse ferentes. In pratum verò suum perueniens, pastores inibi de Roseto diuersi generis animalia pascētes inuenit. At vbi S. Remigiū ferre sibi suffragia postulās inuocauit, coepere boues, hirci, capraeq; inuicem se cornibus impetere, porci cum porcis conflagere, verueces cum veruecibus se collidere, pastores se fustibus & pugnīs mutuò percutere. Maximoque surgente turbine pastores eiulantes, animalia quoque iuxta genus suum magno sonitu perstrependo, ita coeperunt Rosetum versus fugere, ac si multitudo persequentium flagris videretur insistere. Quod cernentes fiscali, terrore perculsi, mortis imminere sibi pericula veriti, tandemque correpti,

cessarunt ab afflictione pauperis sancti Remigij. Sed quia secus amnem Saram loco lutoſo manebat, & in ſuis habitaculis à ſerpentibus moleſtiam magnam ſuſtinebat, accipiens puluerem quem ſecum ab Eccleſiæ pauimento collectum detulerat, per habitacula ſua reſperſit, ac poſtea ſerpens in eiſdem locis non apparuit. Compertum quoque traditur, quòd in omnibus Eccleſiæ beati Remigij circumiacentibus atriis vel cimiteriis coluber nunquam ſoleat inueniri. Sed & ſi delatus huc aliquo modo fuerit, nulloatenus hîc viuere poſſit.

Tempore domni Hincmari Præſulis quidam Blitgarius Eccleſiæ manſum in villa Tenoilo apud ipſius Eccleſiæ cuſtodem impetrauit precio. vnde ſamulos ſancti Remigij cum flagellis eiecit, conclamantibus eis ſanctum Remigium ſibi ferre ſubſidium. Quibus idem Blitgarius cum irriſione dixit: *Modò parebit qualiter vos ſanctus Remigius iuuabit. Videte quomodo in adiutorium veſtrum venit.* Moxque inter hæc verba maximo clamore ingemiscens, mirabili turgore diſtensus intumuit, & expirans medius crepuit. Qua

vindicta commonemur ultionem diuinam pertimescere, crudeliter Ecclesiasticam non tractare familiam. & in Deum ac Sanctos eius summopere cauere blasphemiam.

Nostris olim diebus quidam Vvarnerius, pagi Vormacensis Comes, res sancti Remigij præmissas in Vosago sitas inuadens, hominibus suis distribuerat. Veniens autem B. Remigius ad Herigarium Maguntiae Præsulem, in somnis ei visus est, præcipiens ut iret ad Conradum regem, commonens eum iubere sibi subiectis, quatenus dimitterent terram suæ ditionis. Qui consurgens à somno, licet miratus de visione, regi tamē omisit indicare. Rursus post aliquor dies apprensus ei S. Remigius redarguit eum, quare mandata non adimpleset illius; admonens iterum ne differat, quin iussa regi denuntiet. Item ceu prius ille visum retans inane, neglexit perficere iussionem. Tertiò hunc iam cum flagello sanctus adiens, ipsius increpauit contumaciam: quemque per brachium comprehendens lecto visus est extraxisse, sicque flagello, quod tenebat, eum verberans, acriter

cæsum dimisit, & humiliatum. Non amplius enim iam temnere iussa præsumens, regem mox adit, secretum petit, vestem deponit, liuidum corpus ostendit: & dicta vel acta fideliter ex ordine pandit. Accidit autem, vt eadem die Legatus domni Præfulis nostri Heriuei, nomine Teudoinus, ab eodem seniore suo, pro ipsis rebus repetēdis, ad regem cum muneribus deueniret, atque horam qua regi præsentari posset, extra stans expectaret. Cūque rem gestam rex admiratus, requiri præcepisset, si quis illic inter suos fortè nostris è partibus inueniretur. Ille pro hac eadem re foris sustinens reperitur adesse: regi nunciatur: eo iubente coram deducitur, & ei res quæ propalata fuerat aperitur. Ille gratias agens, pro rebus ipsis se missum reteggit, res rege red-dente recipit, & eodem præfato Pontifici Herigario tutandas ad fidelitatem sancti Remigij committit. Posteaque domnus Præful Heriueus dumad vixit, ex hisdē rebus annuatim debitum sine contradic-tione censum recepit.

Easdem res domnus Artaldus Episcopus dudum Conrado duci commiserat: quas

quas ille Ragimbaldo cuidam suorū delegauerat. Qui Ragimbaldus earundem rerum colonos valde affligebat. Ipsi verò pro afflictione sua saepe ad sanctū Remigium clamabant, Remis venientes, & ipsius patroni sui patrocinia requirentes. Pro qua re nuper anno præterito cū rege Ottone & præfato Duce locuti sumus, quando Aquis ad eundem regem missi fuimus: sed vt idem Ragimbaldus ab ipsarum rerum direptione desisteret, impetrare nequiuimus. Vnde contigit horno, vt dum quodam sabbato eosdem colonos ad opus quoddam peragendum congregatos haberet, præciperetque Presbytero, ne signa vespertinalia vsque propè noctem pulsaret, operique implendo insisteret; percuteretur percussore inuiso. Qui dum requireret, quis eum percussisset, omnesque se vidisse negarent: furiis exagitatus sensum amisit, grauitèrque vexatus spiritum exalauit. Quo comperto dux Conradus nimium territus ad S. Remigium venit, eique res ipsas reddidit. quas Præsul præmissus Artoldus, Hincmaro Abbati, ac cæteris monachis ad supplementum victus attribuit.

FLODOARDI HIST.

In Vvlfiniaco Riuo, pago Laudunen-
fi, habetur Oratorium in honore sancti
Remigij dedicatum. In quo, dum Ro-
dulfus rex Heribertum Comitem per-
sequeretur, qui Episcopatum Remensem
à rege sibi commendatum tenebat, ho-
mines ipsius villæ res suas propter hosti-
les incurfus recondere studuerunt. At
dum Rex præfatus ad obsidendam Re-
mensē venisset urbem, & in Culmisciaco
metatus esset, exercitus eius vicinas oc-
cupauit villas. Quidam vero illorum,
qui in prænotata villa, scilicet Vvlfiniaco
Riuo, metatum habebant, vinum quod
in Ecclesia timoris causa recōditum fue-
rat, inuadit, & quasi tabernam consti-
tuens in eadem Ecclesia paribus suis il-
lud vendere cœpit. Hoc dū ageret, per-
cussus morbo repentè sensum perdidit,
ore sibi ad aurem vsque pene retorto.
denique cruciatus tormento, vitam fini-
uit. Quod cernentes cæteri, eidem loco
sacro debitam deinceps exhibentes reue-
rentiam, ab huiusmodi se se cohibere
præsumptione.

De altera vel iterata translatione, seu relatione corporis eiusdem ad Urbem.

Cap. XXI.

H Vius beatissimi patris nostri venerabile pignus Dominus Hincmarus Archiepiscopus adhuc ampliata ipsius Ecclesia, cryptaque opera maiore atque pulchriore præparata, præsentibus & annitentibus Episcopis dioceseos huius Remensis, transtulit: integrumque illud cum brandeo, quo prius repertum fuerat inuolutum, in argenteo locello transposuit. Sudarium verò, quod super caput ipsius erat, cum parte prædicti brandei, scriniolo reconditum eburneo, Remis abinde in Ecclesia reſeruat^{ur} beatæ Dei genitricis Mariæ. Denique dum corpus ipsius ſacratissimum de lapideo ſarcofago in præmiſſo transponitur loculo, Rado quidam Sueſſonicæ tunc Ecclesiæ ſubdiaconus, qui cum Episcopo ſuo Rothaldo illuc aduenerat, adeo dolore dentium per integrum vexatus annum, ut doloris nimietate perditurus metueretur ſenſū, maxillā peste grauata loco, ubi S.

FLODOARDI HIST.

pignus iacuerat, apposuit : & mox ab hac liber redditus ægritudine dolorem deinceps huiuscemodi meruit non sentire. Hac eadem die duo quidam homines morbo contracti apud pagum Ribuariū, in Oratorio quodā memoria huius beati nostri patroni dedicato sanitatē nunciantur recepisse. In ipsius autem, qua corpore quiescit, basilica continua fieri non omittuntur insignia: dum aduenientes ægroti sanantur, periuri dæmone peruaduntur, energumeni liberantur, illuminantur cæci, eriguntur claudi: vt in cœlis gloriosè cum Christo viuere demonstretur, qui tot miraculorum signis, vbi corpus examine seruatur, in terra viuere comprobatur. In loculo verò, vbi tunc depositum est corpus eius, hi versus à domno Hincmaro editi, leguntur insculpti.

*Hic famulus Hincmar Domini sacra membra
locauit*

Dulcis Remigij, ductus amore pio.

Qui prius est sanctus, mūdo quàm matre creat⁹,

Et magnus dictus cœlitus ore Dei.

Bis denos, binósque gerens feliciter annos,

Sorte Dei sumpsit pontificale decus.

Sexaginta simul bis septem manserat annis
 Istius Urbis honor Præsul, & orbis amor.
 Vitam defunctis, reddens quoque lumina cæcis:
 Egerat & viuens plurima mira satis.
 Nā domuit fera corda, animo pius, ore profusus,
 Sicambrae gentis regia sceptrâ sacrans.
 Nonaginta quidem sex cū compleuerat annos,
 Splendida lux nostras deseruit tenebras.
 Idus iam plenas cū mensis Ianus haberet,
 Emeritus miles præmia digna capit.
 Isdem Hincmarus primus hac sede Sacerdos
 Post triginta loco constitit & numero:
 Qui sextus decimus sub hac radiante lucerna
 Remigio Remis munia cara dedit.
 Annis septenis, quinis ac mensibus egit
 Pastoris curam, hæc recolenda patrans.
 Octingenteno quinquagenoque secundo,
 Quo Deus est anno Virgine natus homo:
 Tertius & Carolus regni componeret actus,
 Octember primam cū daret atque diem.
 Ac tercentenos octauus tangeret annos,
 Hic iustus Domini quo petit astra poli.
 Tercentum fuerant tres & deni quater anni,
 Quo vitæ Francos gurgite lauit ouans.
 Ipsius is precibus cælesti in sede locetur,
 Quem terris coluit verus amator. Amen.

FLODOARDI HIST.

Accidit autem postea, peccatorum meritis exigentibus, ut Dominicæ Incarnationis anno DCCCLXXXII. Carlomanno regnante, prædicto Domno Hincmaro Archiepiscopo satagente, trāsferretur venerabile pignus corporis huius sacratissimi patris & domni nostri Remigij, propter infestationem paganorum, ad villam ipsius iam supra taxatam, nomine Sparnacum: quia ciuitas Remorum tunc temporis non habebat in ambitu sui murum. Cuius obtentu totius tunc pagi, ad quem delatum munus hoc habetur amantissimum, prouisa probatur salus à peruatione Barbarorum, vel incursu prædonum. Post Hincmari denique pontificis obitum, desiderabilis hic sacrorum thesaurus membrorum ad Orbacense perducitur monasterium. Hic quoque beatissimi huius patroni nostri suffragiis omnis commoditas aeris circumquaque degentibus attribuitur incolis, cum insolita fertilitate telluris.

Post decessum verò sæpedicti Præsulis Hincmari, cum pontificatus subiisset honorem Fulco, sui primo præ-

fulatus anno referre decreuit alma beatissimi patris nostri ossa. Quod ubi aggredditur, perueniente iam eo cum Coepiscopis & cleri plurimis ad locum, ubi pignus seruabatur pretiosum, cum esset magna cœli serenitas, sed feruens admodum siccitas; subito se tantus effudit imber, ut totius huius superficiem terræ videretur vbertim irrigasse. In crastinum verò, dum sacra referre promouent munera, cuncta clara, cuncta iocunda, cuncta mundanæ speciei redduntur amœna. Prosperoque progressu, confluentibus vndique populis, ad vicum deueniunt Calmiciacum, in quo nonnulla pater hic eximius, adhuc carne septus, virtutum dinoscitur exhibuisse magnalia. Hic membra veneranda in Ecclesia deponentes eius nomine dedicata, noctis quiete fessa leuant corpora.

Post requiei subsidium, iam terras Solis illustrante iubare, voces vndique Deum benedictentium concrepant, atque laudantium, quod eis pastorem, patronum, ac protectorem redderet

corporaliter propriū, quem semper apud diuinam clementiam intercessorem, & assiduum se habere confidunt aduocatum. Præfatus interea Præsul cœlestium sacramentis mysteriorum ritè celebratis, imminentis iuga cum laudibus scandit montis, comitantibus vndique secus populorum stipatus cateruis. Hic ubi pro populi delictis & iræ mitigatione cœlestis ad Dominum fudisset orationem, paululūmq̃ processissent, adhuc clarificare Christus, mirificare, atque glorificare disponens hunc beatissimum patrem nostrum in terris, quem magnificare cum Angelis elegerat in cœlis, quanti sit apud se meriti concurrenti propalare decernit multitudini.

De Remediis subinde pluribus impensis.

Cap. XXII.

A Ccredit itaque mulier cœca, nomine Doda, manu sibi gressus regentis innixa. quæ mox vt cominus adproperat, visum sibi restitui coram omnibus impetrat. Quod Præsul audiens, hymnum laudis Dei cum populo, magno re-

pletus gaudio, concelebrat. Nec dum finierant odas exultatione cœlum replentes; & ecce frustratus quidam multis gressu diebus cum integra procedit incolumitate lætabundus.

Transiere cum laudibus inde paulisper: & mulier quædam manuum potita sanitate succedit. Duplicant ergo, triplicantque comitantia gratiarum actiones agmina. Tremefacti proximi quique mirabiliū magnitudine, tantisper à tanta deliberant secedere sanctitatis sublimitate. Nex vox reciproca laudantiū defecerat ab ore, dum puer quidam, Grimoldus nomine, diu lumine priuatus, os quoque miserabiliter à rectitudinis loco distortus, inuisaque deformitate turbatus, à parentibus obuiam delatus, pristinum quem dudum amiserat visum est consequutus, & in propriam sanctissimi patris huius opitulatione mirabiliter est effigiem restitutus. Interiecto velut vnius horæ spatio, puer alius à contractione corporis eiusdem patroni suffragiis feliciter est erectus. Cohors igitur deuota melodiis Dauidica nequaquam suffi-

ciens reboare carmina, maximo cordis affectu permota, inter laudum voces, eliciente gaudio lacrymis ora rigare profusis, & suspiria, singultusque formare pro canticis. Concurrentium quoque nimia stipatio plebium, sacri muneris gerulum deosculari gestientium loculum, importunitate valida vehentium cœpit figere gressum. Mirorum siquidem, quæ gerebantur, percrebrescebat opinio; certatimque tã sani, quàm diuersis calamitatibus attriti, properare studebant, cupientes intueri magnalia quæ Dominus omnipotens in Sancti sui clarificatione multiplicare proposuerat. Pro magno namque sibi damno quisque reputabat, immo delictum deputabat, non modò si non procederet, verum si postremus accederet. Approperantes autem ciues obuiam, dum grata deferri cernunt munera, terræ se prosternentes, soli deosculantur terga. Suspicientésque, vbi contemplantur loculum pretiose diuini diadematis gemmæ baiulum, multas inter eximia gaudia lacrymas fundunt; obsecrantes ne amplius eiusdem patris affici censeantur absentia; quin

perpetua mereantur gratulari praesentia. Pater interea beatissimus filiorum deuotioni praecclaris fauens nutibus, addit adhuc diuinis plebem suam multipliciter exhilarare mirabilibus. Etenim dum celerus cum sacerdotibus psalmis, hymnis, & canticis intonant spiritualibus, populus etiam iubilationis immensae reboat vocibus, ut mirabilem Deum in Sanctis suis iucundioribus adhuc praeconarentur animis, pristinam multitudo languentium sospitatem manifestè conspicitur recuperare, leuatis pluribus varia peste corporibus. Adeoque per singula pene momenta coelestia pandebantur miracula, ut ad hæc locorum vel temporum vix enumeranda censerì valerent interstitia.

Tunc igitur Osanna quædam mulier, cum admiratione gaudentium, celeri meruit prosperitate recipere visum: & post pusillum claudus quidam felici munere consequitur gressum. Deodata quædam patefactis aurium ianuis adipiscitur auditum. Quidam nomine Teuto desiderabili potitur illuminationis dono. Item quædã mulier eodẽ gauisa lætatur

beneficio. Similiter Ansoldus quoque lumine, quod nimio flagrabat assequi desiderio, fido ceu credidit animo, patris huius piissimo perfruitur suffragio. Quidā Gerbertus paralytis est à dissolutione sanatus. Quidam quoque alius eiusdem muneris exultat hîc largitate perfunctus.

Cumque certatim quique studio piæ devotionis obuiam studerent occurrere, ac non modo benigni cordis intentionem, quin etiam rerum temporalium exhibitionem, prout cuique facultas suppetebat, afferrent, mulier quædam pauperula de ciuitate proparans in occursum, manu cereum ferebat, qui accensus nunquam fuerat. Mirabile dictu, subito cœlitus nutu diuino cereus in manu gerentis est illuminatus. Ipsum quoque dum per totam defert illa viam, Dei confitendo miraculum; nequaquam superni luminis amittit ille beneficium, donec mirifici pignera patris in stationis propriæ perferrentur domum; Sicque à Pontifice sollennia celebrarentur Missarum. Tunc fœmina cereum lumine flagrantem mirabili basilicæ tradit custodi, qui ob su-

pernae gratiae quod contigerat gaudium, luminaria quaecunque per Ecclesiam videbantur ardere mandat extingui, lumineque diuinitus hoc dato rursus accendi: huius verò partem cerei cœlo dati miraculi decernit in testimoniū reseruari.

Rotgardis quædam fœmina de pago Castricio gradiēdi carens officio pristinae gaudet cum incolumitatis dono: vt quæ plaustro deuehente fuerat adducta, propriis postmodum pedibus remeare valeret ad sua. Præterea mulier quædā secum paruulam sex annorum fere defert filiam, nomine Vvlfidem. quæ dum quadam die cum coæuis luderet, ab aliqua transeūte fortè muliere percussa fuerat in capite. quo ictu læsa, itavt eius retro reflexum inhærere ceruici videretur occipitium, nec in aliam caput reclinare partem valeret; cibi vero nullam nisi liquidam sumere sustentationem posset: quæ integrum sub tali ferme labore duxerat anni curriculū. Quā mater affectu diligēs tenero, deque salutis ipsius sollicita recuperatione, studuit obuiā deducere. dumque cominus ob densitatem multitudinis non valet accedere, procurat aliquan-

tulum vulgus antecedere. Mox in via, per quam iter erat agendum, se se prosternens simul cum sobole, fulta valida fide, preces ad Deum deuota dirigit mente. Nec dum ab oratione cessarat : & ecce ipsius cœpit vociferari filia. quam genitrix, vt maternis consoletur blanditiis surgens, , intuita, caput eius ab inflexione videt ad propriam rectitudinis lineam remeasse. Tunc nimia hilaritate repleta, sed & de prolis sanitate confisa, perlustrans vulneris locum, cernit sanguine madidum, nervosque diu contractos ac si funes extendi productos. Sic accepta misericordiæ quam quæsierat benedictione, domum læta cum gratiarum reuertitur actione.

Hac igitur dignitate clarificationis, & rerum gestarum admiratione cohors stipata, votóque gratulationis, arreptum toto feruoris iter annisu cum canticis hymnisque percurrere satagebat. Præcesserat equidem Præsul, sed reuersus cleri comitantibus choris preciosissimum propriis thesaurum sumit humeris; & sic ad ipsius propriam beatissimi domum patris cum magna perfert gloria

iubilationis. Ast vbi peruenitur in Ecclesiam, quæ competere visa sunt rite dispositis, inchoata iam victimæ spiritualis immolatione, mulier quædã de pago Tre-
 cassino membrorum omnium agitatione mulctata, veniens coram altari ruit in
 pavimento: ibique miserabiliter diu vexata, huius piissimi consolatoris miseratione surgit incolumis effecta. Quæ super
 euentu tantæ consulta calamitatis, nec se propriæ confitetur perpetrasse matris.
 Missarum denique solennibus ex more peractis, sua quique repetunt reuersuri
 maturè in crastinũ, ad hoc tutelæ suæ præ-
 sidiũ in ciuitatẽ perferendũ. Mane iã factò, dũ ad condictũ studiosè contẽditur,
 Erluidis quædam mulier, haud procul ab
 vrbe degēs, ad tantæ processionis spectaculum disponebat exire, quatinus optatæ
 sospitatis vti mereretur munere. quæ quia
 iã per quinquenniũ langore pressa partẽ
 corporis dextrã præmortuã, penèq; gestabat inutilẽ, nisu quo poterat accedere, &
 ad visendũ sacri muneris huius loculũ se
 se molitur promouere. Cũque tali conamine iam fere mediũ peragrasset itineris
 huius spatiũ, non valens vltra procedere,
 graui corruit confecta labore. Meditatur

domū redire: sed nequit hoc vllatenus
adimplere. quæ postquam hac aliquñadiu
nutans iacuit hæsitazione; demum re-
sumpto moliminis ausu temptat an va-
leat adhuc aliquantulum propinquare.
Moxque diuina miserante clementia vi-
gor ægris additur nisibus: viribusque
cum salubritate receptis, libera festinās
celeritate, nimiaque tripudians hilaritate,
quò decreuerat ægrota se trahere, agili
cœpit incessu gaudens appropere. In-
firmitatis etiam suæ solamen manu ferēs
baculum, iter peragit destinatum: non vt
eius amplius egeret auxilio: sed vt id
in huius datæ sibi sanitatis responderet
testimonio. Perueniēsq; quò deside-
rāuerat, laudabunda deuotas interuen-
tori suo rependit gratias. Hicque præla-
tum dimittens bacillum, priscæ calamita-
tis suæ solatium, alacris iam, nec opis hu-
ius indiga, repetit iter emensum, referens
lata quæsitum diuinæ consolationis suf-
fragium.

Adueniens itaque Pontifex cleri ma-
gnatumque stipatus agmine, victima sa-
lutis oblata, vestibus albis indutus, cum
choris psallentium, gratissimum deducit
ad mœ-

ad mœnia ciuitatis thesaurum. Illis autem feliciter eò progredientibus, & gratanter ad destinatum locum tendentibus, omnipotens Deus in huius charissimi sui glorificatione fontem suę benignitatis ac largitatis abundè dignatus est effundere: ut vix lingua quælibet effari valeat, quæ hoc tunc itinere per ipsa pene momentanea gesta probantur horarũ intersticia. Nam tantam Dominus hîc operatus est hac die miraculorum magnitudinem; ut viri quatuor, femina verò nouem visum, viri quoque duo gressum recipere mererentur. Cum huius itaque præclaræ gratulationis admiratione in ciuitatem ad Ecclesiam Dei genitricis prosperrima peruenitur exultatione. Sicque lucerna hæc lucens & ardens æternaliter in altaris sistitur crepidine. Dum Præsul igitur ad sacrandum viuifici munus accedit mysterij, quis tam ferreum pectus, tam lapideum cor gessit, qui non gemitus ederet, pectus tunderet, lacrymas funderet, dum tam stupenda diuinorum dona charismatum conspiceret? Quis etenim queat enumerare mirorum copiã cœlitus hîc ea die profusam! Nemo

reuera qui valeat expedire sermone, quot
ægotantes sanati, quot titubantes erecti,
quot ipsa die diuersis hîc sunt cladibus
absoluti.

Post expleta mysticorum discedentes
sacra maturabant quique repetere sua.
Sed inter abscedendum minax oriri ter-
ritatio; nubes teterrimæ, terribilisque
confurgere, truculenta polum caligine
claudere, micare fulgura, concrepare to-
nitrua, grandoque solum verberare
cœpit non minima. quo terrore percus-
si rediere plurimi, clementiam depre-
cantes altissimi, quatinus huius interces-
sione patris beatissimi mererentur ab his
imminentibus periculis erui. Mirum in
modum perturbatio, quæ terrorem in-
cusserat, immutari, nubium clarescere
tenebrositas, cessare fulgura, mitigari
tonitrua, cunctaque sedari cœpit ac dis-
sipari tempestas, & ex truci conuersa in
exoptabilem pluuiam grandine, telluris
vbertim superficies, quæ nimio solis ex-
usta feruebat ardore, perfusa sæcundo sa-
lubriter refouetur humore. Sicque ma-
nifestè dinosci datur indignationis ad
horam concitata permotio salutis im-

mutata subsidio. Denique benignissimi patris huius solatio totius diræ pestis nostris videtur finibus eliminata corruptio: salubris aër, pluuiæ data congruens: timor etiam, qui regnum peruaferat, hostilis in spem paulatim securitatis tranquillitate vertitur pacis.

Hac eadem præfata scilicet illationis sacri corporis in urbem die, tingui feruida iam solis Oceano rota petente, quidam Niuolus nomine, de villa quæ vocatur Dominica, Remorum montis in latere sita, surdus & mutus, manibus quoque per annos nouem debilis, ac pedibus, qualicunque per totam diem valuit conamine, ab ipsius surgentis auroræ lumine, per quinque fermè passuum repens millia, vix ad ipsius ædis sepulcri limina quasi decima tandem peruenit hora. qui dum veniens sacrum corpus ibidem non adesse comperisset, templique fores seris diligenter obfirmatis clausas perspiceret, cadens in faciem super terram, quadam præsumptionis importunitate, sanctitatis aures clandestino cœpit clamore pulsare, tam magno se conquerens

FLODOARDI HIST.

labore fatigatum, nec sibi fore permis-
sum videre saltem loculum sacri pi-
gneris baiulum, qui tamen eius sibi pos-
se subuenire celsum nequaquam diffi-
deret præsidium. Talia denique dum
tacita secum volutat mente, salutis vi-
gor ipsius per membra quæque sen-
sim cœpit irrepere, priscaque stupet
simul omnium se vires sensuum recupe-
rare. Cùmque rumor operationis huius-
cæ quibusdam nunciantibus aures per-
celleret plurimorum, certatim quique
procurrunt, admiranda Dei magnalia
lætantes aspiciunt, ouanter hominem
ad locum venerandi sepulcri perducunt,
campanas pulsant, lætabundis Deo lau-
des vocibus intonant. Huius miraculi
permoti fama quamplurimi, domum pe-
tunt Ecclesiæ, videre cupientes magna-
lia Dei, videntes vt audierant diuinorum
signa virtutum, manibus gratanter in
cælum porrectis benedicunt Dominũ.
Quod diuæ benignitatis miraculum val-
de tunc profuisse dinoscitur ad eorum
solatium, qui se corporaliter deferi tan-
to querebantur patrono. quibus tamen
specialiter se non deesse, tali pietatis

patrata declarauit indicio.

In Ecclesia quoque beatæ Dei genitricis, vbi venerabile patris huius seruabatur pignus, nonnulli diuersis ægroti sunt interim curati languoribus. Nam quidam nomine Natalis de Burdenaco; mulier etiã quædam dicta Teutberga; item mulier altera nomine Guntildis, huius patrocinio patris visum recipere meruerunt. alia quædam quoque mulier vnus oculi visum in eadem domo recuperauit amissum. Quædam præterea puella cognomine Flotgildis, ex villa quæ vocatur Caucella, secus Libram riuulum sita, quatuor circiter ætatis annos gerens, lubricando prolapsa vtrumque sibi genu debilitauerat: ita clauda facta, vt omninò, nec gressum figere, nec pedibus valeret insistere. quam parentes eius, quamuis pauperes, de sospitate tamen ipsius solliciti, per diuersas deferre Sanctorum curauerunt Ecclesias. Ast vbi iam per duodecim ferè annorum spatium tali vexaretur languoris acerbitate, nec remedium doloris posset inuenire; comperiens de relatione sacri corporis, operumque miraculis, quo valuit nisu re-

pere cœpit; nec se carpento permittit imponi, sed tractu provt valet illud agere gestit iter. Ad templū verò perueniēs, quo pretiosum salutis audierat munus inesse, fufis Domini clementiā votis pro fui flagitat liberatione, sed & proprio fertur pauimēta lacrymis humectasse. Quæ postquam per tres ita dies egisset, dum denuò precibus incumberet, diuina sibi gratia superueniente, vim medicinæ vix valens ferre, magnis cœpit vocibus strepere, & eiulatus acerbos edere: sicque nodis neruorum resolutis, omniumque poplitū contractione relaxata, vnus horæ fermè spatio, viribus exhausta iacuit quasi mortua. Sed qui contulit absolutionis opem, roboris addidit quoque vigorem. Moxque ceu de graui euigilans somno, vbi supernum sibi sentit obuenisse beneficium, pigneris almi petit loculum, cuius gratia sibi contigisse non hæsitabat remedium. Dehinc gratias hîc agens, ibidémque degere gratifica decernens, & precibus crebris insistens, debitas medicatori suo celebrat excubias, ac salutaris quotidie libaminis offert oblationes.

Fuit autem Remis in præfata Dei genitricis Ecclesia corpus illud sacratissimum beatissimi patroni nostri Remigij, dum præmemoratus Antistes domnus Fulco præsulatus fungitur officio: scilicet usque ad Episcopatum venerabilis Herivei Archiepiscopi, qui cessante Normānorum persecutione, per solam Dei clementiam pace recuperata, munus idem supernum propria sepulturæ ipsius referre decrevit intra mœnia. quod dum convocatis quibusdam regni proceribus agere maturaret, accumulare dominus eius non distulit clarificationem suorum repetentis ossium sedē. Contigit enim, dū magna populi confluentis stiparetur caterua, postquā sunt urbem egressi, quidam claudus & ariditate nervorū poplitūque contractus, Abraham nomine, qui scabellulis hærens per terram se tantummodo trahebat, ut poterat. ubi secus urbem veniēs iter ad Sancti basilicam inchoasset intēdere, diuina tactus potentia, cōpagū duritia resoluta, cœpit ad salutis extēdi remedia. Quem sospitate recepta pluribus vidimus annis incolumem, erectum, gradientē, collatāque sibi prosperi-

tate gaudentem. In eo verò loco, vbi hoc salutis accidit donum, posita deinceps extat columna, cruce præfixa glorificationis huius continens monumenta. Sed & tam priùs creberrimè, quàm postea, clarissimis sæpe multiplicibusque miraculis eius sepulcri decoratur Ecclesia, quæ nequaquam literis habentur comprehensa. sunt namque multimoda.

De discipulis eiusdem beati Remigij.

Cap. XXIII.

FVERUNT huius denique beatissimi patris nostri temporibus in hac vrbe viri clarissimi, Deoque virtutibus accepti, tam ex clero, quàm ex ordine laicali; vt pote qui tali, tam venerando, tamque sanctissimo famulabantur patri. Quorum videtur eximius Agricola, nepos ipsius, Presbyter venerandus, & eidem obsequiis, vt ipse testatur, à pueritia placitus, quam domesticos eius exegit intra parietes. quem etiam cum Ecclesiæ Remensi, beatoque Lupo Episcopo fratris sui filio, in omni substantia

sua, præter id quod specialiter vnicuique
 donauerat, daríve iusserat, hæredẽ con-
 stituit. Ei quoque mǎcipia nonnulla cum
 vineis peculiariter deputans tradidit: hoc
 illi fidenter iniungens, vt diebus festis,
 & omnibus Dominicis, sacris altaribus
 eius offerretur oblatio, annuáque conui-
 uia Remensib. presbyteris & diaconibus
 præberentur. Erat & alius nepos eius, Ae-
 tius nomine: cui partẽ de Cesurnico, quæ
 sibi sorte diuisionis obuenerat, cum om-
 ni iure quod ibi tenuerat atque posse-
 derat; Ambrosium quoque puerum, cum
 familiis quibusdam designans, ad ius il-
 lius, dominiumque transmittit. Aderat
 & Agathimerus, æquẽ nepos ipsius: cui
 familias quasdam delegans, vineam quo-
 que, quam pater beatissimus Vindonissæ
 posuerat, & suo labore constituerat, sub
 ea conditione donauit, vt omnibus die-
 bus festis ac Dominicis pro commemo-
 ratione sua sacris altaribus offerretur o-
 blatio, & Laudunensibus presbyteris at-
 que diaconibus annua conuiuia pararen-
 tur. Archidiaconi sui Vrsi se familiaribus
 asserens obsequiis vsum, donat ei casu-
 lam quandam subtilem, & aliam plenio-

rem; duo saga delicata, tapete quoque quod habebat in lecto, & tunicam quam tempore transitus sui relinqueret meliorem. Erant & alij probati viri tunc Remis ex clero, tam presbyteri quàm diaconi, quos munere suo dignos ostendit; quibusque dona largitus, & vineam delegat communiter possidendam cum vinitore; addens eis alia quædam quoque mancipia. Aderat Hilaria diacona; quam benedicens idem pater sanctissimus filiam vocat: cui ancillam quandam deputat, & vitium pedaturam, quæ suæ iungebatur vineæ, donat, partēque suam de Talpusciaco, pro obsequiis quæ sibi indefinēter ab ea impensa testatur, & inscribit. Erat & Remigia, cui dat cochlearia tria, quæ ipsius beatissimi patris fuerant nomine titulata: delegans illi alia quoque quædam munuscula. Sed & laici clarissimi nonnulli renitebant viri. quorum Papolus, Eulodius, Eusebius, Rusticolus, Eutropius, & Dauveus priuatis beati viri rebus interfuerunt, & testamento ipsius subscribentes nomina propria subdiderunt.

Enituit etiam vir præclarus Atolus:
qui, sicut in eius Epitaphio legitur, amo-
re studioque sancti Remigij xenodochia
xii. rebus è propriis struxit. Sepultus-
que cum filio & filia post altare in Ec-
clesia beati Iuliani martyris, hunc se-
pulturæ declaratur habere titulum tem-
pli pinnaculo innotatum.

Hic igitur nullum lateat, quid terra retentat;

Ne quis, si cupiat discere, cassus eat.

Subtus enim tria consistunt monumēta petrina,

Sub quibus almarum corpora condita sunt.

Hic pater est Atolus nato, natæque sepultus,

Expectantque diem nunc Domini properam.

Illius certè natus memoratur Elanus,

Nata deinde sua dicitur Eufrasia.

Qui placuere Deo factis dictisque supremo,

Nunc pariter quorum membra tenent loculū.

Is struxit bissena suis xenodochia rebus,

Iure fouens plebes diuitiis inopes.

Sic proprium censum cœlumtransuexit ad altrū;

In quo suscepit quod miserando dedit.

Hoc totum sub amore sacri studioque Remigi:

Ob hoc prærutilum detinet ipse polum.

Hanc esse quoque reor Ecclesiam, de
qua Gregorius Turonensis refert, quòd

quidā Belgicę secūde prouinciæ in subur-

Mirac.
2. cap.

32.

FLODOARDI HIST.

bioRemensis vr̄bis in honore beati Martyris huius basilicam studiosè construxit. Cuius reliquias post perfectam fabricam fideliter expetens, ac deuotè, percepit; acceptisque viatim psallendo regrediens, dum Remensem cum his Campaniam ingreditur, à peruatione dæmonis homo quidam, sancti sibi Martyris huius pigneribus applicitis, liberatur:

De sancto Theoderico. Cap. XXIII.

EXtitit his etiam beatissimi Remigij temporibus beatus vir Theodericus, almi magistri pius discipulus: quem non ex alto voluit adeo sanguine generari, qui sublimiter hunc in generatione iustorum decreuerat nobilitare. Ortus autem pago Remensi, villa, vt traditur, Alamannorum Corte, patrelatrone, veluti rosa spinarum procreatur horrore. Ad declarandū verò castitatis eius munditiam, quo infantilium eiusdem cunarum panniculi feruntur abluti, non sordium iactu, non alicuius immunditiæ puteus inquinamento, licet os eius ex tunc de more pateat, adstruitur infici.

Beatus itaque Theodericus ad annos vi-
 que pubertatis laudabiliter educatus,
 iuxta morem propagationis humanæ,
 studio parentum coactus, sponsam cœpit
 habere nomine tenus vxorem, ceu non
 habiturus. Amore siquidem cœlestium
 latenter inflammatus, fieri studebat Dei
 cultor occultus. Huius igitur Angelici
 cultus habuit in proximo, quo sanaretur,
 medicum; quo iuuaretur, patronum;
 quo doceretur, magistrum; beatissimum
 videlicet patrem religionis suę Remigiũ.
 Cuius piissimi præceptoris irradiatus ex-
 emplis, ardens desiderio virtutum, cer-
 tatim crescebat in virum perfectum. Co-
 pulæ nuptialis amor amarescit, & castita-
 tis dilectio indulcescit. Desiderium desi-
 derio restinguitur, & ardor carnis ardo-
 re spiritus superatur. Abrenunciat ama-
 tor pudicitia mundo, fœdus init cum
 Deo. bellum continentia indicitur ho-
 sti, singulari locus queritur certamini.
 Alloquitur beatus Theodericus spon-
 sam, & ad sponsi cœlestis hortatur amo-
 rem, perpetuũque pro virginitate pol-
 licetur decorem. Sed sponsa tabescens
 amore carnalis desiderij, spernit salutaria

monita sponsi, & amaro animo respondet, dum se despectam videt. Cumque Dei seruus cerneret, quòd eius in animo sponsæ cohortatio locum non haberet, dissentientem deferit, & urbem Remensem propere petens, Abbatissam quandā cœlibis vite cultricem, nomine Susannam, requirit. Sobrius adit sobriam, pudicus pudicam, virgo virginem; quæ sub tutela beatī Remigij puellari præerat congregationi, femina virilis animi, virago profundi consilij, consiliatrix altioris ingenij. Ad cuius piissimæ matris sinus mitissimos sanctus se cōtulit Theodericus. Solo sternitur ante pedes spiritalis matris, eique prodit arcana soli Deo cognita sui cordis. Erumpentibus lacrymis gemitu conturbatur, singultu concutitur, atque salubre consilium sibi cum subsidio precum subnixè ferri precatur. Ad hunc cōpunctionis mœrorem deuotissimi iuuenis commota sunt viscera benignissimæ matris: flenti compatitur, lugentem consolatur, mœrentem lætificat; & vt eum voti compotem faciat, Dominum pietatis exorat. Communis itaque pater vtriusque piissimus ab vtro-

que simul hac de causa sanctus consulti-
tur Remigius: cuius institutione subli-
miter iam beatus profecerat Theoderi-
cus. Ad sponsam denique mittitur; ater-
næ præmium retributionis in virginitate
perseuerantibus à patre seruari demon-
stratur; & quia virginitas Angelicæ gra-
ta munditiæ sit amica, propalatur. Ac-
quiescit sponsa demum: prudentissimi
patris immo complectitur affamina, vi-
tæ cœlestis dulcedine emellita, se seque
pollicetur, si Christo mereatur adhære-
re, incorruptam salua pudicitia perma-
nere. Lætus tandem castitatis decore spō-
sus amplexatur sponsam; quam videt à
voluntate seductoris, & voluptate car-
nis ereptam, conditorique iam sub inte-
gritatis honore mancipatam.

Dirigitur ad prouidendum sibi locum
habitationis cum virgine virgo, Susanna
cum Theoderico. Est syluula in monte
sitâ, tribus à ciuitate milibus separata: in
quo visum est venerabili semper in diui-
nis flagranti patri Remigio construi
Cœnobium, quo sub pij regimine du-
ctoris quem perficere probabat exempla
virtutum, cateruam Christo militantium

colligeret fratrum. Conscenso denique syluosi montis vertice, dum circumferentes oculorum aciem de Monasterij corde volutant positione, subitò sublimi cœlorum mittitur aliger iudex à culmine, per quam cœlos scansuro locus in terris beato depromeretur Theoderico. Nam mysticus ales aquila, spatando gyrans & gylando circumuolans, quantum in ipso fuit locum Monasterij capacem secans aera designauit. Et vt exprefsius ostenderet quid Dominus vellet, vnus ferè horæ spatio supra, vbi Ecclesia construi debuit, lentis volatibus stetit. Et ne hoc ab incredulis casu contigisse putaretur, ipso natalis Domini die quadriennio continuò superuolando Monasterium circumire mirantibus plurimis eadem aquila cernebatur. Quæ verò virtutum opera, quanta miraculorū miles Christi Theodericus inibi gessit insignia, non humanus sermo valet enarrare per singula.

Post successum denique temporis, vbi Presbyteralis subiit onus honoris, implere volens officium sacerdotis, prædicare cœpit omnibus præcepta salutis.

Specia-

Specialiter autem tangit animum piissimæ prolis carissimi cura genitoris. filius sapiens lætificat patrem, cœloque regenerat terræ se generantem. De lubrico monachum, de latrone datorem largissimum, de seruo diaboli Christi facit libertum. Iam iamque viritim de eo sancta per populos diuulgabatur opinio. Et ne veluti lucerna contecta lateret sub modio, sed omnibus in Dei luce-
ret domo; quantum sublimis erat meritis, tantum coruscis cœpit insignis effulgere miraculis. Eius namque beatissima fama peruenerat vsque ad Francorum regis palatia. quorum Rex tunc erat Teudericus, Clodouei filius: cuius oculus doloris subiti nimis cruciatibus ita fuerat oppressus, vt nullis diuersi generis medicaminibus ad sanitatem pristinam posset vllus eum reducere medicus. vnus oculi lacrymabilis ægritudo multorum lacrymas oculorum prouocaue-
rat in populo. Mentem regis varij conturbant exitus cladis. hinc metus stimulat amittendi luminis; illinc immin-
tis pudor deformitatis. Nam si Rex adfo-
ret luscus, maximū fuisset in populo de-

decus. Aut enim turpiter regnando fœditatis gestaret opprobrium, aut cum luminis amissione fortè perdidisset & regnum. Vnum restabat ergo regi consiliū, quatinus vbi remedium cessabat humanum, diuinum requireretur auxilium. Mittit igitur ad venerabilem Theodericum: cui venienti pandit miserabilis oculi morbum, prodit pœnam quam patitur, præuenit precibus pericula quæ veretur. At vir Dei virtutem sciens operationis esse diuinæ, non fragilitatis humanæ, corpus solo sternit, animam in cœlos erigit, orationi se totum committit. Tandem finitis surgens precibus, ad sidera vultu sublato, sanctæ Trinitatis nomen inuocans, olei sanctificati paululum summitati pollicis infundit. & oculo malè habenti signum salutiferæ crucis imprimens, simul cum sospitate lumen in momento restituit. Regem regum magnificat rex lætus, celebri repletus lætitia populus exultat, ingenti gaudio cunctus senatus: laudatur Theodericus Dei seruus, glorificatur ab omnibus mirabilis in Sanctis suis Deus. Conuocantur à rege primates populi, de

magnitudine congratulantur miraculi, quòd tam citò rex senserit virtutem spiritalis medicamenti, & nullius cicatricis vestigia, nullius caliginis vel glaucomæ resideret in oculo saluti reddito macula. Quantis honoribus rex sublimaret famulum Christi, si vellet? quantis muneribus vel dignitatibus remuneraret, si contemptor ipse dignitatum permitteret? Quid etiam oculo in corpore carius? Sed humanæ laudis & mundanæ retributionis refuga gratis dare maluit, quod gratis accepit. atque vir magnæ humilitatis sollicitus ne regi foret vniuocus, petit vt non Theodericus de cætero, quin vocetur Theoderio. Tunc rex admiratus purissimæ simplicitatis humilitatem, venerabiles manus deosculans, sacerdotis benedictionem deuotè postulat, & eum honorificè ad suum deduci monasterium mandat. Quantas tunc cerneret ad eum confluere debiliū multitudines, quæ sine mora quæsitæ recepere sanitates?

Reperitur etiam præfati regis filiam vita defunctam magnificus hic Domini præco vitæ reformasse spiraculo : pro

qua languente rex ad sanctum direxerat Remigium, petens ut ad se veniret, atque cum precibus ægrotanti filiae manum imponeret. At pius Præsul molestia quadam corporis, ut fertur, detentus, beato Theoderico, quem piè castèque nutrierat, & spiritualibus doctrinis instruxerat, quemque gratia curationum repletum videbat, negotium quo petebatur, ut pater filio, commendat. Qui iussa cupiēs solerter explere, dum festinus iter ad palatium regis ageret, affuturam sibi diuinam confidens clementiam, nunciis accipit obisse puellam, & ne fatigari debeat suadetur propriam repetere cellam. Ille verò præceptoris parere non desistens imperio, peruenit ad palatium; mœrore parentes affici, luctu palatinos inuenit opprimi. Quorum lacrymis & ipse sanctus Dei permotus, plures secedere præcipit; cum paucis ad funebria recedit. Cor & oculos ad cœlum cum manibus extendit: deuotas in cubiculo mentis Deo preces compunctionis, profusus faciem lacrymis, effudit. At ubi exauditum se spiritu sentit, ad exanime corpus accedit, oleo sancto sensuum vias cum tactu pollicis illinit.

mirumque in modum membra mortua
in rediuiua reparantur officia; oculi lumē
hauriunt, vox admoto pectoris impul-
su prorumpit, & puella se beati Theo-
derici votis redditam pandit saluti. Ac-
currunt genitores cum gaudio miracu-
lum stupentes; omnis exultat aula, tripu-
dians lætatur familia: veneratur Sanctus
tam à rege quàm à proceribus, glorifi-
catur à palatinis omnibus, laudibus
effertur à turmis vulgaribus. Rex itaque
non solum discipulum, sanctum scilicet
Theodericum, sed & beatum Remigium
cupiens munificentia sublimare dono,
villam quam dicunt Venderam, sitam
super fluuium Matronam, reuerendo
patri Remigio; Gaugiacum verò in pa-
go Remensi præcepto suæ auctoritatis
sancto contulit Theoderico. Processu
denique temporis, Carolo Ludouici
Imperatoris filio sceptrum regni Franco-
rum gubernante, Angilrannus aulico-
rum quidam, traditionis huius ignarus,
à rege Venderam sibi postulat dari. quod
vbi rex annuisset, audiens domnus Hinc-
marus Præsul, qui sedem tenebat Eccle-
sia Remensis, hanc infiscari villam, regala-

lis præcepti chartam in Ecclesiæ huius archiuo repertam, dationis huiusce seriem continentem, Carolo mittit, & ne contra legem Canonicam res vsurpet Ecclesiæ commonefacere satagit. In quo præcepto manifestè legitur, quomodo rex Theodericus, pro resurrectione filiæ sancti Theoderici precibus obtenta, non solum prænotatam conferens ei villam, Dei seruum sui muneris honore prætulit, quin & magistro, præstantissimo scilicet Remigio, cui Dominus tantam gratiam contulerat, vt talem discipulum haberet, qui Spiritus sancti dono sicut & magister mortuos suscitaret, beneficentiæ gratia villâ Venderâ obtulerit. Hec vt ita se habere ex ipsius chartarû monimentis Carolus animaduertit, à peruatione villæ destitit, & Ecclesiæ propriis libere vti permisit. Traditur huius beati viri suggestionem sanctus Remigius collectionem meretricum, quæ ad id vsque temporis prostibula fertur extra ciuitatem tenuisse, subuersis fornicibus in viduarum xl. congregationem permutasse, sumptusque quotidiano victui necessarios instituisse, ipsûmque numerum viduarum perpetim manere, vt adhuc quoque manet, decre-

uisse. Nam dum sanctus Remigius monasterium sancti Theoderici visitans, secus meretricium psalmos cum eodem carissimo discipulo suo concinendo transfiret, ac sancto Theoderico vox faucibus hæssisset, iterumque in redeundo similiter idem in eodem, ceu memoratur, loco & versiculo contigisset, admiratus pater sanctissimus, & requirens cur discipulus follers in Dei laudibus contra morem titubauerit, accipit dolere beatum virum de animarum dispendio perditarum, & in tam sancti Patris vicinia, tam fœdæ turpitudinis tanta diabolo crescere lucra. Sicque persuasum patri piissimo, discipulo suggerente castissimo, subvertere latibula diaboli, & deceptas atque decipientes animas in castimoniam transducere Christi. Multas præterea constat virtutū per hunc fidelem Dei famulum patratas operationes. Cæcis nempè visum, surdis auditum, claudis gressum restaurans, aridas contractasque manus relaxans, obsessos à dæmonibus liberans, mille nocendi Satanæ fraudes per diuinæ medicinæ destruebat oppositiones. Et reuera felicem gregis Christi ductorem, cui da-

tum est tam corporibus quàm animabus conferre salutem. Perseueravit autem in Dei famulatu vsque in finem, & quod ore docuit, exemplis euidentissimis demonstrauit. Qui post multarum virtutũ opera, post miraculorum insignia, bono certamine ad victoriam perducto, feliciter cursu consummato, sanctis ei obuiantibus spiritibus, & gaudenter cum Angelis suscipientibus, die Kalendarum Iuliarum cum gloria migravit ad Christum. Cuius audito transitu preciosissimo, præfatus rex Theodericus ad monasterium prope cum magna venit multitudine, prærogatique sibi beneficij memor, sed & debitæ seruitutis non immemor, ad tumulum beatissimi corpus Abbatis propriis euehere studuit humeris. Nec mirum, si rex hominum illius membra condiderit tumulo, cuius animam cum gaudio Rex Angelorum suscepit in cœlo. Ad cuius venerabile sepulcrum diuina virtus vsque in hodiernum diem multimodam dignatur operari salutem.

Desidia verò vel raritate scriptorum, plurima silentio constat neglecta mirorum. Nos tamen vnum, quod nuper

comperimus actum, decreuimus inferendum. Quadam denique Sabbatorum die, iam vespera Dominici diei accedente, quædā paupercula, nomine Gislaidis, ex familia sancti Dionysij villæ Cortis superioris, dum molam manu verteret, manubrium molæ ipsius inhæsit dextræ, ut diuelli posset à nemine. Tandem molæ manubrium ex vtraque parte manus abscindere cogitur, indicium nolens secum deferre miserabilis operæ. At salutis suæ sollicita, quoniā B. Dionysij tunc Remis ob infestationem paganorum seruabatur membra, veloci gressu ad eiusdem sancti Martyris Domini sui contendit accedere pignera. Perueniens igitur, cum magno timore ac reuerentia solo prolapsa, liberationem deprecatur à tantæ confusionis miseria. Id cum die peregisset ac nocte, remedium inde non desperans accipere, apparuit in somnis ei quidā clericali habitu, veste indutus candida, facie iocunda, capillo admodum albo, vultu paulisper macilento, dicens illi: *Surge hinc, & vade ad sanctum Theodericum. quia secunda feria, quæ est post cras, ipsius erit festiuitas celebranda, & vide ne in domo eius ap-*

*pareas vacua : sed accipe ceram, prout tibi ad
presens suppetit facultas, & sic ad Ecclesiam
illius perge, & illius, quod imploras, obtinebis
interuentione. Illa mox euigilans, hac de vi-
sione stupefacta, orat ex voluntate Dei
sibi confirmari visa, & cum gaudio festi-
nat peragere iussa. Venit igitur ad Ec-
clesiam Sancti venerandæ sollemnitatis
die, B. scilicet Theoderici, tres septima-
nas habens, ex quo id discriminis acci-
derat illi. Tunc se ante sepulcrum illius
cum lacrymis sternens, pro salute sua
preces effundit. Ibique tota nocte per-
seuerans in oratione, veniam de piaculis
suis humiliter ac fidenter exposcit. Dum-
que adhuc ante turbam iaceret beati cō-
fessoris Christi, diuina iubente gratia,
per intercessionem Sancti cœpit manus
ipsius feminæ paulatim à ligno disiungi,
& absque læsione cuiuslibet doloris ape-
riri. Sicque dein tota manus expanditur,
& lignum dicto citius in pauimento pro-
labitur, ac si manu nunquam adhæsisse
videretur. Multi verò qui aderant, hoc
supernæ pietatis cernentes miraculum,
glorificauerunt mirabilem in Sanctis
suis Deum.*

De sancto Theodulfo. Cap. XXV.

Tertius post beatum Theodericum sanctus Theodulfus eiusdem monasterij rector extitit, qui conspicua fulsisse fertur aulicorum propinquitate, & venerabilium monachorum atque sacerdotum dignitate: quique nobilitatis pompam pro nihilo ducens, elegit in sanctificatione Deo servire: relinquensque devios anfractus, viam recti callis expetiit, illa secutus vestigia, per quæ turgidos mundi fluctus pertransiens propere ad cœlestia. Ingressus itaque monasterium beati Theoderici, gloriam huius sæculi tradidit obliuioni: dignitatemque natalium suorum humilitate despexit, & vltimæ seruitutis famulatui se subiugauit, humum rastro radens, & aratri vomere telluris terga scindens. Illud psalmographi factis implere satagens: *Labores manuum tuarum quia man-* Ps. 127.
cabis, beatus es & bene tibi erit. Hoc autem quotidiano per xxij annos insistens operi, cum duobus iuuenicis ad hoc sibi commissis, duros & varios temporum pertu-

lit inuictus labores. Quod verò memorabile traditur, iidē iuueni nec ætate nec lassitudine deficientes, quod alij ricolæ cum quatuor vel sex aut octo vix poterant perficere, hic cum duobus infatigabiliter explebat. Cumque paululum cessaret ab aratro, rursus studebat insistere rastros. Stupendum quoque valde, quòd cum tam duro seruitio intentus esset, nec deficeret, ab agro rediens vnam sæpe noctem, frequenter duas per uigil hymnorum, psalmorumque laudibus traditur excubare solitus.

Quadam denique die, dum laboris intermittendi tempore domum rediturus ab agricultura cessasset, monasterium repetenti quodlibet opus emendandi aratri accidit; virgâque stimuli figens in terram, domum quò tendebat, immemor eiusdem fortè, (immò sic diuina disposuit fieri moderatio) peruenit. Mirabile dictu; spinea virga sub nocte radices in terram dedit, & mane, cum ad consuetum beatus vir opus rediret, atque resumere vellet, turgentem frondibus inuenit. quæ plurimo tempore cumulando, robur in excelsum creuit, & factum mul-

tis enituit : donec iter agens quidam pœna plectendus eandem abscidit, oculorumque sibi lumine cum abscissione pariter adempto, iuges incurrit tenebras.

Eius post hæc aratrum à fidelibus in Ecclesia villæ Colubrosæ suspensum, ibi, donec eandem inimico impellente vorax flamma cremavit basilicam, permansit. Ex quo quisquis dolorem dentium patiens hastulam præcidisset, ac de loco doloris parum sanguinis fluere fecisset, statim medelam salutis exoptatam beati Theodulfi meritis percipere merebatur. Hæc beneficia non audita solum, sed à plurimis etiam visa noscuntur, & sanitate recuperata sunt certissimè propagata.

Defuncto denique Abbate, qui beato Theodulfo præerat, tertius, ut præmissum est, idem vir venerabilis in loco sanctæ recordationis domni Theoderici est ordinatus Abbas, Præsule annuente, & monachorum caterua petente. qui adepto regiminis honore, quasi rudis tyro nouiter addictus exercitio, nullam fere præstabat artubus requiem. Quin ut infatigatus in opera manuum perstiterat,

fic exercendo se non sibi parcens ad diuina totum dupliciter aptabat ministeria. Fabricauit enim basilicam in honore sancti Hilarij, quo cursum sui duplicaret laboris. Signo siquidem dato, cum fratribus conueniens, horarum laudes persoluebat hymnologiarum. Sed vt duplex esset corona meriti, quasi nihil antè gessisset, iterum prædicta vota reddebat in Ecclesia. Qui licet clàm taliter agendo vellet habere quod meruit, opera tamen cultoris sui non est passa diuinitas oculi.

Accidit itaque quadam die, vt sus circa puteum, quo loci huius vicini adaquabantur, deambulans rueret in ipsum. Circumfluentibus yndique monachis, cùm nullus esset qui pereuntem posset eripere de profundo, præsertim cùm ipse puteus centum pedum ferebatur altitudinis; vir Dei superuenit: factoque comperto, de coinquinatione aquæ, si animal idem ibi moreretur, anxiami cœpit; oculisque ad cœlum porrectis, atque animo cùm precibus in Domino fixo, dum Christi suffragia deuotus exposcit, ante pedes ipsius subitò, lympa super os pu-

rei redundante, animal illæsum peruenit. Videntes cuncti, stupore vehementi repleti, gratias egerunt Deo, qui tantam benignitatis suæ gratiam fideli suo contulit seruo.

Quadam quoque die, cùm isdem vir Dei iter ageret, à monasterio ad quendam locum properans, agricolam quendam arantem viam publicam, per quam transire solitus erat, inuenit: cui & dixit: *Non est bonum, ô homo, viam aratro scindi, quæ debet à viatoribus inoffenso pede calcari.* Regrediens autem vir Sanctus per eandem viam, rursus agricolam viam, vt cœperat, arantem offendit. *Nonne, inquit, dixi tibi, quia viam istam arare non debes.* Appropiansque manu sancta caput rustici tetigit dicens: *Per istud caput te, homo, contestor, ne viam istam amplius ares.* Retrahente autem eo manum, tota pars capitis illius, quam vir Dei tetigerat, candens apparuit vt lana. Nec dubium, quòd non homo Dei voluit vt capilli caderent; sed vt signa per succedentem generationem promerentur huius facti, ne quis agere simile præsumeret. quod sanctus Dei Theodul-

fus impetrauit ne fieret. Nam dum generatio ipsius agricolæ mansit, signum quod à sancto viro pater accepit, & ipsa simili modo pertulit.

Vir denique quidam venit ad virum Dei, oculum habens virgulto percussus, & lumine priuatum: cui nulla dabatur requies de cruciatione, nec spes erat de visus recuperatione. quem beatus Theodulfus ad sacrosancta ducens altaria docuit osculanda. Ille sacra velamina ore tangebat, & feruus Christi precibus incubabat. Surgit Sanctus à paui-mēto, & nulla doloris vestigia remanserūt in iuuenis oculo. qui, vt erat dignū, viro Dei gratias referens pro medela, gaudens remeauit ad propria, collata sibi quam quæsierat medicina.

Quidam quoque legatus Austrasiorum, nomine Offo, qui sunt superiores Franci, veniens à partibus Orientis, dum ad huius tunc regni Principem mitteretur, orationis gratia monasteriū viri Dei videtur ingressus. Sanctus verò Theodulfus, corpore laboribus, vigiliisque confecto, fessus fortè quiescebat in lecto. Legatarius animi felle commo-

tus,

tus, quòd Abbas loci non sibi dedisset occursum, rancore turbidus mentis, dabat ore proferens quæ non decebant. Cumque abiret indignans, vt ira iræ misceretur, potentissimus eius equus à puero mortuus nunciatur. Ipse denique frendēs in semetipso, cumulāsque furorē furori, geminos dat cruciatus animo, de indignatione videlicet & dāno. Cumque vir sanctus id post soporem nuncio cognouisset, ad hominē consolandum non distulit exire. suetoque de more blando conatur alloquio efferos eius animos mitigare: inuitansque ad orationem, monet in Deo spem ponere, ac de hoc quod accidisset minimè conturbari. Pergentibus autem illis ad basilicam Christi confessoris Hilarij, dum veniunt in locum, vbi signum crucis adoratur in via, prece solito data, blandè vultū vertens in prædictum Legatarium: *Noli*, ait, *vereri, quia equum tuum inuenies ante fores Monasterij sanum; qui si ita furibundus, vt cæperas, recessisses, cadauer equi mortui nobis reliquisses.* Legatario verò animum non apponente, præsertim cum viderit eum mortuum, ac toto corpore tumidum; decurrit puer

eius, affirmans ita se rem habere, vt ei sacerdos Christi studuerat indicare. Sicque quod non credebat miraculo virtutis probato, mentis furore deposito, gratias refert Domino: vera se testans oculorum experiri probatione, quæ de seruo Domini quorundam dudum perceperat relatione. *Non*, inquit Sanctus Dei, *hoc meis, cum sim homo peccator, adscribas meritis: sed Deo gratias age, Sanctorumque merita non cesses venerari, qui tibi possunt in omnibus auxilium largiri.* Talibus itaque virum instruens monitis, data benedictione permisit abire. Vnde liquidò patet, eum cum virtute mirabiliū spiritu quoque viguisse prophetiæ, qui animal, quod mortuum dimiserat, esse viuum prænunciabat.

Nec vllatenus omnia virtutum ipsius enumerare sufficimus insignia. Quot enim diuersis detenti languoribus per eius intercessionem plenissimam receperunt sanitatem, solus ipse nouit, qui hæc fieri præstitit. Inter cætera quoque bona, quæ Christus huic seruo suo concessit, illud memorabile, spectabileque prædicatur: quòd cum ad vsque no-

naginta vixerit annos, canitie præclarus, aspectu iocundus, moribus temperatus, caritate plenus, eleemosynis largus, contemptor sæculi gloriosus, nullo febrium dolore, nulla corporis lassitudine, nullo rerum variarum casu confectus, nulla mentis molestia motus, ab oratione vel operum Dei exercitio cessavit, quousque beata eius anima corpus vegetavit. Cum verò diuina clementia fidelem famulum senio detentum pro laboribus suis quietis refrigerio, meriti præmio, vellet remunerare, febrium calore aliquatenus eum permisit æstuarere. Ingressusque basilicam die quadam, dum matutinarum solemnia celebrarentur, orationibus profusè incumbens, Deo commendare studebat animam, quam corporeo ergastulo citò prænouerat absoluendam. Depulsis itaque noctis tenebris, aurora rutilante, comitantibus secum quibusdam monachis, cellulam repetiit, hilaris de visitatione sibi facta Sanctorum, ac de reuelatione, qua sui transitus horam sibi gaudebat intimatam. Ad quam dum se peruenisse cognouit, cum fratribus pa-

cem faciens, oculos ad cœlum cum manibus eleuauit, & animam sanctam mundi naufragiis ereptam conditori latus reddidit, quam Christus cum curiæ cœlestis exultatione suscepit.

Horum denique beatorum monasterium patrum pro monachis modò clericos habet. quorum quidam nuper, Otbertus nomine, priusquam Gallia gladiis Hungarorum laceranda traderetur, ad extrema deductus, dum certamina dæmonum pro se litigantium, & eum ad interitum rapere conantium pateretur, almi patroni sui Domni Theoderici tandem se videt eripi meritis; dæmones verò per inuocationem Christi nominis, & sanctorum eius, à se cum magno strepitu & indignatione recedere. Vidit etiā & quendam fratrem dictum Bertricum, qui non longè antè decesserat, se crebrò visitantem, consolando quoque monentem, ne hîc apud sæculum vltra manere cupiat; immo ad eum quantocius ire gaudeat, vt ea quæ nunquam potuit cogitare valeat videre: quoniam si demoraretur in sæculo diutius, nequaquam tantum malum vidisset aliquando, quantum

ECCLESIAE REMEN. LIB. I. 91
visurus esset in proximo. Cuius dicta
probatio constat veritatis insecuta. Iste
liquidem leui dolore corporis tactus ad
Ecclesiam properas, exitum suum preci-
bus Domino commendat, fratres aduo-
cat, missam quoque, quam debito pro-
perantiùs celebrarant, illos repetere fa-
cit; quæ viderat narrat, & eos coram se
caritatis gratia potum sumere rogat, de
seruitio Dei studiosius agendo, & psal-
modiam cum deuotione canendam
monet: atque iam quasi securus & hila-
ris migrat. Post cuius obitum, gens
Hungarorum Galliam ingressa, cædibus,
incendiis, ac rapinis pene cuncta deua-
stat; ipsumque monasterium flammis
exurit, & proxima quæque circumposi-
tarum ruinis fere villarum proterit: in-
tuemurque modò iam manifestè, quàm
vera fuerint, quæ ille audierat ex re-
uelatione.

*De fonte in horum Sanctorum monasterio
nuper exorto Cap. XXVI*

IN syluula huic contigua monasterio
fons dudum nouiter exortus est. Ad
N iij

FLÓDOARDI HIST.

quem febricitans quidam casu deueniens, vidit supra ipsum fontem inclinatū quendam senem, in clericali habitu stantem, aureum baculum manu tenentem. Qui cū sonitu aduenientis motus se videretur erexisse à fonte, tanto iste pauore concussus est, vt attollitus in terram caderet, & nihil omnino videre valeret. At post modicum rediens ad se surrexit, & splendorem, quā senior abierat, monasterium versus magnum vidit, sicque saluatus ab infirmitate sua lætus abcessit. Cæci tunc temporis hoc in loco illuminati nonnulli, claudi erecti, muti locuti sunt, & surdi receperunt auditum.

Nuper quoque ordinato Hugone Remis Episcopo, quædam paralytica quæ iacebat in ciuitate, ad ianuas Ecclesiæ S. Mariæ, Magenildis nomine, admonita per visum illò se deferri petiit: atque vt aqua ipsius fontis perfusa est, incolumitatem recepit. Quædam nihilominus Adelvvidis nomine, arida brachiis, vt eadem lota est aqua, sospitate potita recessit. Cæcus quidam de castro Mosomo tunc adueniens, mox vt Ecclesiam

sancti Theoderici visus est introisse, lumen recipere meruit. Quædam paupercula de ipso loco vt oculos sibi hoc fonte diluit, lumen, quod ab annis vltra quàm xvi. perdiderat, recepit. Fulbertus quidam brachium gerens aridum & inutile sibi membrum, vt se hac aqua perfudit, sanitatem, brachiique recepit vtilitatem. Tunc etiam quidam cæcus nomine Amalricus ibi visum recepit, mox vbi se hoc fonte lauit. Aliaque plura nunc ibi refulsisse probantur miracula; & ex diuersis ægritudinibus diuersa sunt collata remedia.



FLODOARDI
PRESB. ET CANONICI
ECCLESIAE REMENSIS
Historiarum eiusdem Ec-
clesiae LIB. II.

De successoribus beati Remigij.

Cap. I.



EATO Remigio suc-
cessisse traditur Ro-
manus, Romano Fla-
uius. post quos Mapi-
nius : cui potestas re-
gia quædam cessisse re-
peritur prædia, deinceps ab Ecclesia Re-
mensi possidenda. Huius quoque tēpo-
ribus Suauegotta regina Remēsi Eccle-
siæ tertiā partē villę Virisiaci per testamē-
ti paginā delegasse reperitur. Quā partē
ipse quoq; Præsul Teudechildi præfatæ
reginæ filiæ vsufructuario per precariam
saluo Ecclesiæ iure concessit. Ita dunta-

ECCLESIAE REMEN. LIB. II. 93
xat, vt post eius obitum, absque vlllo præ-
iudicio, sicut ab ea meliorata fuisset, ad
ditionem Remensis reuocaretur Eccle-
sia. Quæ scilicet Teudechildis regina
postmodum nonnulla per testamenti sui
auctoritatem tempore domni Aegidij
Remensi contulit Ecclesiæ prædia.

De Aegidio Præsule. Cap. II.

QVI Præsul Aegidius in Episcopatu
Mapinium legitur secutus; Episcopus
copiumque inuenitur auxisse: arua sci-
licet & mancipia nonnulla emisse. qua-
rum eius emptionum adhuc quoque
quædam reperiuntur instrumenta; vt
illud, quo campos duos ab Oboleno
super fluuium Rotonam legitur dato
pretio comparasse: quorum vnus mo-
dios mille tenere sementis, alter inscri-
bitur CCCC. Villarem etiam quendam
à Bertulfo quodam, cum adiacenti cam-
po modios centum tenente. Partem
quoque cuiusdam syluæ à Charibode
quodam reperitur emisse. nec non apud
regiam maiestatem immunitatis præce-
ptum Ecclesiæ suæ obtinuit. vt ab omni

fiscali functione, vel mutilatione, prorsus haberetur ac permaneret immunis: omnia quoque data Ecclesiæ stabilem obtinerent firmitatem. Childebertus etiam rex Villarem quendam situm in Vosago, prope fluuium Saroam, tam ipsi quàm Ecclesiæ suæ possidendum, instrumentis adhuc manentibus inuenitur tradidisse. Huius Præsulis tam vitam quàm prædicationem Fortunatus Italicus, qui tunc apud Gallias in metrica insignis habebatur, his studuit commendare versibus.

*Actibus egregiis venerabile culmen Egidi,
Ex cuius meritis creuit honore gradus.
Subtrahor ingenio, compellor amore parato
Laudibus in vestris prodere pauca fauens.
Namque reus videor tantis existere causis,
Si solus faciam quicquid ubique sonat.
Sed quamuis nequeam digno sermone fateri,
Da veniam voto me voluisse loqui.
Exiit in mundo gestorum fama tuorum,
Et meritis propriis sidus in orbe micat.
Clarior effulges quàm Lucifer ore sereno.
Ille suis radiis, tu pietate nites.
Nil lupus insidiis tanto subducit ouili,
Te pastore sacro peruiigilantè gregem.*

*Facundo eloquio cœlestia dogmata fundis,
 Ecclesiæ creuit te monitore domus.
 Pontificis studio correctio plebis haberi;
 Ne tenebræ noceant, semita lucis ades.
 Cunctorum recreas animos dulcedine verbi,
 Qui satias epulis, pascis & ore greges.
 Præcepta implentur, non solo pane cibamur:
 Delicias capimus, quas tua verba ferunt.
 Ut gaudet corpus, cui mitior esca paratur,
 Sic animæ gaudent, si tua lingua sonet.
 Hæresis illa cadit forti te milite Christi:
 Acquiris regi, qui dedit arma tibi.
 Qui purgas spinis agros sermone colente,
 Et mundata Deo surgit vbique seges.
 Qui venit huc exul, tristis, defessus, egenus,
 Hic recipit patriam te resouente suam.
 Quæ doluit tollis, gemitus in gaudia vertens:
 Exilium remouens reddis amore lares.
 Pauper habere cibū, meruit quoq; nudus amictū:
 Inuenit hic semper quæ bona quisque cupit.
 Consultum tribuis generaliter omnibus vnum.
 Qui populi pater es, tot pia rite regis.
 Hic tibi vita diu Domino tribuente supersit;
 Atque futura micet lucidiore die.
 Ab hoc Præsule Gregorius etiam
 Turonensis benignè quondam se narrat
 fuisse susceptum, quando Siggo quidam*

Lib. VI.
c. III.

Sigeberti Regis referendarius virtute beati Martini, cuius isdem Gregorius tunc secum habebat pignera, in sacratio domus Ecclesiæ Remensis auditū surdæ recepit auris. Qui tamē Gregorius in historia gentis Francorum de hoc Præsule narrat, quòd Legatus ex parte Childeberti regis Sigeberti filij, ad Chilpericum regem patrum ipsius Childeberti, cum aliis legatis missus fuerit. In qua legatione constitutum fuisse refert, ut ablato Guntrannj regis Chilperici fratris regno, in se coniungere pacem deberent. qua pactione firmata, Legati cum magnis ad Childebertum sunt muneribus regressi. Item quòd postquam Chilperico filius natus est, & ipse Parisius peruasit, Legatis Childeberti ad eum venientibus, primus inter eos hic pontifex fuerit. qui data suggestionē pacem, quam Chilpericus cum præfato Childeberto fecerat, ut conseruaretur, Childebertum petere promeruerunt. cum fratre verò ipsius Chilperici Guntranno pacem habere non posse Childebertum, quia partem Massiliæ post mortem abstulerit patris, fugacēque suos retinens nolit ei

Lib.
cod. c.
XXX.

remittere. Adiecit etiam Chilpericus, in multis eundē fratrē suum esse culpabilē; cuius collusio pater huius Childeberti fuerit interfectus. Vnde Legati quoque permoti ultionem debitam super eū velocius inferri petunt: idque ut est iuramento firmatum, datis & acceptis obfidibus, discesserunt. Pro quibus legationibus rex Guntrannus huic Archiepiscopo semper erat infensus. Vnde & cum pacem postea fecisset cum Childeberto, hortatus est eum, ut nullo modo crederet aut haberet hunc Praefulem, conuicians eum periurij crimine. Postea denique dum quidam reus torqueretur, qui ^{Lib. x.} ad percutiendum Childebertum regem ^{c. xix.} à Fredegunde regina fuerat missus, confessus est hunc Episcopum socium fuisse in quorundam consilio ad interficiendū eundem Childebertum regem. Nec mora Episcopus rapitur, & ad Metensem urbem, cum esset valde ab ægrotatione longinqua defessus, adducitur. Ibi dum sub custodia degeret, rex Episcopos accersiri ad eius examinationē præcepit: & apud Virdunensem urbem initio mensis octauī adesse iussit. Tunc à

FLODOARDI HIST.

quibusdam clàm sacerdotibus increpatus, cur hominem ab vrbe rapi absque audientia, & in custodia retrudi præcepisset, permisit eum ad urbem suam redire, dirigens epistolas ad omnes regni sui Pontifices, vt medio mense nono ad eum discutiendum in vrbe supradicta deberent adesse. Denique conuenientes pertracti sunt vsque ad Metensem urbē. Ibique & Egidius præsul affuit. Tunc rex inimicum sibi eum, regionisque proditorem esse pronūcians, Ennodium Ducem ad negotium dirigit prosequendū. Cuius propositio hæc prima fuit. Dic mihi, ô Episcopo, quid tibi visum fuit, vt relicto rege, in cuius vrbe Episcopatus honore fruebaris, Chilperici te regiis amicitiiis subderes, qui semper inimicus Domino nostro regi fuisse probatur, qui patrem eius interfecit, matrem exilio condemnauit, regnūque peruasit; & in his urbibus, quas vt diximus, iniquo peruasione ordine suo dominio subiugauit, tu ab eodem possessionum fiscalium prædia meruisti? Ad hæc ille respondit. Quòd fuerim amicus regis Chilperici, negare non potero: non tamen

cōtra vtilitatē regis Childeberti hęc amicitia pullulauit. Villas verò, quas memoras, per istius regis chartas emerui. quo proferente easdem in publico negat rex se hęc largitum fuisse. Requisitus Otto, qui tunc referendarius fuerat, cuius ibi subscriptio meditata tenebatur, affuit negans se subscripsisse. Hac igitur causa primū fallax Episcopus repertus esse dicitur. Post hęc Epistolæ prolatae sunt; in quibus multa de impropriis Brunechildis tenebantur, quæ ad Chilpericum scriptæ fuerant, Similiter & Chilperici ad Episcopum delatæ. in quibus inter reliqua habebatur insertum, quia si radix cuiuslibet rei incisa non fuerit, culmus qui terris est editus non arescit. Vnde prorsus est manifestum hęc scripta ideo, vt superata Brunechilde filius eius opprimeretur. Item nonnulla alia eidem Præsuli obii-ciuntur, tam de pactionibus regum, quàm de perturbatione patriæ: quorum quædam negauit, quedam negare non potuit. Et dum altercatio diutius trahe-retur, affuit etiam Abbas Epiphanius sancti basilicæ Remigij, dicens quòd duo

milia aureorum , speciesque multas pro
conseruanda Chilperici regis amicitia
idem Præsul accepisset ; & cum legatis,
qui cum Episcopo missi fuerant ad me-
moratum regem , propalat idem Abbas,
qualiter de excidio regionis ac regis Gū-
tranni conuentum fuerat ; & vt gestum
est ex ordine narrat. Hæc audientes E-
piscopi , & in tantis malis sacerdotem
Domini contuentes , triduanis temporis
spatium deprecantur tractādi: scilicet vt
vllum modum reperire posset Episcopus,
per quem se ab obiectis excusare valeret.
Sed illucescēte die tertia conueniētes in
Ecclesiā interrogāt Episcopū, vt si aliquid
excusationis haberet ediceret. At ille
confusus ait: *Ad sententiam dandam super
culpabilem ne moramini. Nam ego noui me
ob crimen maiestatis reum esse mortis , qui
semper contra vtilitatem huius regis , matris-
que eius egi: ac per meum consilium multa fuis-
se gesta certamina noui, quibus nonnulla Gal-
liarum loca depopulata sunt.* Hæc Episcopi
audientes, ac lamentantes fratris oppro-
brium, obtenta vita , ipsum ab ordine
sacerdotali, lectis Canonum sanctioni-
bus, remouerunt. qui statim ad Argen-
tora-

toratensem urbem, quam nunc Stratsburgum vocant, deductus exilio condemnatus est. In cuius loco Romulfus filius Lupi ducis, iam presbyterij honore praeditus, Episcopus subrogatus est; Epiphanio ab abbatis officio, qui basilicae sancti Remigij praerat, remoto. Multa enim auri, argentique in eius Episcopi regesto pondera sunt reperta. quae autem de illa iniquitatis militia erant, regalibus thesauris sunt illata. quae verò de tributis aut reliqua ratione Ecclesiae inuenta sunt, sibi relicta.

De sancto Basolo. Cap. III.

HVIUS Aegidij tempore sanctus Domini Basolus ex territorio Lemonicino, regione Armoricanano, bili profapia oriundus, à partibus Aquitaniae, patrocina beatissimi Remigij desiderabiliter appetens, Remensem deuenit ad urbem. Cui aduenienti comes itineris apparuisse traditur Angelus Domini, quem constat habuisse praeducem, dum destinatam ingreditur urbem, Hunc dignissime praefatus Praesul Aegidius suscipiens,

N

cognito peregrinantis desiderio, petitusque secretioris conuersationis habitaculum concedere, libentissimè cessit, sicubi sibi placitum Dei famulus infra Episcopium Remense valuisset reperire. Inuenit tandem superna disponente gratia locum sibi congruum in vico Viriziaco, ad radices montis Remorum, quem nemus inde incipiens obumbrat Rigaretiū. Eo loci tunc temporis erat cœnobium numero duodecim monachorum. Hic igitur benignè susceptus à fratribus, traditur ab Abbate literis imbuendus. Nec longum, sic dōctrina emicuit, vt coætaneos & contubernales sapientiæ luce præiret. Nulla illi propensior cura, quàm aut in lectione vel sermone de Deo, aut in oratione loqui cum Deo. Transitoria despiciens & æterna concupiscens, victus pensam pauperibus erogabat, pauxillum sibi duntaxat reseruans ad infirmitatem corporis sustentandam.

Ita virtutum crescens culmine, solitariam concupiscit vitam: fastigiumque ad secretius habitandum contigui deligit montis. In quo cellulam cum oratorio construit, vbi liberius cœlesti de-

seruiret contemplationi. In qua inclusio-
nis habitatione per XL. traditur annos
Deo militasse, & contra serpentis antiqui
tentamenta viriliter dimicasse, ieiu-
niis, eleemosynis, vigiliis, orationibus,
atque lectionibus indefinenter vacans,
& ad se venientes doctrinae sanctae luce
perfundens.

Dum hinc igitur almifica con-
uersatione decertat, placuit supernae
pietati virtutem sui militis euidentibus
ostendere signis. Nam orante illo Do-
minus aquam ei montis in vertice pro-
duxit ex silice. Quae sub Sancti sepulcro
fertur exilire, ac per Ecclesiae fundamen-
ta quasi de vasculo se se profundere, hau-
stu dulcis & ad potandum salubris. De
quo videlicet fonte multi sanitatum re-
media, potantes, vel balneis vtentes, seu
capita diluentes, consequuntur aegroti.

Quodam denique tempore, cum puer
quidam priuatus oculorum ab aetate pri-
maeua lumine, Annegiselus nomine, an-
te fores excubaret ipsius, duodecimo
caecitatis anno, lapsa virtute caelitus, o-
rante viro Dei, luminis est honore dona-
tus. Quod diuinae claritatis miraculum co-

perientes monachi, magnis gratiarum actionibus Deum glorificant in clarificatione fidelis serui sui.

Accidit etiam quodam venatore, Attilla nomine, in saltu eius cellulæ contiguo aprum insequente, vt vsque ad ipsius præsentiam fera perueniret; & quasi liberandam se per ipsum credens, ad pedes eius deposita feritate procumberet, canesque naturalis obliti sagacitatis eam insequi parcerent. Exinde mos, immò virtus Christi, ad honorem dilecti famuli sui adhuc modò seruatur, vt permota quælibet venatio, si aggestum in circuitu syluæ ipsius prominentem fuerit ingressa, nec canum vltèrius insequatur auiditate, nec venatorum appetatur audacitate.

Fertur & aliud non contemnendæ rei miraculum huius beati Confessoris sui meritis à Domino prærogatum: quòd suspensus laqueo quidam, nomine Ragenulfus ab aduersariis, cum in supremo mortis periculo oculos ad cælum intenderet, inuocato voce lacrymabili beato Basolo, mox à morte dira rupto meruit liberari laqueo. Post multa denique pie-

tatis insignia in vita ipsius ab eodem patrata, prænoscens per spiritum suæ vocationis imminere sibi tempus, misit ad nepotem suum, nomine Balsennum, qui eum ad se à Lemouicina regione perduceret, significans illi, quòd post obitum suum in prædicto suæ conuersationis habitaculo deberet vitam ducere, iuxta quod reuelatum sibi fuerat à Domino. Cuius salutaribus præceptis vt bonus filius obtemperans, & ad supernam hereditatem peruenire desiderans, vsque ad exitus sui diem in eadem permansit habitatione. Decessit autem beatus pater Basolus vi. Kal. Decemb. supernis aggregatus ciuibus. Ad cuius sepulcrum multa postea monstrata sunt miraculorum insignia: quæ tamen per negligentiam, & ob sui frequentiam non sunt litteris comprehensa.

Processu denique temporis, post obitum sancti viri, aduenit huc homo quidam natione nobilis, sed ferox tumorem mentis: qui post orationem baculum huius beati patris accipiens, & illum super pedem suum ponens, vt erat procerus corpore, quasi subsannando pro-

tulit dicens, en manifestat iste baculus,
quàm parvæ staturæ fuerit Basolus. Nec
mora, pes idem cui superpositus sãcti ba-
culus fuerat, emarcuit: quoque putre-
facto, diuina vir idem perculsus ultione
cum graui decedit labore. Cuius corpus
ad tumulandũ ferri disponitur ad huius
Sancti Dei monasterium: sed aggra-
uatum nullo modo valet moueri fe-
returum. Proponitur ferri ad cimiterium
sancti Remigij, sed nec sic potest moueri.
Cogente tandem necessitate, in Cata-
launicum defertur territorium, ibique
demonum permittitur habere sepulcrum.

Non longè valde à nostra ætate, tem-
pore scilicet Domni Ebonis Archiepis-
copi, eius ordinatione quidam vir reli-
giosus, Benedictus nomine, Abbas con-
stituitur huius Abbatix. Qui cum mo-
destia familiam sancti Basoli tractans, &
in simplicitate Domino seruiens, diuer-
sis Ecclesiam donariis ornauit, & post
non modica vitæ suæ spatia diuina præ-
ceptione vocatus ad Dominum transiit.
Cui carne frater cognomine Spernus
Abbas in eodem loco subrogatur, qui
moribus fratri dissimilis, & diræ facibus

ardens cupidinis, dum temulentus aliquando sederet, cœpit dicere, quòd frater suus de illa Abbatia nihil boni sciuerit habere; præciens villarum procuratoribus, in crastinum sibi rurícolas exhibere, quos variis faceret suppliciis torqueri, vt facultates ipsorum ab eis posset extorquere. Audientes ergo villarum incolæ, quantæ intentabantur sibi poenæ, omnes sancti Basoli suppliciter expetunt suffragium, ne tam crudeli lanio traderentur ad dilacerandum, lugubresque in gemitu pernoctantes, non cessabant sancti Basoli implorare solatiû. Nec renuit audire Sanctus Domini querelas suæ plebis. Nam factò mane Spernus idem reperitur mortuus. quem lecto nitentibus extrahere suis, crepuit mediis; tantusque fœtor eundem locum repleuit, vt nemo inibi remanere valuerit. Sicque familia sancti Basoli trepidatis eripitur defensa suppliciis.

Auunculus mastris meæ, Flauuardus nomine, duos filios in huius sancti viri cœnobio Deo seruientes habuit: quorum iuniorem nomine Tetbertum caritate supra vires etiam exuberantem

vidimus, qui presbyter dudum apud nos obiit. Is deniq; de patre suo quod dicturi sumus, narrare nobis solebat: cui rei testis adhuc supererat nuper Ratoldus Presbyter, horum tertius frater. Consueuerat siquidem semel in anno vir præfatus ad hoc monasterium venire, fratribusque de suis facultatibus ministrare. qui cum aliquando de more veniret, latrones eum properantes inuadunt, caballum cui sedebat, cum cæteris quæ sibi visa sunt, sed & pecunias, quas seruis Dei distribuendas ferebat, ornamenta quoque vxoris suæ pariter auferuntur. Cumque de præda latantes aliquantulum processissent, vxor eius, quæ simul aderat, ingemiscens pro iniuria querelosis sanctum Basolum cœpit clamare vocibus, dicens; non vltra se venturos in eius vel famulorum ipsius seruitium, si sic eos abiiceret non ferendo præsidium. post quas lamentationis voces, equi latronum, qui cum spoliis concitè ferebantur, subitò defiguntur, nec vlllo modo promoueri possunt ad gradiendum. Ipsos quoque latrones caligo quædã perfudit, vt quonã se se verterent ignorarent. Resipiscentes tandem præ-

dones conferunt inter se ob innocentum
factam iniuriam sibi talia contigisse: ini-
tòque consilio, ad eos, quos rebus iniuste
priuatos dimiserant, reuertuntur; sua illis
cuncta restitunt, & vt veniam facinori-
bus suis deprecentur, exposcunt. Ita con-
solatione, domni Basoli suffragante sibi
patrocinio, recepta, rapacibus ire dimissis,
deuotiores ad destinatum properant
cœnobiũ: gratias Deo & sancto suo Cõ-
fessori pro indultis sibi beneficiis referũt:
& læti seruis Dei ministrare satagunt,
pecuniis honorant, ac deinceps annis
singulis idem promptiores quod cœpe-
rant, peragunt.

Quando nuper hæ Galliarum patriæ,
peccatis nostris impellentibus, Hunga-
rorum gladiis dilacerandæ sunt traditæ;
quidam Barbarorum sancti Basoli mona-
sterium ingressi, dum clerici iam cum
patroni sui pigneribus ad ciuitatem con-
fugissent, habitacula cœnobiij homini-
bus pæne vacua reppererunt, ibique me-
tatum suum constituentes, huc vnde-
cumque prædatu reuerti cœperunt:
Quorum quidam in Ecclesiæ signorum
turricula deaurata conspiciens relucere

metalla, cupidus auri pecuniæ, tectum conscendit basilicæ; nifusque dissipare turriculam, subito delapsus ad terram corruit, & membris confractis interiit. Alius horum super aram ipsius Ecclesiæ, in honore beati Martini consecratam, conatus ascendere, dum manum supra cornu altaris apposuisset, ipsa manus eius ita inhæsit marmori, ut nullomodo ab eo postea posset auelli. Et quia hinc eum sui noluerunt relinquere, partem lapidis circa manum ipsius bipennibus abscindentes, eum secum particulam marmoris, quæ in manu eius adhæserat, iunctè ferentem deduxerunt. Qui etiam, ut captiui qui reuersi sunt referunt, usque ad terram suam, arente iam brachio hunc lapidem ferens, & Basoli virtute factum clamans, reuersus est.

De Romulfo Præsule Cap. III.

Post Aegidium Romulfus Remense rexit Episcopium; vir carne nobilis, germanus Ioannis tunc temporis Ducis; quorum pater Lupus multas eis possessiones æqualiter inter se diuidendas reliquit. De qua diuisione pari iure gerenda præceptum obtinuerunt regale. Mul-

tis siquidem excellebat patrimoniis, ma-
 ximèque trans Ligerim, & in pago ricta-
 uensi: quorum ex parte maiore per pagi-
 nam testamenti Ecclesiam Remensem fe-
 cit heredem: quædam dimittens fratri-
 bus vel nepotibus suis, quædam matricu-
 læ quoque sancti Martialis deputauit,
 quædam ad basilicam sancti Remigij.
 Villam verò Lautiniacum super fluuium
 Caltaionem contulit Monasterio puella-
 rum Remis in honore sancti petri con-
 structo. quam villam dato pretio se me-
 morat comparasse. Quædam præterea
 donaria testamento diuersis attribuit
 Ecclesiis, tam Remensis Episcopij, quàm
 Sueffonici: sed & Turonici, aliorum-
 que quorundam familiæ suæ partem ma-
 ximam ingenuitate donauit. Cuius ad-
 huc testamenti pagina in archiuo Remen-
 sis Ecclesiæ reseruatur, cum auctoritate
 Childeberti regis: quia petitus idem rex
 à præfato præfule per Sonnacium Dia-
 conem, virum venerabilem, hoc testamē-
 tum confirmare decreuit. Scilicet vt ter-
 ras, vineas, & mancipia, quæ ad Ecclesiā
 præcipuè Remensem, vel ad cetera loca
 Sanctorum prædictus pontifex delegaue-

rat, si quis ex heredibus ipsius iniuste usurpare præsumpsisset, omnimodis eas recipiendi sacerdotes eorumdem locorum liberam valerent habere potestatem. Quasdam quoque villas in territorio Metensi constitutas, quarum caput est Orciuallis, quas Dominus Aegidius à Vincentio quodam traditur commisse, cum Childeberto rege commutauit, pro aliis villis in pago Remensi sitis, idest Marciliana & Arbidogilo. Res quoque vel mancipia in pontificatu positus ad augmentum Ecclesiæ inuenitur emisse. Oratorium denique sub honore beati Germani construxit in atrio sancti Remigij. Quasdam quoque res à quibusdam peruasas apud regiam maiestatem, agente præfato Sonnatio Archidiacono, euindicasse reperitur, regię authoritatis super his euindicationibus adhuc manentibus instrumentis.

De Sonnatio Episcopo. Cap. V.

Romulfum sequitur in Episcopatu Sonnatius : qui Synodum celebrasse reperitur cum aliis quadraginta , vel eo amplius Galliarum Episcopis. Vbi etiam sanctus Arnulfus Metensium Præsul iuuenitur interfuisse, cum Theoderico Lugdunensi, Sindulfo Viennensi, Sulpitio Bituricensi, Modegifelo Turonensi, Senoco Elosanensi, Leontio Santonenſi, Modoaldo Treuerensi, Chunneberto Coloniensi, Richerio Senonensi, Donato Vesontionensi, Auspicio Augustodunensi. Item Modoaldo Lingonensi, Ragneberto Baiocensi, Childoaldo Abrincatenſi, Bertegifelo Carnotensi, Palladio Autifiodorensi, Gondoaldo Meldēſi, Leudeberto Parisiacēſi, Chainoaldo Lauduni Clauati, Godone Vir-
dunensi, Anserico Sueſſionensi, Claudio Reienſi, Bertoaldo Cameracensi, Agomaro Siluanectensi, Cæſario Aruer-
nensi, Vero Rutenensi, Agricola Gabalensi, Lupoaldo Maguntiacensi,

FLODOARDI HIST.

Vvillegifelo Tolofano, Cōſtantio Albi-
enſi, Namatio Ecoleſmenſi, Ruſtico
Caturcenſi, Auderico Auſcenſi, Em-
mone Arefetenſi, Felice Catalaunenſi,
Hadoindo Cenomannenſi, Magnebo-
do Andegauenſi, Ioanne Piſtauenſi,
Leobardo Nannetico. In qua Synodo
multa leguntur vtilia conſtituta. de rebus
ſcilicet Eccleſiæ, qualiter tractandæ ſint:
& de his quæ per precatoriam impetran-
tur ab Eccleſia; ne diuturnitate temporis
ab aliquibus in ius proprium vſurpentur,
& Eccleſiæ defraudentur. De clericis, ſi
qui rebellionis auſu ſacramentis ſe aut
ſcripturæ coniuratione conſtrinxerint,
atque inſidias Epifcopo ſuo callida alle-
gatione confecerint: vt ſi admoniti e-
mendare contempſerint, gradu proprio
omnino priuentur. Vt capitula canonum
pariſiis acta in generali Synodo, in baſili-
ca ſancti petri, Lotharij regis ſtudio con-
gregata, omni firmitate cuſtodiantur.
Vt ſi quis hæretici adhuc eſſe ſuſpiciantur
in Galliis, à Paſtoribus Eccleſiarum per-
quirantur: & ſi veraciter fuerint inuenti,
ad fidem Catholicam reuocentur. Vt te-
mere nullus excommunicetur: & ſi ex-

communicatus existimat se iniuste damnatum, in proxima Synodo habeat licentiam reclamandi: & si iniuste damnatus fuerit, absoluator: sin autem iuste; impositum poenitentiae tempus exsoluat. Vt si quis Iudex cuiuslibet ordinis clericum publicis actionibus inclinare praesumpserit, aut pro quibuslibet causis, absque conscientia & permisso Episcopi distringere, aut contumeliis vel iniuriis afficere praesumpserit, communione priuetur. Episcopus tamen de reputatis conditionibus clericorum negligentias emendare non tardet. Hi vero, quos publicus census spectat, sine permisso principis, vel iudicis, se ad religionem sociare non audeant. Si quis fugitium ab Ecclesia absque sacramento, quo ei iurandum est, ut de vita, tormento & truncatione securus exeat, qualicunque occasione abstraxerit, communione priuetur. Similiter si quis ius sacramenti praestitum violaue-rit, communione priuetur. Ille vero qui sanctae Ecclesiae beneficio liberatur a morte, non prius egrediendi accipiat libertatem, quam poenitentiam se pro scelere esse facturum promittat;

& quod ipsi canonicè imponetur imple-
 turum. De incestis coniunctionibus, si
 quis infra præscriptum canonibus gra-
 dum incestuoso ordine cū his personis,
 quibus à diuinis regulis prohibetur, se
 coniunxerit, nisi pœnitentiam sequestra-
 tione testentur, communione priuentur;
 & neque in palatio militiam, neque agen-
 darum causarum licentiam habeant. Et
 quando prædicti se incestuosi coniunxe-
 rint, Episcopi seu presbyteri, in quorum
 Diœcesi vel pago actum fuerit, Regi vel
 iudicibus scelus perpetratum annunciēt,
 vt cum ipsis denunciatum fuerit, se ab
 eorum communione aut cohabitatione
 sequestrent, & res eorum ad proprios
 parentes perueniant, sub ea conditione,
 vt antequam sequestrentur, per nullum
 ingeniū, neque per parentes, neque per
 emptionem, neque per auctoritatem re-
 giam, ad proprias perueniant facultates,
 nisi præfati sceleris separatione pœniten-
 tiam fateantur. Si quis homicidium spōte
 commiserit, & non violentè resistens,
 sed vim faciēs impetu hoc fecerit, cū isto
 penitus non communicandum: sic tamen
 vt si pœnitentiam egerit, in exitu ei com-
 munio-

munionis viaticum non negetur. Clerici etiam vel sæculares, qui oblationes parentum, aut donatas aut testamento relictas, retinere præsumpserint; aut id, quod ipsi donauerint Ecclesiis aut monasteriis, crediderint auferendum, sicut antè Synodus sancta constituit, velut necatores pauperum, quousque reddant, ab Ecclesiis excludantur. Vt Christiani Iudæis vel gentilibus non vendantur. & si quis Christianorum necessitate cogente mancipia sua Christiana elegerit vendenda, non aliis nisi tantum Christianis expendat. Nam si paganis aut Iudæis vendiderit, communione priuetur, & emptio careat firmitate. Iudæi verò si Christiana mancipia ad Iudaismum vocare præsumpserint, aut grauibus tormentis afflixerint, ipsa mancipia fisci ditionibus reuocentur. Qui tamen Iudæi ad nullas actiones publicas admittantur. Iudæorum verò conuitia in Christianos penitus refutanda sunt. Item si clericus proficiscens de ciuitate ad alias ciuitates voluerit, aut prouincias pergere, pontificis sui Epistolis commendetur. Quòd si sine Epistolis profectus fue-

rit manifestis, nullo modo recipiatur. Itē vt Episcopus mancipia vel res ad ius Ecclesiæ pertinentes neque vendere, neque per quoscunque contractus, vnde pauperes viuunt, post mortem alienare præsumat. Itē de his qui auguria, vel paganorum ritus inueniuntur imitari, vel cum paganis supersticiosos comedunt cibos: quos benigna placuit admonitione suaderi, vt ab erroribus pristinis reuocentur. Quod si neglexerint, & idolatris vel immolantibus se immiscuerint, pœnitentiæ dignum tempus exsoluant. Item vt seruales personæ ad accusationem non admittantur: & qui personam suscepit accusantis, cum vnum crimen non probatur, ad alia accusandum non admittatur. Item si quis in quolibet gradu vel cingulo constitutus, aut potestate suffultus, decedente Episcopo res cuiuslibet conditionis in domus vel agros Ecclesiæ positas ante refectionem testamenti vel audientiam ausus fuerit occupare, vel Ecclesiæ repagula effringere, & suppellectilem infra domum Ecclesiæ positam contingere, vel scrutari præsumpserit, à cōmunionē

Christianorum penitus abdicetur. Item si quis ingenuum aut libertum ad seruitium inclinare voluerit, aut fortasse iam fecit: & commonitus ab Episcopo se de inquietudine eius reuocare neglexerit, aut emendare noluerit, tanquam calumniæ reum placuit sequestrari. Item vt clerici cuiuslibet ordinis, neque pro propriis, neque pro Ecclesiasticis causis aliter adire debeant forum, nec causas dicere audeant, nisi quas cum permissu & consilio Episcopi agere eis fuerit omnino permissum. Item vt in parochiis nullus laïcorum Archipresbyter præponatur: sed qui senior in ipsis esse debet, clericus ordinetur. Item Pontifices, quibus in summo sacerdotio constitutis ab extraneis duntaxat aliquid, aut cum Ecclesia, aut sequestratum, aut dimittitur, aut donatur; quia ille qui donat, pro remedio animæ suæ, non pro commodo sacerdotis probatur offerre; non quasi suū propriū, sed quasi dimissū Ecclesiæ inter facultates Ecclesiæ cōputabunt, quia iustū est vt sicut sacerdos habet quod Ecclesiæ dimissum est, ita & Ecclesiæ habeat quod relinquitur sacerdoti. Sanè quicquid per

fidei commissum aut Sacerdotis nomini
aut Ecclesiæ fortasse dimittitur, cuicumq;
alij postmodū profuturū, id inter faculta-
tes suas Ecclesiā computatū retinere non
poterit. Itē si quis Episcopus res, quæ ab
alia Ecclesiā præsentialiter possidentur,
quocunque ingenio aut callida cupidi-
tate peruaferit, aut sine audientia præ-
sumpserit vsurpare, ac suis vel Ecclesiæ
suæ ditionibus reuocare, dum commu-
nitione priuari non potest, vt necator pau-
perum ab officio deponatur. Item si quis
Episcopus, excepto si euenerit ardua ne-
cessitas, pro redemptione captiuorum
ministeria sancta frangere pro qualicun-
que conditione præsumpserit, ab officio
cessabit Ecclesiæ. Item viduas, quæ se Do-
mino consecrari petierunt, vel puellas
Domino consecratas nullus, neque per
auctoritatem regiam, neque qualicun-
que potestate suffultus, aut propria te-
meritate rapere aut trahere audeat.

Quod si vtrique consenserint, commu-
nitione priuentur. Iudices, qui super au-
thoritate & edicto Dominico canonum
statuta contemnunt; vel edictum illud
Dominicum, quod Parisius factum est,

violauerint aut contempserint, placuit eos communione priuari. Item vt decedente Episcopo in locum eius non alius subrogetur, nisi loci illius indigena, quē vniuersale & totius populi elegerit votum, ac comprouincialium voluntas assenserit. Aliter qui præsumpserit, abiiciatur è sede, quam inuasit potius quàm accepit. Ordinatores autem triennio ab officio administrationis suæ sedis cessare decernimus.

Præterea res Ecclesiæ præfatus Præsul Dominus Sonnatius probabiliter ordinasse legitur: augens etiam Episcopiiū terris ac mancipiis dato pretio coemptis: quarum adhuc emptionum nonnulla reperiuntur monimenta. Quasdam quoque res, quas prauis quidam peruaserant, apud regiam maiestatem, tam per seipsum, quàm etiam per suos actores, Marco Presbytero quoque legato suo causas agente, repetitas & obtentas Ecclesiæ ritè restituit Colonias etiam villarum quarundam Episcopij dispositis ordinauit seruitiis. præcepta necnon regalia super Ecclesiasticarum immunitate rerū, sed & traditionum quarundam obtinuit

firmitate. Sed & res inuenitur quasdam cum regina Brunechilde commutasse, pro vtriusque partis opportunitate.

Testamentum quoque rerum suarum condidit, in quo plura diuersis donaria contulit Ecclesiis. Basilicam tamen beati Remigij præcipuè sibi heredem instituit; vbi & sepulturam se habiturum delegit: ibique missorium argenteum deauratū deputauit. Cochlearia quoque duodecim, & salarium argenteum, ac portionē suam de villari quodam cum mancipiis, vineis, pratis, cæterisque adiacentibus, & alia nonnulla, quæ se dato pretio meminit comparasse. Ad basilicam sanctorum Timothei & Apollinaris delegauit casas quasdam tam iuxta ipsam Ecclesiam, quàm infra ciuitatem. Ad basilicam sancti Martini, quem peculiarem patronum suum dicit, villam Mutationis, quam cōparauit, ad integrum sicut à se possessa est tradidit. Insuper & aurum dedit, vnde calix inibi fieret. Ad basilicam sancti Iuliani recuperandam auri solidos v. Ad basilicam sancti Nicasij similiter solidos quinque. Ad basilicā sancti Ioannis sol. v. Ad basilicam sancti Sixti similiter in au-

ro solidos tres. Ad basilicam sancti Mauricij sol. iij. Ad basilicam sancti Medardi sol. iij. Ad Monasterium puellarum vineam in Germaniaco sitam, cū quibusdam vasis ipsi basilicæ profuturis. Ad basilicam quæ dicitur ad Apostolos, auri solidos iij. cum aliis munusculis vnde calix fieret. Ad basilicam sancti Petri in ciuitate auri sol. iij. Ad basilicam domni Theoderici portionem suam de villa Germaniaco, cum mancipiis, vineis, & cæteris ad ipsam pertinentibus: argentum quoque ad sepulcrum domni Theoderici fabricandum, vel exornandum. Ad basilicam sancti Viti vas quoddam argenteum ad calicem faciendum, & in auro sol. xv. Ad basilicam sanctorum martyrum Rufini & Valerij in auro sol. xv. Ad basilicam sanctorum martyrum Crispini & Crispiniani auri sol. xv. Ad basilicam sancti Medardi sol. xv. Ad matriculam præterea sanctæ Remensis Ecclesiæ, nonnulla contulit donaria.

Cæteris quoque matriculis vel congregationibus diuersa delegauit munera. Quibusdam hæredum quoque suorum personis prædia quædam eo tenore de-

reliquit, vt ad loca Sanctorum à se desti-
nata post eorum reuerterentur deces-
sum. Mancipia nonnulla libertate dona-
uit, additisque ditauit peculiis. Quod
viri Dei testamentum regalis præcepti
reperitur pagina roboratum.

*De Leudegiselo Episcopo, Angelberto,
& Landone. Cap. VI.*

POST hunc beatum virum Leudegesi-
lus, Attilæ Episcopi frater, tempore
Dagoberti Regis Episcopium rexit. quod
etiam rebus emptis, scilicet syluis, pratis,
ruribus auxit. Quædam quoque cum Ab-
bone Tricassino Episcopo pro vtriusque
partis opportunitate commutauit: sed &
alia quædam cum aliis quibusdam perso-
nis. Res etiam quasdam Ecclesiæ ordina-
tis disposuit colonis.

Hunc sequitur Angelbertus. ipse quo-
que rebus emptis auxisse reperitur Epif-
copium. Cui successit Lando vir illustris-
simus, & multorum possessor prædio-
rum: quorum nonnulla iunxit Ecclesiæ;
quædam verò propinquis suis distribuit.
Sed & ea quæ trans ligerim Remensis
habuerat Ecclesia, & Felix Abbas qui-

dam Ecclesiæ sancti Iuliani martyris indebitè retinebat, apud maiestatem regiam legibus euindicata recepit: pro quibus iam antea prædecessor eius Angelbertus Episcopus cum Gallo Aruernensi Episcopo coram rege controuersiam habuisse reperitur. Hic Lando Præsul Ecclesiâ Remensem rerû suarû per testamenti paginam rite fecit heredem: & quæcunque aliis dedit personis vel Ecclesiis, eidem ecclesiæ vel successori suo constituit dispensanda. Diuersorum siquidem Sanctorum basilicis diuersa delegauit donaria. Basilicæ scilicet sancti Remigij, vbi sepulturam fieri sibi delegit, villas & munera. Basilicæ sancti Gaugerici & sancti Quintini argenti varia dona. Item Basilicis atque matriculis Remis: sanctorum scilicet Timothei & Apollinaris. Item sancti Martini. Item sancti Nicasij. Item sanctæ Genouefæ. Monasterio quoq. sanctorum Theoderici & Theodulfi. Item ad basilicam sancti Germani, & matriculam ipsius. Item sancti Iuliani. Item sanctorum Cosmæ & Damiani. Item sancti Petri ad cortem. Item sancti Petri ad monasterium puel-

larum. Item ad basilicam sancti Symphoriani, quæ vocatur ad Apostolos. Item sancti Medardi, & sanctorum Crispini & Crispiniani. Item sancti Victoris. Item sancti Mauritij. Item sancti Basoli diuersa contulit donaria. Ecclesiæ quoque Laudunensi cuiusdam villæ portionem suam delegauit : & basilicæ sanctæ Genouefæ ibidem constitutæ villam Appiam, cum omni re, ad se pertinente tribuit. Turrin quoque auream, quam ad votum suum fabricari fecerat, super altare posuit S. Mariæ Remensis Ecclesiæ, & patenas tres, ac brachiale aureum. Fuit autem Sigeberti regis tempore.

De sancto Niuardo. Cap. VII.

POST præmissos, ad Episcopale culmen eligitur beatus Niuo, qui & Niuardus. vtroque namque reperitur vocitatus nomine. Hic prius in aula regis, ut pote vir illustrissimus, traditur conuersatus. In Episcopatu verò positus, emptis per diuersa loca tam fundis, quam domibus, nec non mancipiis, dilataſſe res

ECCLESIAE REM. LIB. II. NO
inuenitur Ecclesiae. Disposuit etiam non-
nullas ordinatis colonis villas Episcopij:
quasdam quoque res commutasse repe-
ritur cum Attila Laudunensi Praesule,
pro vtriusque partis opportunitate. Co-
mutauit etiam à Bauone & Theode-
ramno fratribus locum quendam super
fluuium Maternam de rebus Remensis
Ecclesiae, vbi construxit Monasterium,
quod dicitur Altumvillare, petente Ber-
chario Abbate, qui ab eo petierat locum
sibi dari, vbi cum fratribus suis mona-
chis sub regula patrum sancti Benedicti
& sancti Columbani viuere posset. quod
& idem Praesul facere studuit, vt infra
continetur. Sed & cum aliis quibusdam
personis, prout congruum visum fuit,
res quasdam commutauit. Dedit quo-
que sub priuilegij iure ad Monasterium
sancti Basoli Ecclesiam in Viririaco in
honore sanctae Mariae constructam, cum
omnibus ad ipsam pertinentibus, si-
mulque locellum qui Vvasciacus dici-
tur. Immunitatem quoque ipsis Mona-
chis sub Perrone Abbate ibidem Deo
seruientibus instituit; vt nullus Eccle-

fiasticorum iudicium eos indebitè in aliquo inquietare præsumeret; sed eis quieto ordine sub sancta regula viuere ac Deo seruire liceret. Præceptum etiam immunitatis à Childeberto rege super teloneis & quibusdam tributis Ecclesiæ Remensis obtinuit. Cui Ludouicus quoque rex sub Ecclesiæ suæ nomine res quasdam in Malliaco super fluuium Vidulam, quas quibusdam infidelibus suis eiectis receperat, auctoritatis suæ præcepto concessit. Huius etiam tempore tradidit Grimoaldus vir illustris sancto Remigio villas suas Calmiciacum & Vituriacum pro animæ suæ remedio.

Hic beatus Niuardus, dum ex communi consensu totius Concilij Præsulum Galliæ, Namnetis Romani iussione Pontificis exhibiti, rege fauente, restructisset Ecclesiam monasterij super ripam Maternæ fluminis in loco nuncupato Villari dudum siti, sed à Barbaris diruti; & ab eo constructa hæc funditus cecidisset Ecclesia; in alio loco loco rursus ab ipso restructa rursus traditur corruisse. Quadam verò die veniens de villa Sparnaco, simul comi-

ECCLESIAE REM. LIB. II. III

tante secum præfato Abbate Berchario, visum sibi est transito flumine debere paululum requiescere : sicque caput in finem sedentis reclinans Bercharij obdormiuit, & visum vidit, scilicet columbam locum sylvæ circumire, & in fago quadam post hanc circuitiorem resedis-
se. Idque tertio columbam videt eandem egisse; tumque cœlos petisse. Quam visionem sicut ipse in somnis, ita prædictus quoque Bercharius vigilans fertur aspexisse. quo viso compunctus idem coepit Abbas fundere lacrymas. Expectatus autem Beatus Præsul à somno ex lacrymis eius sibi faciem reperit vdam: & interrogans quæ illi causam fletus existeret, accepit eum propter sui ruinam fleuisse operis. Inuicemque sibi visa referentibus, traditur Pontifex hæc etiam Dei seruo cuidam nomine Bauoni, cuius erat ipsa possessio, visa narrasse. Qui oratorium in honore sanctæ crucis illic habens, ibi conuersabatur. Qui etiam postquam visionem Præfulis, & eius agnouit voluntatem, obtulit ei, eandem

possessionem suam partem quoque, possessionis cuiusdam fratris sui, nomine Baldini. Alterius vero fratris Theoderamni nomine causam retulit, quòd esset scilicet in factione contra Reolum Comitem, qui Remensis post extitit Episcopus, pro filiis eius, quos occiderat in ultione filiorum suorum, quos Reolus pro latrocinio, quod exercebant, suspendio necauerat. Vnde domnus Niuardus eum cum Reolo, qui neptem suam filiam Childerici habebat uxorem, pacificauit: & sic ipse Theoderamnus simul cum ceteris fratribus suis eandem possessionem sancto Niuardo commutatione ab eo sumpta tradidit. Mox idem Præsul succidi syluam iubens, in honore sancti Petri & omnium Apostolorum ibi construxit Ecclesiam, & ybi resedissee columbam viderat, altare instituit, collectisque seruis Dei Monasterium ordinauit. Vbi etiã præfatus Theoderamnus monachus efficitur. Sed & Reolus filium suum, nomine Gedeonem, de nepte sancti Niuardi susceptum, ibi monachum fieri petiit, & rerũ suarum partem ad idem monasterium condonauit. Beatus autem Ni-

uardus constituto monasterio, quicquid possessionum ante Episcopatum fuerat visus habere, ad ipsum locum tradidit, & exhortatus beatum Reolum, religionis ei suavitati assumere habitum. Priuilegium quoque, poscente praefato Abbate Berchario, eidem contulit monasterio: ut scilicet ipse Praefatus idem monasterium in sui iuris dominatione dum ad viueret conseruaret; & ut post suum decessum Remensis Episcopus ipsum cenobium gubernet; & eosdem monachos contra omnes aduersantes defendat: ipsi vero monachi potestatem habeant Praelatum sibi regulariter eligendi, prout in descriptione ipsius priuilegij continetur. post haec in Ecclesiola sanctae Mariae, quam in eodem monasterio construxerat, obiisse fertur, & ad Ecclesiam sancti Remigij Remis deportatus ibidem sepultus est.

*De translatione sanctae Helenae ad
ipsius Sancti Monasterium.*

Cap. VIII.

AD prænotatum huius sancti viri
 cœnobium beatæ Helenæ reginæ
 constat corpus ab vrbe Roma deuectum.
 Quod quidem presbyter Remensis par-
 rochiæ, Tetgisus nomine, Romam pro-
 fectus, noctis inopinus in Ecclesia rema-
 nens tempore, furatus cautissimè secum
 studuit deferre. Qui dum iam secundam
 mansionem haberet in sylua quæ ciuita-
 ti adiacet Sutriæ; in crastinum vnus è
 comitibus eius pignera sancta leuare su-
 per asellum gestiens, ea minimè valuit
 mouere. At stupidus hæc magistro
 notificat: qui concitus pergens, thesau-
 rum pauidus apprehensum iumento sine
 grauitate ponderis imposuit, cum esset
 inferior repulso viribus corporis. Con-
 fessus est autem idem minister, nocturno
 se pollutum somnio. Venientes ad rapi-
 dissimum fluuium Taram, cum illum
 non auderent ingredi propter validissi-
 mum eius impetum, animal sacro tutum
 munere sponte descendit in flumen.
 quem sequutus alter asellus ferens Pres-
 byterum, licet vndis pene videretur im-
 mersus, transiit tamen fluuium, cum la-
 tera fluctibus non tinxisse probaretur
 almi

mi pigneris baiulus. Item dum superant
 Alpium iuga, quædam comes itineris
 huius puella in præceps labitur acta. quæ
 dum miserabiliter voluitur per deuexa,
 socij beatæ reginæ proclamantes expe-
 tunt patrocinia. cùm subitò in præru-
 pto môtis hæsit latere delapsa: sicque de-
 missis fasciis retrahitur incolumis ad
 superiora, nullam, ceu visum sibi est, læsio-
 nem perpeffa. Quibus compertis non-
 nulli miraculis, deuotius huius oneris
 famulabatur obsequiis. Inter quos equo
 quidam defiliens beata superimponit pi-
 gnera: descensuque montis artam ingres-
 sus semitam propriis onus extollit hu-
 meris. At subitò lubrica pede secuto ruit
 in præceps, sacra tamen brachiis astricta
 nullatenus omittens munera: cùm pro-
 tinus, turba sequente nomen reginæ pre-
 cibus ingeminante, equus, qui sacra ges-
 serat, suam nihili pendens ruinam, ruen-
 tem anterioribus hominem cruribus am-
 plexus, tandiu eum Deo se sustinente
 tenuit, donec ab incolis subter de-
 gentibus glacies ferro crispata, & tam ho-
 mo quàm equus sunt funibus in callem
 reuocati. Peruenientes autem ad pagum

Lingonicum, in vicum qui vocatur Osif-
mus, Ecclesiæ beati V vinebaldi almas in-
tulerunt reliquias. vbi quædam contra-
cta genibus repens muliercula, mox vt
horum gestamen pignerum attigit, ad
sua reuocatis officia neruis sanitati perfe-
ctissimæ redditur. Inde itinere vnus diei
peracto, quidam omnibus iā per sexenniū
dissolutus artubus linteum beatæ Regi-
næ cum gladio mittit in munere. Sed an-
tequam coniunx eius ad eum, quæ hæc
detulerat munuscula, rediret, infirmus
idem membrorum omnium recuperat
munia. His auditis quædam matris ab v-
tero cæca puella deducitur huc ad sancta
præsidia: moxque dum feretrum beatæ
contigit dominæ, depulsa lumen recepit
cœcitate. Ingressis villam Auergam quæ-
dam muta, sed & officio manuum desti-
tuta, progreditur obuiam: quæ statim
recuperatis membrorū muniis optatam
meruit inuenire medelam.

Deinde venerando hoc in Ecclesia
villæ Falesiæ posito munere, quidam lu-
naticus eandem basilicam est ingressus.
tum nouissimè vexatus, merita beatissi-
mæ petentibus cunctis, plenissimè regre-

ditur absolutus, integra scilicet sospitate donatus. In eadem villa quidam morbo attritus tria grabato exegerat lustra, carne iam ita putrefacta, vt viginti tria è corpore ipsius cecidisse feratur ossa. qui ad diuam perlatus medicatricem, virtute diuina erectus, stupente populo redditur sanus. Quædam quoque puella nomine Baua genibus attracta repens, vtpotè vtroque poplite contracto matris ex utero; basibus hîc solidatis recto recessit vestigio: quæque postmodum Remis in sancto permâsit proposito. Accedit quoque fœmina, quæ paralyti resoluta linguæ penitus amiserat officia, laxisque neruis dexteræ manus inutilia dependebant vincula. cuius allatus in munere linteolus, vt thecam sacri contigit corporis, mulier pristinæ munia perfectæ recepit salutis. Quidam surdus à natiuitate veruecem adduxit: Ecclesiam ingressus ad missarum solennia stetit. vt ad Euangelium ventum est recitandum, verba vitæ cœpit insolita aure percipere. quo perlecto curatus, confessus est, Euangelium se nunquam prius audisse. Pater quidam lactentis aduenit pueri, quem ad exitium

iam iamque vis impellebat ægritudinis. Genitor ergo votum pro vita vouens navi rediit, & puerum, qui per quinque iam dies fomenta spreuerat mamma, reperit incolumem, lacque sugentem. Paralyticus quidam Treuerorum è finibus est aduectus, qui septem dudum vicibus omnium membrorum soliditatem adeptus, toties carnis se premētibus desideriis miserabiliter est recontractus. qui postquam propria confessus est facinora, quod non egerat iam vicesimus voluebatur annus, permanfura deinceps est sanitate potitus. Allata est item mulier quædam dextro latere pestis immanitate resoluta : quæ perfectam consecuta medelam reuerfa est sana. Item adducitur mane mulier cæca, quæ hora rutilante tertia gemina regreditur illuminata lucerna.

Denique vt perlata est ad præfatum Altuillarense monasterium sacratissima gleba, quibusdam dubitantibus an ipsa foret Helena Constantini Augusti genitrix, vitalisque ligni repertrix : id probabili Christus asseuerare dignatus est atque iudicio, triduo supplicatus ieiunio. Mittuntur etiam tres fratres ex eodem

Monasterio Romam, ad indagandā translationis huius beatæ reginæ certitudinē: qui redeuntēs & veritatis huius indaginem, & geminatum gaudium, corpus videlicet beati Polycarpi Presbyteri, collegæ sancti Sebastiani, huic attulere cœnobio.

Huius beatæ reginæ quondam natalis die imminente, piscatores Monachorum noctu capturæ instabant piscium in Materna flumine, cassoque frustrati per totam fere noctem labore, tandem conquesti sanctam Helenam pro sua cœperunt inclamare fatigatione. Tum in Dei & in ipsius nomine laxantes rete, gemino ditati gaudent esoce. Sed mox vnus horum repetens matrem, quodam gaudia interpolauit mœrore. Dumque rursus queruntur, iterumque dominam inclamando turbantur, piscis elapsus mirabiliter dans saltum ab imo, superiorem retis funem tenacissimo corripit morfu, & sic inhærens funi pependit, donec stupefactus eum tandem piscator gratanter excepit.

*De translatione sancti Sindulfi ad idem
Monasterium. Cap. IX.*

AD hoc Monasterium beati Sindulfi translata sunt ossa: quæ in villa quæ dicitur Alfontia, fuerant posita; vbi Deo idem sanctus vir sacerdotali seruierat officio, & vbi pluribus post obitum claruerat miraculis. Cuius pignera vt perlata sunt ad villam, quæ dicitur Spida; mulier quædam cæca pristinum gauisa est lumen adepta. Cumque appropinquarent iam portæ ciuitatis Remensis, obuiam properante populi multitudine, accessit quædam muta & debilis manu puella: quæ vt se terræ prostrauit, ab vtraque sanari peste promeruit. Allata est illuc quædam muliercula manibus, genibusque contracta: quæ continuò vt est ad terram deposita sanitati lætatur restituta. Sed vbi victa luxu gloriari cœpit, quòd eam vellet, nollet, vir suus reciperet, qui eam infirmitatis huius causa dimiserat, ad depulsam rursus est miseriam reuoluta. Item, vt posita sunt beati viri membra in Ecclesia, coram altari sanctę Mariæ:

aduenit quædam puella reptans genibus contracta: quæ virtute Dei erecta, huius sancti meritis astitit sana. Adducitur etiã quædã iam per annos septem cœca: quæ mox vt valuas tēpli attigit, lumē recuperare meruit. Celebratisq; Missæ sacramētis, defertur inde corpus beati viri ad basilicam sancti Remigij. In crastinum profertur ad monasterium Auennacum: & occurrentibus sanctimonialibus, aduenit quidam iam duobus annis claudus: qui vbi se prostrauit in humum, surgens priscum cœpit figere gressum. Affertur etiam quædam contracta, membrisque resoluta: quæ sine mora sospitati gaudet restituta. Tum perlatum est manus hoc venerabile ad monasterium Altuillarense. Vbi quædam puella aduecta, à primo anno natiuitatis cœca, vt ad ianuam monasterij peruenit, lucem videre cœpit. Duo germani prouectæ fratres ætatis sub vno anno luce priuati oratorium ingressi, vt se dederunt in orationem, cruor eis pro lacrymis fluere cœpit ex oculis; moxque lumine recepto lætantur sepulcrum videre sanatoris. Quædam Deo sacrata votum habuit cum

sociis, vt iret ad locum sancti pigneris. Quæ de itinere medio, cæteris iter peragentibus cœptum, reuersa, vt ad suæ locum cellulæ peruenit, poplitibus brachiisque contracta dirigit. Postea plauastro ad præfatum deuecta cœnobium, postquam aliquandiu ibidem in hac est ægritudine remorata, exultat tandem pristina sibi sospitate redhibita.

De sancto Reolo Episcopo. Cap. X.

Post S. Niuardum præfatus domnus Reolus Episcopium hoc est adeptus: quod tam hereditariis quàm emptitiis iuuenitur auxisse rebus. Qui ex præceptis domni Niuardi causas apud regiam maiestatem pro rebus Ecclesiasticis, vel colonorum legibus egisse ac euicisse reperitur. Ipse verò beatus Reolus in Episcopatu iam positus magnam habuit intentionem, pro rebus præmissi sancti Niuardi Episcopi, cum Gundeberto regis optimate, ipsius domni Niuardi fratre germano; dicente Gundeberto, quòd villæ germani sui Niunionis Episcopi, tam de paterna quàm de materna hereditate,

quas Niuo moriens dereliquerat, ipsi iure legitimo deberentur. At contra Dominus Reolus vel agentes sui dicebant; quòd Dominus Niuardus omnem rem suam pro animæ suæ remedio ad loca sanctorum per sua instrumenta contulisset; scilicet ad Ecclesiam sanctæ Mariæ, & sancti Remigij, atque ad monasterium Altuillare, nec non & Viriziacum, vbi dominus Basolus in corpore requiescit: quæ monasteria ipse Dominus Niuo suo construxerat vel restruxerat opere. Item Remis in monasterio puellarum, vbi Boba præesse videbatur Abbatissa. Item sanctis Rufino & Valerio; vel per reliqua loca sanctorum. Sed dum inter vtramque partem hæc intentio verteretur, mediantibus pacificis tandem personis, eo tenore ad pacem concordia redierunt, vt Gundebertus ea quæ ultra Ligerim fuerant Emmæ genitricis ipsorum, absque repetitione Reoli Episcopi, vel agentium suorum, in sua reciperet potestate. Reliqua verò, quæcūque bonæ memoriæ Dominus Niuo ad loca Sanctorum per sua instrumenta delegauit, ad integrum ea Sanctorum loca per-

petualiter absque repetitione Gundeberti, vel heredum suorum cum Dei adiutorio possiderent. Vnde conuentiale quoque scriptum digestum apud nos adhuc reseruatur, vtriusque partis assignatione roboratum.

Hic partem villæ Ditiaci positus in Episcopatu emit. Item mansum & campos in villari Bersiniaco. Item mansos aliquos plusquam quatuor infra ciuitatem Remensem à diuersis personis, & alia quædam. Item portionem de villa, quæ dicitur Mons Allonis. Item partes villarum Rosiaci & Popiaci, & alia nonnulla, tam prædia quàm mancipia, eius temporibus tradidit vir illustris Vvaratus ad Ecclesias sanctæ Mariæ & sancti Remigij Remis: Cruciniacum montem, Curbamuillam, cum Aciniaco, in pago Tardonensi. Quædam denique hic beatus præsul Reolus ex rebus Ecclesiæ iuuenitur cum quibusdam personis commutasse, partium scilicet librata opportunitate.

Habuit filiam Deo sacratam in monasterio, quod Ebroinus Sueffionis construxit, sub sancta regula conuersantem,

nomine Odilam, quam ex legitimo suscepit ante clericatum matrimonio: cui villas quasdam tam in pago Remensi vel Bellouacensi, quàm etiam in partibus Transligeranis eo tradidit iure, ut ad idẽ monasterium res ipsæ post eius decessum proficerent omni tempore.

Construxit hic venerabilis præsul monasterium Orbacense, in loco quem promeruit dono regis Theoderici, per ipsius licentiam; suffragante quoque Ebrioino Maiore domus. Impetrauitque dominus idem Reolus à monasterio Rasbaciensi sex monachos, qui regimina sanctæ regulæ ibidem tenerent, & alios ea docerent. Ex quibus vnum, Leudemarum nomine, in eodem loco Abbatem constituit: qui rexit idem monasterium donec vixit. Nam licet ab Odone quodam fuerit expulsi; à Childeberto tamen rege postea restitutus est. Post cuius obitum dominus Rigobertus Archiepiscopus ipsum recepit & rexit. Huius Monasterij monachum, nomine Hucboldum, nuper Hungari comprehensum trucidare nisi sunt: sed nequaquam ferro incidere potuerunt. Nam ut idem refert;

FLODOARDI HIST.

& nonnulli captiui qui viderant, reuerſi nunc quoque teſtantur, dum ſagittis eū nudum vndique Barbari petiſſent, vt ab adamante reliſæ, ſic ab eius reſiliebant corpore ſagittæ, nec ſignum iſtus vllum apparebat in cute: ſed & omni conatu gladio percuffus, nihilominus manſit intemeratus. Vnde & Deum dicentes eum eſſe, duxerunt reuerſi ſecum, donec redemptus à quodam Epifcopo atque diſmiſſus reuertitur.

De ſancto Rigoberto. Cap. XI.

PRÆFATO Domno Reolo beatus Rigobertus ſucceſſit in Epifcopatu, eius, vt traditur, etiam carne propinquus, in regione Ribuariorum nobili proſapia genitus: patre ſiquidem ex eodem pago, nomine Conſtantino; matre vetò ex Porcenſi orta territorio. Vir piis moribus inſtructus, & virtutum inſignibus adornatus. Qui nonnulla in Epifcopio collapſa repeniens reparauit. Sed & Canonice clericis religionem reſtituit, ac ſufficientia victualia conſtituit; & prædia quædam illis contulit, nec non ærarium

ECCLESIAE REM . LIB. II. 119
commune vsibus eorum instituit. Ad
quod has villas delegauit : Gerniacā cor-
tem, Musceium, Rocceium, Vlsiniacum
Riuum, Curcellas : ecclesiam quoque
sancti Hilarij, cum suburbio ad eam per-
tinente : scilicet vt in annua transitus sui
die sufficiens eis inde refectio parare-
tur: quæ superessent, ipsis communiter
diuidenda cederent. Famulos quoque, &
eorum colonias ad necessaria Canoni-
corum seruitia deputauit, & eosdem
Christi pauperes rerum suarum heredes
fieri destinauit. Harum verò summa re-
rum in xl. vel amplius mansos colligitur.
Nonnullas etiam episcopij villas, descri-
ptis earum coloniis, seruitiisque, rite
disposuit.

Res etiam quibus episcopium auxit
quasdam dato pretio comparauit, vt vil-
lam nomine Cartobram in pago Tar-
donensi à Gamnoaldo, pro qua dedisse
traditur auri solidos quingentos : & in
villa, cui nomen Turba, mansos duos, à
diuersis personis. Item portionem de vil-
læ dicitur Campaniaca, super fluuium
Vidulā, ab Hosomo : pro qua dedisse re-
peritur in auro solid. cxi. Item à quadam

consobrina sua nomine Gilsinda portionem de villa Bracaneto super fluuium Rotumnam, cum mancipiis, ædificiis & omnibus ad ipsam possessionem pertinentibus. Item ab eadem Gilsinda partem quandam de villa Bobiliniaca supra fluuium Suippiam, cum domibus, mancipiis, campis, pratis, & cæteris ad eandem possessionem pertinentibus: pro quibus rebus in auro solidos centum inuenitur dedisse. Quasdam quoque res trans Ligerim non modico auri dato pōdere reperitur emisse, Quædam quoque cum aliquibus personis inuenitur commutasse, pro partium scilicet opportunitate. A Dagoberto denique rege præceptum immunitatis suæ obtinuit Ecclesiæ, suggerens eidem regi, qualiter ipsa Ecclesia sub præcedentibus Francorum regibus, à tempore domni Remigij & Clodouei regis, quem ipse baptizauit, ab omni functionum publicarum iugo liberrima semper extiterit. Qui præfatus rex hoc beneficium confirmare vel innouare disponens, cum consilio procerum suorum statuit, ad predecessorum formam regum præcipiens, vt omnes

ipſius ſāctæ Dei Eccleſiæ res, tam in Cā-
pania, & infra urbem , vel ſuburbanis,
quām in Auſtraſia, ſeu Neuſtria, vel Bur-
gundia. ſeu partibus Maſſiliæ: in Rodoni-
co etiam, Gaualitano , Aruernico, Turo-
nico, ſeu pictauico, Lemouicino, vel vbi-
cūque infra regna eius ipſa Remenſis Ec-
cleſia, vel baſilica beatiffimi Remigij vil-
las aut homines habere videbatur, ſub in-
tegra immunitate omni tempore poſſent
manere. Sic quoque vt nullus iudex pu-
blicus in ipſas terras auderet ingredi, vt
manſiones intrando faceret , aut quæ-
libet iudicia, vel xenia ibidem exigere
vllatenus præſumeret. Sed quodcunque
à preceſſoribus ſuis regibus Eccleſiæ Re-
menſi vel baſilicæ ſancti Remigij fue-
rat conceſſum, cunctis diebus eadem Ec-
cleſia valeret habere conſeruatum. Sed &
à filio ipſius ſuper huiusce auctōritatis
corroboratione, & à cæteris ſui tempo-
ris regibus immunitatis , ac teloneo-
rum remiſſionis præcepta Eccleſiæ ſuæ
obtinuit permanere. Item Theode-
rici regis ſpecialiter pro villa Cal-
miciaco , quam Grimoaldus vir illu-
ſtris Eccleſiæ Remenſi contulerat.

quarum adhuc regalium monimenta
præceptionum in archiuo sanctæ huius
Remensis conseruantur ecclesiæ.

Hic venerabilis præsul ripinum Maio-
rem domus regiæ traditur amicissimum
habuisse: cui eulogias pro benedictione
crebrò solebat mittere. Ad quem collo-
cuturus dum venisset aliquando, cœpit
idem Princeps requirere, quid huic san-
cto patri gratum potuisset offerre. Mora-
batur autem tunc apud Gerniacam cor-
tem. quam villam eidem oblatam vbi
gratam haberi beato pontifici com-
perit, offert ei, vt quantum vellet in
gyro acciperet, vel quantum circumiret,
dum ille meridie quiesceret. Beatus ita-
que Rigobertus, exemplum beatissimi
Remigij secutus, per fines qui manife-
stissimè parent pergens, passim itineris
sui limitem poni præcepit, vt litem di-
scerneret aruis. Cui regresso surgens
ripinus à somno largitus est omnem
quem circuitu suo concluderat locum.
Ad indicium verò memorabile super
hoc itineris sui vernantior omni tem-
pore, quàm in ceteris circa locis, visitur
herba virere. Est & aliud non contem-
nendæ

nendę rei miraculum, quod proculdubio meritis ipsius constat eisdem rebus à Domino prærogatum. Siquidem postquam eius cessere dominio, fertur eas nunquam læsisse tempestas, nec cecidisse super illas grando: & cū in locis contiguīs videatur cadere, fines eorum non præsumit attingere. Denique res istas, vel cætera quæ visus est obtinuisse, nullo mundanæ cupiditatis impetrauit obtentu; sed Ecclesiæ suæ in cunctis consulens vtilitatibus, illam constituit heredem. Plures etiam rerum suarum participes fecit Ecclesias, vt variis chartarum docemur instrumentis. Sub ipsius Episcopatu dedit Ado quidam Abbas ad Ecclesiam sanctæ Mariæ Remensis res suas sitas in pago Laudunensi in vico, qui dicitur Raosidus, cum adiacentiis earum, domibus scilicet, & colonis, campis, vineis, pratis, siluis, pascuis, aquis, aquarumve decursibus, & omnibus appenditiis. Item ad matriculam sancti Remigij res quasdam in pago Tardonensi in villa Corneciaco constitutas. Diuersæ quoque personæ in locis diuer-

sis res suas pro animarum remedio Ecclesie Remensi sub hoc patre beatissimo tradiderunt, vt Beroaldus & Sairebertus in monte Betelini & Taxouariis domos, arua, mancipia, vineas, ac syluas: Gairefredus & Austreberta in palaudunensi, in villa Vvarocio, mansos cum terris adiacentibus, vineis, ac mancipiis. Abbo res suas fitas in pago Porcensi, villa Augusta: Leudemarus in Camarciaco, in pago Remensi, mansos cum edificiis, mancipiis, ruribus, vineis, syluis, pratis, & cæteris adiacentiis. Rodemarus res suas fitas in vico Castricensi. Itē Austrebertus suas in eadē villa. Quarum adhuc exemplaria traditionum apud nos condita referuantur.

De expulsiōe ipsius ab Vrbe Remensi.

Cap. XII.

ORta denique simultate inter regem Chilpericum & Carolum, præfati Pipini filiū, Maiorēque domus Ragāfridum, Carolus iste prope urbem transiens Remorum, clamasse fertur ad beatum Rigobertum supra portam ciuitatis situm, vt ei iuberet eandem portam ape-

riri, quatenus ad Ecclesiam sanctæ Dei genitricis oratum posset abire. Cui crebris in idipsum vocibus instanti respondisse vir Domini perhibetur, quod non illi eam prius aperiret, donec sciret quem finem his cepta perciperet: ne forte urbem sibi commissam illi diripiendam proderet, qui aliarum res nonnullas urbium iam diripuisset. Ad hæc Carolus comminatus furibundè asseritur, quod si reuerteretur victor in pace, non ultra idem vir Dei tutus maneret in eadem ciuitate. Supra portam siquidem, quæ dicitur Basilicarum, vel quod basilicis in gyro sui dispositis abundauit, vel quod euntibus ad basilicas in vico sancti Remigij fitas peruia fuerit; hic benedictus Domini consueuisse traditur commorari; quod apertis cœnaculi sui fenestris loca sanctorum B. Remigij cæterorumque orandi gratia solitus fuerit contemplari. Oratorium quoque super eandem portam construxerat in honore S. Michaelis Archangeli, de quo in contiguam sancti Petri Ecclesiam descendere morem fecerat orationis amore. Quod oratorium non paucò tempore perseuerauit ibidem: donec Ludo-

uicus Imperator idem S. Petri Monasterium Alpaidi filia suæ dedit. Cuius mulieris vir, nomine Bego, præfatum dirui iussit oratorium, quia scilicet quadam die caput in superliminari eiusdem ostioli grauitè eliserit, eo quòd statura procerus fuerit, & erecto collo ambulauerit, nec ad introeundum seipsum humiliauerit: prætendens quòd fenestram obnuberet Ecclesiæ præ sui celsitudine. Quod ramen oratorium vt cœpit euelli, mox ille corripitur à Dæmone, vt erat in pago Laudunensi procul ab vrbe Remensi. Porro per huius portæ viam puluis & ventus mixtim ferebantur: vnde & tenebræ vrbi videbantur illatæ: nec per eandem viam facile valebat quisquam incedere. Hoc autem oratorium modo reparatum, & in præmemorato beati Michaelis veneratur honore restitutum.

præfatus itaque Carolus vt principatum bello adeptus est, hunc virum Domini Rigobertum patronum suum, qui vt traditur eum de lauacro sancto suscepit, Episcopatu deturbauit, & cuidam Miloni sola tonsura clerico, qui secum processerat ad bellum, dedit hoc Episcopium.

Hic Carolus ex ancillæ stupro natus, vt in annalibus regum de eo legitur, cæteris qui ante se fuerant audacior regibus, nō solum istum, sed etiam alios Episcopatus regni Francorum laicis hominibus & Comitibus dedit: ita vt Episcopis nihil pietatis in rebus Ecclesiarum permetteret. Verū quod contra hunc virum sanctū & alias Ecclesias Christi perpetravit malum, iusto Dei iudicio Dominus refudit in caput eius. De quo primū scripta relatione traditur, quòd sanctus Eucherius, cuius in monasterio sancti Trudonis humatum est corpus, Aurelianensium quondam Episcopus, dum in oratione positus mente cœlestibus intenderet, ad alteram vitam raptus, inter cetera quæ Domino sibi reuelante conspexit, hunc Carolum in inferno inferiori torqueri vidit. Cui de hoc sciscitanti responsum est ab Angelo ductore, quòd sanctorū iudicio, qui in futuro examine cum Domino iudicabunt, quorum res abstulit, sempiternis sit pœnis deputatus. Qui beatus Eucherius ad sæculum reuersus, sancto, Bonifacio, qui tunc Galliis ad restituenda iura Canonica fuerat ab Apostolica

sedeprelatus, & Fulrado Abbati monasterij S. Dionysij, & summo Cappellano regis Pipini, hęc indicare studuit: dans in assertione, vt ad sepulcrum eius accedentes, si corpus ipsius inibi non repirent, quæ de illo referebat vera esse scirent. Quibus ad locum, vbi corpus eiusdem Caroli sepultum fuerat, venientibus, & sepulcrum ipsius aperientibus, subitò visus est serpens egressus; & totum illud sepulcrum vacuum reperitur interiùs, sicque denigratum, ac si flammis fuisset exustum. De præfato denique Milone Zacharias Papa Romanus prænotato sancto Bonifacio inter cætera, quæ ad eum mandata direxit, ita scribit: *De Milone autem, & eiusmodi similibus, qui Ecclesiis Dei plurimum nocent, vt à tali nefario opere recedant, iuxta Apostoli vocem opportunè importunè prædica. si acquieuerint admonitionibus tuis, saluabunt animas suas: sin verò, ipsi peribunt obuoluti in peccatis suis. Tu autem, qui re- Etè prædicas, non perdes mercedem tuam.*

Cæterùm sanctus Domini Rigobertus dominicis obtemperando præceptis, quibus iubetur sub persecutione de ciuitate in ciuitatem fugere, secessit in Vvasco-

niam. Ibi exulando, dum multorum sancto feruore memorias Sanctorum lustraret, quandam ingressus basilicam, donec insistit orationibus, campanae pulsantur ex more. Denique ibi duo pulsata signa sonitum nullum repertum dedisse. Tunc sacerdos & alij circumstantes sollicitè perscrutantur quis sit, & vnde aduenerit. Ille se profitetur clericum, & de Francia profectum. Adiicientes illi, super nouae rei sciscitantur euentum: cur scilicet impulsae eorum consueta non resonent signa. At ille duo pandit sibi de quadam Ecclesia sua furtim ablata, arbitrarique se, ne fortè sint ea. Quibus sibi ostensis, vt asserit sua fuisse, experimenti gratia rogatur pulsare illa. Ad cuius impulsu his altisonè reboantibus vera dixisse comprobatur. Ita cunctis super huiusce-modi facto stupentibus suae sibi nolae redduntur: & ipse tam admiratione quàm veneratione dignus habetur. quae postmodum in Francia delatae & Ecclesiae Gerniacae cortis sunt restituta. Fertur hunc virum Dei praefatus Milo, cui Episcopium Remense datum fuerat à Carolo, functus legatione ad Vva-

scones in hac regione reperisse, eique
 ut in Franciā reuerteretur suasisse, suum-
 que sibi redhibendum Episcopium spo-
 pondisse. Qui regressus petitur à Milone,
 ut res quas Ecclesiæ iam delegauerat in
 ius proprium sibi traderet. quod eo nul-
 laxenus assentiente, & Milone se de pol-
 licitatione mutante, altare tantum vir
 Dei sibi rogat concedi sanctæ Dei ge-
 nitricis Mariæ; ut scilicet in eo missas sibi
 liceat celebrare. Quo demum obtēto, ha-
 bitauit in Gerniaca corte tempore non
 pauco, vitam in humilitate, parcite, vi-
 giliis, orationibus, & eleemosynis, cate-
 rorumque bonorum operum exhibitio-
 nibus agens. Morisque fuit ei, ciuitatem
 Remorum frequenter inuisere, & in a-
 ra beatæ Mariæ missas, ut optauerat, ce-
 lebrare. Tum per Ecclesiam sancti mau-
 riciij ad sanctum Remigium orandi gra-
 tia pergere. Inde sancti Theoderici mo-
 nasterium visitare: ac per Ecclesiam san-
 cti Cyrici de Culmiciaco ad sanctum Pe-
 trum in Gerniacam cortem redire.

De miraculis in vita ipsius ostensis.

Cap. XIII.

CONTIGIT itaque quondam, dum
ad sanctum Cyricum oratum ve-
niſſet in Culmiciacū, locutum eum cum
Oeconoſmo Remenſis Eccleſiæ qui ade-
rat: rogatūſque ad prandium recuſauit, vt
pote miſſas acturus ad ſanctum Petrum.
Interea mulier quædam anſerem attulit
Vicedomino: quem ille offerens Epiſco-
po, petit vt iubeat recipi, ſecumque de-
ferri. quem puer viri Dei ſuſcipiens fere-
bat, cum ſubito de manibus eius euadens
auolauit, ſpemque reſumēdi puero ab-
ſtulit. At pater ſanctus puerū vehemen-
ter anxiatum conſpiciens, blandè ceu
vir mitiſſimus conſolatur, docens de
temporalium amiſſione rerum nequaquā
flendū vel contriſtādū, quinimmo ſem-
per in Domino, qui dat omnibus affluen-
ter, ſperādū. Et ecce poſt aliquod ſpatium
auis vltro reuolans ad terram coram ſan-
cto Præſule deſcendit, eumque quaſi præ-
dux præiēs, nuſquā à tramite deuiat, donec
ad Gerniacam cortē quo ibant, peruēnit.

Quam vir Domini non passus occidi,
 prauiam habebat itineris. Fertur enim
 ante se cursitare solita, dum ciuitatem
 adibat, aut redibat. Huius beati Præsulis
 Adrianus, sedis Apostolicæ Pōtifex, me-
 minit in Epistola sua Tilpino, pōst Epis-
 copo Remensi, directā: in qua & queri-
 moniam facit super eo, scribens in hunc
 modū: *Tua fraternitas nobis retulit, quia fa-
 ciēte discordia inter Francos, Archiepisc. Remēs.
 nomine Rigobertus, à sede contra canones deie-
 ctus & expulsus fuit, sine vllō crimine, & sine
 vllō Episcoporū iudicio, & sine vllō Apostolicæ
 sedis consensu, vel interrogatione: Sed solūmodo
 quodd anteā nō consensit, in parte illius, qui postea
 partē illā de regno in sua potestate accepit; in qua
 parte Remensis ciuitas est: & donatus, atque
 magis vsurpatus contra Deum & eius aucto-
 ritatem fuit ille Episcopatus, simul cum alio
 Episcopatu, & aliis Ecclesiis, à secularibus
 potestatibus Miloni cuidam, sola tonsura clerico,
 nihil sapienti de ordine Ecclesiastico; & alij
 Episcopatus de ipsa diœcesi Remensi diuerso
 modo essent diuisi, & aliqui ex magna parte
 sine Episcopis cōsistentes. & ad alios metropo-
 litanos Episcopi & clerici ordinationes aliquādo
 accipiētes erant, & refugia indebita habebāt, &*

à suis Episcopis iudicari & distringi non sustinebant; & clerici, & sacerdotes, & monachi, & sanctimoniales sine lege Ecclesiastica pro voluntate & licentia vivebant.

De obitu & sepultura ipsius. Cap. XIII.

Hic denique beatus Præsul Rigobertus actibus egregiis, magnisque virtutibus pollens, annos plures in hac exegit conuersatione, consummataque viriliter præsentis vitæ militia decessit pridie Non. Ianuarij. Humatus est autem venerabiliter à sacerdotibus in præfata villa, in qua morari solebat, in Ecclesia sancti Petri ad Australem plagam altaris. Qui multis hîc post sanctam depositionem suam refulgens miraculis, quanti sit apud Deum meriti, patenter innotuit. quæ tamen mira ob incuriam, vel scriptorum raritatem, non fuere descripta.

Tres siquidem claudi ab incolis eiusdem loci memorantur inibi fuisse curati. Cuius redibitæ sanitatis indicia, bacilli videlicet ac scabella, in eadem Ecclesia diu sunt reseruata, donec exinde

beata eius sunt pignera translata. Quædam quoque mulier cæca, nomine Aufildis, ipsius loci habitatrix, ibi pristinum meritum huius patrocinantibus lumen recepit oculorum. puer quidam, scholaribus apud loci presbyterum studiis deditus, lasciuè quondam ludendo supra tumulum eius subsilire cœpit, non dans honorem Deo, neque sancto ipsius ibidem sepulto. Sed ut sepulti meritum panderetur, & huiusmodi præsumptio cohiberetur, continuò pes illius indoluit; moxque claudus effectus officium pedis vnus amisit. quo comperto, presbyter cancellos inibi circa tumbam, ne quis ignarus simile quid pateretur, fieri procurauit. In eadem basilica voces tantæ dulcedinis post eius sepulturam sæpius auditæ narrantur, ut non nisi Angelicæ comprobentur. Lux quoque tantæ claritatis mediis inibi noctibus emicuit, ut solis fulgorem vicisse videretur. quæ magno etiam quondam iubare sacerdotis contiguâ penetrauit ædiculam. Quo viso tantus timor inuasit presbyterum, ut abinde maiorem huic loco reuerentiam exhibuerit, quàm antea solitus fuerit.

Ad hoc viri Dei sepulcrum diuersis ab ægritudinibus multi curantur infirmi. Frigoritici quidam cum fide venientes candelam in votis offerunt, & abrasum sepulcri puluerem sumunt; quem aquæ mixtum bibunt, & sanitatem huius sancti meritis adipiscuntur. Dentium verò doloribus cruciati hunc debita cum veneratione tumulum deosculantur, & ita curari merentur.

De translatione corporis eiusdem.

Cap. XV.

ITaque dum in hoc loco hic inclytus Domini Confessor pluribus clarificatus signis reniteret, Dominus Præsul Remensis Hincmarus hinc eum transtulit, & ad cœnobium sancti Theoderici detulit, ac secus ipsius beati viri tumbam posuit. vbi dum aliquot annis venerantur, plura per eum Dominus mira patrare dignatus est. Multi siquidē febribus vexati, vel dolore dentium fatigati, eius hîc quoque cum fide petentes auxilium, diuinū gauisi sunt adepti remedium. Ex quibus mulier quædam nomine Audinga, de quadam proxima monasterio villa, nomine Colmelecta, febribus

attrita, hæc apud se super recuperanda sibi sanitate fecisse traditur experimenta. Tres enim candelas vnus fecit quãtitatis: quarum vnã nomine sancti Theoderici, alteram sancti Theodulfi, tertiam sancti Rigoberti constituit: quas simul accendens, quæ superaret ardendo, probare disposuit. Quo facto, dũ superdurat flagrando quæ beati fuerat nomine Rigoberti, mulier id reputans Deo placitum, eidem Sancto fieri votũ suum instituit. Continuò aliam instaurans candelam, huius almi viri duntaxat venerationi dicatam, veniensq. ad locum designatum, munusculum obtulit, & ante quæsita sancti Dei pignera post orationem dormiuit, euigilansque desideratam se sospitatem recepisse probauit.

Post annos nouem huius beati Præfulis ossa Remorum perferuntur in urbem, & in basilica sancti Dionysij honore dicata locantur, vbi Canonorum sepultura Remensium tunc habebatur. Erat tunc quædam mulier cæca, in villa quam vocant Alamannorum cortem, quæ dormiens audiuit in somnis vocem dicentem sibi, Quid hîc facis? cur iaces? Cra-

stina die Pontifex Hincmarus & Canonici Remenses sanctum transferēt Rigobertum : vade ad illum , & ille te adiuuabit. At illa diluculo confurgens accelerauit, candelam secum deferens, aduenire. quæ mox vt ad loculum beati pigneris accessit, lumen olim amissum recipere meruit. Surdus etiam quidam translationis huius æquè die veniens, vt locellum sacri corporis baiulum tetigit, auditum statim recepit. qui tali quoque modo se retulit accersitum. Noctu siquidem in diuersorio quiescentem persona quædam incognita leniter hunc in latere percussit & excitauit, excitatúmque vocauit. Sensit ille tangentem, sed non audiuit, vt pote surdus, vocantem. Audierunt tamen qui secum aderant in domo vocem ad sanctum Rigobertum ire quantociùs eū admonentem, licet viderint neminē. Qui confestim abiit, & salutem diu desideratam inuenit.

Huius beati Patris membra veneranda, quoniam Ecclesia prænotata necessitate muri ciuitatis, ob infestationem paganorum construēdi, euertebatur, Fulco Præsul vrbi postmodum intulit, & in me-

dio Ecclesiæ beatæ Dei genitricis Mariæ post altare sanctæ crucis collocavit. Vbi plures etiam cum fide accedentes optatam reperere medelam. His fere diebus monachus quidam cœnobij beatissimi Remigij, nomine Sigoardus, validissima febre correptus, impos quoque mentis effici videbatur. Qui dum quadam nocte cubitum perrexisset, in cœnatus tamen, & quiescere nullatenus sineretur, artatus vndique beatum Rigobertum auxilium sibi ferre clamans inuocat, & optatam protinus sanitatem recuperat.

Post aliquantum temporis deferuntur huius sãcti viri pignera in pagũ Veromandensem ad villam Memnicum, quam Odalricus comes Ecclesiæ Remensî tunc temporis contulerat; & Fulco Præsul Canonorum victui deputarat. Vbi quidam commanebat in proximo presbyter, nomine Signinus, qui magno cruciabatur dentium dolore. Hic audiens hæc pretiosa illuc delata munera, quam victus ægritudine impediabatur adire, candelam illò studuit transmittere. Ac licet absens corpore, precibus tamen & lacrymis sanctum Domini Rigobertum non distulit

distulit exorare, quatinus per ipsius interuentum medelam mereretur accipere. Qui mox vt munusculum eius ad sancti loculum peruenit, medicum cœlestem sibi adesse recepta sanitate sentire promeruit. Et confestim ad locum sacri medicatoris profectus est, totumque se in lacrymis ante ipsius effundens memoriam gratias retulit, & quanta sibi per huius inuocationē patris fecerit Dominus, indicauit. Nec longum post hæc vrbi Remorum sacra membra reuocantur: & Ecclesia sancti Dionysij extra murum ciuitatis Canonorum Remensium studio sumptibusque restructa, ibidem cum beati Theodulfi pigneribus honorificè venerantur illata.

De Abeleius successore. Cap. XVI.

BEatū Rigobertū secutus Abel in Episcopatus ordine reperitur: quamuis eum quidam Chorepiscopum tantū fuisse tradant. Pontificem tamen illum extitisse diuersis inuenimus assertionibus, & maximè in Epistolis Zachariæ papæ ad sanctum Bonifacium directis: in quarum

R

una commemorat, indicasse prædictum
 beatum Bonifacium suis literis inter ce-
 tera, quòd tres Episcopos per singulas
 Metropolitanas vrbes ordinasset; id est
 Grimonem in ciuitate, quæ dicitur Ro-
 thomagus: secundû verò Abel in ciuitate,
 quæ dicitur Remorum; tertium deni-
 que Hartbertum in ciuitate quæ dicitur
 Senonis: Qui & apud nos, inquit, fuit, &
 tua nobis pariter & Carlomanni atque Pippini
 detulit scripta, per quæ suggestisti, vt tria pal-
 lia hisdem tribus prænominatis Metropolitanis
 dirigere deberemus: quod & largiti sumus pro
 adunatione & reformatione Ecclesiarum Dei.
 Item in alia ipsius ad eundem epistola:
 De Episcopis verò Metropolitanis, id est Grimo-
 ne, quem nos iam compertum habemus, Abel, siue
 Hartberto, quos per vnamquamque Metropolim
 per provincias constituisti; hos per tuum testi-
 monium confirmamus, & pallia dirigimus ad
 eorum firmam stabilitatem, & Ecclesiæ Dei
 augmentum, vt ita meliori proficiat statu. Qua-
 liter etiam mos pallij sit, vel quo modo fidem
 suam exponere debeant ij, qui pallij vti licentiæ
 conceduntur, eis direximus; informantes eos, vt
 sciant quid sit pallij vsus, & subiectis viam præ-
 dicare salutis: vt Ecclesiastica disciplina in Ec-

clesius eorum immutilatè seruetur, & maneat in-
 concussa, & sacerdotium, quod in eis fuerit, non
 pollutum, ut antea fuit, sed mundum, & ac-
 ceptum Deo esse possit, quantum humana
 conditione valet: ita ut nullus reperiri possit sa-
 cris deuiare canonibus, & sacrificium mun-
 dum eorum ab eis immoletur. Ita ut Deus in
 eorum placetur muneribus, & populus Dei
 purificatis mentibus ex omni squalore sincerum
 exhibere valeant Christianæ religionis officiū.
 Sed & quædam chartæ ipsius Episcopi re-
 periuntur nomine titulata.

De quo etiam præfatus Adrianus papa
 in præmemorata epistola ad Tilpinum
 Archiepiscopum, post illa quæ præmissa
 sunt, subinfert: Sanctæ memoriæ Bonifacius
 Archiepiscopus & Legatus sanctæ Romanæ
 Ecclesiæ, & præfatus amabilissimus Fulradus
 Franciæ Archipresbyter, tempore antecessorum
 nostrorum Zachariæ & Stephani successoris il-
 lius multū laborauerunt, ut bonæ memoriæ præ-
 decessor noster dominus Zacharias pallium Ar-
 chiepiscopo Remensi, Abel nomine, per depreca-
 tionem supra scripti Bonifacij transmitteret. Qui
 ab illo constitutus fuit: sed ibi permanere per-
 missus non fuit: sed magis contra Deum eie-
 ctus est, & Remensis Ecclesia per multa tem-

pora, & per multos annos sine Episcopo fuit,
& res Ecclesiæ de illo Episcopatu sunt ablatae,
& per laicos diuisæ sunt, sicut & de aliis Episco-
patibus, maximè autem de Remensi Metropoli-
tana ciuitate.

De Tilpino Episcopo. Cap. XVII.

PRAEMISSIONES in Episcopatu sequitur Til-
pinus, ex Monasterio sancti Dionysij
assumptus: cui magnus Carolus ab Adria-
no papa impetrasse palliū reperitur, sicut
eiusdem papæ ad ipsum directæ pandit e-
pistola, quæ ita incipit:

*ADRIANVS EPISCOPVS SER-
VVS SERVORVM DEI REVEREN-
tissimo & sanctissimo confratri nostro Til-
pino Ecclesiæ Remensis Archiepiscopo.*

QVia ad petitionem spiritalis filij nostri
& gloriosi Regis Francorum Caroli,
præbente tibi bonum testimonium de sanctitate
& doctrina Fulrado amabilissimo Abbate, Fræ-
ciæ Archipresbytero, pallium secundum consue-
tudinem tibi transmississe nos, cum priuilegio ut
Metropolis Ecclesiæ Remensis in suo statu ma-
neret, bene memoramus. & post aliquāta, quæ
de sancto Rigoberto, & Abel superius

iam præmissa sunt, cum de rebus Ecclesiæ Remensis ablatis loqueretur: Et tua, inquit, fraternitas iam ex magna parte ipsas res apud gloriosum filium nostrum Carolum, & antè ad Carlomannum gloriosissimum fratrem eius impetratas habes, & ordinem ex aliqua parte, & in Episcopis, & in aliis, secundum Canonicam & sanctæ sedis Romanæ auctoritatem directum habes, propterea petisti à nobis, tibi & Ecclesiæ tuæ fieri privilegium ex auctoritate B. Petri principis Apost. & S. sedis Romanæ, ac nostra, ut quod perfectum habes in antè valeat permanere, & quod adhuc perfectum non habes, per nostram auctoritatem possis, auxiliante Deo, & B. Petro Apost. ad perfectionem perducere. Pro quo & nos ardenti animo, & diuino iuuamine Apostolicâq. fulti auctoritate, non solum vetera secundum sacros Canones, & Apostolica huius sanctæ sedis decreta statuimus; sed & noua tibi pro tuo bono studio concedimus, atque auctoritate B. Petri Principis Apost. cui data est à Deo & Salvatore nostro Iesu Christo ligandi, soluendiq; potestas peccata hominum in coelo & in terra, confirmamus atq. solidamus, Rem. Eccles. sicut & antiquitus fuit, Metropolim permanensurâ & primâ suæ Dioceseos sedem esse, & te qui in eadem sede, cooperante Deo, ordinatus es, primatens

ipsius Dioecesis esse, cum omnibus ciuitatibus
 quæ ab antiquo tēpore Remensi Metropoli Ec-
 clesiæ subiectæ fuerunt: atque etiam perpetuis
 temporibus tibi & successoribus tuis sit confir-
 matū. Et hoc interdicientes, vt nullus audeat iux-
 ta sanctorum Canonum traditionem ex alio E-
 piscopatu ibidem translatare, aut constituere Epi-
 scopum post tuam de hoc seculo euocationem.
 Neque aliquis tuas parochias aut Ecclesias vel
 ciuitates subtrahere, neque Dioecesim Remen-
 sem vllō vnquam tempore diuidere: sed integra
 maneat, sicut antiquitus fuit, & sacri Canones
 & prædecessorum nostrorum firmanit & nostra
 firmat auctoritas. Et te, aut futuris temporibus
 Remensem Episcopum: & primatem illius Dioe-
 cesis, non præsumat, neque valeat vnquā aliquis
 de Episcopatu deicere sine canonico iudicio, &
 neque in vllō iudicio sine consensu Romani Pon-
 tificis, si ad hanc sanctam sedem Romanam, quæ
 caput esse dinoscitur orbis terræ, appellauerit in
 ipso iudicio. Sed in sola subiectione Romani Pō-
 tificis permanens, Dioecesim & parochiam Re-
 mensē, adiuvante Domino, & nostra atque B.
 Petri fultus in ista sancta sede auctoritate,
 secundum sanctos Canones, & huius sanctæ
 sedis præceptiones, tibi subiectos ita certes &
 studeas gubernare, vt illam desiderabilē vocem

Domini nostri Iesu Christi Valeas cum electis eius audire: Euge serue bone & fidelis, quia in pauca fuisti fidelis, supra multa te constituam, intra in gaudium Domini tui. Et quod ad nostram notitiam perduxisti, quia ad alios Episcopos de ipsa Diocesi Remensi quidam accipiebant ordinationes, & habebat indebita refugia, & hoc per omnia prohibemus. Sed sicut sacra docet auctoritas, & in Synodis comprouincialibus conuocandis & faciendis, & in ordinationibus, ac diiudicationibus, Remensis Ecclesia, & Archiepiscopus, qui in ea constitutus fuerit, talem habeat auctoritatem, sicut sacri Canones, & huius sanctae Ecclesiae constitutiones docent. Et nullus per ullū unquā tempus tibi, vel Remensi Ecclesiae, de rebus ad illam debite pertinentibus diuisionem vel violentiam, sicut antea factum fuit, facere praesumat. Nam si quod nō credimus, si quis ille fuerit, qui contra hanc nostram praecceptionem temerario ausu venire tentauerit, nisi se citò & maximè post commonitionem correxerit, sciat se aeterno Dei iudicio anathematis vinculo esse innodatum. Si quis verò Apostolica seruauerit praeccepta, & normam rectae & orthodoxae fidei fuerit affecutus, benedictionis gratiam consequatur. Haec à nobis definita per huius nostrae confirmationis paginam in tua Ec-

clesia perpetuis temporibus pro sui confirmatione conseruanda esse mandamus. Iniungimus etiã fraternitati tuæ, vt quia de ordinatione Episcopi nomine Lulli S. Maguntinæ Ecclesiæ ad nos quædam peruenerunt, assumptis tecum Viomago & Possessore Episcopis, & missis gloriosi ac spiritalis filij nostri Caroli Francorum Regis, diligenter inquiras omnia de illius ordinatione, & fidem ac doctrinam illius atque conuersationem & mores ac vitam inuestiges: vt si aptus fuerit & dignus ad Episcopalem cathedram gubernandã, expositam & conscriptam & manu sua propria subscriptã catholicam & orthodoxam fidem permissos suos cum literis ac testimonio tuo, seu aliorum Episcoporum, quos tecum esse mandauimus, ad nos dirigat, vt palliũ illi secundũ consuetudinẽ transmittamus, & ordinationem illius firmã iudicemus, & in eadem S. Ecclesia Maguntina Archiepiscopum constitutum esse faciamus. Bene Vale.

Qui præsul res Ecclesiæ diuersa per loca direptas tam per se apud regiam maiestatem, quàm per actores Ecclesiæ, diuersos apud iudices legibus obtinuit, & Ecclesiastico iuri restituit: maximeque per quendam Achabbum, qui tam in Francia quàm etiam trans Ligerim pro rebus Ec-

clesiæ reuocandis operosè laborauit, & tam prædia, quam mǎcipia multa legibus euindicata Ecclesiæ reformauit. possessionibusque vel mancipijs à quibusdam dato pretio coemptis, res auxissè præsul iste reperitur Ecclesię. nonnullarum quoque iura villarũ dispositis ordinasse coloniis. Sed & sacrarum codicibus scripturarum, quibus adhuc aliquibus quoque utimur, hanc instruxit Ecclesiam. In cœnobio denique sancti Remigij monachos ordinasse, ac monastica vita eos traditur instituisse, cùm canonicos prius idem cœnobium à tempore Gibehardi Abbatis, qui eandem congregationem ob amorem Dei & sancti Remigij reperitur aggregasse, ad hoc vsque tempus habuisse feratur. Immunitatis denique præceptum à Carlomāno rege, filio Pippini, primo mox regni eiusdem anno Ecclesiæ Remensi obtinuit, ad exemplar immunitatum, quas ipsius prædecessores reges huic contulerant Ecclesiæ: quarũ curauit ei quoque ostendere monimenta, vt nullus scilicet iudex publicus in eius Ecclesiæ terras auderet ingredi ad mansiones parandum, vel

qualibet iudicia facere, aut penitus xenia inibi requirere. sed quæcunque antecessores eius eidem concesserant Ecclesiæ, perpetualiter habere valeat indulgentia. Postea quoque aliam eiusdem regis de omnium teloneorum remissione impetrauit præceptionem. Item aliam de ponte Baisonenſi. Item de chartis concrematis, quarum tunc temporis per negligentiam acciderat exustio, vt res & facultates Ecclesiæ, quas eo tempore possidebat, ita permanerent absque diminutione confirmatæ ipsi Ecclesiæ per regiam eius auctoritatem. Item de militibus, qui in villa Iuuniaco residentes erant super terram sanctæ Mariæ & sancti Remigij, concessa, remissaque ipsis omni quam debebant exactione militiæ. Item aliud de his qui in Cruciniaco, Curba villa, vel in omni pago Tardonensi infra terram Remensis Ecclesiæ residebant. Dedit etiam idem Carlomannus rex sub hoc Pontifice per chartarum instrumenta, pro loco sepulturæ vel remedio animæ suæ villam Nouilliacum in pago Vrcinſe sitam, cum omnibus terminis vel appenditiis suis, omnique integritate, ad basi-

licam vel monasterium sancti Remigij, vbi sepulturam quoque habere dinoscitur. Cuius germanus Carolus Imperator magnus huic præsuli Tilpino pallium per Legatos & literas suas obtinuit ab Adriano Papa, sicut in eiusdem Papæ literis ad ipsum regem super hac ipsius petitione directis continetur. Immunitatis quoque præceptum ab hoc etiam rege, iuxta præcedentium exemplaria regum, Remensi Ecclesiæ idem præsul impetrauit. Item aliud præceptum de militibus pagi Tardonensis, iuxta cessionem germani sui Carlomanni regis. Item de chartis concrematis. Item de confirmatione traditionis præfati germani sui regis, qua Nouilliacum & Bebriliacum villas idem rex ad basilicam sancti Remigij condonauit. Præterea multi sub huius præsulis Episcopatu res suas ad Ecclesiam, tam sanctæ Mariæ quam sancto Remigio à Remensæ contulerunt. Qui præsul defunctus est anno sui Episcopatus XLVII. cuius corpus ad pedes sancti Remigij tumulatum huiusmodi cernitur habere titulum.

*Hac requiescit humo Tilpinus Præsul honoris,
 Viuere cui Christus vita & obire fuit.*

*Hunc Remi populo martyr Dionysius almus
Pastorem vigilem misit, & esse patrem.
Quem pascens quadragenis ast amplius annis,
Veste senectutis despoliatus abit.
Quartas cum Nonas mensis September haberet,
Mortua quando fuit mors sibi vita manet.
Et quoniam locus atque gradus hos iunxerat,
Hincmar
Huic fecit tumulum, composuit titulum.*

De Vulfario Episcopo. Cap. XVIII.

TIlpinum sequitur Vulfarius: qui ab Imperatore præfato magno Carolo missus Dominicus ad recta iudicia determinanda fuerat ante Episcopatum constitutus super totam Campaniam. In his quoque pagis, Dolomenſi scilicet, Vongensi, Caſtriciſi, Stadonēſi, Catalaunenſi, Otmenſi, Laudunēſi, Vadenſi, Porciano, Tardonenſi, Sueſſionenſi. ſicut & alij quidā ſapientes & Deū timentes habebantur Abbates per omnem Galliam & Germaniam à præfato Imperatore delegati; quo diligenter inquirerent, qualiter Episcoppi, Abbates, Comites, & Abbatiffæ per ſingulos pagos agerent; qualem concordiam & amicitiam adinuicem tene-

rēt; & vt bonos & idoneos Vicedominos & Aduocatos haberent, & vndecunq. necesse fuisset, tam regias quàm Ecclesiarum Dei Iustitias, viduarum quoque & orphanorum, sed & ceterorum hominum inquirerent & perficerent; & quodcunque emendandum esset, emendare studerent, in quantum melius potuissent; & quod emendare per se nequiuisent, in præsentiā Imperatoris adduci facerent: & de his omnibus eidem principi fideliter renuntiare studerent. Residens igitur præfatus vir illustris Vulfarius ad iniuncta sibi definienda iudicia, cum quibusdam Comitibus in mallis publicis, iam quoq; vocatus Episcopus, adhuc etiam antequā ordinaretur, res quasdam Remensis Ecclesiæ, sed & mancipia nonnulla, vel colonos reimpetrasse, ac legibus per Ecclesiæ aduocatos euindicasse reperitur. Nec non etiā post quā præsul ordinat⁹ est, plura inuenitur Ecclesiæ cōquisisse, & res & colonos, tam apud regiā maiestatem, quā apud Comites & iudices publicos, nec solū per actores Eccl. sed etiā aliquādo per sui præsentiā. Cui valde credidisse Carolus Imperator magn⁹ ex eo probatur, quod illustres

FLODOARDI HIST.

Saxonū obsides xv. quos adduxit de Saxonia, ipsius fidei custodiendos commisit.

Hic Synodum inuenitur habuisse anno ab incarnatione Domini nostri Iesu Christi octingentesimo decimo quarto, in ecclesia Nouiomensis, regnante Ludouico filio Caroli, congregatis secum Coepiscopis suis Hildoaldo, ermenone, Iesse, Ragimberto, Grimbaldo, Rotardo, Vvendilmaro, Ostroldo, & Chorepiscopis Vvaltario, Sperno; nec non & Abbatibus Adalardo, Nantario, Fulrado, Ericho, Hilderico, Remigio, Ebone, Sigbaldo, & cætero clero, presbyteris & Diaconibus. conuocatis etiam Comitibus Gunthardo, Rotfrido, Gisleberto, Othero. His omnibus residentibus, sententia ventilata est inter Vvendilmarum & Rotardum episcopos de terminis parochiarum suarum: & requisitum ac definitum est, quòd hæc loca trans fluuium Isaram in pago Nouiomensis pertinere deberent ad parochiam ecclesiæ Nouiomensis: id est, Varinæ, Vrbs campus, Trapiacus, Ierusalem, Harbaudianisua, siue ecclesia sancti Leodegarij, cum reliquis villis ad has ec-

clesias conuenientibus. Cætera verò loca trans supradictum fluuium, in prædicto pago, omnia pertinere deberent ad parochiam sanctæ ecclesiæ Sueffonicæ. Hæc diligentissimè inuestigata consenserunt supra scripti episcopi, & Chorepiscopi, Abbates, presbyteri & Diaconi; & pars ecclesiæ Nouiomensis, clerici & laici; & pars Ecclesiæ Sueffonicæ, similiter clerici & laici: & vno animo vnoque consensu confirmare decreuerunt. Nec suæ tantùm Dioceseos, quin etiam Treuericæ vrbis Archiepiscopum Amalariū, cum Adalmato ipsius Coepiscopo, & Herilando, iussione Imperatoris magni Karoli, ab eodem scilicet Vulfario Metropolitano conuocatum ad ordinationem episcopalem cuiusdam Frotharij præfatæ Treuerensis Ecclesiæ presbyteri, eidem paruissè reperimus. Hoc etiam Vulfario præfule ordinante, congregatū reperitur Remis ab Imperatore Carolo magno Concilium plurimorum patrum, in quo constituta xliij. leguntur capitula. In quibus de fidei ratione, atque Dei Ecclesiæ honore, rectorumque ipsius ac ministrorum dispositione, Regisque fidelitate,

atque totius regni vtilitate tractatum est.

Quasdam præterea villas Ecclesiæ remensis rite distributis atque descriptis ordinauit coloniis. Sed & res Ecclesiæ aliquas, mancipiæque, cum personis quibusdam pro partium commutauit opportunitate. De thesauris etiam Sanctæ Mariæ ac Sancti Remigij nonnulla cum testimonio virorum illustriū tam clericorum quàm laicorum mutauit, & ornamenta vel vasa Ecclesiastica exinde, prout dignum sibi visum fuit, fabricari fecit. Eundem denique Romam causa orationis ad Sanctum Petrum licentiam ab Imperatore se accepisse in quadam sua designat epistola: sed vtrum ierit, certum non habemus. Reditus autem villarum quarundam Ecclesiæ in eleemosyna probabiliter, pro sui corporis & animæ salute, distributi quibusdam adhuc descriptionibus tunc factis leguntur. In quibus inueniuntur inter Termidū, Grandem pratum, Vindicum, Furuillam, Gramadum, Pidum, Cadeuelum, & Cortem Magnaldi, in distributione eleemosynæ de annona modij M. DCCCC. LXXV, de animalibus inter maiora & minora

ECCLESIAE REM. LIB. II. 137
& minora capita CLXvij. Item inter vil-
las Fagum, siue Boleticum, & alias quas-
dam annonę modij M.LII. vini mod. LXIV.
falis modij v. cū diuersis nimalib⁹, & aliis
variis rebus expēsa. Ad opus quoque fra-
trum Orbacensis cœnobij quantum suf-
ficeret eis. Vnde datur intelligi, in ma-
ioribus quoque locis multo tunc plura
fuisse dispensata. Immunitatis quoque
præceptum ab Imperatore Ludouico, se-
cundum præceptionem Caroli Augusti
patris ipsius, Ecclesiæ Remensi, mona-
sterioque sancti Remigij obtinuit.

De Ebone Præfule.

Cap. XIX.

Hic successit Ebo, vir industrius &
liberalibus disciplinis eruditus, pa-
tria Transrhenēsis ac Germanicus, Impe-
ratoris vt fertur Ludouici collataneus,
& cōscholasticus. qui multis Ecclesiā cu-
rauit instruere cōmodis, & præcipuē arti-
ficib⁹; quibus vndecūque collectis sedes
dedit, & beneficiis munerauit. Mācipia
vel colonos quosdā Ecclesię desertores tā
per seipsū, quā per Radulphū Vicedominū

& Ecclesiæ Aduocatum, apud iudices publicos legibus euindicatos & obtentos Ecclesiastico iuri restituit. quasdam quoque res Ecclesiæ, atque mancipia, cum aliquibus personis pro partium commo-
ditate commutauit. Sed & imperialia super eisdem commutationibus præcepta obtinuit. Ab Imperatore quoque Ludovvico literas ad Robertum Comitem pro Ecclesiasticarum rerum defensione, quas quidam peruadere moliebantur, impetrauit. Colonias verò nonnullas Ecclesiæ, descriptis per strenuos viros colonis, eorūque seruitiis, ordinauit.

Archium Ecclesiæ tutissimis ædificiis, cum crypta in honore sancti Petri, omniumque Apostolorum, Martyrum, Confessorum, ac Virginum dedicata, vbi Deo propitio deservire videmur, opere decenti construxit. Vbi multorum tam Apostolorum, quàm cæterorum Sanctorum condita pignera reseruantur. In qua nonnullæ illustrationes ostensæ noscuntur. Vidi siquidē nutritoris mei Gundacri, in prospectu ipsius Ecclesiæ cōmamentis, seruum, dum temerè propè fenestram huius cryptæ accessisset mingere,

terribili quadam quasi armati cuiusdam viri visione ita deterritum, vt putaretur amittere sensum. Sed & Rohingum quēdā, huius loci Diaconū, à simili præsumptione pari ferunt visione cohibitum. Vnde cautum deinceps ac prohibitum, ne quis talem præsumere gestiat ausum.

Huius ecclesiæ pinnaculum talem videtur præmonstrare titulum, personis etiam vel imaginibus Stephani Papæ ac Ludovvici Imperatoris insignitum:

*Ludovicus Cæsar factus coronante Stephano
Hac in sede Papa magno: tunc & Ebo Pontifex
Fundamenta renouavit cuncta loci istius,
Vrbis iura sibi subdens præsul auxit omnia.*

Matris eiusdem Ebonis huiusmodi habetur Epitaphium.

*Mea forte si requiris temporis initia,
Scito Caroli fuisse regni sub primordia:
Ludo Vvico triumphante dies fluxit vltima.
Rhenus primos lauit mores, alueus Germanicus.
Hinc nutrit & secūdos Liger, amnis Gallicus,
Sequana fouit iumentam, sordes sordens Vidula.
Præsul erat vrbis huius mihi natus vnicus:
Idem me conduxit sibi sociam laboribus,
Proximum ruinæ locum renouandi cupidus,
Decem fermè nuper annos simul hîc peregimus.*

FLODOARDI HIST.

*Ebo rector, ego mater Himiltridis humilis,
Fundamenta sedis sanctæ pariter ereximus,
Deo debitum laborem dum gerebat Pontifex:
Fessa quietem quærebam. ecce sub hoc tumultu
Quinto me September mensis Kalendarū rapuit.
O Viator, esto cautus semper ab excessibus.
Fateor non profuisse ut debui, dum potui.
Veniam dic pro vindicta da Deus peccantibus.*

Huius præsulis hortatu Alitgarius Cameracensis Episcopus sex libellos de remediis peccatorum, & ordine vel iudiciis pœnitentiæ conscripsit. Ad quem talis eius extat epistola.

REVERENTISSIMO IN CHRISTO
FRATRI AC FILIO HALIT-
gario Episcopo Ebo indignus Episcopus salutem.

NON dubito tuæ id notum esse caritati, quanta nobis Ecclesiasticæ disciplinæ, quantisque nostrorum necessitatibus subditorū, & insuper mundialium oppressionibus, quibus quotidie agitamur, cura constringat. Idcirco ut tecum contuli, ex patrum dictis, canonūque sententiis ad opus consacerdotum nostrorum excerpere Pœnitentiale minimè valui: quia animus

cum diuiditur per multa, fit minor ad singula. Et hoc est quod in hac re me valde sollicitat; quoniam ita confusa sunt iudicia poenitentium in Presbyterorum nostrorum opusculis, atque diuersa & inter se discrepantia, & nullius auctoritate suffulta, ut vix propter dissonantiam possint discerni. Vnde fit ut concurrentibus ad remedium poenitentiae, tam pro librorum confusione, quam etiam pro ingenij tarditate, nullatenus valeant subuenire. Quapropter, carissime frater, noli te nobis ipsum negare, qui semper in diuinis ardenti animo disciplinis, ac sollerti cura scripturarum meditationibus perfectissimo otio floruisti. Arripe, quaeso, sine excusationis verbo, huius sarcinae pondus à me quidem tibi impositum; sed à Domino, cuius leue onus est, leuigandum. Noli timere, neque formides huius operis magnitudinem: sed fidenter accede; quia aderit tibi qui dixit, *Aperi os tuum & ego implebo illud.* Scis enim optimè paruis parua sufficere; nec ad mensam magnatorum pauperum turbam posse accedere. Noli tuae deuotionis nobis subtrahere scientiam: noli accensam in te sub modio ponere lucernam. sed præcelso eam superpone candelabro, ut luceat omnibus, qui in Eccles. sunt fratres tuis: & profer nobis veluti scriba doctus quod accepisti à D. Aderit tibi in huius laboris itinere

FLODOARDI HIST.

illius gratia, qui duobus discipulis euntibus tertium se socium addidit in via, & aperuit illis sensus, ut sanctas intelligerent scripturas. Spiritus paracletus omni veritatis doctrina & perfecta caritatis scientia tua repleat pectora, carissime frater. Vale.

Ad quæ idem talia rescribit Alitgarius.

DOMINO ET VENERABILI
PATRI IN CHRISTO EBONI

*Archiepiscopo Alitgarius minimus
Christi famulus salutem.*

POST QUAM, venerande pater, directas beatitudinis vestræ accepi literas, quibus me hortari dignati estis, ne mentis acumen inertis, torpentique otio summitterem: sed cognitioni ac meditationi quotidie sacræ scripturæ me vigilanter traderem: & insuper ex sanctorum patrum, canonumque sententiis Pœnitentialem in vno volumine aggregarem: durum quidem mihi, & valde difficile, tremendumque hoc fuit imperium, ut hanc susciperem sarcinam, quam à prudentibus cognosco relictam. multumque renisus sum voluntati vestræ, non tanquam procaciter durus, sed propriæ infirmitatis admonitus. Hac etenim cura sollicitus, necessarium duxi, ut aliquandiu me à scribendi temeritate

suspenderem: quia sicut perpendi iniuncti operis difficultatem, ita & iniungentis auctoritati nec volui, nec debui usquequaque resistere: certus quia imbecillitatem meam multo amplius vestra adiunaret precipientis dignitas, quam gravaret meae ignorantiae difficultas. Valete.

Hic Ebo praesul supra memoratum Papam Stephanum cum Ludouico rege Remis suscepit: postquam rex idem Sclavos in Oriente positos directo deuicit & oppressit exercitu. Quando praefatus Papa Stephanus, qui tunc Leoni successerat, legatos suos ad eundem principem destinans, intimauit ei, quod libenter eum videre veilet in loco, ubicunque ipsi placuisset. Quod audiens rex, magno repletus gaudio, iussit obuiam missos suos ire sancto pontifici, & seruitia praeparare. Post quos & ipse perrexit: obuiaruntque sibi in campo magno Remensi, & descendit vterque ab equo suo. Et princeps prostravit se in terram tertio ante pedes tanti Pontificis: salutaueruntque se inuicem magnifice, & amplexantes se deosculati sunt pacifice, perrexeruntque ad Ecclesiam. Vbi cum diu orassent, erexit se Pontifex,

& excelsa voce cum choro suo fecit regi laudes regales. Postea Pōtifex honorauit eū magnis & multis honoribus, & reginā pariter Hirmingardim, & optimates atque ministros eorum. Proximaque die Dominica, in Ecclesia ante missarum solemnias, coram clero & omni populo, consecrauit & vnxit eum in Imperatorem, coronam miræ pulcritudinis auream, pretiosissimis gemmis ornatam, quam secum detulerat, imponens super caput eius. Reginam appellauit Augustam, & coronā auream posuit super caput eius. Et quandiu mansit ibi Apostolicus Papa, quotidie colloquium habere de vtilitate sanctæ Dei Ecclesiæ. At postquam imperator eum maximis munerauit donis, amplioribus multò quàm suscepisset ab eo, dimisit eum cum legatis suis Romam reuerti. Quibus præcepit vbique in itinere honestum ei seruitium exhibere.

Cupiens ergo præfatus Pontifex Ebo domum Ecclesiæ sanctæ Dei genitricis Mariæ diuturna pene lapsa abundam vetustate reparare: in qua etiam secundus Stephanus Papa Pippino regi dudum,

& Leo tertius Carolo magno Imperatori Apostolica reperiuntur munia contulisse, vt in epistola commemoratur Imperatoris Lotharij Leoni quarto pro causa commendationis Hincmari Archiepiscopi directa; petiit à præmissso Imperatore Ludouico ad renouandam & amplificandam eandem basilicam murū ciuitatis sibi concedi. Quod idem princeps quietissima pace fruens, & imperij præclarissima pietate subnixus, nullas barbarorum metuens incursiones, nequaquam refutauit, sed benignissimè ob amorem Dei, & ipsius, almæ genitricis honorem concessit: atque iussionis suæ monimento fieri delegauit; huius modi super hoc suæ dans præceptionis decreta.

IN NOMINE Domini Dei & saluatoris nostri Iesu Christi, Ludonicus diuina ordinante providentia imperator Augustus. Si locis venerabilibus ea quæ exinde à prædecessoribus nostris regibus, vel imperatoribus, ad reipublicæ vsus exigebantur, religiosa liberalitate in vtilitatibus & necessitatibus eorundē sanctōrū locorū expēdēdis remittimus, & fideiū nostrorū saluberrimis pro hac eadem re suggestionibus ac petitionibus

benignum commodamus assensum ; maximum
 & animæ nostræ , & regi ac regno provide-
 mus consultum : quia nihil cernitur reipu-
 blicæ imminutum , quicquid ex eadem republica
 piis actibus , & locis religiosis , ac Ecclesiarum
 Dei vtilitatibus seu seruorum Dei fuerit commo-
 ditati indultum. Quapropter notum esse volu-
 mus omnibus Dei fidelibus , præsentibus scilicet
 & futuris ; præcipuè quoque successoribus nostris
 in potestatis culmine , in quo sumus autore Do-
 mino constituti , ab eodem dominorum domino ,
 deinceps constituendis : quia Ebo Venerabilis Ar-
 chiepiscopus Remensis Ecclesiæ , & reuerentissi-
 mæ sedis sancti Remigij , gloriosissimi Pontificis
 & specialis patroni nostri , Præsul , clementiæ no-
 stræ innotuit , quia vetustatis senio contrita iam
 dictæ Metropolis vrbis sancta mater nostra Ec-
 clesia , in honore sanctæ , semperque virginis ac
 genitricis Mariæ consecrata , existeret. In qua
 auctore Deo & cooperatore sancto Remigio
 gens nostra Francorum , cum æquiuoco nostro re-
 ge eiusdem gentis , sacri fontis baptismo ablui ,
 ac septiformis Spiritus sancti gratia illustrari
 promeruit. Sed & ipse rex nobilissimus ad re-
 giam potestatem perungi Dei clementia dignus
 inuentus fuit. Vbi etiam & nos diuina digna-
 tione per manus domni Stephani Romani

*summi Pontificis, ad nomen & potestatem imperialem coronari meruimus. Quam pro tantis beneficiis nobis ibidem à Deo collatis renouare cupientes, & ad id exequendum loci incommoditatem cernentes, concedimus ad hoc opus, & ad cætera quæque pro seruorum Dei ibidem degentium necessitatibus ædificanda, murum omnem cum portis ipsius ciuitatis, & omnem operam, cum cunctis impendiis, quæ ex rebus & facultatibus ipsius Ecclesiæ & Episcopatus Remensis Aquis palatio nostro regio peragi & exolui solitum fuerat, in eleemosyna videlicet nostra, & pro remedio animæ domni ac genitoris nostri, atque cæterorum prædecessorum nostrorum, qui eundem Episcopatum contra salutem suam aliquandiu tenuerant, & in suos vsus contra Ecclesiasticas regulas, res ac facultates Ecclesiæ ipsius expenderant; & ob hoc minus quàm debuerat vtilitatis sacris locis in eodem Episcopatu constitutis exinde prouenerat. Volumus etiã ut vassalli, & quicunque fideles nostri ex rebus eiusdem Episcopatus aliquid habent, eidem operi inserviant, sicut constitutum est à bonæ memoriæ domino & genitore nostro. Et sicut decretum est à piæ recordationis domino & a-
no nostro Pippino, decimas & nonas eidem*

eidem Ecclesiæ sanctæ ex rebus, quas inde habent, persoluant. Vias etiam publicas omnes, quæ circa eandem Ecclesiam vadunt, & impedimento esse possunt ad claustra & seruorum Dei habitacula construenda, vt transferri atque immutari possint, concedimus. Et si aliquid ibi de fisco nostro habetur, per hoc nostræ auctoritatis præceptum perpetuò æquè concedimus, vt nullus Iudex, Comes, aut Missus, siue aliquis ex iudiciaria potestate, vllam inde eidem sanctæ Dei prædictæ Remensi Ecclesiæ inquietudinem, aut vllum calumniæ impedimentum inferre vnquam præsumat. Obsecrantes successores nostros, vt salutis suæ memores, præsentis scilicet & eternæ memores etiam beneficiorum, quæ nobis & genti nostræ ac prædecessoribus nostris in eodem sancto loco per beatum Remigium meritis sanctæ Mariæ collata sunt; sicut sua bene gesta à suis successoribus conservari voluerint; ita quæ pro amore Dei, & sanctæ eius genitricis ac beati protectoris nostri Remigij sæpe fato sancto loco contulimus, perpetuò inuiolabiliter conservare procurent. Et vt hæc nostra concessionis auctoritas per futura tempora in Dei nomine pleniorē obtineat firmitatis vigorem, ann-

li nostri impressione subterfignari decreuimus.

Sed & quendam fabrum seruum suum, nomine Rumaldum, ad petitionem eiusdem Præfulis Ecclesiæ Remensis concessit, vt hic de talento à Domino sibi collato, iuxta vires diebus vitæ suæ proficeret. Quam etiam cessionem apicum adnotatione & anuli sui sigillatione roborauit. Aliud quoque præceptum de viis publicis transmutandis ob quasdam clausuras in locis vicinis ipsius vrbis faciendas, & multimoda Ecclesiæ compendia, eidem Pontifici dedit: quod & anulo suo insigniuit. Præterea de restituendis eidem sanctæ sedi prædiis, quæ illi quondam fuerant ablata, vna cum filio Lothario Cæsare talem præcepti dedit auctoritatem.

IN NOMINE Domini Dei & saluatoris nostri Iesu Christi Ludouicus & Lotharius diuina ordinante prouidentia Imperatores Augusti. Si liberalitatis nostræ munere locis Deo dicatis quiddam conferimus beneficij, & necessitates Ecclesiasticas nostro releuamus iuuamine;

id nobis & ad mortalem vitam temporaliter
transigendam & ad æternam feliciter obtinen-
dam profuturum liquidò credimus. Idcirco no-
tum fieri volumus omnibus fidelibus nostris,
præsentibus scilicet & futuris; quòd sanctam
Remensem Ecclesiã, in qua prædecessores nostri,
reges videlicet Francorum fidem & sacri baptis-
matis gratiam præceperunt, in qua & nos per
impositionem manus Domni Stephani Papæ
imperialia sumpsimus insignia, ob reuerentiam
fidei Christianæ, & ob animæ nostræ salutem ab
imo construi fecimus, eamque in honorem Do-
mini nostri Iesu Christi saluatoris mundi, si-
mul & in honore eiusdem sanctæ & intemera-
tæ genitricis Mariæ consecrari decreuimus. Ita-
que diuina inspiratione compuncti, & coelestis
patriæ amore succensi, quædam prædia, quæ ei-
dem sanctæ sedi quondam ablata fuerant, deuo-
ta mente restitui iussimus, id est in suburbanis
ipsius sanctæ Ecclesiæ titulum sancti Sixti, nec
non & titulum sancti Martini, cum appendi-
tijs eorum. Exteriùs etiam in eadem parochia,
in Castro Vonzensi, titulū baptismalē, & titulū
in eadē parochia S. Ioannis similiter baptismalē,
cū suis appenditijs, & Bretiniacum: villā quoque
Spernacū cū appenditijs suis: & in villa, quæ vo-
catur Lucida; nec non & in Prouiliaco in eo-

dem pago Remensi. In pago verò Dulcomensi villam, quæ vocatur Canera: nec non & in villa quæ dicitur Verna in pago Vertudensi. Vel si fortè deinceps de rebus sanctæ Ecclesiæ prædictæ temporibus nostris adhuc superaddendum decreuimus: statuimus per hoc nostræ auctoritatis præceptum, ut non tantum de istis restitutis, sed etiam restituendis, quicquid de ipsis vel in ipsis rectores & ministri præmemorata Ecclesiæ elegerint, ita debeant perpetualiter possidere, atque ordinare, vel etiam facere, prout cumque sibi propensius voluerint; ut absque ullius iniusta contradictione ordinent atque disponant, & faciant quicquid utilitati prædictæ Ecclesiæ congruere & conuenire perspexerint. Et ut hec nostræ auctoritatis confirmatio præsentibus futurisque temporibus firmiorem in omnibus semper obtineat vigorem, manibus proprijs subter firmauimus, & anulino nostri impressione signari iussimus.

Obtinuit etiam idem præsul ab eodem Imperatore Ludouico Remensi Ecclesiæ secundum antiqua exemplaria prædictorum regum immunitatis præceptum. Aliud quoque præceptum de ponte Banfionensi, & teloneis, vel exactionibus publicis. Item aliud de chartis conere-

matris secundum auctoritatem Imperatoris Caroli. Item à pippino Aquitanorum rege præceptum immunitatis de rebus Remensis Ecclesiæ in pago Aruernico sitis. De villa quoque Sparnaco. semotim quoque præceptum Ludouici, atque separatim postea præceptum Lotharij filij eius reperitur accepisse. Hic Præsul Ebo cum consilio Ludouici Imperatoris, & auctoritate Pascalis Romani Pontificis, prædicandi gratia ad terminos vsque Danorum accessit, ac multos ex eis ad fidem venientes baptizauit.

Orta denique similitate inter patrem & filium, Ludouicum scilicet imperatorem, & Lotharium, partibus filij fauit, & cum cæteris Episcopis corripuit Imperatorem Ludouicum pro quibusdam erratis, quæ ei obiiciebantur, quando filij sui comprehenderunt eum, & Lotharius adduxit secum patrem ad Compendium palatium. vbi eum afflixit cum Episcopis & cæteris nonnullis primatibus; qui iusserunt vt in monasterium iret, & esset ibi cunctis diebus vitæ suæ. quod ille renuens, non consensit voluntati eorum. Tunc omnes Episcopi, qui aderant, molesti ei

molesti ei fuisse narrantur, & imprope-
rantes illi peccata sua, abstulerunt ei gla-
dium à femore suo, induentes eum ci-
licio.

Dum frequenter igitur Ebo præsul
in palatio tunc moraretur, huiusmodi
visio de eo in monasterio sancti Remi-
gij reuelata est. Erat ibi monachus qui-
dam, nomine Raduinus, genere Lon-
gobardus; qui Abbas quondam extite-
rat monasterij, quod in mōte Bardonis
in Italia beatissimi Remigij celebri pol-
let memoria, Moderamni Redonensis
Episcopi studio dedicata. In quo mona-
sterio dum præfatus Raduinus mona-
chicæ professionis gereret officia, ductus
amore meritorum beati Remigij, sepul-
cri eiusdem limina petiit. Qui cum fratri-
bus eiusdem loci vitam ducens religio-
sam, dignè se se ad cœlestem satagebat
præparare militiam. Quadam verò die,
sacræ scilicet assumptionis sanctæ Dei
genitricis, post exactum matutinæ solem-
nitatis officium, reliquis fratribus quie-
tem petentibus, ille precis gratia solus
remanfir in choro, custodibus Ecclesiæ
quiescentibus. At vbi psalmorum con-

tinuatione fatigatus irruenti cœpit so-
 porari somno, vidit à loco sepulcri sancti
 pontificis procedentē beatissimā Dei ge-
 nitricē nimio lumine coruscantem. cuius
 hærebant lateribus Euangelista Ioannes,
 & ipse sacer Remigius: sicque se visi sunt
 compositis adire gradibus. Superposita
 verò manu virgo gloriosa leniter eius
 capiti; Quid hic, inquit, agis frater Ra-
 duine? quo mox pedes illius osculari
 procumbente, adiecit: Vbi modo degit
 Ebo Remensis Archiepisc.? quo respon-
 dente; palatina iussu regis exequitur ne-
 gotia. Et cur, ait, tam sedulò palatij terit
 limina? prorsus hinc nequaquam maiore
 ditabitur sãctitatis efficacia. Veniet enim,
 veniet celerrimè tēpus quādo nō prospe-
 rabitur in talibus. Quē nihil ad hæc audē-
 tē respondere, tali prosequēs affatur allo-
 cutione: Quæ vestrorum versatur apud
 homines regum disceptatio? Tunc eo
 respondente: Domina genitrix Salua-
 toris mundi, tuæ melius nouit hoc san-
 ctitatis incorruptio; ait; quid tantæ ma-
 lo cupiditatis illecti vana nūc grassantur
 audacia? Illud enim tunc aderat tēporis,
 quando filiorum suorū contumeliis age-
 batur Imperator Ludouicus. En, inquit,

huic, astringens manum sancti Remigij, autoritas est à Christo tradita Franco-
rū perseueranter imperij. Equidem sicut hanc gentem sua doctrina percepit ab infidelitate gratiam conuertendi; sic etiam donum semper inuiolabile possidet eis regem vel imperatorem constituendi. Quæ beatissima Dei genitrice dicente, frater præmemoratus euigilauit repente.

De ipsius depositione. Cap. XX.

ITaque postquam Ludouicus ab æquiuoco filio suo restitutus est in regnum & honorem suum, Ebo propter huiusmodi factum depositus est ab episcopatu pro infidelitate Imperatoris. Pro qua re ipse iam Iesse Ambianensem præsulem dudum deposuisse traditur. sed nunc eū reuocasse fertur in gradum priorem.

De Ebonis autem depositione requirente postmodum Papa Nicolao ab episcopis Gallia, maximeque Belgicae provinciae, hæc inter alia in responsis accepit. Quodd Ebo Remorum Episc. accepta à Lothario pro patris prodicione Abbatia sancti Vedasti, falsarum obiectionū incentor extiterit, & taliter criminatum

eundem Imperatorem idem Ebo à suis complicitibus à liminibus Ecclesiæ proiectum, ac publicæ pœnitentiæ mancipatum, custodiri fecerit: vsque dum in anno incarnationis Dominicæ octingentesimo tricesimo quarto Lotharius, territus conuentu fratrum suorum, ac plurimorū fidelium patris Imperatoris, fuga lapsus patrem suum adhuc ab ingressu Ecclesiæ sequestratum dimisit. Cum quo inter alios etiam quidam Episcopi, fautores ipsius in aduersitate patris sui, relictis contra sacras regulas sedibus suis perrexerunt: Iesse videlicet Ambianensis, & Herboldus Autisiodorensis, Agobardus Lugdunensis, & Bartolomeus Narbonensis Episcopus. & abscedente illo, qui affuerunt Episcopi Imperatorem in Ecclesiam sancti Dionysij reconciliauerunt, & Ecclesiasticæ communioni restituerunt. Quod Ebo audiens, quibusdam familiaribus suis plenitudinem suorum hominum delegauit, & certum eis placitum dedit, vbi & quādo iterum ad eum venirent. Adicitur etiam, quod Ebo plurima, quæ de facultatibus Ecclesiasticis ferre tunc in argento & auro potuit,

secum assumens, cum quibusdam Normannis, qui iter & portus maris ac fluminum mare influentium notos habebant; cum paucis quoque aliis domesticis suis, nullo impetente vel persequente, noctu Remis aufugit, & non solum parochiam suam, verum etiam Belgicam regionem suam deseruit, & iter ad Normannos, quibus à Paschali Papa, nec non ab Eugenio successore ipsius, sicut epistolis eorundem Præfulum ad ipsum pro hac re datis edocemur, fuerat prædicator destinatus, arripuit. Quod manifestantibus eis, cum quibus hoc consilium iniit, Imperatorem latere non potuit. Qua propter Imperator per Episcopos eum, Rothadam scilicet Sueffonensem, & Erchenradum Parisiorum Episcopum, reuocari fecit, & in Monasterio sancti Bonifacii ei, & clericis ac laicis qui cum eo erant, necessaria ministrari, & Synodum expectare præcepit. Sed & Hildemannus Beluacensis Episcopus insimulatus, quod sicut præfati Episcopi fugam ad Lotharium moliretur, in monasterio sancti Vedasti detentus Synodum expectauit. Ad quam anno Incarnationis Domini cæ

oſtingēteſimo triceſimo quinto venientes omnes Epiſcopi qui conuenerant, ſigillatim libellos de reſtitutione Imperatoris cōmuni conſilio atq. conſenſu ediderunt, & propriis manibus ſubſcripſerunt. Cum quibus & Ebo, vt re vera in ſtatu ſuo adhuc manens, libellum manu ſua cū additamento Archiepiſcopi ſcriptum edidit. In quo libello profeſſus eſt quicquid in ipſius Imperatoris dehonoratione geſtum fuerat, iniuſtè factum fuiſſe. Item poſt pauca. Et poſt datos libellos, venientes epiſcopi cum Imperatore, & quamplurimis eius fidelibus ac regni primoribus, in urbem Metenſium, in baſilica B. Stephani, publicè à Drogone epiſcopo relecta ſunt, quæ de reſtitutione Imperatoris omnium vnanimitate inuenta fuerent. Poſt hanc annunciationem, Ebo Remorum epiſcopus, qui eiufdem factionis velut ſignifer fuerat, conſcendens eundē locum, vbi Drogo ſteterat, coram omnibus profeſſus eſt, eundem Auguſtum iniuſtè deſiſitum, & omnia, quæ aduerſus eum patrata fuerant, iniquè & contra totius auctoritatis tramitem fuiſſe machinata, meritò, iuſtèque proprio impe-

rij solito reformatum. Et sic omnibus laudes Deo canentibus, & quæ tunc ibidẽ fuerant agenda peractis, ad Theodonis villæ palatium regressi sunt. Ibique Hil- demannus in Synodo præsens se à calum- nia sibi impacta regulariter exuens, satis- fecit Synodo, & per eam Imperatori. Ebo- verò in eadem Synodo præsens ab Impe- ratore præsentem est accusatus, quòd eum falsò fuerat criminatus, & eisdem falsis criminibus appetitum à regno deiecerat, armisque ab eo ablatis, nec confessum, nec conuictum, contra regulas Ecclesia- sticas ab Ecclesiæ aditu ac Christianorum societate eliminauerat, sicut & idem scri- pto subscriptione sua roborato, & verbis coram omnibus professus fuerat. Et cum essent alia etiam crimina, de quibus post hanc accusationem accusandus erat, & de quibus apud Imperatorem iam antea fue- rat accusatus, & non canonicè purgatus, sicut & epistola Episcoporum ad Sergiũ Papam demonstrat, & pro quibusdam eo- rum extiterat à consilio Imperatoris eie- ctus: quæ patefacta veritate negare non valebat: petiit secessum, vt sine præsentia Imperatoris liceret, ei in Synodo Episco-

porum suam agere causam. Quod obtinens, conuocauit ad se quosdam Episcopos, & nullo cogente, sed propria sponte, secundum eorum consilium sequentium Africanum Concilium, vt parceretur ipsius verecundiæ, ac propter Ecclesiæ obprobrium ac insolentē insultationem sæcularium, ne dignitas sacerdotalis pollueretur, si publicè de his de quibus impetitus & adhuc impetendus erat, cōfessus aut conuictus foret, libellum suæ depositionis dictauit, & scribi coram se fecit, & propria manu subscripsit, secundum traditionem Ecclesiasticam: eundemque libellum propriæ ac viuæ vocis confessione attestatum in abdicationem sui, nullo ab eo quærente vel exigente, Synodo ultro porrexerat. Et sicut videri tunc ab his qui interfuerunt potuit, sacerdotio se sponte submouit, quærens remedium pœnitendi, sicut in eodem professionis ac subscriptionis suæ libello continetur hoc modo:

Ego Ebo indignus Episcopus recognoscens fragilitatem meam, & pondera peccatorum meorum, testes confessores meos, Aiulfum videlicet Archiepiscopum, & Badaradum Epi-

scopum, nec non & Modoinum Episcopum, constitui mihi iudices delictorum meorum, & puram ipsis confessionem dedi, quærens remediũ pœnitendi, & salutem animæ meæ, vt recederem ab officio & ministerio Pontificali, quo me recognosco esse indignum, & alienum me reddēs pro reatibus meis, in quibus peccasse secretò ipsis confessus sum. Eo scilicet modo, vt ipsi sint testes alij succedendi & consecrandi in loco meo, qui dignè præesse & prodesse possit Ecclesiæ, cui hætenus indignè præfui. Et vt inde vltra nullam repetitionem aut interpellationem auctoritate canonica facere valeam, manu propria mea subscribens firmaui. † Ebo quondam Episcopus subscripsi.

Et vt omnia secundum leges, quibus moderatur Ecclesia, in Synodo legaliter adimpleret, simul cum eis, quos secundũ Africæ prouinciæ canones elegerat sibi iudices, dicente Apostolo; aduersus Presbyterum accusationem noli recipere, nisi sub duobus vel tribus testibus, vt in ore duorum vel trium testium constaret etiã suæ accusationis, & vt alius se sacerdotio defuncto ei succederet, testificationis verbum, asciuit & alios tres Episcopos, veritatis de sua accusatione & testificatione

conscios in testimonium suę professionis: Theodoricum scilicet Episc. & Achardū Episc. Diœceseos suę, & Nothonē Archiepisc. & sic ipse professus, & sex episcopis suę professioni attestantibus, vt prædiximus, libellū Synodo porrexit, cunctique episcopi, qui Synodo interfuerunt, sigillatim ac viritim dixerunt illi: Secundum tuā professionem & subscriptionem cessa à ministerio. Et coram omnibus hanc notitiam cum præscripto libello temporibus futuris conseruandam, Jonas Episc. Helix notario tradidit, qui libellum Ebonis scripserat. cui idē Ebo subscripsit, secundū lix. capitulum. & item secundum capitulum lxxiiij. Concilij Africani, pro omnibus dictauit: & idem Helias hæc quę sequuntur conscripsit. *Acta est hæc Ebonis professio, eiusque proprię manus subscriptione roborata in conuentu Synodali generaliter habito apud Theodonis villam, anno incarnationis Domini nostri Iesu Christi octingentesimo tricesimo quinto, anno etiam imperij gloriosi Cæsaris Ludowici xxij. Itē post aliquāta: Libellū sibi ab ebone porrectū post dānationē eius Synodus Fulconi Presbytero, qui eidē Eboni in Episc. Rem. susceptione suc-*

cesserat, cū Synodali notitia dedit, quique in Rem. Eccles. scrinio conseruatur. Cuius exemplar sanctæ memoriæ Papæ Leoni directum didicimus: &c.

Igitur Ebo post hanc depositionem suam in Cisalpinis fertur regionibus conuersatus vsque ad obitum Ludouici imperatoris, qui contigit anno incarnationis Dominicæ DCCCXL. Quo imperatore defuncto, Lotharius ab Italia in Franciā venit: cui Ebo ad Vvormaciam ciuitatem occurrit, eique Lotharius post aliquot dies sedem & Diœcesim Remensem per edictum imperiale restituit. Cuius edicti habetur exemplar.

IN NOMINE Domini nostri Iesu Christi Dei æterni. Lotharius diuina ordinante prouidentia Imperator augustus. Quia confessio delictorum non minus in aduersis necessaria est, quàm in prosperis, & cor contritū & humiliatum Deus non despicit; gaudium etiam esse Angelorum, in cœlo super vno peccatore poenitentiā agente non dubitamus: Nos mortales in terris eos nequaquā despiciamus, pro quibus gaudere Angelos in cœlo diuino testimonio nō ignoramus. Accusantes & reprehendentes in excessib. semetipsos diuina nos benignitas non condemnare, sed recreare docuit,

qui meretricem non solum à legali damnatione
 eripuit; verum etiam publicanum humiliatum
 & accusantem se non condemnauit; sed magis
 iustificando exaltauit. qui non dixit, omnis qui
 se humiliat condemnabitur, sed exaltabitur.
 Potestatem ergo, quam pro causa nostra raptus
 perdidisti, repetentibus Ecclesiæ tuæ filiis præsen-
 tibus quoque adstātibus ac decernentibus Præsu-
 libus, sedem ac diocesium Remensis Urbis tibi,
 Ebo, restituimus, vt pristino sanctæ largitatis
 Apost. pallio indutus concordiam atque gratiā
 diuini officij nobis, cum humili satisfactione
 expleta solenni nostra à largitate recipiēdo exer-
 ceas. Drogo Episc. assensi. Otgarius Archiepisc.
 Hecti Archiepisc. Amalvvinus Archiepisc.
 Audax Archiepisc. Ioseph Episc. Adalulphus
 Episc. David Episc. Rodingus Episc. Giselbertus
 Episc. Flotarius Episc. Badaradus Episc. Ha-
 gano Episc. Hartgarius Episc. Ado Episc. Sa-
 muel Episc. Rambertus Episc. Haiminus Episc.
 Ratoldus Presb. vocatus Episc. Amalricus vo-
 catus Episc. cum cæteris plurimis Presb. ac Diac.
 publicè assistētibus. Actum in Engilenheim pa-
 latio publico, in mense Iunij viij. Kal. Iulij, re-
 gnāte & imperāte domino Lothario Cæsare, an-
 no reuersionis eius I. successor factus patris in
 Francia; Indictione III. Cui restitutioni præ-

fata, quæ Sueffionis habita est, cōtradixit Synodus, asserēs quòd damnatus à se, atq. à xliij. Episcopis, à minori numero restitui non valuit. Quod edictū Remis Ebo secum detulit, & apud ipsos & plures illud diuersæ professionis & ordinis diuulgauit, & in Ecclesia Remensi publicè recitari fecit. Ita eo tempore, quo Lotharius Carolum à regno expulit, & vltra Sequanā fugauit, Ebo sedem Remensem post sex annos suæ dōpositionis recepit, & Episcopale ministeriū agere cœpit. Sicque ordinationes celebrans quosdam clericos ordinauit, & per totum circiter annum hoc Episcopium tenuit: donec Carolus resumptis viribus in Belgicam reuersus est. Quod audiens Ebo, relicta sede Remensi, ad Lotharium profectus est, & in eius familiaribus mansit obsequiis: donec vna cum Drogone Metensium Præsule Romam petiit; vbi à Sergio Papa reconciliari, ac pallium sibi tribui postulauit. Cui idem Papa communionē tantū concessa dare pallium renuit.

At Ebo Roma reuersus, Abbatiam sancti Columbani in Italia dono Imperatoris Lotharij possedit, donec legationē

in Græciam ab eodem Imperatore sibi
 commissā exequi detrectavit. Quocirca
 rebus sibi ab Imperatore quæ datæ fue-
 rant ablatis, ad Ludouicum regem Ger-
 manix demigravit. A quo in regione
 Saxonix quoddam Episcopium prome-
 ruit : vbi & episcopali deinceps perfun-
 ctus est ministerio.



FLODOARDI

PRESB. ET CANONICI

ECCLESIAE REMENSIS

Historiarum eiusdem Ec-
clesiae LIB. III.*De electione vel ordinatione Hincmari.**Cap. I.*

N N o denique Do-
 minicae Incarnationis
 DCCCXLV. Carolus Sy-
 nodum Episcoporum
 regni sui apud Bello-
 uacum ciuitatem Re-
 mensis prouinciae conuocauit. Vbi inter
 caetera Ecclesiae, regnique necessaria, de
 Remens. Eccles. desolatione, quae Fulco-
 ne Presbytero illam diu tenente, & No-
 thone in ea sibi succedente, tanto vacare
 pastore videbatur tempore, cum eisdem
 Episcopis coepit tractare. Qui sicuti vide-

tes Ebonis , & auctoritatem sanctorum patrū pro huiusmodi negotiis ad memoriā reuocantes, cogente necessitate, atq; suadente auctoritate , cōmuni decreuere consensu, quo tandem post decennium depositionis Ebonis in ecclesia eadem ordinaretur episcopus. Igitur à clero & à plebe ipsius Metropolis, nec non ab episcopis eiusdem prouinciæ, Archiepiscopo Senonensis ecclesiæ Vvenilone, atque Ercamrado Parisiorum Episcopo annuente, cum consensu Abbatis sui & fratrum monasterij sancti Dionysij, in quo degebat , fauente quoque Carolo rege, Hincmarus electus est. Sicque decreto peracto , eligentiumque manibus roborato Ecclesiæ Remensi ordinatur episcopus. Is siquidem Hincmarus, à pueritia in monasterio sancti Dionisij sub Hilduino Abbate monasteriali religione nutritus, & studiis litterarum imbutus, indēque pro sui tam generis, quàm sensus nobilitate, in palatium Ludouici Imperatoris deductus, & familiarem ipsius notitiam adeptus fuerat : ibique prout potuit, cum Imperatore & præfato Abbate, sub Episcoporum auctoritate labo-

rauit, vt ordo monasticus in prædicto monasterio quorundam voluptuosa factione diu delapsus restauraretur. Et vt opere quoque adimpleret quod sermone suadebat, etiã ipse religiosæ conuersationi cum aliis se subdidit, castigans corpus suum, & spiritali subiciens seruituti. Processu vero temporis, cùm præmemoratus Hilduinus Abbas, Imperatoris Ludouici Archicapellanus, offensam ipsius Augusti adeo cum aliis regni primoribus incurrisset, vt ablatis sibi Abbatiis in Saxoniam fuerit exilio relegatus: iste per licentiam proprij Episcopi cum benedictione fratrum illum secutus est in exiliũ. Cui pro familiaritatis priore notitia tantã Deus apud Imperatorẽ, procuresque cõtulit gratiam, vt studere pro suo nutritore quiuerit, donec ab exilio reuocatus duarum fuerit Abbatiarũ prælationi restitutus. Deinde quãdo Greg. Papa in Gallia venit regiones, & regnũ Francorum à præfato defecit Imp. voluit eũ moratus Abbas suus in obsequiũ suũ contra fidelitatẽ Imperatoris ducere: quod nequaquam potuit ab eo exigere. Restituto postea Imperatore, prout potuit Abbati suo prodesse studuit. Sicque deinceps in mo-

monasterio sine querela custos sacrorum pignorum, Ecclesiæque sanctorum martyrum conuersatus extiterat; donec regiis ascitus obsequiis regimen monasterij sanctæ Dei genitricis Mariæ & sancti Germani regali & Episcopali, atque Abbatis sui Ludouici Diaconi iussione suscepit: rerum quoque ac mancipiorum possessionem quandam regia liberalitate percepit: quam consecratus iam Præsul monasterio sancti Dionysij, vbi Christo militauerat, per testamenti paginam tradidit.

*De reparatione Iudicij pro Ebonis
depositione. Cap. II.*

EMenso denique anno post ipsius Hincmari ordinationem, Lotharius Imperator pro contentione regni, quam erga fratrem suum Carolum habebat, cuius obsequiis idem Præsul fideliter adhærebat, contra eum commotus, epistolas à Sergio papa exegit pro reparando iudicio de Ebonis depositione. Vnde idem papa literas Carolo regi mittens, præcepit vt Guntboldum Rothomagen-

fem episcopum cum cæteris Episcopis regni sui, quos ipse Guntboldus ad hoc sibi eligeret, Legatis eius obuiam Treueris ad hanc discutiendam querelam dirigeret, & Hincmarum Episcopum ad ipsam Synodum venire faceret. Ipse quoque Guntboldo literis mandauit, vt cum post diem sanctæ Domini resurrectionis missos suos in seruitium Imperatoris mitteret, ipse cum Episcopis prædictum locum hanc causam diffiniturus adiret. Sed & ipsi Hincmaro literas misit, vt ad idem veniret Concilium. Legatis itaque Sergij papæ iuxta condictum non venientibus, Guntboldus annitente rege Carolo cum Episcopis Synodum condixit, ad quam ebonem per literas & legatos ex auctoritate prædicti papæ conuocauit. Quò tamen ebo neque venisse, neque vicariam pro se personam vel literas canonicas misisse traditur. Guntboldus tamen, & cæteri Episcopi, qui apud parisijs tunc conuenerant, Vuenilo scilicet Ecclesiæ Senonicæ Metropolitanus cum Diœcesanis suis, Lantrannus Turonensis cum suffraganeis suis, & specialiter Hincmarus cū omnibus Remensis Diœ-

ceseos Coepiscopis , literas suas ad eū miserunt, ei Diœcesim Remēsem interdicētes, vt non haberet dein licentiam ex ea quempiam sollicitare nec scripto, nec verbo, nec misso aliquo ; donec secundum iussionem Sergij Papæ ipsis occurreret, & iuxta canonica & Apostolica statuta diffinitionis sententiam ab ipsis coram generali conuentu perciperet. Sed ille ad nullam Synodum, vel ad sedem Apostolicam, vocem postea reclamationis, vel repetitionis de sede Remensi, aut de ordine suo emisit. Qui etiam, postquam res gestas Leoni Papæ referentibus Episcopis & regalibus insuper epistolis, ordinatio Hincmari, quando fidei quoque suæ tenorem Romam misit, rata est, & cum largitione pallij comprobata, per quinque circiter annorum curricula superuixisse fertur in corpore, vsque ad annum videlicet incarnationis Dominicæ octingentesimum quinquagesimum primum.

De visione Bernoldi cuiusdam. Cap. III.

DE quo postmodum talis ostensa est reuelatio cuidam homini Re-

mensis parochiæ, nomine Bernoldo: qui
 depressus infirmitate pene vsque ad mor-
 tem peruenit, ita vt per quatuor dies
 nec cibum, nec potum capere, nec loqui
 valeret. Quarto vero die hora nona ve-
 lut exanimis iacuit: adeo vt non posset
 in eo sentiri halitum remansisse, nisi per
 vices, dum quis manum misisset ad os
 eius, vel super pectus illius, vix sentiebat,
 in eo adhuc spiritum esse: rubor illi ta-
 men in facie magnus videbatur: & sic
 iacuit vsque ad mediam noctem. Tunc
 viriliter oculos aperiens, & affatus vxo-
 rem suam, atque circumstantes, iussit vt
 quantocius currerent, & presbyterum
 suum velociter ad se venire rogarent. Ac-
 cito autem presbytero, antequam in-
 traret ille domum, dixit infirmus vt appo-
 neret sellam, quia presbyter iam domum
 intraturus esset. Illo verò ingresso, post-
 quam orationem pro eo fudit, dixit ei
 vt sederet iuxta eum, & attenderet quæ
 dicturus erat, vt si ipse superstes illa non
 potuisset annunciare, saltem presbyter
 ea nuntiaret. Tunc ergo cœpit vehemen-
 ter flere, & cum singultibus dixit: Ductus
 de isto sæculo ad aliud veni, ad quendam

„ locum , & inueni Episcopos xli. inter
 „ quos cognoui Ebonem, pardulum , &
 „ A Eneam pannosos , & denigratos, squa-
 „ lentisque sicut & alios, ac si vstulati fuif-
 „ sent , & per vices nimio frigore horribi-
 „ liter cum fletu ac stridore dentium tre-
 „ mulantes: per vices autem calore nimio
 „ æstuentes. & Ebo Episcopus me vocauit
 „ ex nomine dicens: Quia tibi dabitur li-
 „ centia redeundi ad corpus , precamur te
 „ ego & isti confratres nostri, vt adiuues
 „ nos:& ego respondi: Quomodo vos pos-
 „ sum adiuuare? qui ait: Vade ad homines
 „ nostros clericos & laicos , quibus bene-
 „ fecimus , & dic illis vt pro nobis faciant
 „ eleemosynas , & orationes , & impetrent
 „ pro nobis offerri sacras oblationes. & ego
 „ dixi , quia nescirem vbi homines illorum
 „ essent. ille verò ait : Nos dabimus tibi
 „ ductorem , qui te ad illos ducat. Et dede-
 „ runt mihi ductorem quendam , qui me
 „ præcessit , & duxit ad quoddam palatium
 „ magnum , vbi multitudo erat hominum
 „ eorundem Episcoporū , qui de ipsis epi-
 „ scopis inter se loquebantur. Quibus sug-
 „ gessi , quod mihi fuerat iussum ex parte
 „ Episcoporum. Vnde cum ductore meo

reuersus ad locum redij, vbierant ip-
 si Episcopi. Et quasi iam facta fuissent pro
 ipsis ea quæ postulauerant, inueni eos
 facie iocundos, ac si à nouo rasos, &
 balneatos, albis vestitos, & stolis amictos,
 atque sandaliis calciatos. Et dixit mihi præ-
 fatus Ebo præsul: Vides quantū nos adiu-
 uit tua legatio? Vsque modo nimis durū
 custodem & custodiam grauē habuimus
 sicut vidisti: modò verò habemus dom-
 num Ambrosium custodem, & lenem
 custodiam. Et cætera, quæ visa atque re-
 lata ab eodem Hincmarus Episcopus
 descripsit.

De Restitutione rerum Ecclesiasticarum

à Carolo Rege peracta.

Cap. IIII.

ORdinato denique, sicut præmissum
 est, Hincmaro Ecclesiæ Remensis
 Archiepiscopo, rex Carolus res, quas ex
 eodem Episcopo suis palatinis vsurpare
 concesserat, ipsi sanctæ reddidit Ecclesiæ.
 pro qua restitutione talem præcepti sui
 dedit auctoritatem.

*IN NOMINE sanctæ & indiuiduæ Trini-
 tatis Carolus Dei gratia rex. Si ea quæ à præde-
 cessoribus nostris vel fidelium deuotione bene*

tradita, statuta, ac cōfirmata sūt, nostris oraculis
 roboramus; si etiam illa, quæ quacunque necessi-
 tate corrupta sunt, regia nostra auctoritate cor-
 rigimus, & in melius commutamus; saluti no-
 stre consulimus, & regium ministerium su-
 sceptum à Domino exercemus. Proinde nouerit
 omnium fidelium Dei ac nostrorum sollertia;
 quia res ex Episcopatu Remensi, quas magna
 necessitate, & per omnia inuiti, dum à Pastore
 sedes illa sancta vacaret, fidelibus nostris ad
 tempus, vnde quoddam temporale solatium
 in nostro haberent seruitio, commendauimus,
 electo & ordinato munere sancti Spiritus, per
 Dei & nostram dispositionem, in eadem sancta
 sede Hincmaro Archiepiscopo, hoc nostræ au-
 ctoritatis præcepto, cum integritate quicquid ex
 inde nos fidelibus nostris beneficiauimus, præ-
 sentaliter restituimus: tam Sparnacum & Iulia-
 cum, vel quicquid ex eodem Episcopatu Ri-
 chuinus habuit, vel quicquid inde Odo Comes
 habuit: quàm & villam Culmisciacum, cum
 Capella quam Rabanus presbyter habuit; seu &
 illa, quæ Pardulus, nec non & Algardis Ab-
 batissa, siue Rotbertus, atque Amalbertus cle-
 ricus, vel Altmarius, seu Ioannes medicus, siue itē
 Rabanus, atq. pusillus Pimilio, Ratboldus quoq.
 Goderamnus & Herēboldus, vel Donatus, seu

Gilbuinus habuerunt. Siue etiam illa omnia, quæ
 tam clerici quam laici qui in nostra domina-
 tione aliquandiu fuerunt, quosque iam dicto
 Episcopo commendauimus, habebant. Et ut in
 calce omnia concludamus, quicquid ex eodem
 Episcopatu, quando de manu Fulconis illud recepi-
 mus, alicui præstito beneficio concessimus, per hæc
 nostræ confirmationis auctoritatē, inspecto co-
 rā coetu fidelium nostrorū, tam Ecclesiastici quam
 Laicalis ordinis, testamento sancti Remigij, præ-
 sentaliter casæ sanctæ Mariæ & sancti Remigij,
 atq; Hincmaro Archiepiscopo cū omni integritate
 reddimus vel restituimus: ut absque vlla refra-
 gatione, cassatis quibuscunque aliis conscriptio-
 nibus, easdem res per hanc nostram auctoritatē
 recipiat: ut sicut res Ecclesiæ disponendæ sunt, ad
 vtilitatem ipsius Ecclesiæ Dei tam ipse, quam
 successores ipsius disponant. Quam auctoritatē,
 (in qua nos vlteriùs tale quiddē erga ipsam ca-
 sām Dei non acturos spondemus, & ut nemo
 successorum nostrorum agere moliat, per om-
 nipotentem Dominum eiusdem Virginis filium
 obsecramus) ut per ventura tempora certior ha-
 beatur, & contra æmulos ipsius sanctæ Ecclesiæ
 sui notitia valeat, manu nostra subterfirmaui-
 mus, & anuli nostri nostri impressione roborā-
 ri decreuimus. Data Kal. Octob. anno vi. regnā-

re gloriosiss. Rege Carolo, indictione viij. Actū
in pago Andegauēsi, in villa Augio. De cæte-
ris quoque rebus, quæ tunc redditæ non
fuerunt, huiusmodi postmodum inue-
nitur dedisse præceptum.

IN NOMINE sanctæ & indiuiduæ Trini-
tatis. Carolus Dei gratia rex, omnibus Comiti-
bus, Abbatibus, Abbatissis, Missis, Vassallis, &
cunctis sanctæ Dei Ecclesiæ fidelibus ac nostris,
presentibus scilicet & futuris, Notum esse vo-
lumus, quia Hincmarus sanctæ Ecclesiæ Re-
morum religiosus, nobisq; valde dilectus ac ve-
nerabilis Pontifex, accedens ad celsitudinis no-
stræ magnitudinem, innotuit mansuetudini no-
stræ, quod ex rebus sanctæ Dei genitricis Mariæ,
& sancti ac pretiosi confessoris Christi Remi-
gij, quæ per parentum antecessorum videlicet no-
strorum regum dationem, siue per rectorū eius-
dem Ecclesiæ imprudentiam vel concessionem,
vel etiam quorumcunque maliuolorum machi-
nationem ab eadem sancta Ecclesia abstractæ
esse cernuntur, nonæ & decimæ, ad eandē præ-
dictam Ecclesiam minime sicut rectum est,
persoluantur. Vnde magnificentiæ nostræ petiit
dignitatem, vt nostræ auctoritatis præceptum
ob Dei & sanctæ ipsius genitricis, siue pretiosi

patroni nostri Remigij amorē ei fieri iuberemus.
 Cuius nobis amabilibus & necessariis petitioni-
 bus acquiescentes, & liberē, placidēque obsequē-
 tes, hoc nostrae magnae auctoritatis praeceptum
 ei fieri iussimus. Per quod praecipientes expressē
 iubemus, ut quisquis fidelium Dei omnipotentis,
 nostrorumque, ex eisdem sanctae Dei genitricis
 Mariae, vel sancti Confessoris Christi Remigij,
 Remorum Ecclesiae rebus, siue Episcopatus
 religiosissimi & dilectissimi nobis Hincmari
 Venerabilis Archiepiscopi, aliquid habere dino-
 scitur, siue per largitionis nostrae concessionē, siue
 per quorūcunque supramemoratorū affectatio-
 nem, vel machinationem, seu etiam & depræca-
 tionē, aliquid tenore aliquo ex praedictis rebus te-
 nere vel possidere cernitur, nonnam & decimā in
 Missorum nostrorum praesentia Misso Ecclesiae
 sanctae Mariae vel sancti Remigij Remorum,
 siue Hincmari Venerabilis Episcopi reuadiet, &
 annis singulis ad eandem praefatam & memora-
 tam Ecclesiam persolvere, absque ullius occasio-
 nis contradictione cum omni vigilantia stu-
 deat. Quicumque verò contra hanc nostrae aucto-
 ritatis praecptionem de hoc fieri praesumpserit,
 sciat secundum dignae memoriae aui & pie re-
 cordationis genitoris nostri capitula se emenda-

turum, & ipsas easdem res absque alicuius intercessionis impetratione amissurum. Et ut hæc nostræ præceptionis auctoritas inuiolabilem obtineat firmitatis vigorem, & ab omnibus fidelibus sanctæ Dei Ecclesiæ & nostris, præsentibus scilicet & futuris, verius, certiusque credatur, eam anulo nostro subter sigillari iussimus. Data iiij. Non. Septemb. anno viij. indictione x. regnante Carolo gloriosissimo rege. Actum in monasterio sancti Quintini.

Immunitatis etiam secundum antecessorum suorum regum exemplaria eidem sanctæ sedi suam contulit auctoritatem. Cessionem quoque genitoris sui Ludouici de exactiōe regia, vel operariis, ac muro ciuitatis ob restaurationem ipsius sanctæ Dei Ecclesiæ delegata, huiusmodi confirmauit auctoritate.

IN NOMINE sanctæ & indiuiduæ Trinitatis. Carolus Dei gratia rex. Si petitionibus nostrorum fidelium, maximè Domini sacerdotum, præcipuè in his, quæ Ecclesiasticis vtilitatibus possunt præbere consultum, benignum commodemus assensum, nobis id ad æternæ remunerationis credimus prouenire augmentum. Proinde nouerit omnium fidelium Dei ac, nostrorum, præsentium scilicet & futurorum industria, quia

Vir venerabilis Hincmarus Remensis Urbis Archiepis-
 copus obtulit serenitatis nostrae obtutibus
 praeceptum piæ memoriae Domni ac genitoris
 nostri Ludouici Imperatoris, quod in eleemosy-
 na sua augmentum Ecclesiae S. Mariae atque san-
 cti Remigij fieri decreuit, de opere & operariis,
 atque omni exactiōe, quæ tempore aui nostri
 domini Caroli Imperatoris ex eadem casa Dei
 exigebantur ad palatium, quod vocatur Aquis-
 grani; ut in ædificatione & restauratione ip-
 sius Ecclesiae Dei, per futura tempora vsque ad
 finem sæculi, ad vtilitatem sæpe dictæ sanctæ
 Ecclesiae in eleemosyna illius proficerent, & nec
 ad eundem locum, vel ad alium quemlibet ipsæ
 redibitiones vel impensæ vllō vnquam tempo-
 re exigerentur, sed remissa indulgentia illius in
 eodem loco proficerent. Cuius benegesta rata iu-
 dicantes, per hoc nostræ auctoritatis praeceptum
 decernimus, ut quicquid de exactatione, vel
 operariis prædictæ constitutionis superscriptus
 dominus & genitor noster, seu & de muro ci-
 uitatis ipsius, vel viis ad vtilitates claustrum
 Canonorum proficientibus in suo praecepto con-
 cessit, hoc totum perpetua nostra indulgentia vel
 concessione, seu auctoritate concessum, vel
 confirmatum maneat in perpetuum. Et
 ut hac nostræ confirmationis vel concessi-
 ſionis auctoritas per futura tempora certior

turum, & ipsas easdem res absque alicuius intercessionis impetratione amissurum. Et ut hæc nostræ præceptionis auctoritas inuiolabilem obtineat firmitatis vigorem, & ab omnibus fidelibus sanctæ Dei Ecclesiæ & nostris, præsentibus scilicet & futuris, verius, certiusque credatur, eam anulo nostro subter sigillari iussimus. Data iij. Non. Septemb. anno viij. indictione x. regnante Carolo gloriosissimo rege. Actum in monasterio sancti Quintini.

Immunitatis etiam secundum antecessorum suorum regum exemplaria eidem sanctæ sedi suam contulit auctoritatem. Cessionem quoque genitoris sui Ludouici de exactione regia, vel operariis, ac muro ciuitatis ob restaurationem ipsius sanctæ Dei Ecclesiæ delegata, huiusmodi confirmauit auctoritate.

IN NOMINE sanctæ & indiuidue Trinitatis. Carolus Dei gratia rex. Si petitionibus nostrorum fidelium, maxime Domini sacerdotum, præcipue in his, quæ Ecclesiasticis vtilitatibus possunt præbere consultum, benignum commodamus assensum, nobis id ad æternæ remunerationis credimus prouenire augmentum. Proinde nouerit omnium fidelium Dei ac, nostrorum, præsentium scilicet & futurorum industria, quia

Vir venerabilis Hincmarus Remensis Urbis Archiepiscopus obtulit serenitatis nostrae obtutibus praeceptum pia memoria Domni ac genitoris nostri Ludowici Imperatoris, quod in elemosyna sua augmentum Ecclesiae S. Mariae atque sancti Remigij fieri decreuit, de opere & operariis, atque omni exactiōe, quae tempore aui nostri domini Caroli Imperatoris ex eadem casa Dei exigebantur ad palatium, quod vocatur Aquisgrani; ut in adificatione & restauratione ipsius Ecclesiae Dei, per futura tempora usque ad finem saeculi, ad utilitatem saepe dictae sanctae Ecclesiae in elemosyna illius proficerent, & nec ad eundem locum, vel ad alium quemlibet ipsae redibitiones vel impense ullo unquam tempore exigerentur, sed remissa indulgentia illius in eodem loco proficerent. Cuius bene gesta rata iudicantes, per hoc nostrae auctoritatis praeceptum decernimus, ut quicquid de exactatione, vel operariis praedictae constitutionis superscriptus dominus & genitor noster, seu & de muro civitatis ipsius, vel viis ad utilitates claustrorum Canonicorum proficientibus in suo praecepto concessit, hoc totum perpetua nostra indulgentia vel concessione, seu auctoritate concessum, vel confirmatum maneat in perpetuum. Et ut hac nostrae confirmationis vel concessionis auctoritas per futura tempora certior

FLODOARDI HIST.

cognoscatur; & permaneat inconuulsa, eam subterfirmavimus, & de anulo nostro eam sigillari præcepimus. Data vi. Kal. Iunii, anno x. regnante Carolo glorioso rege, Indictione xij. Actum Vermeriæ palatio regio. In Dei nomine feliciter. Amen.

*De reparatione Remensis Ecclesiæ ab ipso
Hincmaro patrata. Cap. V.*

Huiusmodi regiæ benignitatis functus auctoritatibus, & in Episcopali sede confirmatus præfatus Hincmarus Archiepiscopus, templum Ecclesiæ Dei genitricis Mariæ, quod à fundamentis Ebo renouare cœperat, iste pace, gratiæque fruens regia, præclari consummauit decoris eminētia. Insuper & aram sanctæ Dei genitricis auro vestiuit, ac lapidibus pretiosis ornauit. His quoque versibus titulauit.

*Hanc aram Domini genitricis honore dicatam
Cultor ubiq; suus decorauit Episcopus Hincmar,
Muneribus sacris functus hac sede sacerdos:
Iam bene completis centenis oēties annis,
Quadraginta simul quinto voluente sub ipsis.*

*Cum iuuenis Carolus regeret diademata regni,
Hunc sibi Pastorem poscentibus Urbis alumnis.*

Et ad imaginem Dei genitricis
in ipso altari.

*Virgo Maria tenet hominem, regemque, Deūq;
Visceribus propriis natum de flamine sancto.*

Tecta templi plumbeis cooperuit tabulis, ipsumque templum pictis decorauit cameris: fenestris etiam illustrauit vitreis, pauimentis quoque strauit marmoreis. Crucem eminentiorem gemmis, auroque cooperuit. Alias etiam cruces tam auro quam argento parauit. Calicem maiorem cum patena, sumptorioque fecit ex auro, lapidūque pretiosorum illustrauit nitore. Qui calix postea pro redemptione ac salute patriæ Normannis datus est: patena adhuc reseruatur ibidem. Libellum quoque de ortu sanctæ Dei genitricis Mariæ, sed & sermonem beati Hieronymi de ipsius dominæ Assumptione scribi fecit, & tabulis eburneis, auroque vestitum muniuit. Locellum etiam quendam, hoc est capsam maiorem, quæ à duobus clericis ferri solet, fieri iussit,

argentoq. imaginato ac deaurato vestiuit: vbi ad vrbis totius tutamentū multorum Sanctorum pignera recōdidit. Insuper & alia altaris vasa tam aurea, quā & argentea præparauit. Euangeliū aureis & argenteis describi fecit literis, aureisque muniuit tabulis, & gemmis distinxit pretiosis. His quoque versibus insigniuit.

*Sancta Dei genitrix, & semper Virgo Maria,
Hincmarus Præsul defero dona tibi.*

*Hæc pia quæ gessit, docuit nos Christus Iesus,
Editus ex Vtero, casta puella, tuo.*

Librum quoque sacramentorum, sed & Lektionarium, quos scribi fecit, e-bore argentoque decorauit. Candela-bra texit argento, & templum variis ornauit lampadibus, & coronis; diuersisque tam palliorum, quā cortinarum, atque tapetum operuit ornamentis. Sacras etiam vestes altaris procurauit ministris. Pluribus denique conuocatis Episcopis, sed & Carolo rege in hanc ciuitatem adueniente, in honore incomparabilis & perpetuæ virginis genitricis Dei Mariæ, vt & antiqua fuerat sacrata, basilicam solemniter dedicauit, & cum Coepiscoporum cooperatione sub omnipotentis

*De miraculis in eadem Ec-
clesia postea declaratis.
Cap. VI.*

IN hac igitur Ecclesia multa diuersis
temporibus Dei virtute sub ineffabilis
Christi genitricis Mariæ sunt honore
patrata miracula. Quorum plurima, quæ
ante nostram ætatem sunt gesta, nobis
habentur incognita. Nos tamē ea, quæ cō-
rā positi vidimus, vel personis quæ viderāt
referentib. agnouimus, silentio hīc quoq.
præterire incongruum rati sumus, licet
ea versib. olim exarauimus. Mulier quæ-
dam ciuis huius vrbis, nomine Altrudis,
vnicam paruulam nutriebat filiam, quæ
adhuc sub vbere matris posita effici-
tur cœca. Pro qua cū variis frustra
æstualet mater remediis, nec vlla pos-
set iuuari medela, ad summum cogi-
tat se vertere medicū; eiusque pro-
bat non aptius per quempiam sanctorum

poscere posse misericordiam, quàm per ipsius vnicam, cuius etiam erat ipsa famula, genitricem. Præparansque candelabrum & munuscula, tam pro se quàm pro filia, templum hoc petit, cœlitum reginæ clementiam rogatura: præfigensque candelabris luminaria, tum pauimentis adstrata, cor supplex effundit in vota. Nec se posse præsumens sufficere, ministros suppliciter deposcit altaris, ipsius petitionem suis precibus adiuuare. Et quia deuotè ac fideliter postulauit, votum obtinere promeruit, luménque sobolis impetrauit. Vnde gratias agentem Deo, ipsiusque genitrici piissimæ, cum adiutorib. sibi sacris ministris eam vidimus postea, dum sanam, clareque contuentem suam nobis exhiberet filiam.

Quidam clericus nostræ congregationis, carne nobilis, Hugo nomine, ita nimio dentium fatigabatur dolore, vt nec somnum, nec cibum præ nimietate valeret ægritudinis capere. Qui requisitus à quodam seniore, exposita suæ vexationis afflictione, hoc ab eo consilij accepit, vt coram altari Dei genitricis se se prosternens eius corde tenus super an-

xietate sua deprecaretur clementiam, & surgens ab oratione, osculato altari, supra nudum ipsius marmor in qua vexabatur deponeret maxillam; sicque sanandum se confidens, domum regressus cooperiri se vestibus faceret, atque sopori permetteret. Quibus ille per ordinem patris, somnum iniit: tempus autem erat solemnitatis natalis Domini, & fratres post celebratum vespertinum officium in cœnaculo, vbi calefaciendi causa consueuerant colligi, residebant. Præfatus verò frater videt in somnis illis se prægradibus cœnaculi adstitisse; atque beatam Dei genitricem in superioribus, ante ipsius ostium domus consistere. A sinistris in gradu infimo sub specie cuiusdā chirurgi malignum conspexit adstare spiritum. Non dubitans autem, quæ esset illa quam aspiciebat Domina, pauore tetri hostis abiecto, ad eā usque conscendit, & ante ipsius procidens pedes, eiusdem susceptus est manu; ita vt mentum illius tenens, vexatam piissima Domina contingeret maxillam: & erigens eum blandè cōsolata est, asserēs ideo se non inuentam ab eo in Ecclesia, quoniā ibidem ad

custodiam fratrum stare: ille, inquit, malignus, quem vides hic prope astantem, cogitat huc ascendere, & vult nostros fratres conturbare. Præcipitque eum redire, & de concessa sibi salute confidere. Qui rursus ad eius se prosternens pedes, erectus est ab ea, vestem tantum purpuream, qua erat induta, deosculans. Sicque mox excitatus, dari sibi præcepit manducare: quod ut eiusdem domestici audire, insanire illum putantes, quia tam alacriter sibi cibum dari peteret, anxii cœperunt. Ille verò confirmabat, se à beata Dei genitrice sanatum; nihilque vel ægrotudinis se, vel insaniam pati. Sicque celerrimè redditus sospitati, sæpe postea fidèter adstipulabatur, non se ulterius esse passurum talia, quem tanta saluti restitisset Domina. quod & reuera illi accidit, ut deinceps huiusmodi ægrotudinem nequaquam senserit, dum pluribus postmodum vixerit annis.

Huius Hugonis clericus & diaconus, Ebrardus nomine, febris anhelæ vexabatur æstibus. qui huius ægrotudinis agitated angoribus, in crypta, quæ sub ipsius Ecclesiæ sede in honore beati Remigij cōsecra-

ta est, fessus residebat, dum illic missæ celebrarentur mysteria. Cui vi febrium fatigato, ut assolet febricitantibus, sopor irruit: & ecce videt beatam Dei genitricem sibi adstantem, impositaque manu eius capiti pertransisse, & post altare se se visa est intulisse. Mox ille patefactis oculis surgit, finitisque mysteriis iam sanus Amen respondit; & alacer officiorum inseruit expletioni. Cuius caput ad tactum mirabilis Domine ita est delibutum, ut si oleo eadē fuisset hora perunctū. Quod nos quoque mirati sumus, qui eum ipsa die lætum & comedentem nobiscum vidimus.

Tres denique claudos, & poplitibus contractis nullo modo gressum figere valentes, in hac Ecclesia diuersis conspeximus erectos temporibus? Vnum quidē sub Episcopatu domni Heriurei Præfulis, qui aliorū manibus illuc delatus propriis regressus est pedibus. Aliū sub præfulatu Seulfi, nomine Maganerū; qui gente Britannus, utroque genu claudus, & scabellis inhærens, inter nos piorum eleemosynis sustentatus, transacto fere iam demorabatur anno. Huic dum nocturnas in omnium Sanctorum solemnitate celebraremus

laudes, ita subitò in medio populi iacenti
 genuum extensi sunt nerui, vt lora quo-
 que, quibus crura cum coxis erant an-
 nexa, rumperentur, rupta etiam pelle po-
 plitibus ei sanguis deflueret: surgensque
 stupente populo gressibus deinceps vsus
 est propriis. Tertius verò sub huius
 domni Præfulis Artoldi Pontificatu, eo-
 que missarum sacra celebrante, die so-
 lemni eiusdem sacratissimæ virginis, qua
 Gabriel Archangelus ad eam missus ab
 astris partum illi mirabilem sæculis nun-
 tiauit. Qui claudus pauper & miserabi-
 lis, dum per pauimenti se se marmora
 traheret, repentè solutus extenditur, &
 tellurem corpore mensus in pedes tan-
 dem erigitur, incessuque nouo auxit
 lætanti gaudia populo: quique adhuc
 inter nos degēs stipe sustentatur Præfulis.

Quartus quoq. quidā ruricola, Gerlanis
 nomine, ex familia huius Ecclesiæ, hanc
 urbem adiens oraturus, beatæ Deige-
 nitricis Mariæ ingressus est basilicam.
 Vbi dum vota profundit, subito mar-
 core dirigit, contractisque neruis pene
 cunctis adstringitur membris: sicque co-
 artatus, ibidem se permanfurum, & dum

viueret seruiturum, si relaxaretur, promisit. Tandem post mensem his absolutus vinculis, Ecclesiasticis addicitur seruitiis. Sicque partim in eadem Ecclesia, partim in basilica sancti Dionysij extra murum ciuitatis per quinquennium incolumis deseruiuit. Post quod temporis spatium in eadem solemnitate, Hypapanti scilicet Saluatoris, hanc ingressus Ecclesiam, dū precibus incumbit, ita rigentibus membris visus est adhæsisse pauimentis, vt nec os, nec aliquod membrorum ab his releuare valeret. Erectus autem à circumstantibus, tam cruribus quàm ambabus contrahitur manibus. Quintadima deinde die iterum absolutus, nec multò post humanis exemptus est rebus. Sed quis enarrare præualeat, quot hîc languentes pene quotidie pia dona salutis sumunt, quot febricitantes, quot saluantur energumeni? quis vel edicere pestes hîc liberatis hominibus effugatas? Sed de innumerabilibus saltem pauca commemorasse sufficiat.

*De visione cuiusdam Gerhardi presbyteri.
Cap. VII.*

PResbyter quidam de pago Porcensi, Gerhardus nomine, in quandam dudū deciderat valitudinem, ita ut veneno potatus esse crederetur. In qua valitudine Sanctorum nonnullis consolatus est visitationibus, beati scilicet Petri Apostoli, qui suam ei, quam regebat, præcepit etiam bis ut restaurare studeret Ecclesiā, atque redarguit per visa, cur totiens medicos salutis suæ requisierit causa. Sanctum quoque Remigium postea sibi videt adstare, suam illi pandendo personam, & ægritudinis huius remedia pollicentem. Qui mox urbem Remensem adiēs, dum perlustratis orationis gratia beatæ Dei genitricis ac sancti Remigij basilicis, in vico noctu requiesceret, ipsius beati Remigij videt se deductum in templum quoddam splendidissimum, ad quod beatissimam contuetur virginem Mariam prope- rantem, sancto Remigio, sanctoque Martino ab utroque latere stipantibus eam.

In ipso verò templo multitudo Leuitici ordinis atq. sacerdotalis dignitatis eam expectabat, & diacones induti dalmaticis, quidā cum palmis, quidā sine ipsis adstant. Cæterorū quoq. sanctorū plurimus hīc ordo videbatur. Idem verò Presbyter nullius specialiter cognoscebat vultum præter beati Petri, qui sibi iam pridem fuerat reuelatus. At postquam beata Dei genitrix ad prædictum templum peruenit, vbi eius aduentum hic frater se præstolari videbat, requirere cœpit quis ille esset, aut quid quæreret. Cui beatus Remigius: Famulus, inquit, meus est Domina, quærens à tua pietate salutis remedia. Quid autē ipsa responderit, iste, vt retulit, audire non potuit. velum verò quoddam appensum ibidem videbatur: post quod vbi ipsa intrauit, splēdidius sole lumen ab oculis huius suscepit, ita vt in id præ splendotis magnitudine intendere minimè potuerit. Post aliquot denique dies, apparuit illi beatus Martinus, missumque se à sancto Remigio ad eundem testatus est, asserens etiam illi donatam vitam, concessamque medicinam. Restitit tamen postea huic dubietas

aliqua de beatæ Dei genitricis persona,
 quoniam nomē ipsius in visione sibi reue-
 latum non audierat: sed precabatur assi-
 duè, vt Dominus monstrare sibi dignare-
 tur, vtrum ipsa fuisset, quam viderat, Dei
 genitrix virgo Maria. Contigit autem illi
 post sex fere menses, vt subitò, dum no-
 ctu quiesceret, graui premeretur ægritu-
 dine; adeo vt desperaret vlterius se posse
 viuere: & dum valde anxiaretur, appensis
 supra se beatæ Mariæ pigneribus, huius-
 modi cœpit effundere preces: O beata
 Dei genitrix, cuius hîc dependent pigne-
 ra, re vera vt credimus, de te nobis super-
 appensæ habentur reliquiæ: & si vera de
 te visio est, quam nuper vidi; si tu es illa
 domina, quàm ad illud mirabile templum
 sanctus Martinus, & almus Remigius co-
 mitabantur euntē; vbi te clarissimus San-
 ctorum cærus expectans aspicientem me
 latanter excepit: fer opem mihi indigno
 famulo tuo, & tandiu impetra mihi vitam
 atque virtutem, vt Missæ mysteria Domi-
 no celebrem, & munera vitæ corporis
 Christi sumere merear: vosque, beati Pon-
 tifices Christi, quos cum eadem comitari
 conspexi, adiuuate me apud ipsam, qui me

vestro piissimo consolari dignati fuistis al-
loquio. Interea inter angores precésque
vix levis obrepfit somnus. cum subito
sub eodem vultu habituque, quò prius
eandem aspexerat, beatissimā se videndā
præbuit regina, eisdem columnis innixa,
quibus & antea inniti fuerat visa, luce co-
ruscans clarissima. At ille tanto tremefa-
ctus splendore, nihilque fari ausus, lumi-
nibus in terram demissis videbatur stupe-
factus hære. Quem beatus compellans
Remigius; quid, inquit, nos huc aduoca-
sti? Nonne vides dominam nostram Dei
genitricem te confortare paratam? quid
dubitans tardas accedere ad illam? His di-
ctis tremor abscedit, alleuatur animus; e-
leuānsque oculos vires recepit, & ante pe-
des beatissimæ dominæ frater ille corruis-
se se vidit. Quē manu ipsa leuare dignata
fronti signum crucis imponit, & talia pro-
sequitur: Ne timeas, neque desperes: con-
fide in Domino; quia percipies donum ab
ipso salutis: signumque pulsare iube, ut sa-
cra mysteria celebres & gratias Deo re-
feras, eum collaudans qui te post verbera
sanat. His dictis, ab eius recessit visibus,
suis stipata comitibus. Sicque mox frater

idem collata sibi salute lætus exurgit, & ad explenda iussa festinans ita sanus & alacer effectus est, vt nunquam alacrior esse potuerit. Hec vt eodem presbytero narrante didicimus, ita describere quoque dignum rati sumus.

De aliis quibusdam miraculis.

Cap. VIII.

HÆc inclyta cœli regina vt subuenire solet humili se corde petentibus, sic in præsumptores vel contemptores ultionis nonnunquam pœnas exerit. Quod piè quoque fieri credimus: vt hîc in presenti delinquentibus digna ingerantur verbera, ne in futuro grauiora eos excrucient tormenta. Quod autem modò dicturus sum, non ipse vidi, sed multorum relatu patrum narrari frequenter audiui. Quidam ex clericis nostræ congregationis, Bernardus nomine, custos erat huius Ecclesiæ. qui petitus à quibusdā leuibus personis, vt ipse post scripto monstrauit, quatenus ipsis quædam sanctorum dedisset pignera, dum quadam die cum quodam puero hîc

ECCLESIAE REM. LIB. III. 167
solus esset in tēplo, correpta quadā pixide,
in qua sanctorū cōtinebātur reliquie, ausu
temerario præsumpsit aperire. quo facto
nimio pauore cōcutitur, & nebula locus
totus magna repletur, taliq. vallatur hor-
rore, vt nō putaret se amplius viuere. Sic-
que perdita voce tam ipse, quā puer qui
secū erat, vltra loqui, nec ea quæ viderāt
fari potuerunt.

Quidā quoque custos huius Ecclesiæ, vt
ipse nobis narrauit, dū die aliqua post ma-
tutinales laudes in Ecclesia requiescere
vellet, arripiēs tēpli tapetia, lectum sibi ex
his strauit, ibiq. se se somno dedit. Et ecce
matrona quadā sub habitu senili eidē ap-
paruit, quæ herbas quasdā videbatur secū
deferre. Hæc primo quidē blādis eū cœpit
affari sermonib. Vbi vero sacra sub eo cō-
tēplatur tapetia, taliter infit, eum mutato
quoq. vultu terrēs aggressa: Et tu Domine
sanctæ Dei genitricis ausus es violare, ac
pedibus sacra superbè cōcūleare ornamē-
ta? nec tantam timuisti Dominam? Modò
quidem parcam: nunquam tamen vltra
præsumas talia. Exēplūq; dedit illi de quo-
dā, qui sic sibi lectū solebat sternere, quem
nouim⁹ olim ærūnis affectū in pauperrimo

quoque stratu obisse. Ita deterritus surgit, propriamque culpam confessus scamnis tapetia reddit, & Dominum super hac correctione sua, eiusque collaudat genitricē. Hanc autem dominam, quæ se visitauerat non agnouit: à beata Maria tamen fuisse credimus missam. Nouimus etiam quosdam deuotos atque promissos à parentibus in hac Ecclesia fore Christo, eiusque genitrici seruituros. quod votum dū vel-
lent postea mutare parentes, prolis sunt coacti languore suam promissionem adimplere.

Dudum cū agricolæ vrbi vicini post Pascha solito de more hanc petissent urbem, huius admirabilis Dominæ requiringdo suffragia, suaque vota ferendo, quædam villæ consueta quærere neglexere præsidia: quarum messes, cū iam tempus instaret metendi, tanta tempestatis sunt attritæ grandine, vt pene omnia eorum perierint fata: Vineæ quoque adustis fractisque pampinis vuarum amiserunt fructum. Eorum verò fines, qui se huius piissimæ dominatricis munere subsidii, neque tangere, nedū intrare grandido præsumpsit. Sicque deinceps tam hi,

ECCLESIA REM. LIB. III. 168
quàm cæteri quique contigui, promptius
libentiùsque annuatim eiusdem Domi-
næ nostræ, sancti quoque Remigij, cæ-
terorùmq; Sanctorum hanc Remen-
sem adeuntes urbem consueuerunt ex-
petere patrocinia.

*De secunda B. Remigij corporis trans-
latione. Cap. IX.*

PRæfatus denique Præsul Hincmarus
cryptam præclari operis ad pedes S.
Remigij construxit: & corpus eiusdē bea-
tissimi patroni de loco cryptæ prioris, v-
nà cum sepulcro ipsius in eadem, collectis
Remensis Diœceseos Episcopis, vt iā su-
perius dictū est, transtulit, & ante ipsius
sepulcrum opus egregium auro edidit,
gemmisque distinxit. fenestram inibi, vnde
Sancti sepulcrum videretur, fecit: &
circa ipsam fenestellam hos versiculos
indidit.

*Hoc tibi Remigi fabricauit magne sepulcrum
Hincmarus Præsul; ductus amore tuo.*

*Vt requiẽ Dominus tribuat mihi, Sancte, precatu
Et dignis meritis, mi Venerande, tuis.*

Euangelium aureis literis insigniuit, ac

parietibus aureis , gemmarumque nitore distinctis muniuit: versibus etiam auro inlitis prætitulauit. Sed & crucem maiorem cooperuit auro, gemmisque decorauit. Librum quoque sacramentorum sub eburneis tabulis argento præsignitis, sed & Læctionarium ad missas librum pari decore venustatum ibidem contulit: aliosque libros & ornamenta nonnulla eidem venerabili loco delegauit.

De corpore ipsius beatissimi Remigij non est ausus aliquid sumere , sicut ipse quoque testatur in Epistola ad Ludouicum regem Transrhenensem , qui id sibi ab eo petebat muneris : sed id Pontifex pro maxima præsumptione asserit se duxisse, corpus eius, quod Dominus per tanta tempora integrum conseruauerat , disrumpere.

*De pallij quotidiani vsus à Romanæ
sedis Præsule perceptione, & rebus
Ecclesiæ sub eo concessis.*

Cap. X.

Hic denique venerabilis Præsul Hincmarus , pro suæ sanctitatis ac sapientiæ reuerentia , per interuentionem Lo-

tharij imperatoris pallium ad quotidianum recepit vsum à quarto Leone papa, à quo iam aliud perceperat in designatis sibi solemnitatibus debitè fruendum. quē quotidianum pallij vsum nulli vnquam Archiepiscopo se concessisse, vel deinceps concessurum esse, idem Papa in epistola tunc ad eum directā testatur. Scripsit autem præfatus pontifex ad eundem Papam Leonem sexies, vt ipse in quadam ad eundem asserit epistola, vel septies, sua dirigens ad eum scripta. In hac verò epistola de his, quos temeritas chorepiscopalis ordinare, vel quòd Spiritum sanctū consignādo tradere præsumebat, requisivit. Et quòd terrena potestas hac materia sæpe offenderet, vt videlicet Episcopo quolibet defuncto, per Chorepiscopū solis pontificib. debitum ministerium perageretur, & res ac facultates Ecclesiæ seculariū vsibus expenderebantur, sicut & in nostrā Ecclesiā iam secundò actum fuisset. Itē de his, quos dominus Ebo post depositionem suam ordinauerat. In alia quoque epistola scribit de quodam Fulcrico, Lotharij imperatoris vassallo, de quo etiam pridem ei significauerat; pro quo

Ecclesiæ nonnullæ per hoc regnum maximum patiebantur impedimentum: qui vxore sua dimissa, postquam excommunicatus ab eo proinde fuerat, aliâ insuper ducere præsumpsit in vxorem. Item in eadem de priuilegiis huius Remensis Ecclesiæ, quæ habuit ab initio, quo priuilegia sedes habere cœperunt: & quia Remorum Episcopus primas inter primates semper, & vnus de primis Galliæ Primatibus extitit, nec alium se potiozem, præter Apostolicum Præsulem, habuit. vt scilicet ea, quæ tanto tempore ab antecessoribus suis huic sedi sunt concessa & cōseruata, conseruare & augmentare dignetur. Ab imperatore quoque Lothario præceptionis imperialis auctoritatem super quibusdam rebus coniacentibus in his locis, Meurauallis, Termedo, Roserolis obtinuit; quæ tempore Caroli imperatoris, occasione quadam interueniēte, à Remensi sunt abstractæ Ecclesiæ, & publicis vsibus subactæ. quas hic Lotharius imperator ad partem sanctæ Mariæ ac sancti Remigij sua restituit auctoritate. Qui Lotharius imperator nonnullis hunc Præsulē Hincmarum apud Leonē

Papam honorificè commendasse reperitur epistolis atque Legatis. scilicet & quando Romam petere idem Pontifex disposuerat, epistolam suam idem Imperator pro eo præmittens, suggessit præfato Papæ, ut ipsum decenter, amabiliterque susciperet, & quidquid ab eo postulasset, libenter ei liberaliterque tribueret. Item aliam pro synodalibus definitionibus, de ordinatis ab Ebone post suam depositionem, à sede Apostolica confirmandis, & quibusdam privilegiis eidem Hincmaro, sedique Remensi concedendis. & quia illum volentem Romam proficisci, tam ipse, quàm frater suus Carolus rex Fræciæ, quoniã valde necessarius eis erat ad sopiendas quæ tunc exortæ fuerant perturbationes, retineret. In qua epistola commemorat, quòd in hac sede Remensi beati Sixti primi eiusdem Episcopi, & Apostolorum discipuli, prædecessores ipsius Papæ, Stephanus Pippino, & Leo Carolo magno, Apostolica contulerint munia. Alius quoque Stephanus Ludouicum Augustum in eadem sede imperiali diademate cororauerit. ad hoc denique obtinendum, quod pro prædi-

Ad præfule petebat, idem Lotharius Petrum Spoletanum Episcopum, mandatis super hac re per semet instructum, executores direxerat, & alium Petrum Aretinum Episcopum litteris exinde commoverat: aliosque quosdam tam suos, quam præmissi Papæ fideles ad id peragendum destinaverat. Eidem Lothario imperatori scribit præfatus Præsul Hincmarus de Fulcrico eius vassallo, quem excommunicaverat, qualiter ad pœnitentiam venire debeat. Item aliam epistolam, in qua continentur culpæ ipsius Fulcrici, & quomodo eum rationabiliter excommunicaverit, quia noluit ad pœnitentiam venire. Item aliam, in qua valde collaudat eum, congaudens eius humilitati, quòd ipsius obaudierit monitis super præfato excommunicato; absoluitque illum id humiliter deprecantem, pro participatione quam habuerat cum ipso. Item postquam convaluerat idem Imperator de infirmitate sua: in qua epistola eum satis episcopaliter, licet succinctè, de salute admonet animæ. & alia nonnulla eidem scripsit. A Carolo denique rege suo hic Præsul Hincmarus cellam in ho-

nore sancti Martini, in municipio Vongo constructam, cum omnibus ad eandem cellam iuste pertinentibus, ad partem Remensis Ecclesiae reimpetrauit, ac per auctoritatis ipsius praeceptum recepit. Ad ipsius suggestionem dedit idem Carolus Ecclesiae sancti Remigij, vel monachis ibidem Deo seruientibus, res quasdam: hoc est in pago Portinse, in villa Baildronis curte mansa duo, & in Dodelini monte mansa duo; atque in Vvaldonis curte duo mansa, cum mancipiis, & omnibus ad easdem res legaliter aspicientib. Praeceptum quoque ipsius Caroli de via, quae impendebat ad claustrum Canonorum sanctae Remensis Ecclesiae amplificandum, quoniam & numerum eorundem Canonicoꝝ augmētauerat, idem dominus Hincmarus obtinuit. Res praeterea quasdam quae ab hoc rege dudum fuerant Episcopo subtractae, Ecclesiae re-adintegrari laborauit: id est villam Nouiliacum, quam Carlomannus ad Ecclesiam sancti Remigij pro animae suae remedio dedit, tam ipsam villam quam res & mancipia, quae diuersi homines dono regis retinebant, ad eandem pertinētia. Item res.

aliquas in Culmifciaco & Bairaco fitas. Item res super fluuium Rotonnam, & in aliis nonnullis locis coniacentes. Itemque à Rege Ludouico Transrhenense præceptum restitutionis accepit super quibusdam rebus sancto Remigio quondam delegatis, hoc est in pago Vvormacensi Stadenheim cum omnibus ad se pertinentibus; Cosla & Gleni in saltu Vosago. In Thuringia quoque & Austria, in loco qui dicitur Schouerunstat, & in Hellsleba, cum omnibus ibidem aspicientibus. Res quoque nonnullas, iuraque Ecclesiæ ac mancipia legibus per aduocatos euindicata recepisse reperitur. Res etiam nonnullas Episcopi, terras scilicet atque mancipia, cum diuersis personis ad incrementum Ecclesiæ pro partium opportunitate commutauit. Sed & præcepta regalia super pluribus earum rerum cōmutationibus obtinere curauit. Canonicis quoque huius Remensis Ecclesiæ hospitale constituit ad susceptionem peregrinorum, vel pauperum, congruis ad id rebus deputatis, cum consensu Coepiscoporum Remensis Diœceseos, atque subscriptionib. eorundem; ea cōditione,

ut nullo vnquam tempore quilibet Episcopus, vel quælibet persona easdem res cuiquam in beneficium dare, vel in alios vsus quocunque modo abstrahere præsumat; neque aliquem censum vel redhibitionem exinde accipiat: sed totum quicquid ex ipsis rebus iustè acquiri potuerit, in vsus pauperum atque Canonicoꝝ, secundum modum descriptum in priuilegio à se & cæteris Episcopis confirmato, expendatur. Super hoc quoque constituto regiæ auctoritatis præceptum à Carolo rege fieri atque firmari obtinuit. Res præterea & villas Episcopij pænè omnes ordinatis rationabiliter coloniis describi fecit.

*De Synodo comprouinciali apud Sueffonicam
vrbem habita. Cap. XI.*

Hic venerabilis Præsul Hincmarus anno sui Episcopatus septimo synodum habuit comprouincialē apud Sueffonicam vrbem, in monasterio sancti Medardi, in Ecclesia sanctæ Trinitatis honore sacrata, cum Vuenilone Senonensi Archiepiscopo, Amalrico Turonensi, Theo-

derico Cameracensi Episcopo, Rothado Sueffonico, Lupo Catalaunensi, Im-
mone Nouiomagenfi, Erpuino Siluane-
tensi, Ermenfrido Beluacensi, Pardulo
Laudunensi, Hilmerado Ambianensi,
Huberto Meldensi, Agio Aurelianensi,
Prudentio Trecaffino, Herimanno Ni-
uernensi, Iona Auguftodunensi, Go-
delfado Cabillonensi, Dodone Ande-
gauensi, Guntberto Ebroicensi, Hilde-
branno Sagenfi, Rigboldo Remorum
Coepifcopo. Residentibus etiam presby-
teris & Abbatibus, Dodone Abbate mo-
nasterij sancti Sabini, Lupo Abbate mo-
nasterij, quod dicitur Ferratium, Bernar-
do Abbate monasterij sancti Benedicti
quod dicitur Floriacum, Odone mona-
sterij quod dicitur Corbeia, Herico mo-
nasterij Corbionis, Bauone monasterij
Orbacensis, & quampluribus aliis sacer-
dotibus & Abbatibus. adstantibus Diacon-
ibus, ac reliquorum graduum clero.
Residete quoque in medio glorioso Re-
ge Carolo. Vbi quædam necessaria Ec-
clesiæ Dei sunt pertractata negotia. Ad
quam Synodum accedentes quidam Re-
mensis Ecclesiæ Canonici ac monachi,

videlicet Radoldus, Gisfildus, Vulfadus, Fredebertus ex Canonicis ipsius matris Ecclesiæ: Sigemundus ex cœnobio sancti Theoderici: ex monachis autem monasterij sancti Remigij, Nortvvinus, Heinradus, Mauringus, Antheus, Tetlandus, Hairoldus, Radulfus, Vuicpertus, clamauerunt suspensos se à præfato Archiepiscopo suo ab administratione ordinum Ecclesiasticorum, ad quos ab Ebone quodam prouecti fuerant. Super qua reclamatione elegit prænotatus Pontifex Hinemarus iudices sibi Vvenilonem & Almaricum supra taxatos Archiepiscopos, Pardulum quoque Laudunensem Episcopum, qui in hoc iudicio locū Metropolitanae suae seruaret auctoritatis. Ipsi clamatores eosdem iudices suscipiētes, addiderunt etiam Prudentium Treassinæ ciuitatis Episcopum. Hi iudices constituti hoc iudicauerunt, quòd si Ebo Archiepiscopus in suo statu manens canonicè hos fratres ordinauerit, deberent ministrare. si etiam iniuste deiectus, & canonicè restitutus, post suam canonicam restitutionem eosdem ordinauerit, sine vlla quæstione deberent etiam mi-

nistrare. Vnde interrogati sunt ordinato-
res Hincmari, vt edicerēt quid de Ebonis
depositione, & Hincmari comperissent
ordinatione. Tunc surgens Theodericus
Cameracēsis Episcopus porrexit in con-
spectū principis & Synodi scriptum, cō-
tinens ordinem depositionis præfati Ebo-
nis. Tum ventilatum est qualiter exau-
toratus Episcopus restitui debeat, &
quia idem Ebo restitutus canonicè non
fuerit, insuper & ab Apostolica sede,
Sergio Papa confirmante deiectionem
illius, damnatus extiterit, vt in laica
tantummodo communione maneret.
Tum recitata auctoritate, qualiter Me-
tropolitanus debeat ordinari: literis quo-
que canonicis Erchanradi, Episcopi Pa-
risiorum Ecclesiæ, confirmatis sua sui-
que Archiepiscopi & Coepiscoporum
suorum manibus, quas ad petitionem
Remensis ecclesiæ cleri ac plebis Hinc-
maro tribuerat: decreto etiam canoni-
co Remorum cleri nobiliumque mani-
bus roborato, qualiter eundem Hincma-
rum sibi postularūt ordinari episcopum:
ostensum est canonicè cum præsentia vel
consensu omnium Coepiscoporum Re-

mensis Diœceseos cum ordinatum Archiepis-
 copum. Post hæc surgens idem Hincmarus, in conspectum principis &
 Synodi porrexit litteras Canonicas, quas
 ordinatum sacri Canones ab ordinatori-
 bus accipere iubent, diem præferentes &
 Consulem. Porrexit etiam epistolam
 Remensis prouinciæ, ac pæne totius Gal-
 liæ manibus Episcoporum subscriptam,
 ad Apostolicam sedem pro confirmatio-
 ne ipsius ordinationis datam. Ostendit
 etiam diploma sacrum, ipsius venerandi
 principis manibus insignitum, & sigillo
 subterfignatū, etiam ad approbationem
 suæ ordinationis ad eandem sanctam &
 Apostolicam Romanam Ecclesiam. Sic-
 que iudicatum atque confirmatum est
 Hincmarum Episcopum canonicè or-
 dinatum. Deinde ventilatum est, quid
 decernendum foret de his, quos Ebo
 post suam depositionem absque legitima
 restitutione præsumpserat ordinare. Tūc
 surgēs Immo Nouiomagēsis Episcopus,
 porrexit rotulum auctoritatem Canoni-
 cam & Apostolicam continentem, quo-
 niam qui ab ipso visi fuerant ordinari in
 gradus Ecclesiasticos, ab eodem quod ip-

se non habuit nemo eorum accipere potuit: & cætera. Sicque decretum est, vt quicquid in ordinationibus Ecclesiasticis Ebo post depositionem suam egerat, secundū traditionē Apostolicæ sedis, præter sacrū baptisma, quod in nomine sanctæ Trinitatis perfectum est, irritum haberetur, & ordinati ab eo gradibus Ecclesiasticis priuari existerent. Tunc vnus ex prædictis fratrib. nomine Fredebertus, libellū proclamationis legit, in quo cōtinebatur, quòd ideo se ab Ebone permisissent ordinari, quia viderant suffraganeos Remensis Ecclesiæ, Rothadum videlicet Episcopum, Lupum, Simeonem, Erpuinū in Metropolim Remensem Ecclesiam couenisse cum literis Lotharij imperatoris, & eundem Ebonem restituisse. & insuper ostenderunt iudem præfati clerici litteras quasi ex nomine Theoderici Episcopi, Rothadi, Lupi, Immonis, ac cæterorum huius Diœceseos Episcoporum manibus roboratas: quæ tamen ab eisdem Episcopis recitata falsæque sunt comprobata: & quia talia Episcopis impingere præsumperint, iussi sunt communione priuari. His ita termi-

natis, decreto iudicum, atque consensu principis, Hincmarus Archiepiscopus primatus sui locū recepit. Tum de presbytero quodam Abbate Altuillarensis cœnobij, nomine Harduino, qui ab Ebone Diaconus visus fuerat ordinatus, & à Lupo postea Catalaunensi episcopo presbyter fuerat consecratus, mota est quæstio. Surgēs itaque Lupus episcopus, porrexit volumen, in quo continebatur, quomodo iussus est regiis litteris Caroli regis, ut quia Metropolis Remorum ecclesia pastore carebat, in consecratione chrismatis, aliisque negotiis ecclesiasticis pro sui possibilitate consulere procuraret. Quocirca cum epistola regia ut ipsum Harduinum presbyterum ordinaret, atque in Altuillari monasterio abbatem sacraret, Archidiaconus Remensis Ecclesiæ, cum aliis comministris tam Canonicis quàm monachis, illi obtulerit: quemque ad votum præfati principis & offerentium ordinauerit. Vnde iudicatum est à synodo, eundem episcopum nihil damnationis de illius ordinatione attigisse. Sed qui saltu sine gradu Diaconij ad sacerdotium profilierit, in degradatio-

nem debitam resilire deberet. Deinde requisitum est de his, qui eboni post depositionem suam communicauerant, & recitata auctoritate qualiter sanari deberent, repertum est ex Canonicis institutis, eos post satisfactionem, data illis indulgentia & communione sacra cum benedictione tributa, per proprium episcopum, operante Domino nostro Iesu Christo, purificari atque sanari posse. quod & actum est per venerabilem Hincmarum Archiepiscopum. His ita peractis, benignus princeps Carolus petiit Hincmarum Archiepiscopum, reliquosque Pontifices, ut quia præfati fratres gradus ecclesiasticos obtinere non valebant, communionem saltem recipere possent per synodi indulgentiam. Quod & pietas sacerdotalis licèter assensit, & misericorditer eisdem fratribus veniam concessit. Et ita hæc omnia gestis inserta, & in conspectum synodi recitata, & rata iudicata prædictorum manibus Episcoporum & aliorum, qui interfuere, subscriptione firmata sunt.

Quæ actio synodi sedi Apostolicæ ab Hincmaro directæ, & à Benedicto Papa

Leonis successore corroborata est. Qui etiam Benedictus Papa priuilegium auctoritate beati Petri, & Apostolicæ ipsius sedis huic præfuli nostro Hincmaro contulit, sanciens ne quilibet huius Dioceseos regulis subiectus, eo contempto impune auderet, seu valeret aliena expetere aut expectare iudicia. Sed dominus Nicolaus eiusdem Benedicti successor, penitentibus sedem Apostolicam prænotatis deiectis, præmemorata gesta synodi retractasse atque reprehendisse reperitur: præcipuè quod sola obedientia subditorum reputata fuisset in culpâ; & qui prælati iudicio temere non resisterunt, sed humiliter colla subdiderunt, seuerissimè punirentur, & qui misericordiam petierant, nec iustum, vt asserit, iudicium meruerint. Intimat etiam quomodo dominus Hincmarus pro his actis Cõcilij Leonis papæ non semel supplices literas miserit, quatenus idem Concilium approbans auctoritate Apostolica roboraret. quod ille agere sollicitè renuerit, eo quòd per aliquos ex his Episcopis, qui synodo resederant, vt dubitatio foret radicatus euulsa, eiusdem synodi statuta de-

stinari debuissent; præcipuè cum ibidem Legati sedis Apostolicæ præsentés non fuerint. Et quia hi quos ille auctoritate synodi affirmabat depositos, per proprias litteras ad sedem Apostolicam appella-uerint, & vellent iterum se Apostolicæ sedis audiri præsentia, præcepisse quoque eundem papam, vt Hincmarus præsul ad Concilium cum illis occurreret, ad quod suum ipse Legatum, Petrum videlicet Episcopum Spoletanum, è latere suo direxerat, ad renouandum scilicet iudicium vice sua. Cui audientiæ quoniam dominus Hincmarus suam non exhibuit præsentiam, voti effectû frustrato Leo Pontifex ab hac luce subtractus est. Benedicto autem viro Apostolico succedente, eidem subreptum fuisse, & in ipso consecrationis eius principio suatum, vt illud firmaret Concilium. Non tamen ei suaderi potuisse, vt à iustę definitionis tramite declinaret. verum ita per ei concessum priuilegium illius Concilij roborasse institutum, vt auctoritatis summam sedi Apostolicę reseruauit: ita decernens manere incõuulsa quæ petebantur, si ita essent per omnia, quæ de illa synodo ab Hincmaro

maro referebatur, & vt inde quaestio nullis aliquando temporib. oriretur. Sed quoniam non ita per omnia, ceu suggestu est, fuisse comprobaretur, merito asserit in irritum deductum, quod contra deiectos non simpliciter fuerat impetratum. Quo circa primum quidem domino Hincmaro mandauit, vti commemoratos viros, Vulfadum scilicet, collegasque ipsius, clementi animo studeret ad se vocare, & de restitutione ipsorum secum fraternè tractaret, atque misericorditer consummare contenderet. Alioquin ad Concilium cum his Episcopis, quibus & ipse quoque Papa pro hoc ipso scripserat, simul occurreret: quatenus omnes in vnum conuenientes causam eorundem clericorum examinarent, & non aliqua emergente disceptatione, Deo pra oculis habito definirēt. Si verò quaelibet inter partes disceptatio proueniret, ad sedem Apostolicam suae suscepturi speciale iudicium personae vices tenentes vtriusque lateris cōuenirent. At Dei gratiae iuuamine hoc peracto iudicio, intimat se literas suscepisse amplectendae dilectionis omnium qui interfuerunt Episcoporum, ma-

manifestissimè significātes crebrò memora-
tos clericos à totius cōsona voce Cōcilij
dignos graduum suorū receptione pro-
nunciatos. Vbi nulla, sicut in litteris eo-
rundem Episcoporum reperiēbatur, di-
sceptatio prouenit; nulla, sicut putatum
fuerat, varietas alia atque alia defenden-
tium accidit; nullus accusator, nullus cō-
demnator repertus est: sed cunctorum
vna eademque sentētia, atque in restitu-
tione ipsoꝝ diffinitio claruerat, eisde
innoxiiis à cunctorum vnanimitate mo-
dis omnibus approbatis. Reprendit au-
tem & hoc quoque Concilium præfatus
Papa Nicolaus, quòd non solemner
omnia iuxta quod ipse diffiniuerat ege-
rint, sedi Apostolicæ plena relatione ac-
tionis seriem referentes. Debuisse aiens
quicquid de Ebonis deiectione, reclama-
tione, horum clericorum promotione,
& ipsius Ebonis iterata repulsione, ad al-
liamque Ecclesiam migratione, vel vn-
decumq; ibi quod ventilatum est, ei scri-
pto vnanimiter, pleniter, ac fideliter in-
timare: sed & monumentis insertum ad
pleniorē penes se notitiā & certitu-
dinem reseruare. Præcepit ergo, vt quæ-

ECCLESIAE REM. LIB. III. 178
cumque super hac rescripta, tam à fede
Apostolica, quàm à nostratibus edita re-
perianur, & quod hinc Præsul Hincma-
tus, & illi deiectioni clerici sedi Apostolicæ
suggererint atque retulerint, involumen-
vnum ordine quo missa sunt redigeren-
tur, & Apostolicæ sedi exemplaribus sibi
restituatis summo studio dirigerentur. Et
si de cætero quid tale fortè contingerit
evenire, propter quod conuentum in re-
gionibus his fieri sacerdotum præcipiat,
hoc inter cætera nulli penitus obliuioni
tradant, sed post omnia id agere maiorū
more studiosissimè satagant, &c.

Præmissi denique Concilij præsules A-
postolicæ sedis obediens præceptis, or-
dinem rerum gestarum de Ebonis depo-
sitione, vel restitutione, iterataque re-
pulsione colligentes, eidem venerabili
papæ miserunt, huiusmodi præferentes
epistolam.

REVERENTISSIMO ET SAN-
CTISSIMO DOMINO PATRI AC
*Papæ Nicolao, Episcopi qui præterito anno
per gratiam Dei & decretum vestrum a-
pud Sueffonicam urbem cum aliis qui tunc*

nequiuērunt adesse conuenimus.

SERIE M R E R V M gestarum de Ebonis quondam Remorum Archiepiscopi depositione, sed & de ipsius restitutione, necnon de fratris Vulfadi ac collegarū eius promotione, & iam dicti Ebonis iterata repulsione, ad aliāque Ecclesiam migratione, vnde à nobis inuestigari, & vobis remandari iussistis, quia his nemo nostrū in ordine Episcopali interfuit, nisi frater Rothadus, sicut ex regum & Episcoporum monumentis qui interfuerunt, & scriptis suis posteris reliquerunt, breuiter collegimus, vestræ sanctissimæ paternitati & præcellentissimæ auctoritati transmittimus. Quæ antè colligere & auctoritati vestræ dirigere necessarium non putauimus: quoniam sicut vobis per Egilōnem venerabilem Archiepiscopum scripto suggestimus, in quo nullam memoriā de quacumque Ebonis depositione habuimus, nec haberi tunc necessariū vidimus, nobis in eorum fratrum restitutione non quidē disceptantibus, nec alia atque alia decernentibus, sed vnum idemq. secundū traditionem maiorum, quā discretionī vestræ intimare curauimus, sentientibus, quos non procacia obnoxios fecit, sed obedientia inculpabiles in adeptione sacrorum graduum, iuxta sincerissimum sententiæ vestræ intellectum, induxit,

sine contradictione in suis ordinibus restituere
 maturassemus, nisi privilegiis sanctæ Romanæ
 sedis, per reuerendū confratrem nostrum Hinc-
 marum Archiepiscopum nostræ vnanimitati
 prolatis, quæ de ipsis viris quædam statuerunt,
 debita reuerentia exhiberetur. Quorum summa,
 perfecta, & integra firmitas, vt claruit & in-
 stum est, Apostolica sedis reseruata erat arbitrio
 potestatis: quorumque privilegiorum authenticas
 chartas, cum saluis sigillis, & incorruptis scri-
 pturis idem confrater & confacerdos noster
 non ad prædictorum fratrum nocumentum, neque
 ad vllam contradictionem, sed ad debitam reue-
 rentiam sedi Apostolicæ vt dignum est, exhi-
 bendā ostendit, cum gestis Episcoporum, quo-
 rum vos acta relegisse & qualiter præsignati
 clerici degradati fuerint reperisse, nobis aperire
 dignati estis. Quibus non subscripsit: quia &
 eosdem fratres suo iudicio non deiecit, sicut vobis
 & ipse & nos scripsimus, & gesta ipsa demon-
 strant, & sicut iam sanctissimæ paternitati ve-
 stræ sugessimus: in eiusdē rei negotio decerta-
 tib. & quædā deflorantib. non tamen terminan-
 tib. nobis eo vsq. causam perduximus, vt solum-
 modo magisteriali vestro culmini eorum assigna-
 retur restitutio, attribueretur reformatio, adscri-
 beretur reintegratio. Vnde postea vnanimitas no-

stra in quancumq. partē non declinavit, & si quidam quacumque necessitate exinde nobis ignorātibz diuerterunt. Egimus itaq. prout potuimus in succincta collectione de gestis regum & Episcoporum ex causa Ebonis, & ut præcepistis vestræ auctoritati transmittimus. Post harum verò rerum gestarū ordinem descriptū ita subiunxerāt. Hæc sicut vestra iussit auctoritas, quæ de Ebonis quondam Remorū Archiepiscopi, quæ ante triginta & tres circiter annos extitit depositione, & post de ipsius restitutione, necnon & de fratris Vulfadi ac collegarū eius promotione, etiam dicti Ebonis iterata repulsione, ad aliamque Ecclesiam migratione, in eorum qui iam nos ad Dominum præcesserunt scriptis, verū & quæ illorum, qui interfuerunt, veridicis relationibus comperimus, quæ etiam ex magna parte in gestis Episcoporum Belgicæ, Gallie, Neustrie, & Aquitanie provinciarum Papæ Sergio dirigendis, & Leoni Papæ directis cum eorum epistola, sed & in epistolis Lotharij Imperatoris, & Caroli regis exinde directis continentur, quas in scrinio Romano credimus conseruari, vestræ auctoritati trāsmittimus. Scripta quoque, quæ hinc à vestra auctoritate directā, & vestræ sanctitati remissa relegimus, ordine quo missa vel remissa fuerunt, se-

cundum vestram iussuionem in volumine isto cō-
 gessimus. Et si forte alia ex hoc negotio aut à no-
 bis, aut ad nos missa fuerunt, nos tamen non le-
 gimus. quæ etiam frater & consacerdos noster
 Hincmarus nobis vestræ auctoritati mittenda
 dedit, secundum quod præcepistis, dicentes inter
 alia. Quæcunque super hac rescripta tam à nobis
 prius, quam nunc à vobis edita reperiuntur, &
 quid hinc Coepiscopus Hincmarus, & illi deie-
 cti clerici sedi Apostolicæ suggererint atque re-
 tulerint, in volumen vnum ordine qua missa
 sunt redigantur, & Apostolicæ sedi, vt compe-
 tens est, vobis eorum exemplaribus reseruatis,
 summo studio dirigantur, his subiuncta dirigi-
 mus, &c.

De vacatione Cameracensis sedis, & coniun-
 ctione Balduini cum Iudith filia
 Regis. Chap. XII.

DE vacatione præterea sedis Camera-
 censis, sed & de coniunctione Bal-
 duini comitis & Iudith indebita: quæ scili-
 cet Iudith Caroli regis filia, Edilnolfo re-
 gi Anglorum, qui & Edeboldus, dudum
 fuerat in matrimonium copulata, & regi-
 næ decore ac benedictione insignita: post

cuius obitum venditis quas in Anglorū
obtinuerat regno possessionibus, ad pa-
trem reuertitur: quæ sub regali tutela sic
manere decernitur. sed illa Balduinum
Comitem, ipso lenocinante, & fratre suo
Ludouico consentiente, secuta est. Un-
de rex Carolus Episcopos ac cæteros re-
gni primores consulens, post mundanæ
legis iudicium canonicam iniunctam dictum
Balduinum & Iudith, secundū edicta bea-
ti Gregorij, ab episcopis depromi senten-
tiā fecit. De Rothadi quoque Sueffioni-
cæ ciuitatis episcopi deiectione, quem ab
Episcopali ministerio iudicio remouerat
Episcoporum. De commemoratione
etiam nominis Ebonis: atque de Gothe-
scalci cuiusdā hæretici damnatione præ-
fatus præsul huiusmodi scripta direxisse
reperitur ad sedem Apostolicam.

DOMINO VNICE SINGULA

riterque suscipiendo patrum patri, & sum-
ma Veneratione honorando reuerentissimo
Pape Nicolao, Hincmarus nomine non me-
rito Remorum Episcopus, ac plebis Dei fa-
mulus.

IN EPISTOLA vestra sanctitatis per Odo-

nem Episcopum Episcopis in regno Lotharii pro
 prauidicio Cameracensis Ecclesiae directa, rele-
 gi vestram auctoritatem sciscitaturum, cuius
 neglectu eadem Ecclesia ultra decimum men-
 sem pastore vacaret. Vnde ne ut negligens à ve-
 stro Apostolatu succenscar, indico auctoritati
 vestrae post directas Lothario & Episcopis re-
 gni eius atque Hilduino, qui eandem Ecclesiam
 irregulariter occupant, ita ut antequam ipsas
 mitteretis epistolas, haecenus prauidicium per-
 manere: meque Lotharium regem & legatis
 & litteris, prout potui saepe & eo usque com-
 monuisse, donec regis suis litteris mihi respon-
 dit, Hilduinum ad vestram auctoritatem suum
 Legatum misisse, & nihil aliter de praefata Ec-
 clesia, nisi ut egerat disponere debuisse, donec à
 vobis inde responsum acciperet. Balduinus quo-
 que in proximo nunc decurso mense Octobrio,
 quinto Kalendas Nouembris, per duos homines
 suos mihi litteras auctoritatis vestrae direxit, in
 quibus continetur, ut easdem litteras Coepiscopis
 prouinciae nostrae legerem, & Iudith paternis
 ac maternis obtutibus praesentandam suscipere-
 mus, si tamen intelligeremus, quod confestim
 praefatus excellentissimus rex noster quae de illa
 vobis scriptis & verbis per Legatos vestros
 Apostolatu vestro renuntianda spondit, ad-

implere vellet. Quòd si eorum animos ad id protelandum esse intentos inuestigare possemus, nequaquam eam reciperemus. Alioquin, idest si aliter egissemus, gratia & communione vestra frui nequaquam valeremus. Quam vestrae auctoritatis epistolam, ut oportuit, reuerenter suscepi, & Coepiscopis nostris eam relegi & pro praefata Iudith apud patrem & matrem illius quantum potuimus ut mandastis cõmuniter interuenimus; & paternis ac maternis obtutibus eam praesentare studuimus. Post quæ voluimus, (quia sic nobis secundum sacras regulas, sicut eas intelligimus, visum fuerat: non enim sine dignis poenitentiae fructibus absolui posse putamus, quod anathematis vinculo à sacris regulis innodatum videmus) ut iuxta Ecclesiasticam traditionem prius Ecclesiae quam laeserant satisfacerent, & sic demum quod praecipunt iura legum mundialium exequi procurarent. Sed quoniam litteras vestras quæ inde nihil præceperunt, immo etiam nullam protelationē in eorum coniunctione fiendam significauerunt, sibi sufficere voluerunt, & sine vestra auctoritate, ad quam clamauerant, cogi, nisi alio se modo submitteret, non debuerunt: ex altera epistola vestrae auctoritatis eis retuli, quòd non leges Ecclesiasticas dissoluistis, sed preces pro eo misistis, qui puniri

secundum leges mundanas poterat, quatenus locum poenitendi haberet, quod contra leges diuinas admiserat. Sic & Saluator noster, qui vult omnes homines saluos fieri, & neminem vult perire, in cruce apud patrem iure sacerdotis pro suis persecutorib. intercessit. quod in eis qui post passionem eius crediderunt, & compuncti poenitentiam egerunt, qui cum patre omnia donat efficaciter impetrauit. Ad cuius instar Apostolorum Vicarius, ad quorum limina confugerunt, & Catholicae atque Apostolicae Ecclesiae summus Pontifex, quod in hominem regem & in leges mundi peccatum est, perdonari petistis: vt quod in regem coeli & terrae, & in leges coelestis regni offensum erat, haberent inducias per poenitentiam abolendi. E contra carnales, & etiam quidam eorum, qui antea coniunctioni huiusmodi contradicebant, hac defensione vt eis visum fuerat se protegentes, sed sicut se habet veritas, salute nudantes, ab istius nouissimae vestrae epistolae verbis recedere noluerunt, quam sine pro-
teltatione eorum coniunctionem debere fieri demonstrare dicebant. Dicenti vero mihi, quia pro nulla potestate terrena quod de Ecclesiasticis regulis intelligeretur dimittere deberē: maxime cum etiam mecum, immo cum Deo dominus rex noster, filius vester, Carolus faceret: quasi consu-

lendo mihi quidam hoc dederunt consilium, in quo non meis, sed verbis eorum utar, quæ mansuetudo vestra, velut exemplum & doctrix disciplinae Dei, mitis & humilis corde ac patiens æquanimiter sustinebit, dicentium, ut quia non secularis, sed Ecclesiastica pietas de hoc mihi negotio imperaret, conspirationem resistentium aliquantulum declinarem, ne quisquam æmulus noster vestrae sanctitati suggereret, quasi in contemptum sancti Apostolatus vestri, & sedis Apostolicæ hoc egissent, & vestrae mansuetudinis erga me animum commoveret, & quamcumque excommunicationem, sicut pro Rothado actum fuerat, quod tamen ad me non pervenit, nisi quantum Odo Episcopus, & postea Luido detulit, antequam ad auctoritatem vestram gestorum seriem inde mittere valuissemus, vel quomodo res gesta fuerit per Legatos vestros resciretis, obtineret. Præsertim cum in hac epistola vestrae auctoritatis legatur, quod si aliter egissemus quam in ea scriptum est, gratia & communionem vestra frui nequaquam valeremus. Quo contra mihi dicenti hoc in epistola vestra ob id posuisse, ne fœmina illa à nobis deciperetur, & non ob hoc, ne Ecclesiæ satisfaceret. responderunt, cur aliter vellem vestram epistolam intelligere, quæ vobis placuit eam com-

ponere, cum de in præterito mihi transmissis eius sensum possem manifestè cognoscere. Quapropter memor præteritarum epistolarum mihi & Episcopis regni filij vestri domni Caroli à vobis missarum: attendens etiam quæ in epistola nuper per Luidonem mihi benignitas vestra mandauerat, (hæc enim in Autisiodoro post aduentum Luidonis veritabantur) inter metum præteritarum & spem posterioris epistolæ mihi mitiora monstrantis, contentionem in hac causa dissimulando vitavi: & condescensionem quasi in tempus aliud differendo dissimulaui: expectans ut in causæ huius quæ instat dispositione vestra, ex Rothado discere valeam, qualiter de reliquo in huiusmodi agere debeam. Sicquæ nihil nobis de Ecclesiastico ministerio eis interdicentibus, sed tamen quod valuimus nostram præsentiam ab hoc negotio subducentibus, Balduinus & Indith iura legum sæcularium, quæ elegerunt, exequi studuerunt, Dominus etiam noster rex filius vester huic desponsationi & coniunctioni interesse non voluit: sed missis publicæ rei ministris, sicut vobis promisit, secundum leges sæculi eos uxoria coniunctione adinvicem copulari permisit, & honores Balduino pro vestra solummodo petitione donauit.

De causa Rothadi Sueffonici Episcopi
depositi. Cap. XIII.

DEnique ad epistolam vestrae auctoritatis, ad quam me misistis obedienter audientem, generaliter omnibus Episcopis regni Domini nostri Caroli regis gloriosi, pro Rothadi causa, per Odonem Episcopum transmissam, sicut litteris exiguitatis meae directis sanctitas vestra praecepit, conueni, & simul cum eisdem venerabilibus Episcopis, quantum ex me fuit, mox antequam synodus solueretur vestram iussione de eodem Rothado, ne aliqua mora vestrae praeceptionis implenda, aut de superuentione paganorum, aut de alia qualibet causa interueniret, adimplere curavi; sicut & Legati domni regis ac nostri, & litterae pleniter vestrae notum faciet sanctitati. Sed quoniam causa interueniente, quam vobis ipsi Legati referent, statim ut praecipimus datis litteris, & designatis vestris vicariis, ad vestram praesentiam cum eodem Rothado ire non potuerunt, & ob id diutius quam voluerimus immorati fuerunt: interea Luido Legatus domni nostri regis a vestra rediens sanctitate pridie Kalend. Decembris vestras Apostolicas litteras domno nostro regi filio ve-

ECCLESIAE REM. LIB. II. 184
stro in ciuitate Autisiodoro detulit. & quia fi-
lius eius atque æquiuocus Carolus, qui patris a-
nimum in quibusdam offenderat, & ob id ad
eius præsentiam quorundam suggestionem ali-
quantulum venire distulerat, patrem Legatis
suis petiit, vt meam paruitatem cum aliis qui-
busdam suis fidelibus pro eo ad ipsius vestigia
deducendo transmitteret; quatinus nostro in-
teruentu patrem placabiliorem inuenire vale-
ret, exiguitatem humilitatis meæ Dominus rex
illuc in suum venire seruitium iusserat. Quò
mox vt veni, mihi litteras vestras legendas do-
nauit. In quibus licet pro sua dignatione sublimi-
mitas vestra humilitatem meam sine vlla meri-
ti prerogatiua benignè tractauerit, & à mea
insipientia scripta, sapientia vestra supra id
quod scio atque intelligo, non tamen absque in-
ducto cauterio, laudare dignata fuerit; tamen in
eis videor mihi videre vobis multiloquium meū
increscere. Vnde dignetur sanctitas vestra di-
gnanter suscipere, quod beatus Augustinus de
suo multiloquio Domino Dominorum audaciter
non dubitauit dicere, cum se inde apud eum vo-
luit excusabilem reddere, inter alia scribens: Lo-
qui multum non est nimium, si tamen est neces-
sarium.

Qua de re, sanctissime domine & pater re-

nerentissime, æquanimiter sustinere modicum
 quid insipientiæ meæ, sed & supportate me, si
 adhuc quiddam de Rothadi causa vobis iam suf-
 ficienter notissima quasi repetens scribo. Cum
 quo quia vobis placet, cui cuncta bona placent,
 mittimus vicarios nostros, non vt accusatores
 ad confligendum, sed vt à Rothado, atq. à vici-
 nis nostris, qui causam pleniter ac veraciter aut
 nesciunt, aut scire non volunt, accusati; quòd
 non in contemptum sedis Apostolicæ appellan-
 tem Rothadum secundum Sardicenses canones
 sedem Apostolicam, sed eum qui ad electorum
 iudicium de certis capitulis prouocauit, iuxta
 Carthaginenses & Africanos canones, ac de-
 creta beati Gregorij regulariter iudicauimus
 Vestræ summæ auctoritati humiliter intimandū.
 Absit enim à nobis, vt priuilegium primæ &
 summæ sedis sanctæ Romanæ Ecclesiæ Pontifi-
 cis præ sic paruo pendamus, vt controuersias &
 iurgia tam superioris quàm etiam inferioris or-
 dinis, quæ Nicani & ceteri sacrorum concilio-
 rum canones, & Innocentij, atque aliorum san-
 ctæ Romanæ sedis Pontificum decreta in synodis
 prouincialibus à Metropolitanis præcipiunt ter-
 minari, ad Vestram summam auctoritatem fati-
 gandam ducamus. At si fortè de Episcopis causa
 nata fuerit, vnde certa & expressa in sacris re-
 gulis

gulis non habeamus iudicia; & ob id in prouinciali, vel in comprouinciali nequeat examine diffiniri, ad diuinum oraculum, id est Apostolicam sedem nobis inde est recurrendum. Si etiam de maioribus causis à prouinciali Episcopo ad electorum iudicium non fuerit prouocatum, & in aliqua causa idem Episcopus fuerit iudicatus, id est à gradu suo in comprouinciali synodo deiectus; & putat se bonam causam habere, & appellauerit qui deiectus est, & confugerit ad Episcopum Romanæ Ecclesiæ, & voluerit se audiri: si iustum putauerit ut renouetur examē, scribendum est ab his, qui causam examinarunt post iudicium Episcopale, eidem summo Pōtifici, & ad illius dispositionem secundum septimum Sardicensis concilij capitulum renouabitur examen. Nam de Metropolitano per sacras regulas constituto, qui ex antiqua consuetudine ab Apostolica sede pallium accipit, sicut Leo ad Anastasium, quod & Nicenum concilium innuit, & ceteri Romanæ sedis Pontifices in decretis suis ex sacris canonibus monstrant, sedis ipsius Pontificis etiam ante iudicium est sententia præstolanda. Is enim est, qui secundum Ezechielcm Prophetam moratur in Gazophylacio quod respicit viam meridianam, & excubat in custodiis templi. & nos Metropolitanus ad compara-

tionē illius sumus, qui in ministerio altaris, quod
 est ante faciem templi, in quo carnes incendun-
 tur, seruimus, & controuersias carnalium in sy-
 nodis provincialibus laborantes dirimimus, &
 de maioribus ac maiorum causis ad examen
 summae sedis Pontificis post iudicium referre
 curamus. homines enim sub illius potestate sub
 nobis commilitones habemus, & dicimus huic
 vade, & vadit, & alio veni & venit: quo-
 niam ut Leo dicit, & inter beatissimos Apostolos
 in similitudine honoris fuit quadam discretio
 pietatis, & cum omnium par esset electio, vni
 tamen datum est ut ceteris praemineret. De qua
 forma Episcoporum quoque orta est distinctio,
 & magna ordinatione prouisum, ne omnes sibi
 omnia vendicarent, sed essent in singulis provin-
 ciis singuli, quorum inter fratres haberetur pri-
 ma sententia, & per quos ad vnam beati Petri
 sedem vniuersalis Ecclesiae cura conflueret, &
 nihil vsquam à suo capite dissideret. Qui ergo
 scit se quibusdam praepositum, non moleste ferre
 debet aliquem sibi esse praelatum: sed obedientiam
 quam exigit, etiam ipse dependat. quam Rotha-
 dus à suis exigere magis, quam sacris regulis sa-
 tegit dependere, cum etiam sancti Angeli in coe-
 lo legantur suis potioribus obedire: & ideo ad
 hoc peruenit ut deici promeruerit, quem per

plures annos & beneficiis impensis, & monitis atq. obsecrationibus, per me & per Coepiscopos, ac per quoscunque familiares potui, ad obediendum sacris regulis commonere curavi. Multotiens etiam & per litteras Metropolitanas, & ex Apostolica sedis auctoritate minas ei inculcare curavi, & ex lectione Catholicorum quam graviter offendeat ei ostendere studui, ad quæ responderebat, quia nihil aliud facere sciebam, nisi ei meos libellos tota die ostendere. Vnde à multis & frequentissimè redargutus fui, cur incorrigibilem, & ministerio sacro inutilem tandiu scilicet contra Dei voluntatem, & sacram auctoritatem portare. Ego verò quamvis sapissimè & regem, & Coepiscopos ac vicinos suos, & etiam me multo sæpius, quasi ex studio ad iracundiam provocare satageret, licet non posset, sciens periculosissimum esse in sacerdote perturbatam & precipitem iram, precipitemque proferre sententiam, & persecutionum supplere sollicitudinem dissimilitudines morum, contumacias inobedientium, & malignarum tela linguarum, diu illum non sine timore de periculo animarum sibi commissarum portavi, & cum amplius portare non debui, ad plurimorum Episcoporum concilium, ut vel eos audiret, deduxi: quorum non audire consilium, sed aduersum me po-

stulare iudicium maluit. Ad cuius petitionem ut ei satisfacerem, ut vel sic erubesceret, & à cœpta se stultitia reuocaret, iudicio me deuinxi. Velut iam vestrae sanctitati plenius alius litteris intimaui, & replicare me pro vestra auctoritatis satisfactione cogit necessitas; ut cognoscatis quoniam nihil in eum egi animo inimico sed zelo diuino, quantum in conscientia mea perspicere valeo. Sed & domino regi, ac Episcopis regni eius, & quamplurimis tam Ecclesiasticis quam secularibus viris, hæc sunt nota quæ dico. Post depositionem autem illius, obtinui ut vnam Abbatiam valde bonam ei dominus rex & Episcopi consentirent, & omnes nos illi sicut patri de nostris impendiis seruiremus: quatenus qui in deliciis vitam semper perduxerat, non frangeretur: tantum ut seditiosus & molestus Ecclesiæ, cui præfuerat, esse non decertaret. Quod primum quidem acquieuit. sed ut dicunt qui hoc se scire testantur, quidem Episcoporum regni Lotharij zelo amaro contra nos ducti, quia illorum consiliis de Vvaldrada non acquieuimus: & etiam aliqui de Germania, ut quidam dicunt, ad Ludouici sui regis suasionem, quoniam cum eo non feci sicut Rothadus in fratris sui de regno expulsiōe, persuaserunt eidem Rothado, ut non se a seditione mouenda concrederet, & ipsi apud vos obti-

nerent, ut restitueretur. Nunc autem, sicut iussistis, ad vestram praesentiam & dispositionem illum perducere apud Dominum nostrum regem filium vestrum obtinuimus, credentes quia quod Domino inde placabilius erit, cordi vestro inspirare dignabitur.

De quo quia benignissima dignatio vestra mihi seruo vestro per Luidonem dignata est scribere, ut iuncto mihi integro collegio fratrum, secundum modum ibi descriptum, vestra Apostolica censura fretus, studerem illum pristino reintegrare decenter officio: sciat reuerentissima & amantissimè colenda dulcissima vestra paternitas hoc me agere nequiuisse, pro his quae continentur in subditis. Videlicet quia cum literis ad vestram auctoritatem deferendis idem Rhotadus iam commissus erat eis, qui ad vestram praesentiam illum deducerent: & mihi non erat possibile integrum fratrum collegium conuocare: quoniam, ut suprascripsi, à Dioecesi n. st. a longius erā remotus, in filij vestri regis nost. i. seruitio: & quoniam sine illorū iudicio, qui in eius depositione fuerant, & quibus in te scripsistis, restitui regulariter non valebat: & Episcopi aliarum prouinciarum per meam conuocationem in multis occupati congregari

FLODOARDI HIST.

non poterant. Sed & Coepiscopi Remorum provinciae ab ipsa synodo, in qua epistolam sanctitatis vestrae audiuimus, causa resistendi Normannis ad suas sedes festinare maturauerunt. Pauci etiam numero Episcopi, qui mecum in filij vestri regis nostri erant obsequio, cum eis benignitatis vestrae commendatione de Rothado relegi, responderunt non se scire talem vitam atque intelligentiam, taleque studium sacri ministerij in eo fuisse, ut in hoc se miscere auderent: praesertim cum is, qui antea aliquam reuerentiam de deiectione sua habebat, & semper inobediens & sacris regulis, & regiae dignitati, & metropolitano privilegio fuerat, nunc effrenatius ad multorum malum exemplum, & plurimorum beniuolentium scandalum, deservire & negligentius atque perniciosius vivere voluntatibus suis seruiens cum libertate deberet.

De eo autem quod benignitas animi vestri, pensans non belluinum, sed humanum hominis
 „ animum, scripsit dicens; Fortasse cognoscet deli-
 „ ctum suum, & sua sponte in iudicio quo iudi-
 „ catus est perseverare deliget. quod si fecerit,
 „ ipud regem Carolum dilectissimum videlicet fi-
 „ lium vestrum agendum est, ut liberalitate sua
 „ eidem congrua beneficia, quibus sufficienter cum
 „ suis sustentari ac honorifice degere possit, beni-

gno mentis largiatur affectu: sciat dignatio ve-
 stra, non illum esse huiusmodi temperatiæ. Nam
 ab eo quod cœpit nunquā potuit reuocari. Quæ
 etiam ego famulus vestræ dominationis medi-
 tatus sum cum corde meo, & conferens cum
 fidelissimo filio vestro domino meo rege glorioso,
 in hac causa providi, vestræ sapientissimæ au-
 ctoritati scribere dignum duxi. Id est, quia li-
 cet fretus vestræ auctoritatis literis per Lui-
 donem meæ exiguitati directis, quarum men-
 tionem fecistis in epistola, quam filio vestra
 domino nostro regi misistis, quasque illi relegi,
 apud eum obtinere possem, ut missis suis, qui
 Rothadum ad vestram deducendum præsentia
 susceperunt, mandaret, quatinus ab arripienda
 Romam itinere expectarent, donec opportunum
 tempus Episcopos regionum nostrarum conuo-
 candi adueniret: quia non erat ratio, ut aliis
 notificaretur, cur Rothadi transmissio tardare-
 tur, antequā Episcopis vestræ auctoritatis epi-
 stola legeretur, poterat fieri, ut qui me diuina cle-
 mentia & sua benignitate & amoris deuotionis
 colunt, & aliquid æstimant esse, cum nihil sim,
 cognoscentes meo obtentu id accidisse, in me
 scandalum paterentur, quasi contemni aut ne-
 gligi facerem vestram commendationem, quæ
 intra constitutos à vobis dies in epistola per O-

donem Episcopum missa, ad obediendum vestram accelerari fecerim quantum potui iussione. Et si quando in unum conuenirent, Episcopos, qui sciunt & me vnâ cum eis scire norunt Rhotadi negligentiam & diutinam in sacro ministerio inutilitatem, de eius restitutione alloquerer, omnes me insufflarent, & amentem penitus iudicarent. Si etiâ Rothado, vt se concederet, quod non suæ salutis intuitu faceret, beneficia nos impetraturos promitteremus, quoniam pene omnes in istis prouinciis sciunt, quia secundum Carthaginenses & Africanos canones, & decreta beati Gregorij, electorum se commisit iudicio, & amplius quàm quingenti interfuerunt diuersi ordinis viri, videntes quando calix aureus cum gemmis à caupone & tabernaria per missum regis de illius pignere sumptus, & delatus fuit in synodum, & scientes coronas argenteas à Iudæo, cui illas dederat, resumptas, & facultates Ecclesiasticas ab eo suppressas, & latenter commendatas, indeque receptas & Ecclesiæ redditas, & vascula argentea, quæ non pauci ponderis à longo tempore in Ecclesia pependunt. Sed & alia quæ sui decessores, ac prædecessores, ceterique fideles pro remedio animæ suæ eidem Ecclesiæ obrulerant, ab eo siue consensu Metropolitani ac Cœpiscoporum, & sine œconomi ac

Presbyterorum & Diaconorum suae Ecclesiae con-
 sensu pro libitu suo donata. Cum etiam beatus
 Gregorius multotiens in epistolis suis ex sacris
 canonibus scribat, quaecumque Episcopus post
 ordinationem Episcopatus adquisierit, omnia esse
 Ecclesiae in qua extitit ordinatus. Vnde constat,
 quia nec ipsa sine œconomo & conscientia cleri-
 corum illa debeat dispensare. Sed & omnes Urbis
 incolae ac populi, qui cum rege & Episcopis ad sy-
 nodum conuenerunt, & ut reuera ad spectaculū
 currentes, eum viderunt vsque ad ostium synodi
 venientem, & inde ut maniaticum redeuntem,
 quiq. sciunt quantam benignitatē regis & fratrum
 spernens, qualiter de certis capitulis, vnde sacri
 canones expressa decreuerunt iudicia, iudicatus
 lacrymantibus rege & Episcopis durior saxo re-
 cesserit; putarent nos, qui eum secundum sacros
 canones, sicut eos intelleximus, iudicauimus, &
 postea ut ipsi præcipiunt canones per Coepiscopū
 nostrum qui eidem iudicio interfuit, prius iudi-
 cium nostrum de eo referre, & nunc illud ipsum
 cum nostris litteris atque vicariis, sicut insistis,
 ad Apostolicam sedem, quae paternos canones ser-
 uandos confirmat, & confirmatos ac obseruan-
 dos sua obseruatione demonstrat, dirigere procura-
 uimus; de vestra auctoritatis iustitia & aquita-
 tis libramine dubitare, & ideo ut se concrederet

locarium ei promittere, sicque nos ut insanos
 meritò denotarent, cum etiam si fieri posset, quod
 ab illa prima & sancta sede ac summo Aposto-
 latu vestro fiendum non creditur, ut talis à vo-
 bis cognitus restitutus in ordine nominetur, nul-
 la nobis de cætero conscientia de sibi à vobis com-
 missis animabus esset periculum. Et cum omnes
 in istis regionibus sciant quàm negligens & con-
 temptor sacrorum canonum, & quandiu quam-
 que patienter atque benignè fuerit toleratus, & à
 quàm inuitis, quia se corrigere noluit, secundum
 sacras regulas, sicut eas intelleximus, fuerit iudi-
 catus, nullam habere possemus verecundiam de
 restitutione illius, si foret facta à vestri summi
 Pontificatus pietate, quia omnes senes cum iu-
 nioribus scimus, nostras Ecclesias subditas esse
 Romanæ Ecclesiæ, & nos Episcopos in primatu
 beati Petri subiectos esse Romano Pontifici, &
 ob id salva fide, quæ in Ecclesia semper viguit,
 & Domino cooperante florebit, nobis est vestræ
 Apostolicæ auctoritati obediendū. Nobis quippe
 cum aliis quibusque scriptum est; quia Iesus
 erat subditus parentibus suis, nobisque item
 » scriptum est, Obedite præpositis vestris, & subia-
 » cete eis, & nihil per contentionem, neque per ina-
 » nem gloriam, & si quis vult contentiosus esse,
 » nos talem consuetudinem non habemus, neque

*Ecclesia Dei. Propterea locutus cum fidelissima
 filio vestro, dono meo rege glorioso, illi replicavi,
 quod saepe inculcavi, quodque libentissime acce-
 pit & adimplere cupit, quia sicut Domini est
 terra & plenitudo eius, orbis terrarum & uni-
 uersi qui habitant in eo, & ipsius est regnum,
 & cui voluerit dabit illud: ita ipse supra fun-
 damentum Apostolicæ petrae suam fundauit Ec-
 clesiam, quam & ante passionem, & post re-
 surrectionem suam speciali cura & singulari
 priuilegio beato Petro, & in illo suis commisit
 vicarius: cuius sedem suæque sedis Pontificæ qui
 honorat, illum honorat qui dixit: Qui accipit si-
 quem misero, me accipit; & ab ipso honorabitur
 dicente: Honorantes me honorificabo, & qui cõte-
 nunt me erunt ignobiles. Idcirco quia multi sciunt,
 qualiter se Rothadi reclamatio habeat, & quidam
 inde aliter dicunt, & omnes generaliter sciunt, quo-
 niam vestra auctoritas illum cum nostris vicariis
 ad suum præcepit destinari iudicium, dignum &
 iustum est, ut quemcunque Episcopum Roma-
 nus Pontifex ad se Romam venire mandaue-
 rit, si infirmitas vel grauior quaecumque neces-
 sitas vel impossibilitas, sicut sacri præfigunt ca-
 nones, eum non detinuerit, ad illum venire stu-
 deat; multo magis etiam is, quem pro tali que-
 rela ad se quocumque modo clamantem præsen-*

tia suæ indicat exhibendum. Et quicumque viderit vel audierit, quod Rex & Episcopi Apostolicæ sedis summum Pontificem promptè obaudiunt, & honorant, promptius & humilioris eis subiecti sui obedient. Nam ut beatus Gregorius dicit, sicut languente capite subiecta membra in cassum vigent: ita gloria & honore coronato, id est, honorificato ac decorato capite, subiecta membra eius honore ac decore fulgebunt. & Rothado in nullo poterat melius satisfieri, quam si ad vestram pergeret præsentiam, & ei tantorum subscriptionibus Episcoporum, qui Deo & vobis mentiri nolunt, & allegationibus tot vicariorum eorundem Episcoporum, fuerit illum bonam causam nequaquam habere ostensum. Quamobrem sibiipsi, & non vobis reputare debebit, quia sine bona causa se & multos alios fatigavit. Unde illum vestra discretissima pietas, quæ compassionem proximo, & rectitudine dicere vitium novit, suis Apostolicis litteris sufficienter præmonuit: quique inter alias secordias tantæ duritiæ esse dinoscitur, ut cum multotiens sine ullo respectu timoris vel amoris diuini, & absque ulla humana verecundia, per tot annos & in tantis causis, totiens sacris canonibus, & decretis sanctæ sedis Romanæ Pontificum, & suæ Metropolis privilegio, ac syna-

dalibus iudiciis resultauerit, & per tantos annos tantisperque toleratus à sua stultitia se reuocare contempserit, à rege & Episcopis multipliciter obsecratus in hoc adduci potuit, ut sacris canonibus & decretis sanctæ sedis Romanæ Pontificum, & secundum ea suæ Metropolitæ privilegio de cætero se obediturum subscriberet, quoniam sine horum obseruatione nemo nostrum potest esse Episcopus, & sic pace fraterna in omnibus potiretur. Postea autem sua sponte in libello suæ professionis, per quem ad electorum iudicium prouocauit, hæc se obseruasse impudenter, quia scientibus cunctis mendaciter, synodo misit, & sic ad iudicium prouocauit, quæ se seruaturum ne iudicaretur, subscribere detrectauit. Quod ideo, sicut postea nobis dixerunt qui ab ipso audierunt, subscribere noluit, quod & nos percepimus, ne vinceretur: sed si in nostra Rex & Episcopi permaneremus sententia, Romam iret antequam vinceretur, & quando illuc veniret, his per vestram iussione, cum à vobis foret nobis nolentibus absolutus, subscriberet: non intelligens, immo intelligere non valens (excæcauit enim eum malitia sua) vestram auctoritatem sapientissimè intelligere, quare Dominus de cælo alloquens Paulum & dicenti, Quid me iubes Domine facere? non

omnia quæ agenda illi erant exposuit, sed ad Ananiam, a quo agenda auditurus & accepturus erat, illum direxit. Sic & Angelus Cornelium, postquam illum exauditum esse denuntiavit, ad Petri doctrinam atque obedientiam misit. Quem licet ante baptismum sancto, ut ita dicamus, spiritu baptizatum, beatus Petrus illius baptismo, qui baptizat in Spiritu sancto, & in quo credentium corda fide purificantur, baptizari præcepit. Vnde facta quæstione contra eum etiam à minoribus suis tamen fidelibus, cur ad gentes intraverit, isdem Apostolorum princeps summorum gratia donorum repletus, & innumerabilium miraculorum potestate suffultus, querelæ non ex potestate, sed ex ratione respondit, causamq. per ordinem ea mansuetudine exposuit, qua humilitate præfato Cornelio se adorare volenti dixit, Vide ne feceris:

» nam & ego ipse homo sum, sicut & tu. Si enim
 » in querela fidei, ut Gregorius dicit, aliquid de
 » sua potestate diceret, profectò doctor mansue-
 » tudinis non fuisset. Humili ergo eos ratione pla-
 » cavit, atque in causa reprehensionis suæ humili-
 » terrationem reddidit, & etiam testes adhibuit,
 » dicens: Venerunt autem mecum & sex fratres
 » isti. Cuius humilem auctoritatem, & mansuetis-
 » simam potestatem, & rectissimam prædica-

tionem dicentis : Non dominantes in clero, sed
 forma facti gregi : secutus beatus Gelasius in de-
 cretis suis ad omnes Episcopos de institutis Ec-
 clesiasticis dicit : Cúmque nobis contra salutarium
 reuerentiã regularum cupiamus temerè nihil li-
 cere, & cum sedes Apostolica super his omni-
 bus, fauente Domino, quæ paternis canonibus
 sunt præfixa, pio, deuotóque studeat tenere pro-
 posito : satis indignum est, quenquam vel Ponti-
 ficum, vel ordinum subsequentiũ, obseruantiam
 hanc refutare, quam beati Petri sedem, & sequi
 videat & docere : satisque conueniens sit, ut cor-
 pus Ecclesiæ in hac sibi met obseruatione con-
 cordet, quam illic vigere conspiciet, vbi Do-
 minus Ecclesiæ totius posuit principatum. De
 Barnaba quoque & Saulo dicente veraciter,
 Paulus Apostolus non ab hominibus, neque per
 hominem, sed per Iesum Christum & Dominũ
 patrem. Qui postquam diutius fructi sunt Apo-
 stolorum consortio, non ipsis Apostolis, sed iux-
 ta fidem sacræ historiæ ministrantibus Domino
 Prophetis & Doctoribus, qui erant Antiochiæ,
 dixit Spiritus sanctus : Separate mihi Barnabam
 & Saulum in opus ministerij, ad quod assumpsi
 eos. Tunc ieiunantes & orantes, imponentesque
 eis manus, dimiserunt illos. & ipsi quidem missi
 à Spiritu sancto abierunt vocati Apostoli, &

in sequenti anno, id est xiiij. post passionem Domini, licet qui operatus est Petro in Apostolatuum circumcisionis, operatus sit & Paulo inter gentes, tamen iuxta condictum Iacobi, Cephæ, & Ioannis gentium magisterium vna cum Barnaba Paulus accepit. Idem quoque Paulus apud Corinthios negligentibus rectoribus de incestuoso scripsit: Congregatis vobis, & meo spiritu, tradidi huiusmodi in interitum carnis Satanae, ut spiritus saluus sit in die Domini. Ipsi enim Corinthiorum rectores illum tradiderunt in interitum carnis Satanae; & Paulus cognito eius opere, sua auctoritate cum illis, & comperta eius poenitentia, ipsi eum restituerunt, & Paulus sua auctoritate cum illis, Cui, inquit, aliquid donastis, & ego nam & ego si quid donavi, propter vos in persona Christi. Hinc beatus Gregorius, A bono, inquit, vestro non dissentio. meum sit quod ipsi fecistis. Cui velut si dicere praesumamus, quare ita cautè discipulis te copulas? quare vel te illorum, vel illos tuis actionibus tam sollicita mente discipulorum confirmas? ut non circumveniamur, inquit, à Satana. non enim ignoramus cogitationes eius, id est, ne hoc quod bene mens inerat ipse in malitiæ finem vertat. Et Innocentius: Hæc ad Corinthios Apostolica est declarata benignitas, ut in vno spiritu ductam ac reductam sententiam

tiam boni semper indifferenter sequantur, & Leo ex Apostolo: Nemo quod suū est querat: sed quod alterius, & unusquisque proximo suo placeat in bono ad edificationem. Non enim poterit unitatis nostrae firma esse compago, nisi nos ad inseparabilem soliditatem vinculum caritatis adstrinxerit: quoniam sicut in vno corpore multa membra habemus; omnia autem membra non eundē actum habent: ita multi vnum corpus sumus in Christo: singuli autem alterius membra. Connexio totius corporis vnam sanitatem, vnam pulchritudinem facit. & haec quidem connexio totius corporis vnanimitatem requirit: sed praecipue exigit concordiam sacerdotum. quibus si ordo est generalis, non tamen communis est dignitas omnibus. Haec autem seruata altiori intelligentia circa supra dictos sunt acta, & à praedictis docta, vt cognoscatur, qualiter minores potioribus debeant obedire, & potiores minoribus providere, & ordo à Deo dispositus ab omnibus & in omnibus valeat conseruari. Vnde summus Ecclesiae pastor docet: Si quis ministrat, tanquam ex virtute quam administrat Deus, vt in omnibus honorificetur Deus, qui seruis suis commisit negotia sua, & vnicuique secundum propriam virtutem. sicut & de Spiritu sancto scriptum est, qui dona diuidit singulis prout vult.

Et hinc iuxta Sardicēse concilium summus primus & sanctæ sedis Romana Pontifex, pro examinis renouatione ad se reclamantis & confugientis cum sua clamoratione deiecti provincialis Episcopi, non statim singularitate priuilegij & auctoritatis suæ restituit: sed remittens eum ad prouinciam, Vbi causa patrata fuerat, & in qua iuxta Carthaginenses canones, & iura legis Romanæ, causa potest diligenter inquiri, & quòd nō sit difficile testes producere, Veritas inueniri, aut finitimis Episcopis dignatur scribere, aut è latere suo mittit, qui habentes eius auctoritatem præsentibus cum Episcopis iudicent, & diligenter causam inquisitam diffiniant; aut dignatur credere Episcopos sufficere, Vt negotio terminum possint imponere. & Innocentius, si quæ causæ vel contentiones inter clericos tam superioris ordinis quàm etiam inferioris fuerint exortæ, cōgregatis secundum synodum Nicanam eiusdem prouinciæ Episcopis iurgium præcipit terminari. Et Bonifacius de Maximo scribit, Vt ad prouinciam venire cogatur, & illic se constituto præsentare iudicio, & quidquid de illo duxerint prouinciæ Episcopi decernendum, cum ad eum relatum foret, sua firmaretur auctoritate: quatenus, Vt idem ad Hilarium scribit, Metropolitani sui Vnaquæque prouincia in omnibus rebus ordina-

tionem semper expectet, sicut scriptum est in Nicæano Concilio, ut sicut apud Alexandriam, quia ceteræ Urbis Romæ Episcopo parilis mos est, similiter ceteræ apud Antiochiam, ceterasque provincias, suis privilegia seruentur Ecclesiis. Vnde bene placuit annis singulis per vnamquamque provinciam bis in anno concilia celebrari, ut communiter omnibus simul Episcopis congregatis provinciae, discutiantur huiusmodi quæstiones. Et hæc dico, non quod absit præiudicans summæ sedis Apostolicæ, & sancti Apostolatus vestri in aliquo potestatem, cui in omnibus sum, sicut rectum est, obedire paratus: sed quia summam auctoritatem vestram obsequium præstare me puto, cum ea quæ sentio, aut ad probationem, aut ad correctionem humiliter sapientiæ vestri magisterij pando, & Rothadi mores vobis intimare procuro, ne mea negligentia, qui eos novi, vos lateant, quatinus certius quod vobis placuerit de illo vestra auctoritas decernere valeat. Quem si nunc in depositione iudicium vestrum manere decreuerit, scimus de benignitate & modestia ac pietate filij vestri domini nostri regis Caroli, quoniam quidquid de illo præfato filio vestro præceperitis, & rationabiliter poterit adimplere, sine ulla retractatione obediet. Sed & Coepiscopi nostri de Ecclesiarum suarum stipendiis a-

bundantissimè illi impendent. Mea etiam exi-
 guitas; sicut nunquam ad retributionem mali
 propter contemptus & contumelias ab illo mihi
 illatas peruenire volui: ita quicquid benignitatis
 potero, libentissimè abundantius etiam, quam vn-
 quam fecerim, impendere procurabo. Si verò
 sine vlla satisfactione tam diutini contemptus
 sacrorum canonum, & sedis Apostolicæ decre-
 torum, ac suæ Metropolis privilegij, atque sy-
 nodalium iudiciorum, quibus nec obedire, nec
 se obediturum de cætero profiteri vel subscri-
 bere voluit, & absque professione, vel sub-
 scriptione suæ correctionis & obedientiæ, co-
 ram fratribus suis, quorum multotiens regularia
 spreuerat monita, cum inde pluraliter in Leonis
 & Gregorij epistolis relegatur. Si etiam, vt illa
 præcreamus, quæ ob sacerdotij verecundiam &
 opprobrium secularium, sequentes Africanum
 concilium, nec ad notionem in synodum dedu-
 ci permisimus, parui pensis & sine aliqua cor-
 rectione dimissis eis capitulis auctoritati vestræ
 sub fidei ad stipulatione directis, pro quibus fue-
 rat iudicatus ab Episcopis, ad quorum iudicium
 prouocauerat, secundum expressa sacrorum ca-
 nonum & Apostolicæ sedis decreta, Celestino
 dicente: Quæ enim à nobis res digna seruabitur,
 si decretalium norma constitutorum pro aliquo-

rum libitu licentia populus permissa frangatur: me vestrae pietati placuerit illum restituere, ut primae sedis & matris ac magistrae omnium Ecclesiarum Pontificis, cunctorumq. Episcoporum patris atque magistri regulare iudicium ferre conuenit, a quo animo feram. Credo tamen diligentissimam discretionem vestram prouisuram contemptum ac contumaciam subiectorum erga praelatos suos, & libertatem impune delinquendi contra canones sacros, quae hinc in nostris regionibus poterunt, ut quibusdam videtur, noxias vires accipere: praesertim cum sapientissime auctoritati vestrae constet esse notissimum, demonstrare Sardicense concilium in septimo suo capitulo, qualiter deiectioni & ad se clamantis Episcopi restitutionis vel in depositione permansionis executio cum indemnitate simpliciter iudicantium ab Apostolica sede debeat celebrari. Quod & Innocentius, & Bonifacius, verum Leo in decretis, & Gregorius euidentius in epistolis suis demonstrant, Carthaginensis Concilij, immo Apostolicae sedis, quae in suis eidem praesedit vicarius, decreta sequentes: videlicet ut a quibuscumque iudicibus Ecclesiasticis ad alios indices Ecclesiasticos, ubi est maior auctoritas, fuerit prouocatum, non eis obsit, quorum fuerit soluta sententia, si conuinci non potuerint, vel inimico

animo iudicasse, vel aliqua cupiditate aut gratia deprauati, vnde nobis & conscientia perhibet testimonium, & omnibus qui interfuerunt notum factum fuisse dinoscitur, quoniam illum seruare quam iudicare maluimus, si pro sacrorum canonum neglectu eorum iudicio, per quos Spiritu sancto inspirante promulgati sunt, cum eo quem corrigere nequibamus damnari pariter non time-remus. & idcirco nullo inimico animo, nulla cupiditate aut gratia deprauati, flētes illius incorrigibilem secordiam & irreuocabilem pertinaciā, regularia in eum iudicia executi sumus, quæ ab eo suspendere diutius non præsumpsimus. vestra etiam sapiens & summa auctoritas in decernēdo attendet Apostolum docentem, quia quorundam peccata præcedentia sunt ad iudicium, quorundam etiam & subsequuntur. Quæ sicut beata exponit Ambrosius, ac si posita in bilance, in iudicio sunt examinanda, vtrum bona opera amplius pensando remuneranda præcedant, & mala facta minima misericorditer dimittenda demonstrent, an malè facta amplius pensando præcedant, vt mereantur damnationis iudicium, & bona paucula suffocent: quia & nos pro modulo nostro non solum vtilitatem, verum & noxietatem in Rothado cum factis suis pensauimus; & velut ficulneam infructuosam, ter-

ram rationalem diutius inutiliter occupantem,
 & etiam post pluratempora, pluresq. admonitio-
 nes, quasi cophinos pinguedinis sibi appositos
 non recipientem, sed sterilem permanentem, non
 sine dolore cordis succidendum providimus. Et
 cum hæc ita se habeant, absque dubitatione con-
 fido, quia illud, quod in præfato Carthaginensis
 concilij capitulo sine ulla interpellatione subse-
 quitur, decretum vestri moderaminis nequaquã
 præteriret: Sanè, inquit, si ex consensu partium
 electi fuerint iudices, etiam à pauciore numero,
 quàm constitutum est, non liceat provocari. Qui
 numerus constitutus in xij. superiori capitulo de-
 monstratus, & consensus partium expetitus, in
 diiudicatione Rothadi constat fuisse completus.
 Quorum & si iudicium pro quacunque causa
 fortè rationabiliore, & adhuc nobis incognita,
 vestræ summæ auctoritati, quam multa nobis
 occulta non transeunt, placuerit refragari; quia
 meum est in mea vobis obediendo cõmittere, &
 non iudicia vestra discutere, sustinebo, & con-
 tra vestram restitutionem regularem, si fortè in
 eo agenda visa fuerit (in qua vestra disponet au-
 thoritas, qualiter isdem victor, ut solet, & vo-
 tri compos quæ sunt Episcopi de reliquo faciat) nõ
 recalcitrabo; ducens pro magno, si à diutinis &
 multis molestiis, quas ab illo & pro illo passus

sum, iam tandem aliquando Valeam respirare,
 & nunquam mihi contingat Vltcrius contra
 illius inquietudines inutiliter laborare. Et quod
 non solum ab Ecclesiasticis personis, Verum &
 multo magis etiam a secularibus nostra iudicia
 contemnuntur, & pro nihilo ducuntur, dicen-
 tibus eis, & ad medium deuocantibus illa,
 quæ mihi Vestre auctoritati non sunt adscri-
 benda, Vt non animum dulcedinis Vestre in ali-
 quo moueam, quod summopere cauere desidero.
 Si qui in prouincia nostra, quorum querela illo
 restituto ad vos Valeat peruenire, de maioribus
 causis de cætero quædam cõmiserint, sicut de qui-
 busdã rebus frequentius quàm in istis retroactis
 temporibus committuntur, ne adeo damner si-
 lentio, eos commonere studebo, & si corrigere
 se voluerint congaudebo. sin autem: ad vestrũ
 eos iudicium prouocabo. Qui si ire voluerint,
 Vestra sancta sapientia quid inde melius vi-
 derit, decernere procurabit. Si autem ire nolue-
 rint; facient quod sibi Vtile iudicauerint. Me
 Vtinam hinc à diuina damnatione sententia
 25 sancti Ambrosii liberet, qua dicit: Si, inquit,
 30 quis potestatem non habet quem scit reum abi-
 35 cere, aut probare non valet, immunis est. Sic-
 que Vt puto, quia in multis occupatus, & iti-
 neris longitudine atque insoliditate obstrictus

de omnibus, antequam insolentium querela ad vos perueniat, ad Apostolicam sedem referre non valeo, infirmitate grauatus, & gratias Deo termino iam vicinus, potero praeuere ne à quocumque sanctitatis vestrae animus erga me moueatur, ut aliqua mihi excommunicatio intetetur. Et licet nouerim secundum Apostoli euangelium, redditurum Dominum unicuique secundum opera eius, testimonium reddente illis conscientia, & inter se inuicem cogitationum accusantium aut etiam defendentium in die qua iudicabit occulta hominum, & ut Leo dicit: Si quid per seruitutem nostram, videlicet sacerdotalet, bono ordine & gratulando impletur affectum non ambigamus per Spiritum sanctum nobis fuisse donatum; & quod secus fuerit, ratum esse non poterit: modis omnibus, quantum ipse donauerit, à quo est omne datum optimum, & omne donum perfectum, providere studebo, ne à communionem sedis Apostolicae, quod absit, quolibet modo extorrem me. Ultimus dies, qui mihi incertus est, & subito venire potest, inueniat. Erit enim, quamvis tardius quam necesse sit, quoniam ego grauis peccator, graui carcere corporis diu inclusus teneor, merito in multis afflicto, providentissimo Domino providente, & tempus & persona in Remorum

Ecclesia, quando & in qua ab Apostolica auctoritate priuilegium integratum sibi ex antiqua consuetudine collatum & conseruatum habebitur: quæ nunquam excepto Romano Pontifice primatem habuit, nisi quandiu eiecto sine ullo crimine ab ea suo pontifice Rigoberto violentia tyranni Milonis, tempore Caroli principis pastore vacans, Bonifacio Apostolicæ sedis legato aliquandiu, sicut & Ecclesia Treuerensis, commissa fuit. inter quas Remensem scilicet & Treuerensem Ecclesiã (has enim duas tantum prouincias Belgica regio habet) hæc semper distinctio fuit, sicut in Ecclesiasticis monumentis inuenimus, & vetustissimam consuetudinẽ semper obtinuissẽ comperimus, ut isdem Episcopus non loci, sed dignitate ordinis prior secundum sacras regulas haberetur, qui foret in qualibet istarum Ecclesiarum Metropoli antea ordinatus. Mihi verò necesse erit, me taliter gerere, ne totiens auctoritatis vestræ epistolas excommunicationes intentantes & obiurgationes, quas raro & magna necessitate fiedas in Apostolicorum virorum litteris legimus, ferentes de reliquo accipiam, sicut istis tẽporibus, peccatis meis merentibus, frequẽter accepi. Quod si sanctitati vestræ placuerit, non vobis opus agere in postmodum erit, donec Apostolica vestra iussio me

inobedientem in aliquo contra regulas sacras per contemptum, quod absit, inuenerit. Qui enim quare Dominus in Euangelio Centurionis fidem dicentis, Dic verbo & sanabitur puer meus, intelligit, quam operatorium sit Episcopi, immo sicut in Paulo in se loquentis Christi, quanto magis Pontificis Apostolicae sedis Verbum, & quam obedienda sit ipsius praecipio, etiam sine ulla admirationis adiectione, cognoscit. Quod & scientibus inculcare, & nescientibus intimare sapientibus, & insipientibus debitores debemus Episcopi: quibus si de reliquo Verba iniquorum praeualuerint aduersum nos, sicut iactitant proferentes, non erit necesse de prouincialibus synodis, in quibus haecenus laborauimus, magnopere laborare: quippe quoniam erit & lex, & spes sibi quisque. Quod quidem Vestra humilitati meae scripsit sublimitas, primo vos commotos esse ad Rothadi causam inquirendam cura, qua pro vniuersis fratribus vestris constringimini, cum debita reuerentia gratanter accepi, intelligens quia in numero fratrum nos qualescumque Metropolitanis computari debemus. Ea propter sicut Vestrae discretionis prouidendum est, ne subiecti Episcopi a Metropolitanis irregulariter condemnentur, ita nihilominus prouidendum est, ut Metropolitanis a subdi-

tis suis Episcopis non irregulariter cōtemnantur.
 Deinde quod perspectissimè scripsistis secundo,
 quoniam sedem Apostolicam Rothadus noscitur
 appellasse, & ne videamini Ecclesiæ vestræ pri-
 vilegiarum detrimenta diebus vestris equanimi-
 ter tolerare, & hoc nihilominus à nobis, & ab
 omnibus est rectissimè suscipiendum, & soler-
 tissimè conservandum. Quod & ego pro mo-
 dula meo servandum esse volui, & volo, &
 fauente Domino in hac deuotione manebo, sciens
 priuilegium Metropolitane sedis Remorum,
 cui me diuina dignatio seruire disposuit, in sum-
 mo priuilegio sanctæ sedis Romanæ manere, &
 priuilegiū esse sedis Romanæ, si sua auctoritate
 priuilegium sibi subiectæ sedis fecerit vigere, &
 studuerit cōfirmare. De eo verò quod tertio loco
 ad mediū deuocastis, scribere aliud nihil præsum-
 psi, nisi quia causa Rothadi à causis illorum, de
 quib. scripsistis, est pene in cunctis dissimilis. De
 eo quod tandē Apostolica vestra benignitas in-
 dignitati meæ scribere est dignata, ut hæc vo-
 biscum cogitem, & quod de Rothado decernitis
 approbem, & non ad mei iniuriam id vos egis-
 se aliquantulum autumem; quantum valeo to-
 tis medullis cordis, cum omni supplicatione &
 debita ac submissa humilitate, immensas gra-
 tiarum actiones sancto Apostolatus vestro re-
 pendo; cum omni sinceritate animi rescribens,

quia sicut mihi scribere dignati estis, ita per omnia credo. & quia privilegium vestri summi Pontificatus, ut condecet & omnes desideramus, euindicatum habetis; quod nemo nostrum cōtradixerat in deductione Rothadi sicuti praecepistis ad vestram praesentiam, ut perdonare dignati estis, videre desidero, & visurum me esse confido, quia non aliud nisi ut supra monstraui, quod regulae sacrae praecipunt, & mihi petendum, & vobis concedendum est. Postulo videlicet, ut sic Rothado ab auctoritate vestra compassio exhibeatur, ut vigor Ecclesiasticus non dissoluatur. & sic vigor Ecclesiasticus conseruetur, ut debita misericordia & necessaria sufficientia ei non denegetur: quatinus nec ipsius exemplo ad excedendum alij prouocentur, ne quibus in istis regionib. longius ab Apostolica sede remotis cēsurā Ecclesiasticae moderatio est commissa, hinc quod absit conspiciant, vnde aut negligentia, aut dissolutione tepescant, vel terminos quos statuerunt patres transgrediendi materiem se sumere posse dicant. quos sicut intelleximus nos haecenus seruasse putamus. Vos videbitis quid inde facto melius erit, & nobis in iudicio vestro videndum est quid Deus velit: quoniam iniusta esse non poterunt diuina iudicia, quae a soliditate confessionis Aposto-

lice petre, aduersus quam inferi porta, id est, suggestiones vel operationes prauæ non praualebunt, dictante iustitia proferentur. Epistolam quam mihi auctoritas vestra cum obtestatione præcepit Rothado dirigere, dominus noster rex, filius vester, mox vt ad eum venit, per abbatem suum Rothado direxit.

Rodulfus quoque, eiusdem filij vestri domini nostri regis auunculus, iij. Idus nunc elapsi mensis Decembris à Ludouico Germaniæ rege reuertens, cum valde vesperi à corte regis nostri ad mansiones nostras super fluium Ligerim, secus confinium regni Aquitaniæ festinarem, misit ad me hominem suum nomine Rodulfum, mandans quia præfatus rex Ludouicus quendam hominem Rhotadi, cum epistolis vestre sanctitatis, manui & fidei suæ commisit, quatinus ita ad præsentiam domini nostri regis Caroli cum eisdem Episcopis eum perduceret, vt nullum malū ei inferret. Est enim apud domnū nostrum regem idem homo accusatus, quod fraudatus sit res & thesaurum Ecclesiæ, & post periurium inde commissum fuga lapsus ad Ludouicū regem perrexerit. Vnde idem Rodulfus petiit, vt ego illum inde apud domnū nostrū regem adiuuarem, vt quoniam prædictum hominē in sua fide acceperat, nullum malū haberet. Cui

respondi, ut teneret ipsum hominem secum, ne interim ullum malum pateretur, donec ad cor-
tem redirem, & quantum possem inde illum ad-
iuuare curarem. Ipsum autem hominem nec tunc,
nec postea vidi, nec quò abscesserit cum Episco-
pis, audiui. Quæ idcirco sanctitati vestrae scribere
studui, ut si aliquis maliuolorum nostrorum
more suo vobis quiddam sinistri ex hoc suggerere
voluerit, quid inde verum sit cognoscatis, &
erga me vestrum animum non moueatis. Ra-
tionem deniq. quam reddidi coram electis iudi-
cibus, de quibus per libellum prouocationis ad
electorum iudicium fueram à Rothado impeti-
tus, ipsi venerabiles Episcopi vestrae auctorita-
ti transmittunt. De gestis verò à Rothado post
excommunicationem suam in prouinciali synodo
compilatis, quæ per vicinos nostros ad vos in
derogationem nostram peruenisse audiuius,
Episcopi Remorum prouinciæ per communes
Legatos nostros vestrae sanctitati quæ sciant
intimare curarunt. Item post aliquanta de
promotione ipsius Domni Hincmari ad
Episcopatum, quæ iam superius partim
prænotata non curauimus hîc iteranda.
Denique præfato Ebone defuncto, Ecclesia, sed
& parochia nostra, secundum consuetudinem
quam ex antiquo habuit etiam de his Epi-

scopis qui in Episcopatu vsq. ad obitū in eadem Ecclesia non permāserunt, ipsius nomen inter sacrosancta mysteria in Episcoporum catalogo recitare pietatis gratia cœpit, & hætenus facit. Quod ego, ne scandalizare deuotos, quasi inuidēs saluti fraternæ, maximè autem quiescentis in Domino animæ, qui non pro exorbitatione à Catholicæ fidei sanitate anathematus, sed sua conscientia stimulante primum à seipso, & postea à synodo, sed & Apostolica sede damnatus extitit, hoc prohibere sine Apostolicæ sedis auctoritate nequaquam præsumpsi. Dicente beato Cælestino Papa, quia nefas est hæc pati religiosas animas, quarum afflictione, qui membra nostra sunt, nos quoque conuenit macerari. Nunc autem in epistolis sanctitatis vestræ, quas Engelvinus diaconus nobis attulit, inuenimus ut Teotgaudium & Guntarium in catalogo Episcoporum non recipiamus, & Antiochenum Concilium, ut præmiserimus, & melius ipsi scitis, de eo qui post damnationem iuxta præcedentem consuetudinem Episcopale præsumit ministerium, quod Ebonem fecisse non dubium est, rescribere mihi dignetur Apostolica vestra auctoritas, utrum eundem Ebonem inter Episcopos in sacris dypticis in Ecclesia nostra nominare permittam, an ne de cætero in Episcoporum catalogo

catalogo nominetur prohibere debeam : quatenus vestra auctoritate fultus, quid in nostra Ecclesia inde sit observandum, sine ambiguitate decernentibus vobis demonstrarem.

De quodam Gothescalco schismatico.

Cap. XIII.

CAETERUM Luido mihi dixit, quod cum eo rationem de damnatione & reclusionem Gothescalci habuissetis. Vnde quoniam per alios iam audieram, ad sanctitatem vestram verba venisse, nisi auctoritati vestrae quaedam ex verbis & Catholicorum sensibus in rotula: qualiter contra ipsius pestiferi hominis sensum sentiam, per Odonem Episcopum, & nihil inde responsionis accipere merui. De quo nihilominus ut redderem rationem, quidam Episcopi, quorum nihil de illo intererat, quoniam nec eos, ut ipsi manifestis iudiciis prodiderunt, ad hoc caritas commovebat, nec auctoritas deducebat, me ad conciliabulum nuper Metis habitum, quod vocari synodum vetuistis, sicut intelligo, irregulariter quarto die antequam congregaretur, cum ego longius quam lxxx. & idem Gothescalius plusquam centum milibus ab ipsa civitate disparati essemus, nihil me inde ante prae-monitum per quendam laicum hominem literis vocauerunt. Et nunc ideo breuiter de eo sanctitati vestrae

suggero, quoniam antequam ad Episcopatus ordinem peruenirem, sicut Abbas suus & Monachi, inter quos fuerat conuersatus, ei testimonium perhibent, in Metropolis Ecclesie Remorum monasterio, in Sueffonica parochia, quod Orbacus dicitur, habitu monachus, mente ferinus, quietis impatiens, & vocum nouitate delectans, ac inter suos mobilitate noxia singularis, de omnibus quæ in his regionibus peruersè tunc temporis sensa cognouerat, quædam sibi elegit capitula, ut nouitate vocum innotesci valeret, utque simplicium & deuotorum sensus pervertere, & magistri nomen usurpando post se discipulos trahere, illisque qui ad sua vota auribus prurientes magistros sibi coaceruare decertant, querere indebitè, quoniam legitime non poterat, simulatione vitæ religiosæ & doctrina præesse. Quique à Remorū Chorepiscopo, qui tunc erat, contra regulas presbyter ordinatus, a monasterio irregulariter exiēs, peragratis regionibus plurimis, & exitiosa semina sator pessimus seminans, tandem in Magontina ciuitate habitæ synodo, & Rabano Archiepiscopo libellum sui erroris porrigens, damnatus ab omnibus Germaniæ Episcopis, cum litteris synodalibus ad Metropolim Remorum, cui iā auctore Domino prætexeam, est remissus. Postea autem a Belgicæ Remorum, ac Galliarum pro-

uinciarum Episcopis auditus, & inuentus hæreticus, quia resipisci à sua prauitate non voluit, ne aliis noceret, qui sibi prodesse nolebat, iudicio præfatarum prouinciarum Episcoporum, in nostra parochia, quoniam Rothadus, de cuius parochia erat illi nesciebat, resistere, & nouitates animas timebatur à nobis ne disceret praua sentire qui noluit discere recta docere: ne ve idē Gothescalcus cum aliis communem vitam ducens errori suo faceret esse communes, monasteriali custodiae mancipatus est, docente Apostolo, hæreticum hominē post primam & secundam correptionem deuota, sciens subuersum esse huiusmodi, & proprio iudicio condemnatum. Qui vt Leo Papa de Eutyche dicit, cum videret insipientiæ suæ sensum Catholicis aurib. displicere, reuocare se à sua opinione debuerat, nec ita Ecclesiæ præfules commouere, vt damnationis sententiam mereretur excipere: quam utique si in suo sensu voluerit permanere, nullus poterit relaxare. A qua damnatione si voluisset ad sensum Catholicum resipiscere, paratus semper fui & sum, quoniam sic venerabiles iudicauerunt Episcopi, eum in Catholicæ Ecclesiæ communionem recipere, sicut ei iubeo quæ sunt corpori necessaria ministrare. Si autem vestra Catholica sapientia vult scire, quæ contra Catholicam fidem ex veteri hæresi predestinatio-

na, quæ primum in Africa, postea in Galliis per
idem tempus, quando & Nestoriana heresis, est
exorta, & tempore Celestini Papæ, ipsius aucto-
ritate, & instantia sancti Prosperi est reuicta,
dicere videatur, de multis pauca vobis numero,
sed non pondere capitulatum significamus. Dicit,
quod & veteres prædestinatiani dixerunt, quo-
niã sicut Deus quosdam ad vitam æternam, ita
quosdam prædestinauit ad mortem æternam. Di-
cit, quod & veteres prædestinatiani dixerunt,
quoniam non vult Deus omnes homines saluos
fieri, sed tantum eos qui saluantur; omnes autem
saluari quoscumque ipse saluare voluerit, ac per
hoc quicumque non saluantur, penitus non esse
voluntatis illius, vt saluentur: quoniam si non
omnes saluantur, quos vult Deus saluos fieri, non
omnia quaecumque voluit fecit, & si vult quod
non potest, non omnipotens sed infirmus est. est
autem omnipotens, qui fecit quodcumque voluit,
dicente scriptura: Omnia quaecumque voluit
Dominus fecit in cælo & in terra, in mare & in
omnib. abyssis. & item: In voluntate tua Domi-
ne cuncta sunt posita, & non est qui possit resiste-
re tuæ voluntati; si decreueris saluare nos, con-
tinuò liberabimur. Dicit, quod & veteres præde-
stinatiani dixerunt, quod non pro totius mundi
redemptione, id est non pro omnium hominum

salute & redemptione Dominus & saluator
 noster Iesus Christus sit crucifixus & mor-
 tuus, sed tantum pro his qui saluantur. Dicit
 quoquomodo dispari traditione, sed pari erro-
 re, quod & veteres praedestinationi dixe-
 runt, exponens sententiam Apostoli Petri,
 eum qui emit eos Dominum negantes. Baptismi, ce-
 inquit, sacramento eos emit, non tamen pro eis ce-
 crucem subiit, neque mortem pertulit, neque san- ce-
 guinem fudit. Quod autem baptismi perce- ce-
 ptio redemptio nuncupatur, Doctor gentium ce-
 manifestè fatetur: Nolite contristare, inquit, spi- ce-
 ritum sanctum Dei, in quo signati estis in die re- ce-
 demptionis. At illa, quæ propria & specialis est ce-
 solorum omnium electorum, quam eis tantum- ce-
 modo crucifixus impertinuit pius redemptor ip- ce-
 sorum, sicut à præteritis, ita nimirum à præsen- ce-
 tibus, natos & nascituros, viuos & mortuos, ce-
 videlicet omnes pariter electos redemit, eruit, ab- ce-
 luitq. peccatis. Ipsi prorsus, ipsi sunt mundus, pro ce-
 quo passus est Dominus, ut ipse dixit: Panis quem ce-
 ego dedero, caro mea est pro mundi vita. Et item ce-
 alibi idē Gothescalcus scribit. Absit procul à me, ce-
 ut vel illud solummodo velim somnare, ne dum ce-
 semel susurrare, ut vllum eorum perpetualiter se- ce-
 cum periturum antiquus rapere valeat anguis, ce-
 pro quibus redimendis tam pretiosus Deo patri ce-

» Domini nostri filij sui, fusus est sanguis. Amen.
 » Et item loquens ad Deum: Claret itaque satis ap-
 » pertè quod nullus tibi perit, quisquis redem-
 » tus est per sanguinem crucis tuæ. Quod prædesti-
 natiani veteres non dixerunt, iste ut audaciùs ita
 Et perniciosius dicit, deitatem sanctæ Trinita-
 tis trinam esse. Sunt Et alia, quæ ipse Et alij plu-
 res in istis partibus dicunt, quæ nobis sanæ fidei
 aduersari videntur: quæ dum per alium quàm per
 vilitatem meæ personæ auctoritas vestra cogno-
 uerit, forte attendet solertiùs, Et quæ inde tenen-
 da sunt docere studebit quantocius. Erit enim in
 proximo inde necessitas: quia Et si eorum corda
 in insania peruersi sensus ebulliunt, orthodoxi ta-
 men regis nostri tempore praua, quæ sentiunt, elo-
 qui non præsumunt. Ita ut apertè videamus im-
 pleri, quod scriptum est: congregans sicut in vtre
 aquas maris. Aqua enim maris sicut in vtre cõ-
 gregata est: quia amara hæreticorum scientia
 quidquid hodie in isto regno filij vestri domni
 Caroli prauum sentit, in pectore comprimit, Et
 apertè dicere non præsumit. Meam quoque exi-
 guitatem Et occultè canino dente corrodunt.
 facile autem adiuvante Domino portare valebo,
 quia Et mihi paucum superest temporis spatium,
 Et si inter filios Ecclesiæ permittente Deo, in me
 acceperint potestatem corporaliter affligedi, diuina

gratia adiuvante exercebunt patientiam. Sed & si tantummodo malè sentiendo aduersabuntur, exercebunt quantulamcumque scientiam: & ut etiam inimici secundum præceptū Domini diligantur, exercebunt beniuolentiam. Præfatum autem Gothescalcum, si vestra auctoritas mihi scripserit, ut eum à custodia soluam, & aut ad vos eundi, ut per vos eius doctrinam experiamini, aut ad quemcumque ex nomine designatum pergendi licentiam donem: quia ut melius ipsi scitis, sicut absolute quisque regulariter ordinari nō valet; ita nisi ex ipsius consensu, cuius esse dinoscitur, certæ personæ commendandus, & ad certum locum monachus, vel quisque sub regula constitutus, à loco suo absolui iuxta regulas sacras non valet; vestris iussionibus nullo modo resultabo. Tantum ut auctoritatem vestram habeam, ne tantorum Episcoporum iudicium mea præsumptione parui pendere videar. Non enim illius delector, quam iustè sustinet pertinaciter contumax, quantulamcumque reclusionis molestiam: sed doleo à qua reuocari non potest perfidia. Quem si cuiusq. cōmendandum vestra auctoritas viderit, hoc in commendatione etiam providebit, ut cui commendabitur Catholicus sit & gravitatem Ecclesiasticam, & vigorem, ac scripturarum scientiam habeat: quia non solum

scripturas ad suum sensum violenter inflexas, sed & Catholicorum dicta detruncata per totum diem sine respiratione aliqua praeualet memoriter decantare. Vnde non solum idiotas in admirationem sui abducere, verum & sciolos & incautos atque Zelum Dei, sed non secundum scientiam, habentes in sententiā suam solitus erat traducere. & non solum doctorū suorum doctor videri appetit, sed & hoc solerter satis intendit, ut secum loquentes vel in sermone capere valeat: & si de Veritate non poterit, inuincibiliter sacramentis affirmare curabit, ea secum loquentes dixisse, quæ fortè non dixerant, ut ipse verax, & illi qui ei contradicunt probentur esse mendaces, & aduersus suam doctrinam docentes.

De libris, quos ipse Praesul Hincmarus composuit. Cap. XV.

Scriptit etiam praefato Papæ Nicolao fidei suæ depromendo tenorē, & suam contra praenotati Gothescalci errorem, quam fidei Catholicæ dependere satagebat, defensionem. Scripsit praeterea multa: Librum quòq. collectum ex orthodoxorum dictis patrum ad filios Ecclesiae suae, quod diuinæ Trinitatis deitas tri-

na non sit dicenda, cùm sit ipsius summae Trinitatis vnitas, ad refellendas præmemorati Gothescalci blasphemias. Item ad Carolum regem super hac eadem re librum vnum. Scripsit & ad eundem regem Carolum opus quoddam egregium metricè, de gratia & prædestinatione Dei; de sacramentis quoque corporis & sanguinis Christi, & de videndo Deo, atque origine animæ; simul ac de fide sanctæ Trinitatis. quod opus appellauit Ferculum Salomonis. Item collegit atque composuit volumen ingens plures continens libros, de prædestinatione Dei & libero arbitrio contra quosdam reprehensores suos Episcopos, maximèque contra Gothescalcum, atq. Ratramnum monachũ Corbeiensem, ad eundem Carolum regem: cui talem præfert epistolã.

DOMINO GLORIOSO REGI

Carolo, Hincmarus nomine non merito Remorum Episcopus ac plebis Dei famulus vna cum collegis domnis & fratribus meis Venerandis Episcopis, oratoribus scilicet salutis atque prosperitatis vestræ deuotis.

DEO GRATIAS agimus, qui

cor vestrum ad amorem suum accedit, & ad cognitionem veritatis & orthodoxæ fidei scientiam & diligentiam igniuit: prudentiam quoque & intelligentiam vobis in litteris diuinitus inspiratis donauit, & in earum meditatione atque exercitatione, quantum vobis pro rei publicæ negotiis licet, studium vestræ deuotionis quotidiano augmento ad vtilitatem sanctæ suæ Ecclesiæ prouehit. Ceterum capitula synodalia venerabilium confacerdotum nostrorum, trium scilicet provinciarum, sicut ibidem continetur, & inferius scriptum inuenietur, vobis delata, quæ nostræ humilitati iuxta scripturam præcipientem: Interroga sacerdotes legem meam, quia & fidei legem esse legimus, præcedentium regum more, ob studium cognoscendæ veritatis, legenda & vtilitanda dedistis, reuoluimus. In quibus nos, licet nomina nostra sint tacita, designatione tamen effectus velut non Catholicos reprehensos, & sine fraternitatis respectu despectos reperimus. Capitula quoque, quæ ob notam vobis, & infra innotescendam necessitatem, ex Catholicorum patrum sensibus & verbis excerpsumus, velut inutilia, immo noxia, repulsa & abominata inuenimus. Quæ capitula, sicut à nobis excerpta sunt, suis scriptis inserere noluerunt, ne ab illis legerentur, in quorum manus illorum capitula deuenirent:

sed quædam de his, quæ in capitulis à nobis excerptis habentur, alio sensu; & aliis verbis tegerunt, ut abominanda illa monstrarent: quædam autem suppresserunt, & taliter inde memoriam habuerunt, quasi nos contra sanctorum patrum sensa in Africana, & Arausica synodo, senserimus. De quodam autem capitulo, id est, quod omnes homines vult Deus saluos fieri, licet non omnes saluentur, funditus tacuerunt, sicut post modum signatiùs demonstrabimus; cum Dominus dicat: Ecce constitui te super gentes & regna, ut euellas & destruas, & disperdas, & dissipes, & ædifices, & plates. Priùs enim, si de consciëntia rectæ intelligentiæ fuere confisi, ponentes ea quæ destruere nitebantur, sicut illa cum integritate sua acceperant, in quibus euellenda & dissipanda erant, legentibus demonstrare, & tunc illis per auctoritatē destructis atque dispersis, sua rationabiliter & ordinabiliter plantare debuerāt, ac in sublime ædificantes extollere. De quodam etiam capitulo, quasi ludificatio aliqua in sacris mysteriis esse possit, ita scripserunt, ut legētes hoc à nobis dictum fuisse intelligere possint, de quo nihil à nobis est memoratum: & quare nihil à nobis inde sit dictum, & in cuius scriptis à nobis, postea quàm illa capitula scripsimus, sit inuentum, suo loco dicemus. Inseruerunt etiam in eisdem

suis scriptis de quibusdam xvi. capitulis, quasi nobis debeant imputari, de quibus nihil audimus, vel vidimus, antequam venerabilis Ebo Gratianopolitanus Episcopus vobis ea, quasi à bonæ memoriæ fratre vestro Lothario transmissa, apud Vermeriam palatium detulit. Quorum capitulorum autorem nec ibi annotatum inuenimus, nec cum multū quæsierimus, inuenire valuimus. Vnde putauimus quia alicuius inuidia ad cuiusquam opinionem infamandam fuerint compilata, sicut sæpe legimus. Vt de multis pauca commemoremus, veluti epistola capitulorum extitit, quam venerabilis Ibas Episcopus suam esse in synodo denegauit, & sicut quidam æmuli de verbis beati Augustini adhuc in sua vita fecerunt, quæ ille argutè & Catholice repulit, quantum ad illius notitiam exinde peruenit. Post eius etiam obitum, quidam inuidi capitulatim de ipsius scriptis, ex his etiam vnde nunc agitur, colligere curauerunt, vt illius doctrinam orthodoxam atque vtilissimam ob personæ illius inuidiæ vilifacere præualerèt, & lectores deuotos ab illius dilectione ac lectione & necessaria credulitate auerterent. quæ videlicet æmulorum mendacia ex delegatione sanctæ sedis Romanæ per Cælestinum Papam sanctus Prosper Catholico & prudenti stylo falsa esse &

imprudenter obiecta ostendit, & memorati ac
 memorandi viri doctrinam orthodoxā esse luci-
 diſſimè demonſtrauit. Vnde & fieri poteſt, vt
 iſta capitula, quæ vobis ex nomine confratrum
 noſtrorū ab aliis quā ab illis delata vel tranſmiſſa
 ſunt, taliter in ſugillatione noſtra cōſcripta non
 fuerint, ſed inſtigante diabolo inter cætera mala,
 quæ nunc in hoc mundo crebeſcūt, ad immittendā
 inter Domini ſacerdotes diſcordiā ſint conſecta,
 qui caritatē vehemēter in nobis & timet & in-
 uidet, cū videt illam à nobis ſeruari hominib.
 terrenis in terra; quam ille ſeruare nolens An-
 gelicus ſpiritus amiſit in cælo. Quomodo enim
 fieri poſſet, vt ſic fratres noſtri nos ſuccenſo-
 riè cum adnihilationis deſpectu iudicarent, qui
 regulam Dominicam qualiter confratrem quiſ-
 que admonere debeat, continuè præ oculis & in
 uſu quotidie habeant? Scriptum enim eſſe co-
 gnoſcunt: Priuſquam interroges, ne vituperes
 quēquam, & cū interrogaueris, corripe iuſtè.
 Sanctus enim Auguſtinus hæreticorum & re-
 prehenſorum ſuorum ſcripta, ſi in eis quiddam
 bene dictum inuenit, benigniſſimè acceptauit,
 & plura ad rectos ſenſus interpretari elabora-
 uit. nulla autem de recto ſenſu ad prauum in-
 clinare tentauit. & quomodo fratres noſtri talia
 agerent, antequam nos ſecundum Euangelicam

regulam vel viua voce, vel scriptis suis inde interrogarent, ut vel volentes discere docerent, vel prauum sentientes, & ad tramitem veritatis & fidei redire contemnentes, fraternè & sæpius commonerent, & auctoritates diuinas & sanctorum patrum scripta nobis proponerent, & ut in vnum conueniremus nos cum mansuetudine & lenitate inuitarent? scientes quia Episcopus ideo ad synodum consacerdotum debet venire, ut aut discat aut doceat. Litteras namque quorundam eorum quidam nostrum benignas & fraternas suscepimus, nostrasque illis remisimus; & nihil tale de eorum parte perspeximus, audiuimus, intelleximus, sensimus, vel percipere præualuimus. Si autem talia scripserunt, si forte illi scripserunt, ut suam sapientiam de nostra insipientia demonstrarent, & plus de iactantia laudis appetitum quærerent, quam bona nostra & bene a nobis dicta, si forent, per caritatem sua facerent: si etiam secus à nobis dicta inuenerunt, plus illa publicare, quam nos fraternè corrigere maluerunt: miramur de tantis & talibus viris, Archiepiscopis & Episcoporum primoribus. maxime autem de Ebone, qui religiosus est, ut audiuimus: quippe sicut ab ipsis pæne cunabulis sub religione & habitu regulari nutritus in Remensis Ecclesiæ

monasterio, ubi requiescit sanctus Remigius.
 In quo loco religioso suam exegit aetatem, quo-
 usque à domino Ebone auunculo suo, tunc Remo-
 rum Archiepiscopo, ibidem diaconus consecra-
 tus, & Abbas monachorum ad regularem or-
 dinem tenendum & gubernandum constitutio-
 ne Episcopali est ordinatus. Quemque ita hu-
 militatis tenore nutritum & humilitatis locum
 appetere, & tenere velle dicimus, ut illi &
 omnibus scriptum est: Si spiritus potestatem
 habentis ascenderit super te, locum tuum ne
 dimiseris. Spiritus enim potestatem habentis
 spiritus est superbia, locus autem noster est hu-
 militas, quam à se verè locus munitus & tur-
 ris fortitudinis nos discere iubet: Discite à
 me, inquit, quia mitis sum & humilis corde.
 quàmque pro loco tuto contra elationis ac ia-
 ctantiae spiritum praefatum religiosum virum
 obnixè tenere velle audiuimus, & pro certo cre-
 dimus. & idcirco discredimus ista capitula ab
 eo confecta: quia praetermissis aliorum consa-
 cerdotum nominibus, solius Ebonis nomen cum
 Archiepiscopis est ibidem iactanter, ut quibus-
 dam videtur, expressum. Et quod quam maxi-
 mè in hoc ipse collaborauerit, quasi è regione
 sit sensum, ut etiam cum Archiepiscopis ma-
 ior ceteris & doctior in sententia fuerit. Hoc

enim de sancto Augustino qui in Conciliis Africanis scientia & labore ac vigilantia maior extitit, nequaquam inuenimus. Nam & ipse sanctus Augustinus non solum se ceteris Coepiscopis priuatam gloriam quarens non prætulit, nec præferri permisit: verum se aliis supposuit, cum ipse plus aliis laborauerit, sicut in epistolis ad sanctum Innocentium Papam scriptis, & ad alios Apostolicæ sedis Præsules, qui legere voluerit inuenire valebit. Neque de ullo Episcoporum in nullis conciliis taliter legimus: nisi forte Apostolicæ litteræ propter euentem causam aliquem Coepiscoporum ad hoc negotiū cum Archiepiscopo suo ex nomine designari decreuerint, sicut de Augustudunensi Episcopo in epistolis beati Gregorij legimus. quanto magis iste religiosus & vir cautus in huiusmodi se efferre noluiſſet, aut præferri despectis ac prætermiſſis ceteris Coepiscopis permisisset? Huc accedit, quia fratres nostri & consacerdotes surda aure non debuissent transire Salomonis dictum commonitorum, si ex nobis aut auditu aut scripto quiddam sinistri secretò accepiſſent, ut præproperè illud in publicum quacumq. mobilitate nostra moti, vnde non sumus conscij, ad contentiones & iurgia propalarent. Ait enim: Quæ viderunt oculi tui ne proferas in iur-

gio citò , ne postea emendare non possis , cū
 dehonestaueris amicū tuum. Scimus tamen quia
 sunt nonnulli, qui dum plus sapere quā oportet
 sapere student, a proximorum pace resiliunt,
 dum eos velut hebetes stultosque contemnunt.
 Vnde per se Veritas admonet dicens: habete in
 vobis sal, & pacem habete inter vos. Vt quis
 quis habere sal sapientiæ studet, curet necesse
 est, quatinus a pace concordie nunquam rece-
 dat. Vnde terribiliter Paulus admonet dicens:
 Pacem sequimini cum omnibus, & sanctimo-
 niam, sine qua nemo videbit Deum. Præcipue
 autem nos eam seruare & persequi, id est, per-
 fectè sequi debemus, qui Deo quotidie sacrifi-
 care debemus, & Veritate contestante specialiter
 quasi præcipimur, vt si offeramus munus no-
 strum ad altare, & ibi recordati fuerimus, quia
 frater noster habet aliquid aduersum nos, relin-
 quamus ibi munus nostrum ante altare, & ea-
 mus prius reconciliari fratri nostro, & tunc
 venientes offeramus munus nostrum. Ecce du-
 ctor & doctō noster a discordantibus non vult
 accipere sacrificium, holocaustum suscipere re-
 cusat. Hic ergo perpendendum est, quantum sit
 malum discordie, propter quod & illud non ad-
 mittitur, per quod culpa laxatur. Non enim nos
 aduersus fratres nostros habemus, si talia con-

tra nos ante collationem scripserunt. Sed credendum est si illa scripsissent, ad nos, contra quos illa scripserant, transmisissent. Nunc autem illis quomodo rescribere possumus, cum utrum illa scripserint ignoremus? Veruntamen ne sine responso nostro vestra dominatio maneat, vobis de cuius manu illa accepimus, corde, ore, & stylo, non formidantes carpentium nos derogationem respondere curamus. Primò scilicet mittentes ea quæ ab eisdem fratribus nostris in synodo conscripta fuisse leguntur, licet hinc antè alia fuisse conscripta reperiantur. Sed quia hæc in suggillationem nostram & contra excerpta à nobis capitula cōfecta noscuntur, ea primùm indicavimus ponere, quæ maioris nominis, licet non autoritatis, quia partim nō veritatis, propter tamen synodalem prætitulationem dignum duximus magnipendere. Deinde illa, quæ à pluribus & per aliorum manus de pluribus ex his causis accepimus, propter quam necessitatem ex Catholicorum patrum, ut diximus, sensibus & verbis capitula illa quatuor excerpere procuravimus, ea conditione, ut de singulorum scriptis ex singulis sententijs, quæ in a nobis excerptis capitulis continentur, quædam prout necesse viderimus ponamus. Post hæc, capitula à nobis excerpta de patrum sen-

sibus & verbis, ut illa excerpsumus, ponere procurabimus. & si divinis & authenticis scripturis, & Catholicae atque Apostolicae Ecclesiae sanctaeque Romanae sedis & orthodoxorum patrum sensibus, qui eidem sanctae matri Ecclesiae praesederunt, & qui ab eadem Apostolica sede Romana nobis in canone recipiendi dati sunt, sensum nostrum in eisdem capitulis expressum concordari demonstrare potuerimus, agere veraciter humiliter ac deuote studebimus: quia aliorum adstipulandum nostrae Catholicae intelligentiae sensum sententias recipere, nec proferre volumus: cum constet illud esse verum atque Catholicum, quod ipsa mater omnium Ecclesiarum, & vniuersalis Ecclesia duxerit ad probandum. Et si qui fuerunt appellati doctores, ad probandam fidei synceritatem illorum sententias non recipimus, neque proferimus, nisi quorum sententias ipsa Catholica mater Ecclesia decreuit esse probabiles. Si autem & aliqui emerferunt, qui doctrinalem cathedram tenuerunt, postquam ab eadem sancta sede canon sacrarum scripturarum, atque doctorum Catholicorum, fidelibus cunctis est datus, qui aliter senserunt, quam ipsi intellexerunt atque docuerunt, quos ipsa mater Catholica suo orthodoxo sinu recepit, amplectitur, atque fouet; qui

nec debemus, nec necesse habemus, ad autoritatem sententias illorum proferre aut recipere volumus, quoniam in istis & per istos satis ad salutem habemus. Et si qui aliter quam isti maturiore & saniore documento tenendum docuerunt, dogmatizant aut dogmatizare presumpserunt, totum ducimus fidei & saluti aduersum, quidquid ab eorum salubri doctrina constat esse diuersum. Eorum etiam sententias, qui diuina dignatione, postquam ipse canon à beato Gelasio conscriptus est, sensu & doctrina Catholica & sanctitate conuersationis in Ecclesia floruerunt, & ab ipsorum orthodoxorum patrum, qui in eodem canone adnotati sunt, fidei quia Catholica doctrina nihil dissonum, nihil diuersum scripserunt vel docuerunt, reuerentia pari amplectimur, veluti venerabilis Bedæ presbyteri à discipulis sancti Papæ Gregorij Catholica fide imbuti, & a sancto Theodoro Archiepiscopo, Vtriusque lingue Græcæ videlicet & Latine perito, & à sancta Romana Ecclesia ad Anglos post discipulos beati Gregorij ad eruditionem transmissio, non mediocriter instructi; ac venerandæ memoriæ Paulini Patriarchæ Aquileiensis parochiæ: atque Alcuini viri religiosi & docti. quorum fidem & doctrinam Apostolica sedes Romana non

solum benignissimè acceptavit, verum & multis laudibus extulit: sicut in scriptis ipsius sanctae sedis inuenimus, quae Ecclesiae nostrae ab eadem Ecclesiarum matre acceperunt, tempore diuinae memoriae Caroli imperatoris, quando synodus pro cognita infidelitate Felicis est habita, & ad Romanam Ecclesiam velut ad apicem Ecclesiarum transmissa. Sed & eorum scripta qui legit, quàm sint laudanda & recipienda intelligit. Denique si talium, ut diximus, sententijs concordari capitula quae excerpimus, demonstrare non potuerimus; parati sumus doctioribus & Catholicis aurem accommodare, sensum subdere, & sine contentione nos doctrinae illorum subicere. Et quia libellum de scrinio bonae memoriae fratris vestri Lotharii, sine nomine auctoris suscepimus, in quo sigillatim per loca singula capitula à nobis excerpta sunt posita, & assensu illius, quisquamque ille fuerit, reprehensa sunt & damnata. cum de Catholicorum patrum dictis nostra capitula, si poterimus, confirmare curabimus, ipsius etiam reprehensiones ponemus, & eas, quantum Dominus dederit, confutare studebimus. Tunc denum ponemus de capitulo confratrum nostrorum quinto, unde notam nobis quasi tacitè & è latere impegerunt, quod in Gothescalci scriptis inuenimus postquàm

capitula quatuor sæpè memorata excerptissimus,
 & quid inde sentiamus Domino inspirante dice-
 mus. Et sic tandè subiiciemus illa decē & sex ca-
 pitula, pro quibus de Scotorum pultibus confrat-
 res nostri, sine culpa nostra, in hac dūtaxat cau-
 sa nos pascere decreuerunt: & quid de eisdem
 capitulis sentiamus, ex Catholicorum patrum
 sensibus ostendemus.

De his quæ Carolo Regi scripsit.

Cap. XVI.

ITem aliud edidit volumen insigne ad
 eundem regem, contra præfatum Go-
 thescalcum, & cæteros prædestinatianos,
 de quo huiusmodi ad ipsum scripsit epi-
 stolam.

DOMINO CAROLO REGI
 glorioso, Hincmarus nomine non merito Re-
 morum Episcopus, ac plebis Dei famulus,
 Una cum collegis domnis fratribus meis ve-
 nerandis Episcopis, oratoribus scilicet salutis
 atque prosperitatis vestræ deuotis.

N V P E R elapso mense Iunio, per indi-
 ctionem septimam, anno incarnationis domini-

cæ octingentesimo quinquagesimo nono, dedistis
 nobis quædam capitula, sicut nostræ dixistis hu-
 militati, à Remigio reuerentissimo Lugdunensi
 Archiepiscopo vestra porrecta sublimitati: in-
 bentes ut tempore congruo de his vobis redde-
 remus responsum, si vnanimes vno ore eorum-
 dem capitulorum sensu concordaremus, an quia
 vobis a sana patrum fide in quibusdam dissentire
 videbatur, noster sensus quem à Catholico tra-
 mite non deniare credebatis, ab eis in aliquo dis-
 sideret, sequentes & præcepti Domnici iussione,
 & Christianam prædecessorum vestrorum con-
 suetudinem. Est enim & diuinis legibus cautum,
 & prisco antiquorum principum more suetum,
 ut quotienscumque in Catholica fide vel diuina
 religione quiddam noui emerferit, à principali
 sententia Episcoporum consultiui referatur, &
 quod eorum iudicio, scripturarum sanctarum aucto-
 ritate, & orthodoxorum magistrorum doctrina, at-
 que secundum auctoritatem canonicam & decreta
 Pontificum Romanorum Christi Dei nostri vi-
 carij, & sanctæ eius Ecclesiæ Præsules, credendum
 sequendum & tenendum, atque prædicandum
 decreuerint, id ab omnibus corde credatur ad iu-
 stitiam, ore autem confiteatur ad salutem, se-
 quatur ad vocationem, teneatur ad coronam, præ-
 dicetur ad lucrum. Quæ siquidem capitula in con-

nentur Episcoporum habito in territorio Tullensi,
 in villa quæ dicitur Saponarias, ante biduum
 quam vobis porrecta fuerint, sunt recitata, pro-
 ferente & deponente ea synodo domino Remigio
 Lugdunensium Archiepiscopo: quæ sicut dixit
 & in epigrammate eorundem capitulorum con-
 tinetur, in hoc ipso anno in Kalendis nihilomi-
 nus ibidem descriptis, & in suburbio Lingonica
 Urbis ad instructionem Dominici populi ipse &
 sibi comprouinciales Episcopi ediderunt: & in
 crastina alia quedam capitula, de quibus post lo-
 cuturi sumus, relecta fuere, super quibus sicut
 quibusdam ex fratribus visum est, quorundam
 sensus est motus. Nam ut verè & nos fateamur,
 nostræ consuetudinis super pridem capitulis, quæ ut di-
 ximus Remigius Archiep. synodo præsetauerat,
 recitatis, Catholicorum ad memoriam reducentes
 doctorum traditiones, non modicè se concusserunt.
 Unde nostrorum quidam, fidei Christianæ zelo
 succensi, aliqua synodo voluere suggerere: sed mo-
 tus nostri ab eodem venerabili Archiepiscopo
 Remigio Lugdunensium sunt modeste compo-
 siti; eo venerabiliter perorante, ut si quorun-
 dam nostrorum sensus ab eisdem prolatis capitu-
 lis, in aliquo dissentiendo se commoueret, ad pro-
 ximè futuram synodum Catholicorum libros do-
 ctorum quique deferre curaremus, & sicut me-

lius secundum Catholicam & Apostolicam do-
 ctrinam in commune inuenerimus, de cætero
 omnes vnanimiter teneamus. In cuius deuotione
 Coepiscoporumque ipsius Dioeceseos, quorum
 etiam & ante ordinationem mentem Catholi-
 cam atque doctrinam, sicut & vos non latet,
 cognouimus, quantum sensui pusillitatis nostræ
 fidem accommodare audemus, percepimus quia
 non ex ipsis, vt non dicamus per ipsos, synodo
 capitula ipsa fuere prolata. Quapropter blando
 quamuis sibilo eos quidam charaxare voluerunt
 de eo quod sanctus Cœlestinus Episcopus Galli-
 canos redarguit dicens: Quid illic, inquit, spei est
 vbi magistris tacentibus hi loquuntur, qui si ita
 est eorum, discipuli non fuerunt. timeo ne cōmit-
 tere sit hoc tacere, timeo ne magis ipsi loquantur
 qui permittunt illis taliter loqui. In talibus causis
 suspicione non caret taciturnitas, quia occurre-
 ret veritas, si falsitas displiceret. Merito namque
 caussa nos respicit, si silentio faueamus errori.
 Nos tamen plures, qui eorum fidem & doctri-
 nam & prudentiam nouimus, minus in eis ista
 noscentibus sententiam pro dissensione baptismi
 de beato Cypriano à sancto Augustino collau-
 datam sæpenumero in libro secundo de baptismo
 positā proposuimus. Quomodo enim, inquit, po-

tuit ista res tantis altercationum nebulis inuoluta ad plenarij concilij luculentam illustrationem, confirmationemque perducere, nisi primò diutius per orbis terrarum regiones, multis hinc atque hinc disputationibus & collationibus Episcoporum pertractata constaret. Hoc autem facit sanitas pacis, ut cum diutius aliqua obscuriora queruntur, & propter inueniendi difficultatem diuersas pariunt in fraterna disceptatione sententias, donec ad verum liquidum perueniatur, vinculum permaneat vnitatis, ne in parte præcisa remaneat insanabile vulnus erroris. Et ideo plerumque doctioribus minus aliquid reuelatur, ut eorum patiens & humilis caritas, in qua fructus maior est, comprobetur, vel quomodo teneant vnitatem, cum in rebus obscurioribus diuersa sentiunt, vel quomodo accipiant veritatem, cum contra id quod sentiebant declaratum esse cognoscunt. Sciebant namque iidem venerabiles Catholici & docti viri, quia in multis regionibus ac prouinciis hæc pestifera erat recemota doctrina, & ideo silentium in suis prouinciis imponere tam facile, sicut forte poterant, noluerunt errori, donec ad plurimorum notitiam peruenta plurimorum iudicio questio sopiretur. quia, ut dicit sanctus Cælestinus in

epistola ad Nestorium directa, omnes debent
 nosse quod agitur, quotiens causa omnium tra-
 ctatur. Vnde licet, ut cum omnium in vnius
 propositione fuerit diffinita consultatio, cuncto-
 rum valeat ad omnes emanari solutio. Hac ea-
 dem namque capitula, sicut facile reminisci po-
 testis, ante triennium nobis in Villa Rothoma-
 gensis episcopij, quæ Nelpha dicitur, quando in
 excubiis contra Normannorū infestationem de-
 gebamus, sub titulo quasi in Valetiana synodo cō-
 scripta fuerint, anno incarnationis Dominicæ
 octingentesimo quinquagesimo quinto, sub Lo-
 thario imperatore dedistis, ut ad illa quæ nobis
 viderentur Catholicè ex orthodoxorum magi-
 sterio responderemus, cum aliis quorumcumque
 scriptis, quæ hinc ad vestram notitiam pervenire.
 Quorum quedam scripta recepimus, sed ea publi-
 care nolumus, solliciti servare vnitatem spiritus
 in vinculo pacis, donec cum eis, qui vobis illa trās-
 miserant, familiari colloqueremur sermone, &
 eos si aliquo modo valeremus ab hac prava in-
 tentione ad Catholicæ fidei vnitatem cooperante
 Domino reuocaremus. Sed quia partim occupa-
 tionib. præpediti, partim autem in fraternis sua-
 sionibus minus quàm necesse fuerat obauditi, eos
 quos monere disposuimus à sua intentione reuo-
 care nequimus. Vnde quia sicut dicit Aposto-

lus, Quorundam hominum peccata manifesta sunt, & quæ aliter se habent abscondi non possunt: adeo quorundam excreuit dissensio, ut hæc dissonantia ad vestram perueniret notitiam, & synodali decreto pro zelo fidei, & vnanimitatis amore, antequam hæc nobis perscrutanda committeretis, quatuor capitula Episcopali diffinitione vobis de Catholicorum patrum dictis colligi, & singulorum exigeretis manibus roborari. Postea verò & quorundam ex his qui eisdem capitulis subscripserant, & aliorum etiam in tantum est accumulata vecordia, ut necesse foret & iussionis vestre instantia & executionis nostræ obediētia, hinc eorū quos præmisimus scriptis & propositionib. literali officio respondere. Inter quæ & his capitulis quæ nobis nuper dedistis, pro nostri ingenioli capacitate sub dubietate tamen respondimus. quia non credidimus ut fratres & Coepiscopi nostri contra regulas Ecclesiasticas aduersum nos talia debuissent conscribere: præsertim cum non ignorarent Dominicis institutionibus & legibus promulgatis præfixum esse, qualiter si in sepefatis capitulis fidei obloqueremur, nos compellare, & tunc synodali iudicio nos, nostrasque sententias à sua debuissent coniunctione explodere. Nunc verò quia certi sumus, cuius compositioni debemus de sepe nominatis.

quaestionibus respondere, seruatis relationum ab-
 solutionibus contra eos quibus à vestra domi-
 natione pro imposito nobis ministerio iussi su-
 mus reddere rationem, contra hæc tantum ca-
 pitula quantum ex nobis est cum omnibus pa-
 cem habentes, ex sanctarum scripturarum au-
 thoritate, & Catholicorum patrum sententiis
 simpliciter respondere curabimus, vt cui forte
 omnia illa legere non liquerit, vel non libue-
 rit, hic compendiosas pro tempore capitulorum
 responsiones inueniat, quas furatis horulis à di-
 uersis occupationum distensionibus qui cogitatio-
 num ferias non habemus, sicut de sententiis san-
 ctorum patrum accepimus, ne torpore vel ino-
 bedientia à vestra denotaremur Christiana de-
 uotione, committere schedulis tumultuario sermo-
 ne studuimus, quoniam in præfatis relationibus,
 prouocati multiplicib. multiplicium illationibus,
 multipliciter multiplicibusque collationibus non
 sine, sicut scimus & confitemur, lectoris tædio,
 sensu, sed tamen Catholico, in tribus libris lacinio-
 so sermone respondere satagemus. Sed in hoc ma-
 xime benigno lectori nos satisfacere autumamus,
 quia singularum singulas semper ponentes senten-
 tias, singulariter ad obiecta & resistentia fidei
 respondere studuimus, & vel in hoc sola deuotū,
 quemque lectorem nobis conciliari confidimus,

quia cū ex sua mente nostrum laborem per-
penderit , nos apud se excusatos habebit. Quis
Verò sit istorum capitulorum compositor , cui
quasi à nouo cogimur respondere, ipse se prodet
cū necessariū vigebitur ad lucem veritatis ve-
nire. quia operator tenebroforum operum , inter
quæ ab Apostolo & hæreses describuntur , odit
lucem , & non venit ad lucem vt non arguan-
tur opera eius. omnis Verò qui bona agit , inter
quæ bona ab Apostolo , & fides connumeratur,
venit ad lucem, vt manifestentur opera eius, quia
in Deo sunt facta. Sed & ille quicumque est , si
ad lucem venerit, & veritati ex corde consen-
serit, esse filius lucis poterit. Si autem & perti-
naciter contradixerit veritati , ipse in infideli-
tate sua & contentionis suæ recordia hæretici
sibi nomen imponet. quia non statim hæreticum,
quòd ignoranter à fide sentitur diuersum, si non
fiat pertinaci contentione hæreticum.

De Synodo sex prouinciarum Gallie apud
Trecas habita. Cap. XVII.

ANno denique Dominicæ incarna-
tionis octingentesimo sexagesimo
septimo synodus prouinciarum Remen-
sium, Rothomagensium, Turonensium,

Senonum, Burdegalensium, atque Bituricensium, apud Trecas viij. Kalend. Nouembris conuenit. Vbi quidam Episcopi, vt affolet, gratia regis Caroli Vulfado fauentes, quædam contra veritatem, & Canonum sacram auctoritatem aduersus Hincmarû moliri cœperunt. Sed isdem Hincmarus eorum molitionibus ratione & auctoritate obuians, plurimorum sententia præualente, rerum gestarum ordinem, de quibus agebatur, communi consensu epistola scriptum per Actardû venerabilem Nannetensem Episcopum Papæ Nicolao Episcopi, qui conuenerât, trāsmiserunt. Cuius epistolæ tenor idem extitit, qui fuit in epistola Hincmari Remorum Episcopi, quam per clericos suos sub peregrinorum habitu, propter contrariorum vitandas insidias, præcedente Iulio mense Romam miserat. Epistolam autem in præscripta synodo factam, & Archiepiscoporum qui conuenerant sigillis signatam, Actardus perferendam suscipiens, cum quibusdam Episcopis ad Carolû, sicut ipse præceperat, rediit. Carolus autem immemor fidelitatis atque laborum, quos pro eius honore & regni

obtentu saepesactus Hincmarus per plures annos subierat, eandem epistolam ab Actardo sibi dari exegit, & Archiepiscoporum sigilla confringens gesta synodi relegit; & quia sicut voluerat in eadem synodo Hincmarus non extitit confutatus, epistolam suo nomine ad Nicolaum Papam dictari in contrarietatem Hincmari fecit, quam & bulla sui nominis sigillauit, & cum epistola synodali per ipsum Actardum Romam direxit. Præfati autem Hincmari clerici in mense Augusto Romam venientes, Nicolaum Papam iam valde infirmatum, & in contentione, quam contra Imperatores Græcorum Michaëlem & Basilium, sed & contra Orientales Episcopos habebat, magnopere laborantem inuenerunt. quapropter usque ad mensem Octobrium ibidem sunt immorati. Nicolaus verò Papa gratanter suscipiens quæ Hincmarus ei scripserat, de omnibus sibi satisfactum esse rescripsit. Sed & alteram epistolam eidem & cæteris Archiepiscopis & Episcopis in regno Caroli constitutis transmisit, innotescens præfatos Græcorum imperatores, sed & Orientales Episcopos calumniari sanctam

sanctam Romanam Ecclesiā, immo omnem Ecclesiam quæ Latina utitur lingua, quia ieiunamus in sabbatis, quòd Spiritū sanctum ex patre filioque procedere dicimus, quia presbyteros fortiri coniuges prohibemus, & quoniā eosdem presbyteros chrismate linire baptizatorum frōtes inhihemus: dicentes ipsi Græci, quòd chrisma ex aqua fluminis Latini conficiamus: reprehendētes nos Latinos quod octo hebdomadibus ante Pascha à carniū, & septem hebdomadibus à casei & ouorum esu more suo non cessamus. dicentes etiam, quòd in Pascha more Iudæorum super altare pariter cum Dominico corpore agnum benedicamus & offeramus: succensentes etiam nos, quia clerici apud nos barbas suas radunt, & dicentes quia Diaconus non suscepto presbyteratus officio apud nos Episcopus ordinatur. De quibus omnibus per singulas prouincias à Metropolitanis cum eorum Coepiscopis sibi rescribi præcepit, alloquens eundem Hincmarū in epistolæ fine hoc modo: *Tua, inquit, Hincmare caritas cum hanc epistolā legerit, mox ut etiā ad alios Archiepiscopos, qui in regno filij nostri Caroli*

gloriosi regis consistunt, deferatur summopere agere studeat, & ut de his singuli in Diocesibus propriis vnâ cum suffraganeis suis in cuiuscumque regno sint constituti, cōueniēter tractare, & nobis quæ repererint, suggerere curent, eos incitare non negligat. Ita ut eorum omnium quæ præsentis epistolæ nostræ circūstantia continet, tu & strenuus executor illic existas, & apud nos verax & prudens scriptorum tuorum serie relator inueniaris. Quam epistolam Hincmarus suscipiens, in Corbanaco palatio consistēti regi Carolo cum pluribus episcopis relegit, & ad alios Archiepiscopos, sicut in mandato acceperat, dirigere studuit. Nicolaus Papa Idibus proximè præcedentis mensis Decembris obiit. Cui Adrianus Papa electione clericorum, & consensu Ludouici imperatoris in Pontificatu successit. quem Actardus Romanam veniēs cum supra scriptis epistolis in Apostolica sede iam ordinatum inuenit.

Item de præfato Rege Carolo Cap. XVIII.

Scripsit præmemoratus domnus Hincmarus ad eundem regem Carolum libellum, ex sacris scripturis & Catholicorum dictis collectum, ac trifor-
mi digestionem distinctum, scilicet de persona regis & regio ministerio in causa rei publicæ, & quæ debeat esse discretio in misericordia, & de ultione specialiū personarum : quem conclusit in capitulis xxxiii. Scripsit etiam ad præfatum regem instructionem vtilissimam, de cauendis vitiis & de exercendis virtutibus; mittens ei pariter epistolam beati Gregorij ad Recaredum Vvisigotorum regem. Item scripsit ad eundem regem collectionem quandā multarum auctoritatum de Ecclesiis & Capellis, contra dispositionem Prudentij Treassini Episcopi. Scripsit etiam ad instructionem ipsius regis, de duodecim abusiuis, sanctorum colligens in his dicta patrum, & præteritorum constitutiones regum. Sed & de promissione sua eum admonens, quàm verbo ac scripto, antequam rex consecraretur, primatibus &

Episcopis fecerat. Scripsit quoq. multas ad ipsum regem epistolas, vt qui eiusdem Archiepiscopi de multis requirebat consilium, & per eius prudentiæ suggestionē multa industriè disponebat. Quando etiam filius suus Carlomannus clericus aduersus eum consurrexit, & ipse rex ad Viennam contra Gerardum comitem qui à se descuerat profectus erat, huic Præsuli nostro litteras suas misit, mandās vt conuocaret Episcopos regni ac laicos ipsi fideles, vt Episcopi secundum ministerium suum prohiberent Carlomanno, ne aliquod damnum in hoc regno faceret, & laici resisterent illi, ne hoc facere posset. Qua de re Engilranno, Goslino, & Adelelmo Comitibus scripsit, quærēs ab eis, immo consilium dans, quid super hac re foret illis agendum. Litteras quoque deprecatorias regi iam pro eodē Carlomanno direxerat, & pro pace inter ipsum & patrem eius laborabat: multa tamen mala & deprædationes ab ipso, eiusque complicibus patiebatur. Accedēs autem cum aliis fidelibus regis ad ipsius Carlomanni colloquium, obsides ei dedit, & accepit ab ipso, vt pax fieret in regno, &

homines ipsius Carlomanni pacificè in regno consisterent, & idem Carlomannus in uillis sancti Medardi cum paucis pacificè maneret, donec missi regis venirent, & Carlomannus cum fidelibus regis ad patrem suum pergeret, & placitum cum eo faceret, vel sanus ad suos rediret. Susceptis autē missis regis, misit literas ad Carlomannū, vt veniret eius ad colloquiū, auditurus ibi quid rex mandaret. vbi etiā fideles regis conuocauit, vt ibi quod de pace stabilire possent, agere certarent, quod & tunc quidem factum est. Sed rex eundem filium suum cum suis postea excommunicari fecit ab Episcopis totius regni, pro malis quæ relinquere nolebat: insuper & comprehensum oculis priuari iussit. Domno verò Hincmaro rex idem non solū de rebus Ecclesiasticis, sed & de populo in hostem conuocando, vt ipse hoc ageret, mandare solebat, & ipse accepto regis mandato tam Episcopos quā Comites conuocare solitus erat.

-De hoc rege Carolo in visione Bernoldi rediuiui, de qua superius aliqua iam narrauimus, talia referūtur visa. Venit in quēdam locum tenebrosū ad quem ex alia

parte luce resplendebat de vicino loco
 fatis lucidissimo, & pulcherrimè florido
 ac odorifero: ibique iacere vidit hunc re-
 gem Carolum in luto ex sanie ipsius pu-
 tredinis, & à vermibus edi, qui carnem
 ipsius omnem iam penè absumpserant,
 & non apparebat in corpore ipsius aliud,
 nisi nerui & ossa. Qui vocans hunc ex no-
 mine dixit, Quare me non adiuuas? Cui
 respōdit: Domne, quomodo vos possum
 adiuuare? & ille, Prende, ait illam petrā,
 quæ iuxta te est, & pone illam sub capite
 meo. quo factō, dixit ad eundem, Vade
 ad Hincmarum Episcopum, & dic ei, quia
 illius & aliorum fidelium meorum bona
 consilia non obaudiui, ideo ista quæ vi-
 des pro culpis meis sustineo, & dic illi
 quia semper in illo fiduciam habui, vt me
 adiuuet, quatinus de ista pœna sim libera-
 tus; & per omnes qui mihi fuerūt fideles,
 ex mea parte postulet vt me adiuuēt, quia
 si inde certamen habuerint, citò de ista
 pœna ero liberatus. cūque interrogas-
 set eum, quis locus esset vnde illa lux re-
 splendebat, audiuit sanctorum esse re-
 quietem: conatúsque propiùs accedere,
 vidit tantam claritatem, sensitque suavi-

tatem, tantumque dulcorem, quantum humana nō potest edicere lingua. Viditque inibi multitudinem hominum diuersi ordinis in albis vestibus collātātium, & quædam sedilia lucida, in quibus nemo adhuc sedebat eorum quibus præparata erant. & in illo itinere ingressus est Ecclesiam quandam, in qua reperisse visum sibi est Hincmarum Episcopum, paratum cum clericis reuestitis vt missam celebraret. dixitque illi hoc quod Carolus ei mandauerat. Statim regressus ad locum, vbi eundem regem iacentem viderat, inuenit eum in loco lucido sanum corpore & indutum regiis vestibus, dixitque illi, Vides quomodo me adiuuit tuus misfaticus? Quam visionem domnus Hincmarus sibi relata describens, & per loca vbi necesse visum est exponens, ad multorum notitiam peruenire fecit, & tam per se quàm per alios regis fideles sibi quoq. subiectos, pro ipsius absolutione animæ, & adipiscenda requie piè fideliterque laborauit. Idem vero Præsul de multis regi necessariis sæpissime suggerebat. Inter quæ scribit ad eum pro electione Beluacensis Episcopi, post obitum

Hildemanni Præfulis ipsius vrbis. In qua epistola regē studet à Simoniaca hæresi compescere, asserens sibi multò amabilius esse istum Episcopatum secundum sæculum dimittere, quàm Episcopum contra canonicam institutionem non tam benedicere, quàm æterna secum maledictione maledicere. Item pro cella vel monasterio Flauiano, quod idem rex sibi, dum in ipsius ante Episcopatum moraretur seruitio, donauerat; & vt in vita sua illud teneret, præcepto confirmauerat: quodque à quodam inuasore destructum reſtruxerat, & religionem, prout valuit in eo restaurauerat: quod postea rex idē conabatur iniuste à iure ipsius auferre. Item pro quodam refuga, qui quandam sanctimoniam sibi copulauerat; suggerens regi, vt eum comprehendi faceret, atque sua regia potestate separaret ab hoc crimine, quia ipse stuprator Episcopali iudicio renuerat obedire. Item pro causa Rothadi Episcopi, quem rex ad causas suas vocauerat, & aduocatū dirigere præceperat, qui responderet contra hominem quendam ipsius Rothadi de beneficio ipsius, vnde inter eos causa

verfabatur. pro qua re subtiliter ac diligenter eundem regem reprehendit, ab hac intentione sacris auctoritatibus interpositis reuocare gestiens. Item de missatiko suo, quod executus est apud Lotharium imperatorem & Ludouicum Transrhenensem, fratres ipsius Caroli, pro pacto pacis inter eosdē tres fratres componendo. Item aliam epistolā de eadem re : in qua eundem Regem Carolum instruxit, qualiter agere erga fratres suos deberet, simulque de receptione vel reiectione eorum, de quibus ratio ventilabatur. Item de causa Lotharij imperatoris fratris ipsius, qualiter Romae habebatur, & quando venturus esset in istas partes. Instruens etiam hunc regem, qualem se tam coram Deo, quā etiam coram hominibus exhibere deberet. vnde reginam quoque admonet, vt regem ad honestam & regi congruam studeat exhortari conuersationem. Item de militaris rei dispositione, pro soluenda Beluacensis vrbis obsidione, in qua designare curauit, qualiter Ecclesiam sibi commissam tractaret : Ecclesiasticas scilicet actiones per monasteriorum præpositos,

& Archipresbyteros : curam villarum ac dispensationis domus , regaliumque seruitiorum & hospitem , querelasque clamantium vel interpellantium , per fidelissimos laicos. Item de itinere ad superiorem Franciam, qualiter disponatur, & quomodo regnum istud ordinatum dimittatur. Item de synodo quam præciebat rex conuocari infra parochiam Remensem : ostendens quibus ex causis conuocari debeat synodus: & de aliis quibusdam vtilibus rebus. Item de causa Hilduini abbatis defuncti. Item de causa Gerardi comitis. Item de causa Ludouici regis Germaniæ fratris eiusdem Caroli. Item de causa Lotharij regis Italiæ, nepotis ipsius Caroli. Item de opera pontis, quem rex cum ipso ac cæteris nonnullis fidelibus suis faciebat ad Pistas in Sequana. Item de causa Hincmari nepotis sui, montis Lauduni Episcopi, plures scribit epistolas : pro quo multum apud eundem regem laborauit. Item de infirmitate sua , & de peregrinis quibusdam monachis suscipiendis. Item de rebus sancti Remigij sitis in prouincia Viennensi , vel Aquensi. Item de ordinationi-

bus quorundam Episcoporum, & nonnullarum Ecclesiarum. Item de itinere ipsius regis ad Italiam post mortem nepotis eius Imperatoris Ludouici : quomodo iter illud disponat, & quomodo regnum istud ordinatum dimittat. Item de quæstionibus cuiusdam Mancionis. Item de villa Nouilliaco, & rebus ad ipsam pertinentibus. Item pro litteris Ludouici Regis fratris ipsius Caroli, quas illi provisione, qua pater suus sibi apparuit, ei miserat: quarum exemplar transmisit eidem regi Carolo, cum exemplari epistolæ, quæ pro hac re ipsi Ludouico direxerat. Item pro causa Vvaltarij defuncti, viri clarissimi, & de imagine Saluatoris. Item pro causa Laudunensium, & ordinando eis Pontifice post deiectionem Hincmari. Item de eadē re. Itē de passione S. Dionysij à Methodio Constantinopolitano Græcè dictata, & ab Anastasio Romanæ sedis Bibliothecario Latine conscripta, & de vita vel actibus beati Sanctini, & quid in his inuenerit de commemoratione sancti Dionysij. Item de villis sancti Remigij in Vosago, qualiter vsq. ad id temporis sint habitæ. Pro diuersis quoque rebus aliis

FLODOARDI HIST.
diuerſas ad eundem dedit epiſtolas.

Quæ Ludouico eiſdem Caroli filio ſcripſit.
Cap. XIX.

Item ad Ludouicum regem filium huius Caroli, quem vnixerat & conſecrauerat, de coniecto Normannis dando. Item de diſponendis regni vtilitatibus, & ordinatione atque conſilio patris Imperatoris ſequendo. Item poſt obitum eiſdem Imperatoris, de ordinandis regni ſui principiis, proponens ei exempla prædeceſſorum ſuorum, & inſtruens eum per capitula de iuſto regni regimine, & honore ſanctæ Dei Eccleſiæ, cæterisque ſibi ac regno neceſſariis rebus. Item de quibuſdam præſumptoribus corrigēdis, & tēperanda cenſura correctionis & aliis commoditatibus. Item ne quippiā contra Canonicas moliretur regulas, nec alicui hoc Epiſcoporum præciperet, ne ſententiam diuinam incurreret. Item qualiter commonuerit ex præcepto regis ipſius Hugonem, Lotharij regis filium, ſuper malefactis quæ agebat: & de hominibus ſuis ad regem cum hoſtili apparatu

dirigendis. Ad filios quoque ipsius defuncti Regis Ludouicum & Carlomanum, pro electione canonica Ecclesiae Tornacensis & Nouiomenensis obtinenda post obitum Ragenelmi Episcopi. Itē pro ipsa electione iam facta, quam indignè tulerant ab ipso Archiepiscopo fuisse dispositam. Item pro eadem re, ostendens qualiter in electione ipsorum consenserit, quando electi sunt ad regni principatum, & quæ ab eis pro hac electione mandata perceperit: & quale sit ministerium regale, & quale Pontificale, & qualis eligendus vel ordinandus sit Episcopus, & qualiter non debeat ordinari, & vt diuinas auctoritates addiscere curent. Item pro eadem re, sacris demonstrans auctoritatibus, quàm grauitè in Deum peccarēt qui illam ordinationem tandiu differri facerent, & de obiectis sibi à Gosleno super Ludouici regis patris eorum assensu. Quare Ansgardim vxorem abiectam eum recipere non coegerit, & Adalaidim ab eo retineri non prohibuerit: & de litteris Ludouici regis ad eum pro filiorum suorum prouectione datis, & de mandatis istorum regum ad se indebitè

missis. Item ad hunc Ludouicum solum, de consilio à se petito, quale sit vtile Regi consilium, & qualiter debeat agere iudicium & iustitiam, & quid hæc boni conferant obseruata, quidve mali neglecta irrogare soleant &c. Item ad regem Carlomannum adolescentem, & ad episcopos, admonitionem disponendo regali ministerio per capitula. Item aliam admonitionem ad eundem regem, similiter per capitula.

De his quæ Ludouico fratri eiusdem Caroli scripsit. Cap. XX.

Ludouico regi Germaniæ, præfati Caroli regis fratri, nonnulla quoq. scripsisse reperitur. Ad petitionem ipsius regis, de quibusdam quæstionibus super quibus fuerat interrogatus ab ipso pro quodam Fulgerico; reddens ei rationem dignam, cur excommunicauerit ipsum; quem sub obtentu absoluit agendæ pœnitentiæ. Item pro tuitione ac defensione rerum Remensis Ecclesiæ in Thoringia coniacentium. Item de peruatione regni fraterni, dignis & vtilissimis ei hoc dissua-

dens admonitionibus, ne id ad suam ag-
 grediatur damnationem. Item aliam de
 hac eadem re cum cæteris regni huius E-
 piscopis ad eundem regem scribit episto-
 lam, Episcopali moderatione refertam.
 Item semel & secundò ad ipsum per se, de
 his quæ mandauerat ab eo fieri in aduen-
 tu suo Remis vt non sicut disponebat,
 nec tali veniret tempore; quia incongruū
 esset, & animæ suæ importunum. Item ad
 eundem, qualiter de pace inter ipsum &
 fratrem eius Carolum stabilienda labo-
 rabat; referens ei gratiarum actiones pro
 filiis Ecclesiæ Remensis, qui in ipsius be-
 ne tractabantur regno: petens vt securè
 liceret illis suas, quas ibi habebāt, tenere
 proprietates. Item de metallo quod ei
 transmisit ad faciendum signum: subiun-
 gēsq. de pace atque caritate seruanda, &
 voluntate Dei sequenda, vt illi mandat,
 admonitionem. Item pro rebus Ecclesiæ
 Remensis apud Thoringiā sitis. Item de
 reliquiis sanctorū Remēsis Ecclesiæ, quas
 illi sicut petierat trāsmittebat; & de libro
 vitæ, virtutūmq. S. Remigij. Item de re-
 bus S. Remigij sitis in Thoringia. Item de
 passionibus sanctorū, & de rebus suorum

hominum, quas in illius regno habebant, ut de his nullum præiudicium sustineret. Item scribit cum Remigio Lugdunensi, Arduico Vesontionensi, Erardo Turo-nensi, Adone Viennensi, Egilone Seno-nensi Archiepiscopis eidem Ludouico Regi, pro Bertulfo Treuerensi Archiepiscopo, reprehensibile ac periculosum demonstrans esse quod actum ab eo cō-pererat: de hac Metropoli scilicet, & Tre-uerensi Ecclesia, ut eam inuadi, discindi ac depopulari à peruasore permetteret quodam monacho eiusdem Ecclesiæ. o-stendens quia licet regalis potestas præ-sideat humano generi dignitate rerum, præsulibus tamen diuinarum deuotè col-la submittit, atque ab eis causas suæ salu-tis expetit; inque sumendis cœlestibus sacramentis, eisque ut competit dispo-nendis, subdi se debere cognoscit reli-gionis ordine potius quàm præesse. Ita-que inter hæc illorū se pendere iudicio, non illos ad suam velle redigi volunta-tem. *Proinde, inquit, sicut, non leue discrimen incumbit Pontificibus siluisse pro diuinitatis cultu quod congruit: ita regiæ potestati, quod absit, non mediocre periculum est, si cum de-beat*

beat parere refugit, quod ei ex diuina voce a sacerdotibus nuntiatur: Domino dicente in Evangelio, Qui est ex Deo, verba Dei audit. Si autem vobis aliquis minus deuotus suggesserit, quod in eadem Metropoli in contemptu vestro, vel contra fidelitatem vestram, Metropolitanum Pontificem ordinari fecimus: quin potius consensu vnanimitatis nostrae ipsi secundum sacros canones ordinauimus: quia, vt scriptum est, sicut Deus loci angustia non continetur, ita verbum eius non est alligatum: collaudante Redemptore ac Salvatore nostro, quod Centurio in hoc sensu dixerat. Dic verbo, & sanabitur puer meus: videlicet quod hic dixeris, illic fiet. qui in discipulis suis hodieque nobis licet indignis loquitur, Spiritus patris vestri loquitur in vobis, qui replet orbem terrarum. Nolite credere, quae sumus praua suadenti: quia pro certo sciatis, non in contemptu vestro, neque contra fidelitatem vestram, in eadem Metropoli sede Pontificem ordinauimus: sed perpēdentes quod & vos melius scitis, quanta & per quanta tempora ipsa Ecclesia desolata & destituta sit, & quanta contra Dei voluntatem non solum in eadem parrochia, sed & in tota prouincia ad eam pertinente, increuerint, cum nihil canonice sine Primate suffraganei Episcopi agere

Valeant, nisi quod ad proprias parochias pertinet, ibidem commoditatem regularem inuenientes canonicè pontificem ordinauimus : quod & secundum diuinas leges agere possent atque deberent ipsius Metropolis suffraganei, si tanti numeri forent, vt per se regulariter possent ordinare Pontificem, qui non minus quam à tribus praeualet regulariter ordinari. Prosequitur etiam depromens auctoritates sanctorum patrum, quibus fulti hoc egerāt. & subinde : Et quia tot in eadem prouincia suffraganei non erant Episcopi, vt Metropolitanum regulariter ordinare valerent, quoniam Ecclesiae Remensis & Treuerensis comprouinciales atque sorores & ex auctoritate, & ex antiqua consuetudine habentur, ea conditione vt qui prior eorum fuerit Episcopus ordinatus, prior etiam habeatur in synodo, & sibi mutuo consilio & auxilio foueantur, atque fulciantur : Treuerensis prouinciae Episcopi à Primatè prouinciae Remorum solatium suae ordinationis secundum sacras regulas quaesierunt, sicut sancti Sardicensis canones dicunt : scilicet vt si contigerit in vna prouincia, in qua plurimi fuerunt Episcopi, vnum fortè remanere Episcopum, & populi conuenerint, Episcopos vicinae prouinciae debere illum prius conuenire Episcopum, qui in ea prouincia moratur, &

ostendere quòd populi petant sibi rectore, & hoc iustum esse, ut & ipsi veniant, & cum ipso ordinent Episcopum. Quod si conuentus literis tacuerit & dissimulauerit, nihilque rescripserit, satisfaciendum esse populis, ut veniant ex vicina provincia Episcopi, & ordinent Episcopum. Ex quibus ritè colligitur, quia si provincia Treuerēsis non nisi vnum vel nullum haberet Episcopum, Episcopi Remensis provinciae pctenti clero & populo Treuerensis Ecclesiae deberent ordinare Episcopum. Cui Ecclesiae omnes nos, quorum nomina praescripta in capite huius epistolae legit gloria vestra, unanimi voto atque consensu fratrem & sacerdotem nostrum Bertulfum, ut praemisimus, regulariter pontificem ordinauimus, sicut ex saceris regulis & ordinationis eius gestis ostendere possumus, & si necesse fuerit ostendemus. Quapropter ipsius ordinationem, & dispositionem rerum ac facultatum Ecclesiasticarum, sicut sacri praefigunt canones, ita defendimus, & perpetuo defendemus, sicut & ordinem nostrum: quia si ipse non est Episcopus, nec nos debemus nominari Episcopi. Et si quis voluerit contra ordinationem eius sinistri quippiam dicere, exeat & dicat: Veruntamen memor communionis suae. quia aut ipse non com-

communicabit Ecclesiastico & Episcopali ordini,
 aut nos non communicabimus ministerio Epi-
 scopali. Vnde verbis beati Leonis Theodosium
 Augustum quondam alloquentis, vos, Christia-
 nissime & venerabilis nobisque carissime rex,
 cum confacerdotibus nostris alloquimur: Im-
 plentes reuerentiam clementia vestrae sinceri a-
 moris officio, cupientesque vos placere per om-
 nia Deo, cui pro vobis a nobis & ab Ecclesiis
 nobis commissis supplicatur, ne ante tribunal
 Domini rei de silentio iudicemur, obsecramus
 coram vniuersae Deitatis inseparabili Trinitate,
 quae tali facto laeditur, cum ipsa vestri sit cu-
 stos & auctor regni, & coram sanctis An-
 gelis Christi; ut in eo statu & immunitate seu
 priuilegio cum suo pontifice Treuerensem Ec-
 clesiam esse iubcatis atque conseruetis, quo ve-
 stri progenitores atque praedecessores, sed & in
 quo frater ac nepos vester Lotharius, pater sci-
 licet ac filius, canonicè cōseruauerunt, quatinus
 & vos meritum inde apud Deum; & B. Apo-
 stolorum principē Petrum, in cuius honore Ec-
 clesia ipsa est consecrata, habeatis, & nos am-
 plius debitores in orationibus & ceteris debitis
 obsequiis acquiratis. quia nisi pro vestra reue-
 rentia hoc differremus, iam in peruasorē ipsius
 Ecclesiae iudiciū in terris exercitū haberemus, quod

DCXXX. Episcopi in magna Calchedonensi synodo de huiusmodi decreuerunt, & de cælo super eum intentant, & in iudicio diuino ad æternam damnationem exerent, nisi dignam poenitentiam egerit. & cætera de auctoritatibus sacrorum canonum. Post quæ subiungitur: Vnde vestra religiosa & nobis carissima dominatio certissimè sciat, quia quandiu iste frater noster Bertulfus à nobis in Treuerensi Ecclesia ordinatus Episcopus in hoc mortali corpore vixerit, alter in eadem Ecclesia ordinatus Episcopus non erit: nisi fortè ipse, quod absit, sacris regulis obuians per easdem sacras regulas deponatur: & isdem præsumptor & Apostata monachus Vualto de monasterio Treuerensis parrochiæ nunquam, iam iudicio Spiritus sancti super eum prolato, in Treuerensi Ecclesia, quam exitiabiliter vsurpauit & læsit, poterit esse Episcopus. Et si, vt diximus, pro vestra reuerentia hoc non differremus, non solum per sacros canones decerneremus, vt nunquam & nusquã ad gradus Ecclesiasticos præsumeret accedere, verum sub anathemate eumponentes, retrudi in ergastula secundum sacras regulas decerneremus; & si in contumacia sua perstiterit, sine vlla retractatione modis omnibus decernemus. A præfatis autem intentatio-

nibus sacrorum canonum vos immunem atque
 exortem à Domino, per quem reges regnant, &
 ex quo & per quem exordium sacer cepit Epi-
 scopatus, fieri totis visibus exoramus, illius cle-
 mentiam deprecantes, vt det vobis Velle & pro-
 ficere pro bona voluntate quæ præcipit, quatinus
 mereamini percipere æterna gaudia, quæ se dili-
 gentibus repromittit. Item respondens ad li-
 teras, quas idem rex ei transmiserat, ro-
 gans vt tam per se quàm per quoscunque
 poterat, orationes ageret pro genitore
 ipsius regis, qui apparuerat ei in visio-
 ne, obsecrans, vt à pœnis eriperet eum
 quibus detinebatur. Vnde & satis vtilem
 ad eum rescribit epistolam de modo &
 qualitate orationis, auctoritatib. plenam.
 Item pro rebus sancti Remigij sitis in Vo-
 sago; & alia plura. Ad filium quoque ip-
 sius, æquiucû eius, scribit pro villa Du-
 diciaco, significans qualiter sanctus Clo-
 doaldus eam sancto Remigio dederit, &
 quomodo Carolus Pippini regis filius
 eandem villam apud Tilpinum Archie-
 piscopum obtinuerit in præstariam, ea
 conditione, vt capellas ad ipsam pertinē-
 tes cum nonis & decimis Episcopus Re-
 morum retineret, & rex duodecim libras

argenti in luminaribus Ecclesiae daret. & quod hunc censum tam ipse rex, quam successores eius persoluerunt. & quod ipse quoq. à patre illius eundem censum de praefata villa receperit. Sed & de villa Nouiliaca, quomodo à Carlomanno data fuerat sancto Remigio, & quid postea de ipsa fuerit actum. Item ad eundem de consilio diuinarum scripturarum quaerendo & obseruando, & de consiliariis inconsideratis, cæterisque rebus, qualiter istud regnum habebatur, & ne illud inuadere praesumeret. Item pro saluanda ciuitate Remensi, & parcendo sacris locis, si veniret. Item qualiter egerint Episcopi erga Ludouicum filium Caroli, quando eum regem consecrauerunt, quia iste aliter audierat. Item de duabus vxoribus ipsius Ludouici filij Caroli, qualiter actum fuerit. & cætera. Scribit & Pippino regi Aquitanico, pro rebus Ecclesiae suae in pagis Aruernico, Lemouico & Pictauico sitis, pro quibus etiam litteras Caroli regis ad eundem Pippinum mitti obtinuit. quas res Fridiloni viro illustri tutandas commisit. Carolo quoq. Ludouici Transrhenensis filio, collaudans fidei benigni-

tatem, quam conseruabat erga filios for-
brini sui Ludouici Carlomannum & Lu-
douicum ; obsecrans eum pro Ecclesiæ
Dei honore ac regni huius statu & de-
fensione ; atque vt præfatis pueris regiis
constitueret prudentes, iustosq. pædago-
gos, qui eos docerent Dei famulos ho-
norare, & mandata Dei seruare, semetip-
sos regere, regniq. gubernacula rite tra-
ctare. Item pro causa Sigeberti fidelis sui.
Item Lothario regi, filio imperatoris Lo-
tharij, pro villa Dudeciaco , quam pater
eius reddiderat Ecclesiæ Remensi , ne
res ad ipsam pertinentes aliquibus perso-
nis, sicut eum facere audiebat, in proprie-
tatem periculo suo traderet, vel colonos
ipsius villæ absolueret : si quid autem
tale à se factum fuisset emendare curaret.
Item pro eiusdem villæ malè tractata di-
spositione, & censu, quem cum periculo
animæ eum retinere fateretur , intimans
quòd sanctus Clodoaldus eandem san-
cto Remigio dederit : admonens ne hoc
inde ageret, vnde condemnationem ani-
mæ acquireret. Item pro electione Epi-
scopi Ecclesiæ cōcedenda Cameracensi.
Item de vtilitate animæ , regioque ipsius

honore: in qua cōmemorat, qualiter pater ipſius Lotharius Auguſtus ei ſeiſum, ſuamque commendauerat animam.

*De his quæ quibuſdam Archiepiſcopis vel
Epicoſis ſcripſit. Cap. XXI.*

Diuerſis etiam tam Epicoſis quàm Archiepiſcopis multimoda & vtiliſſima dedit ſcripta. **H E C T I** Treuicorum Archiepiſcopo ſcribit ordinationis ſuæ primordia, offerens ſe ſocium & obſecutorem iu Eccleſiaſticis negotiis ipſius paternitati. Item de eadem re, petens ſe ab eo inſtrui, & pro filio haberi: ſignificans etiam de itinere ſuo, quo ſe Romam petere diſponebat. Item de Gondrico, quē excommunicauerat ille, & de Fulcrico à ſe excommunicato, qui refugium in Treuerenſi habere videbatur Epicoſatu. **G V N T B A L D O** Archiepiſcopo ſcribit pro quodam preſbytero, de iure Eccleſiaſtico conſeruando. Item pro his quæ in ſynodo geſta fuerant. **A M O L O** Lugdunenſi, de placito quod habuerat cum rege, regniſque primoribus, & de Iudæorum in hoc regno ſtatu. Item de ſynodo

à tribus regibus condita, & de Ebone præ-
cessore ipsius, & aliis nonnullis, in qua eū
carissimum & vnanimem sibi patrem se
habere significat. Item de Lothario rege,
& aliis quibusdam rebus: in qua se filium
dilectionis ipsius appellat. Item de Go-
thescalci vita vel conuersatione, prædica-
tione, deprehensione atque condemna-
tione, rei veritatem exponens. RABANO
Maguntia Præsuli, super eiusdem Go-
thescalci (quem idem Pontifex à paro-
chia sua ob hæresum semina, quæ sparge-
bat, repulsum ad eundem cum quibusdā
complicibus ipsius direxerat) susceptio-
ne vel discussione. Item de hac eadem
re: & quid post suspensionem ipsius de
eodem egerit, qualemve inuenerit ipsius
vesaniam, consilium ab eo rationabilius,
quid sibi aduersus eum agendū sit, expe-
tens. Item de doctrina & hæresi eiusdem:
& quid in eum fecerit, postquam in syno-
do hæreticus comprobatus fuerat, nec
corrigi potuit: & quid ipse contra doctri-
nam eius sentiat, damnationemq. ipsius,
quæve contra eundem scripserit, huic di-
cutienda direxit: quærens etiam qualiter
de Trinitatis fide ac prædestinatione di-

uerforum patrum sint intelligendæ sententia. in qua epistola asserit hunc B. Rabanū solum tunc temporis de discipulatu beati Alcuini relictum. LANDRAMMO Archiepiscopo, de consilio quod ab eo petierat pro monasterio puellarum, quod rex dari præcipiebat inconuenienti personæ, quid inde sibi foret agendum, vtiliter admonens vt ministerij sibi cōmissi sollicitudinē feruentius gerat. TEVTGAVDIO Treuerensi, de primatu quem deferri ab eo debere scripserat ille sedi Treuerorum: insinuans id eidem sedi à sede Remorum nunquam fuisse delatum &c. Item secundò ac tertio de causa Fulcrici excommunicati. Item pro rebus Ecclesiæ Treuerensis in Aquitania sitis, pro quibus idem domnus Hincmarus satis egerat apud Arnoldum quendam Aquitanum qui eas tenebat, vt ipsas Ecclesiæ Treuerensi restitueret, quod & se obtinuisse significat. AMALRICO religioso Archiepiscopo, compatiens tribulationibus ipsius, & consolans patientiam, atque congaudens sanctitati eius: quem cariorem inter caros se delegisse significat, mittens ei quædam pretiosa or-

namenta, casulā scilicet diaprasinā, quam habebat vnicam, & alia munuscula cum solidis cētum. Item scribit eidem pro rebus Remensis Ecclesiæ in Aquitania sitis, quas ei rex restitui iubet, quasque tractandas eidē Anialrico fiducialiter committit. ROTLANDO Archiepiscopo, pro rebus sancti Remigij coniacentibus in Prouincia, & pro quodam presbytero in synodo excommunicato, & altero in loco ipsius ordinato. RODVLFEO Biturigenſi, pro rebus Remensis Ecclesiæ in pago Lemouico coniacentibus. Item pro quibusdam excommunicatis. GUNTARIO Colonienſi, vt intercedat, apud Lotharium regem, & satagat pro electione canonica Cameracēsis Episcopi post decessum Theoderici venerandi Præfulis. Itē secundo, vel tertio pro hac eadem re, affirmans non nisi regulariter in diebus suis illic Episcopum ordinandum. LVIDBERTO Maguntino, pro rebus sancti Remigij sitis in Vosago, significans qualiter quidam Gibero pro earum rerum peruatione sensum perdiderit, & per integrum mensem sine intermissione vexatus, cum dolore & periculo maximo vitam finie-

rit. Item pro tuitione rerum præscriptarum, & earum familiae defensione, vel gubernatione sæpe scripsit. Itē de collo-
 cutione sua quam habuit apud Trecas cū
 Ioanne Papa, & quid boni cum eo locu-
 tus fuerit de ipso, exhortans vt litteras &
 missū Papæ benignè suscipiat, & ad eum
 venire studeat. Item de quodā transgres-
 sore presbytero. SCRIBIT idem vene-
 rabilis Hincmarus & ad Lotharium Ita-
 liae regem, qui se relicta vxore propria
 euidam foeminae copulauerat: dans ei cō-
 silium, & admonens, vt eam à præsentia
 sua omnimodis remoueret, significans
 se domni Adriani Papæ litteras & man-
 data super hac re suscepisse: & vt idem
 rex in hac caussa ipsius Papæ præcepta
 conseruet, suggerere curat. Item aliam
 epistolam de hominibus pacem recipere
 nolentibus, quid inde fieri debeat: col-
 laudans quòd de quibusdam talibus re-
 gale iam ministeriū exercuerint. SCRIP-
 SIT & Apologeticū contra obtrectato-
 res suos, qui calumniabātur eum diuersis
 detractionum appetitionibus, scilicet
 apud Papam Ioannem, quòd nollet au-
 thoritatem recipere decretorum pontifi-

cum sedis Romanæ, atque & tunc in synodo Trecaffina, & postea hoc in Apologetico respondit, refellens hos conuictatores suos, & se decretalia Pontificum Romanorum à sanctis conciliis recepta & approbata recipere & sequi discretè, prout sunt sequenda, depromens. De Hincmari quoque Laudunensis Episcopi depositione vel restitutione, qualiter actum sit manifestans. De hoc etiam unde calumniatus fuerat à quibusdam apud eundem Papam, quasi diceret non ipsum maioris dignitatis esse Papā, quàm esset ipse. De ordinatione quoque Hedenulfi in Episcopatu Laudunensi, & cōfirmatione Papæ ipsius ordinationis. Item de Carlo-manno, & aliis quibusdā rebus, de quibus eum veritas excusabilem reddidit. Quibusdam quoque calumniantibus licet respondere posset, asserit se noluisse, ne conuictiis conuictia videretur reddidisse, gloriosius esse ducens eosdem tacendo fugere, quàm respondendo superare, ne suam gloriam quæsisse putaretur. SCRIPSIT etiam quædā ad Adrianum Papam, qui Romannus Pontifex nonnulla ei dirigere se scripta commemorat. Cui etiam

mittens epistolā suam per Aetardum Nānetensem Episcopum laudibus plenam, delegavit vt eius vice in istis partibus super Lotharij causa fungeretur, quatinus quod inde Nicolaus Papa decreuerat seruarietur. RESPONDIT etiam ad capitula quaedam, regni Francorum Episcopis à Ioanne Papa transmissa, de priuilegiis sedum per capitula VII. quoniam idē Papa nīsus fuerat Angegisum Senonensem Episcopum primatem constituere, vt Apostolica vice per Gallias & Germanias frueretur. Cui conatui venerabilis hic praesul Hincmarus efficaciter obstitit. SCRIPSIT denique ad diuersos Episcopos idem domnus Hincmarus plurima. REMIGIO Archiepiscopo, pro rebus sancti Remigij in prouincia Cisalpina coniacentibus: quas eidem committens, petit vt easdem in sua tuitione suscipiat. Item pro ordinatione Isaac Lingonensis Episcopi. Item de constitutione synodica propter Ecclesiasticarum rerum peruasores, & alia. Item de causa praefati Lotharij regis, & de praedictis rebus eidem nonnulla scripta direxit. Item ad eundem Remigium, & ceteros Episco-

pos domni Papæ Nicolai auctoritate in synodum apud Sueffionem venire iussos, pro causa Vulfadi & collegarum eius ADONI Viennensi Archiepiscopo scribit inter cætera, pro epistola beati Auiti ad sanctum Remigium scripta, quam quidam Rotfridus monachus ei dixerat se apud eundem Adonem legisse. Sed & si qua præterea: de sancto Remigio reperire valeret, ei super aurum & topazion pretiosa & amabilia mitteret. HERARDO Turonensi Antistiti, de quibusdam Apostatis ad Ecclesiam redeuntibus, & aliis pœnitentibus suscipiendis. Item de aliis quibusdā rebus, vt amico carissimo, qui eidem Præsuli nostro ad ipsum veniens fraterna se dilectione commiserat, petens vt vbicumque posset regię dominationi pro Ecclesia illius suggere-
ret. Obitu quoque suo propinquante litteras ad eum ipse dictauit, & ei qui dōno Hincmaro de obitu illius nuntiaturus erat, easdem litteras ipsi deferendas dedit. Sed & missi Turonensis Ecclesiæ hac fiducia fulti, post obitum huius sui Archiepiscopi, ad eundem domnum Hincmarum venerunt. Cleri quoque ac
plebis

plebis petitionem ad ipsum deferentes, ut regiam celsitudinem pro eis deprecaretur, quatinus electionem canonicam rex ipsis concederet. quod & idem pontifex promptissimè peregit. Intimans etiam regi de quodam clerico, qui se ingerebat, non recipiendo, significat quòd Episcopi eiusdem prouinciæ, clerus quoque & plebs ipsius Ecclesiæ, inuitati auctoritate Apostolicæ sedis, Aetardum sibi velint donari Episcopum, qui in eadem Ecclesia baptizatus, nutritus & ordinatus fuerat, licet aliæ ciuitati datus Episcopus, sed paganorum infestatione depulsus, & pallio fuerat à sede Apostolica honoratus, ut etiam si locus de Metropoli adueniret, ibi incardinaretur. Datque insuper regi consilium, quid clero, quid laicis agere sit interim præcipiendum. quid de rebus quas ex beneficio regis habebat fecerit, intimans, quid ex his, quas reliquerat, regi placeat requirens. De quibusdam quoque libris sancti Augustini, quos sibi ab eodem mitti petierat, & de obiectionibus Græcorum, super quibus Nicolaus Papa eidem mandauerat: & alia quædam. BERTVLEO Treuerensi Ar-

chiepiscopo, instruens eum de ordinanda & gubernanda Diœcesi vel parochia sua, &c. A quo etiam rogatus, Vvilebertum Catalaunensem Episcopum misit ad ordinationem Arnoldi Tullensis episcopi, quia eodem Bertulfo infirmitate detento numerus Episcoporum à sacris canonibus præfixus in ordinatione præsulis ei non aderat. In huius etiam Bertulfi ordinatione iam pridem iussione Caroli regis Hincmarum Episcopum Laudunensem, Hodonem Beluacensem, & Ioannē Cameracensem transmiserat, ad petitionem Aduentij & Arnulfi Episcoporum eiusdem Treuerensis Dioceseos, quomodo id rite fieri deberet eos canonica Apostolicaque informans auctoritate, vt à sacris regulis nulla aut negligentia aut presumptione in aliquo discederent. Scribit etiam præfato Bertulfo pro quibusdam capellis ad villam Duodeciacā pertinentibus, quas quidam ex parochia Treuerensi vsurpabat per factionem cuiusdam presbyteri, petitque sibi de his iustitiam fieri. Item pro litteris quas Ludouico regi Transrhenensi mittebat, vt eas regi atque reginæ relegi faciat, & quæ apud

eos inde audierit litteris sibi remandet. Litteras etiam, quas Arnoni Episcopo transmiserat, sibi legi faciat, & regem atque reginam, sed & populum de illorum salute & pace sanctæ Dei Ecclesiæ commoneat. IOANNI Rotomagensi, respondens ad interrogationem ipsius de quodam clerico, qui ad Ecclesiam quandam promotus regendam, ordinari per ætatem rite non poterat. ROTSTANO Arelatensi, qui ei de suæ Ecclesiæ vexatione scripserat, & de quadam foemina potenti, quæ res vsurpabat ecclesiasticas, quid ei super his sit agendum rescribit. ADELOLDO Turonensi petenti ut sibi liceret oratorium ædificare ac consecrare in villa suæ Ecclesiæ regio dono datæ sita in Remensi parochia, quæ Turris vocatur, rescribit petita concedens ea conditione, ut antiqua villæ ipsius Ecclesia vel presbyter eiusdem nullum privilegij sui propter hoc detrimentum patiatur. LEONNI Episcopo, & custodi bibliothecæ Romanæ Ecclesiæ, litteras mittit pro susceptione legationis suæ, ut obtineat apud Papam Leonem quatenus eius petitionem benignè suscipiat, & paternè rescri-

bat eidem de his quæ in litteris ab eo missis continebantur. GREGORIO quoq. eiusdem Romanæ Ecclesiæ nomenclatori & Apocrisario, petens vt inter fideles amicos suos eum tenere dignetur. Item postulans vt domno Apostolico suggestionem suam acceptabilem fieri petat, benedictionis ei munuscula dirigens. FORMOSO sedis eiusdem religioso Episcopo, collaudans eius quam audierat sanctitatis & scientiæ famam: quærensque ipsius habere familiaritatem, & vt ipse dignetur orare, vicem rependere spondens, & quædam ei munera mittens, vt sui memoriam in orationibus habeat. Item postquã literas suas idẽ Formosus ei remiserat, in quibus de caritate erga eum significauerat, intimat quia magnam in ipso haberet fiduciam. Item GAVDERICO Episcopo præfatæ Ecclesiæ, vt eum in suæ dilectionis suscipiat gremiũ, & Dominũ sanctosque Apostolos pro eo dignetur implorare. IOANNI præfatæ sedis Episcopo eadem pene scribit, & canones Martini Papæ, Euangelium quoque Nazarenorum sibi ad transcribendum mitti petens, quædam etiam xenia illi

transmittit. VVLFA D O Biturigeni
 Episcopo, de his qui inconsultè vxores
 suas interficiunt, sententiam Paulini,
 quam sibi mitti petierat, scribens. Sed
 & de aliis rebus. FROTARIO Burde-
 galensi, qui sibi talem direxerat versum,
Remis equum nobis, mulum Burdegala vobis,
 talem post remisit, *Remis equum misit*
mulum Burdegala nullum. & alia quædam
 ad eundem scripsit. Pro monasterij quo-
 que sanctæ Radegundis regulari electio-
 ne abbatissæ, &c. Item de ordinatione
 Fulcrici. Item VVENILONI Rotomagensi,
 de operariis & opera, quam faciebat ad
 Pistas in Sequana. Item de causa Rotha-
 di & Odonis Episcoporum. DROGONI
 Metensium præfuli, Imperatoris Ludo-
 uici fratri, pro familiaritate ipsius adipi-
 scenda. Item referens ei gratiarum actio-
 nes pro sollicitudine quam habere vide-
 batur Remensis Ecclesiæ, petens etiam
 de quodam fratre huius Ecclesiæ mini-
 stro, vt ita eius frueretur obsequiis, qua-
 tenus Ecclesia ista necessariis ipsius pos-
 set vti solatiis, & alia quædam. ROTHA-
 D O Sueslonico, quem sæpe ad synodum
 venire differentem vel negligentem vo-

cabat, scribit de quibusdam criminatis
parochiæ Sueffonicæ personis vel pur-
gandis, vel pœnitentiæ subigendis. Item
pro ordinandis quibusdam Ecclesiarum
ministris. Item pro recipiendo & addu-
cendo ad iudicium Gothescalco, quem
domnus Rabanus ad Diœcesim Remen-
sem remiserat: qui profectus fuerat ex
parochia Sueffonica, scilicet Orbacensi
monasterio. Item pro ordinatione mo-
nasterij sancti Medardi, & restituenda in
eo regula. Item pro quibusdam mona-
chis ex monasterio Altuillarensi fuga di-
lapsis. Item pro Godoldo, qui clama-
bat indebitè se communionem priuari, pro
quo etiam tertio litteras ad eum direxit.
Item pro quibusdam presbyteris, qui cla-
mauerant in synodo iniuste se ab eo Ec-
clesiæ rebus priuatos: & quia irrationabi-
liter synodi mandata tractauerat, nisi se
corrigeret, canonicæ ultionis delegat in-
terminationem. Item pro ordinatione
Hincmari, post obitum Parduli Laudu-
nensis Episcopi. Item pro Adeloldo
presbytero iuxta sententiam synodi re-
stituendo: pro quo litteras ei miserat,
quas ille penitus contemnebat. Item pro

mandatis regis Ludouici, & firmitate ab eo quæsitæ, quæ sacerdotio non congruebat. Item pro clerico quem mitteret ordinandum ad regendam Ecclesiam in villa Turre sitâ. Item pro parochia, de qua contentio agebatur inter eum & Erpui-num Siluanectensem Episcopum. Item eidem cum aliis Remensis Diœceseos Episcopis, de Græcorû adinventionibus, quas contra canonicas statuere conabantur regulas. Pro quibus tam ad ipsum quàm ad cæteros huius regni Archiepiscopos domnus Adrianus Papa litteras dederat. Insuper & alia sæpenumero pro diuersis negotiis ad eum scripta direxit. IMMONI Nouiomagensi Episcopo, pro synodo comprouinciali à rege Parisius condita, & pro ordinatione Irminfridi post decessum Hildemani Beluacensis Episcopi. Item pro ordinatione Parduli post obitû Simeonis Laudunensis. Item pro consilio & auxilio dando Theoderico Cameracensi præfuli, super quodam inobediēte, qui Deum non timebat, & Ecclesiasticum ministerium non reuerabatur. Item pro quodam presbytero, cui legem canonicam concedi monet. Item pro quadam

femina, quam indebitè quæritur excommunicasse. Item pro colloquio Episcopali habendo. ERPVINO Siluanectensi, pro quodam homine quem irrationabiliter ab eo excommunicatū vt compererat intimat, mandans vt obuiam sibi veniat, & quid inde directiùs sit agendum, secum pertractet. Item pro quodam presbytero rebus Ecclesiasticis indebitè frustrato. Item pro quodam clerico, qui se præiudicium ab eo pati clamauerat. Item pro mandatis Adriani Papæ de prænotato presbytero. Item pro mandato regis regulariter exequendo. LVPO Catalaunensi, pro synodo celebranda. Item pro quodam, qui dolo deceptus fuerat, vt infantem proprium ad catechizandum teneret. Item quid de hac re synodus decreuerit. Cui etiam testimonium bonæ vitæ perhibet in epistola, quam scripsit post obitum ipsius ad regem Carolum pro impetranda electione regulari Catalaunēsis Ecclesiæ. PRVDENTIO Trecaſſino scribens, queritur quare sibi præsentiam suam subtrahat, significans se ab eo consilium quærere velle de statu & compressione Gothescalci; intimans quod de ipso

actum vel iudicatum fuerat in synodo, quo eum reclusum tenebat iudicio, & quia multis modis eum conuerti tenta-uerit, & de moribus ac superbia ipsius, & si in cœna Domini, vel in Pascha debeat eum admittere ad audiendum sacrum officium, vel accipiendam communionem, & quid sibi videatur de sententia Ezechielis Prophetæ qua dicitur: In quacunque die ceciderit iustus, omnes iustitiæ eius in obliuione tradentur, & quacunque die peccator conuersus fuerit, omnes iniquitates eius tradentur obliuioni. Sed & de cōsuetudine cœnæ Domini celebrandæ. Item pro Ecclesiis sedis Remensis in ipsius Episcopatu sitis, quas ille aliter tractabat, quàm Episcopali conueniret æquitati: vt de his & aliis quæ de ipso audiebat simul loquerentur, exhortans vt alterutrum se instruerent, & Domino mutuò commendarent. Pro qua re librū quoque scripsisse reperitur. PARDULO Laudunensi Episcopo scribit pro transitu domni Ebonis antecessoris sui, vt illi sacerdotalis benignitas plenis caritate votis debeat exhiberi. Item de reconciliatione Luidouis inconuenienti, quòd

non potuerit ad eam peragendam adulationibus vel exprobrationibus hominum insipientium deflecti: corroborans eum ad rectitudinem Episcopalem diuinarum testimoniis scripturarum, ut per auctoritatis gradiatur viam, & quid ei de præfato sit agendum Luidone significans. Item pro eadem re. Item de recognitione, humiliatione & absolutione Fulcrici. Item de absolutione cuiusdam, requirens ipsius consilium. Item de ieiunio à regina mandato. Item de infirmitate & humiliatione Rothadi Sueffonici, & de consilio quod ei dederat, ut illud in eo corroboret, & ad exequendum prudenter exhortetur. Item pro auro quod ei mittebat per eum reginæ offerendo, ad componendum quoddam Dei genitricis ornamentum. Item de opusculo Ferculi Salomonis à se composito, quod ei legerat, rogans quid sibi videatur de illo. Item pro Ecclesia Morini vacante pastore, ut inde cum rege loquatur, qualiter ipsa electio ritè peragatur, & pro libris S. Ambrosij de fide sibi mittendis. IRMINFRIDO Beluacensi, pro electione pastoris Ecclesiæ Ambianensis canonicè consecrandi, post

obitum Ragenarij præfulis. Item pro gubernanda prudēter Ecclesiæ nauī, quæ in hoc naufragoso sæculi mari inter intestina concutiebatur bella. EBONI Episcopo Ecclesiæ Remensis alumno, pro quodam fratre ab hac Ecclesia fuga lapso, & apud ipsum commorante, vt quantocius illum diligenti cura remittere studeat. Item pro ordinatione Isaac in Episcopatu Lingonensi, vt exhortetur Remigium Archiepiscopum ad eandem ordinationem peragendam. THEODERICO Cameracensi, pro quodam Hectone Lotharij regis vassallo, cui communi consensu pœnitentiã iniunxerant: qui se absolutum à præfato Theoderico fuisse fatebatur, & pro quodam presbytero, quẽ idem Theodoricus excommunicauerat, pro quo Papa Romanus dōno Hincmaro literas miserat, quas ipse eidẽ Theoderico mittebat. Item pro præfati Hectonis absolutione. Item pro rebus Remensis Ecclesiæ, quas sibi per præstariam Theodericus Episcopus delegari petebat. Itẽ pro ordinatione Hunfridi in Episcopatu Morini. Item pro ordinatione Ercamrai post decessum Lupi Catalaunensis Episcopi. Item de aduentu

Ludouici Transrhenensis, quia Remis venerit, & quid egerit, quidve præceperit. Item pro Balduino, qui viduam Iudith filiam regis Caroli furatus fuerat, ut sciat eum à se sub anathemate positum, & id per suam denunciaret parochiā. Item pro quodam, qui quandam fœminam in concubinato accipere persuasus fuerat à patre ipsius puellæ. **FOLCVINO** Morinensi, pro quodam presbytero ipsius ordinato, qui clamabat iniuriā se pati ab Immone præfule, petitque simul reliquias sanctorum in Morinensi parochia quiescentium sibi mitti, quia in consecratione Ecclesiæ Dei genitricis altare ab ipso Fulcoino consecrandum, & ex ipsius parochiæ reliquiis honorandum præparabat. **RAINNERO**, pro quodā presbytero, quem Notho Archiepiscopus Arelatensis ei litteris indicauerat abiectum canonicè, & excommunicatum à synodo, altero presbytero in eius loco constituto. **AGIO** Episcopo pro rebus Ecclesiæ Remensis in Aquitania coniacentibus. **ABBONI** Antisiodorensi, pro Heriboldo præfule defuncto, qui cuidam fratri apparēs admonuit de eleemosyna & orationibus atque

oblationib. pro se offerendis. ENEAE Parisiorum, pro Rothado Sueffonico, de quo quædam inconuenientia apud Regē ventilata fuerant, & rex eundem Eneam cum Immone Nouiomagenſi ad hæc diſcutiēda dirigebat. AMALRICO Cumenſis Eccleſiæ præſuli, pro Egilberto diacono monaſterij ſancti Remigij monacho, quē eidem Epifcopo id petenti ad ordinandū & regendum committit.

*Quæ instrumenta vitæ vel redargutiones
Hincmaro nepoti ſuo Hincmarus
ſcripſerit. Cap. XXI.*

HINC MARO nepoti ſuo Laudunenſi Epifcopo, in ordinationis ipſius initio, inſtruens & edocens eum qualiter iuxta canonicam auctoritatem commiſſam ſibi tractare deberet Eccleſiam. Item admonens, vt provideat ne conſpirationes inter ſibi ſubiectos adolerent; ſed & ſi exortæ fuiſſent, mox rationis moderatione ſucciderentur, aut ſibi ſi neceſſe foret hæc intimare curaret; & quando ſynodum debeat celebrare. Pro quo valde laborauit, multaque illi ſcribit, reprehendit.

dens eum, & castigans de leuitate morū
& actuum suorum, admonensque vt ad
cor suum redeat, & Deum tota intentio-
ne precari studeat, vt eum respiciat, & in-
telligere sibi atque corrigere peruersita-
tem suam donet. quia videlicet nimis sibi
sapiens esse videbatur, & pertinax in
contentionibus, & quia leges Ecclesiasti-
cas ad voluntatis suæ intentionē flectere
nitebatur, & melius eas se putabat intel-
ligere, quàm seniores natu. Pro quo in
tantum laborauit, vt etiam senioris sui
regis offensionem incurrisse se dicat: il-
lum verò impudenti fronte, erectaque
cervice, trementibus labiis & inflamma-
tis verbis petitionem & humilitatē suam
respicientē coram multis sustinuerit. Cor-
ripitque eum, quia nunquam se recognos-
cere de aliqua culpa, sed semper se de-
fendere parabat. De habitu quoque, in-
cessu, risu, iuramentis, impatienti locu-
tione, ira præcipiti, & aliis multis. Item
quia contra sanctarum scripturarum tra-
mitem causa suæ iniuriæ in parochiæ suæ
gubernatione excefferat, vt hæc corrige-
re studeat, admonens eum qualem se de-
beat exhibere verbis Apostoli ad Timo-

theum. Item de quodam sacrilego, & à se pro sceleribus excommunicato, quòd illi res Ecclesiasticas ad turpis lucri præmium dederit. Item pro Hadulfo quodam ipsius clerico petens, quem idem Hincmarus excommunicauerat. Item de epistola Papæ Adriani ad quosdam Episcopos per eum dirigenda. Item pro dispositione quarundam parochiæ suæ Ecclesiasticarum rerum, vt inde vel ad prouincialem expectaret synodum. Item pro excommunicatione Carlomanni, vnde obedire ipsi nolebat, eum sæpe commonens vt contumaciam suæ mentis deponeret, & ad obaudiendum sibi, ceu iam coram multis testibus professus fuerat in synodo atque subscripserat, se inclinaret. Item pro Berchario diacono, quem Metropolitanae atque comprouincialis synodi iudicium appellantem indebitè sub custodia detinebat. vnde promēs ei quòd ita in eum agere non debuisset, præcepit illi auctoritate sacrorum canonum & sua, vt eundem diaconum, vel si qui fuissent alij clericorum iudicium regulare proclamātes ab ipso detenti, ad suum ac cæterorum Episcoporum iudicium liberè

venire permetteret, & ipse eidem se iudicio præsentaret. Item conuocans eum ad synodum, vbi Adriani Papæ mandata tractanda erant. Scribit ad eum præterea multa. Nouissimè voluminis seriem commemorans in eo, & ad mentis eius oculos reuocans, qualiter illum orphanum dulci dilectione sub religione nutrierit, literis erudierit, per singulos gradus Ecclesiasticos vsque ad Episcopatus apicem prouexerit: *Nunc, inquit, retribuentem mihi mala pro bonis, & odio me habentem gratis, quoniam non faueo tuis infructuosis operibus, quandiu te patiar, multis à te afflictus iniuriis? Etenim ab ipsa die tuæ ordinationis, tam verbis quàm scriptis, & inordinatis actibus ac motibus tuis frequentibus adeo sum grauatus lacerationibus atque contusionibus, vt tædeat me vitæ meæ: quia sic pro loci mei officio tuæ insolentiæ sum connexus, vt non solum post primam & secundam correptionem, iuxta Apostolum, verum nec post plurimas priuatum, & coram communibus familiaribus nostris, sed & coram rege, & Episcopis, ac plurimis aliis, verbis & scriptis commonitiones te valeam deuotare. & licet exoptem, vt darentur mihi penna sicut columbæ, & auolarem ac requiescerem*

scerem à te elongatus in aliquam solitudinem,
 non possum quoquam effugere, vt aut tua per-
 tinacia contumacis presentiae, aut missorum
 tuorum duriloquiis, aut scripturarum tuarum
 derogationibus & inutilibus naniis, quin potius
 tragœdiis, aut talib. quæ non conueniunt Episco-
 po, de te auditionibus non affligar. & iam tan-
 dem putavi te pigere talia exequi, cum ecce nunc
 Idib. Nouembris quartæ Indictionis prolixissi-
 mam rotulam mendaciis & irrationabilitatibus
 ac impropriis contra Veritatem & auctori-
 tem repletam mihi misisti. Et miror cur sic ex-
 frons factus, vt de Iudæa Dominus queritur,
 nescis erubescere, & tibi non est nausea talia
 & tanta scribere: nisi quoniam vtilibus non es
 intentus, neque in necessariis occupatus. & vt
 de aliis taceam, quæ si ex ordine voluero re-
 plicare, antea deficiet lux diurna quam legenda
 exinde deficiat pagina; replicabo tibi aliqua,
 quæ non valeo nec debeo silentio præterire. Vi-
 delicet quia statim vt à paternæ nido educatio-
 nis factus Episcopus euolasti, & me & eos qui
 te nutrierunt deseruisti, & seculares amicitias
 atque familiaritates quæsisisti, & acquisisti: &
 sic subinde alios & alios deserens & acquirens,
 non solum de comparibus, sed etiam & de tibi
 commissis, ad hoc emerisisti, vt contra sacras

Antiochenas regulas, præcipientes ut præter
me agere nihil debeas, secundum antiquam pa-
tribus nostris regulam constitutam, nisi ea tan-
tum quæ ad tuam parochiam pertinent, posses-
sionèsque subiectas, sine mea vel Cocpiscoporum
nostrorum conscientia administrationem in pa-
latio domni regis obtinueris: quam admini-
strationem tibi coram eodem domno rege, & a-
liis qui affuerunt ex sacris regulis interdixi,
& aliquandiu ab administratione cessasti. Post-
ea autem per exterarum, id est sæculares potestates,
contra Sardicenses canones eandem administra-
tionem cum Abbatia in tertia prouincia Ultra
Remensem prouinciam sine mea conscientia ob-
tinuisti. Ad quam Abbatiam sine mea licentia,
quotiens tibi placuit, perrexisti, & quandiu ti-
bi placuit ibidem fuisti immoratus contra Hi-
larij Papæ decreta dicentis: Illud non potuimus
præterire, quod sollicitudine diligentiore curan-
dum est, ne præter Metropolitanorum suorum
litteras aliqui Episcopi ad quamlibet prouinciam
audeant proficisci. quod etiam in omni genere
officij clericalis per singulas nebet Ecclesias cu-
stodiri. & sic antea Zosimus, & postea sanctus
Gregorius decreuerunt. Propterea quoque semel
ac secundo literis canonicis euocatus ad ordina-
tionem Episcopi in Ecclesia Cameracensi pro-

uincia pastore destituta, Vnde Apostolica sedes
 me suggerente non modicè laborauit, nec ipse
 Venisti, nec pro te Vicariam personam vel lite-
 ras tui consensus, Vt regulæ sacræ præcipiunt,
 ad me direxisti. Vnde Symmachus Papa ad Ae-
 onium ex sacris regulis promulgauit: Vt si qui-
 libet Episcopus Metropolitano pontifici iuxta
 canonicam diffinitionem Vocatus obtemperare
 noluerit, noverit succidendum se, quod non o-
 ptamus, Ecclesiastica disciplina. Sed & hinc
 à me conuentus, nullam satisfactionem, nec
 etiam humile responsum mihi ac Coepiscopis no-
 stris exhibuisti. Post hac more tuæ instabilita-
 tis ac inconstantiae contra dominum regem in-
 tantum te sine ratione contumaciter erexisti, Vt
 & administrationem palatinam, & ipsam Ab-
 batiam tibi auferret, & à te exaggeratus durio-
 ra ingerenda tibi proponeret. Vnde & scriptis
 & verbis pro te satagens illum tibi reconcilia-
 ui. Indeque, sicut sciunt plurimi, contra illum te
 iterum erexisti, & mandata sua, Vt ad eum ve-
 nires, contemnens, adeo illum ad iracundiã pro-
 uocasti, sicut omnes in istis regionibus sciunt,
 Vt coactus te per fideles suos sicut infidelem
 appeteret. Tu autem ante inauditam excommu-
 nicationem in meos, & multorum Archiepi-
 scoporum & Episcoporum parochianos, sed &

in ipsum regem sine mea conscientia contra sa-
 cras regulas iaculaſti. Vnde multos scandaliza-
 ſti, & maximum ſcandalum non ſolum Eccle-
 ſiæ, ſed & regi ac regno intuliſti. cum lex pro-
 hibeat, vt per alienam meſſem tranſiens falcē
 non mittas, ſed manu ſpicas conteras & man-
 duces. Falcem, inquit beatus Gregorius, iudiciij
 mittere non potes in ea ſegete, quæ alteri vi-
 detur eſſe commiſſa: ſed per effectum boni ope-
 ris frumenta Dominica vitiorum ſuorum paleis
 excoria, & in Eccleſiæ corpus monendo & per-
 ſuadendo quaſi mandendo conuerte. Poſt quam
 præſumptionem, adhibitis mecum confratribus
 noſtris, te & cum eo pacificaui, & Epi-
 ſcopis, quorum parochianos excommunicaſti,
 vt te in ſynodali ſententia non inueherent, per-
 ſuaſi: ſed & eoſdem à te excommunicatos, licet
 non ſine labore, adminiculante domino rege, ad-
 uerſum te conquieſcere feci. Sed tu addens pe-
 iora prioribus, ſic dominum regem, ſicut mihi
 longum eſt enarrare, & multi ſciunt, iterum
 exaggeraſti, vt cauſa tuæ caſtigationis te, ſine
 mea voluntate, ſineque meo conſenſu, aliquan-
 tulum detineri iuberet. Tu verò cauſa tuæ iniu-
 riæ me incōſulto & ſine conſenſu Coepiſcoporū
 Remenſis prouinciæ, ſicut petitio à clericis Lau-
 dunēſis Eccleſiæ mihi porrecta demōſtrat, pres-
 byteros & cōminiſtros Eccleſiæ ac parochiæ tibi

commissæ excommunicasti, ut nemo in eadem
 parochia missarum officia celebraret: nemi-
 nem paruulorum etiam in mortis vrgentis pe-
 riculo constitutum baptizaret: nullum ad pœ-
 nitentiam quisquam susciperet: nec etiam ob-
 eunti communionem viatica muneris subueniret:
 nulli defuncto in sepeliendo humanitatis obse-
 quium exhiberet: donec aut tu ipse ad eos ve-
 nires, aut à sede Apostolica inde relationem re-
 ciperent. Quod audiens fateor, vehementer ex-
 horrui. & proinde ad te Metropolitana sollici-
 tudine litteras misi, monens & hortans te, ut
 tam exitiabilem excommunicationem & impietatis
 colligationem in tuum & multorum periculum
 intentatam quantocius solueres: sed & ad mi-
 nistros Laudunensis Ecclesiæ, timens immane
 multorum exitium, certissimas & irrefraga-
 biles diffinitiones Euangelicæ veritatis, & A-
 postolicæ auctoritatis, atque sacrorum canonum.
 & Apostolicæ sedis direxi: quatinus secundum
 easdem diffinitiones, quæ in nullo diuelli pos-
 sunt, ex eadem periculosa & irregulari excom-
 municatione agerent & ipsi satis. Sed quia meæ
 admonitioni obedire non valuisti, misi ad te ite-
 rum exinde litteras, sed & clericos Laudunen-
 sis parochiæ, & nec sic te ad obediendum inui-
 tare præualui. Post hæc, quærens adinuentiones

Ut te à Metropolitana subiectione posses exue-
re, libellum de patrum antiquorum scriptis an-
te sacros Nicænæ synodi & aliorum sancto-
rum canones editis collegisti. In quibus senten-
tias inter se dissonas, & contra Evangelicam
& Apostolicam atque canonicam & Aposto-
licæ sedis auctoritatem immiscuisti, & eidem
libello sine Metropolitanæ & Coepiscoporum
Remensis provinciæ conscientia ac consensu sub-
scripsisti, & à clericis Ecclesiæ tuæ, nec non &
à parochianis presbyteris subscribi fecisti, vo-
lens te à subiectione tuæ Metropolis exitum
ostentare, & priuilegium Metropolitanæ sedis
adnullare. quasi non possem impietatis tuæ col-
ligationes canonica auctoritate, sine tuo consen-
su ac sine synodali conuentu in parochia tua
dissoluere. Cum de certis & manifestis causis
quæ in nullo nobis sunt dubia vel obscura, &
de quibus finitimas sententias, quæ nulla possunt
ratione conuelli, à sanctis patribus promulga-
tas habemus, synodale consultum vel Coepisco-
porum nostræ provinciæ consilium vel consen-
sum non debeam expectare, & à regulis præ-
stitutis, ut sanctus Leo dicit, nulla aut negli-
gentia aut præsumptione discedere: nec etiam
sedem Apostolicam inde inquietare, sicut ipsius
sanctæ sedis beati Pontifices Innocentius, Zo-

simus, Coelestinus, Leo, Hilarius, Gelasius, Gregorius, & alij plures eiusdem sanctae sedis rectores in decretis suis ostendunt. & reliqua. Item datis auctoritatibus Gelasij Papae: Post praefati denique, inquit, monstruosi libelli, à te monstruose collecti, tuam tuorumque subscriptionem, literis quarum exemplar habeo denuò te commonui, ut ea quae in parochia tua contra rationem & auctoritatem egeras, studeres corrigere: sed admonitioni meae non paruisti. Deinde ex praefatis epistolis Romanae sedis Pontificum ante Nicenam synodum scriptis libellum à te collectum, & versiculis in nomine domini regis Caroli titulatum, per venerabilem quondam Archiepiscopum Vanilonem in Gundulfi villa coram Episcopis qui affuerunt, mihi direxisti. de quo tibi scripto respondi, cuius exemplar habeo, monens te ut sacris canonibus promulgatis fidem accommodares, & debitam obedientiam illis dependeres. Inde in Attiniaco Remensis parochiae tibi coram Episcopis dedi libellum in E. V. capitulis, auctoritates Ecclesiasticas continentem, contra illa quae in praefatis tuis duobus collegeras, monens ut à talibus & huiusmodi reprehensionibus te cohiberes, & te sacris regulis subdens pacem & sanctimoniam secundum Apostolum

sequi studeres. Tu autem nullam inde mea admonitioni satisfactionem exhibuisti: quin potius rotulam prolixissimam contra veritatem & auctoritatem ac rationem contextam in eadem synodo obtulisti, & prefatum tuum monstruosum libellum à te & à tuis subscriptum in eadem synodo protulisti: quem ibidem accipiens hactenus seruo. Et cū me vidi post tot admonitiones nihil apud te posse proficere schedulā porrexi in synodo Episcoporum decem prouinciarū, ab eisdem venerandis Episcopis quærens consilium, quid contra tuam pertinacem contumaciā agere possem, & illa, quæ tibi ac parochiæ tuæ contra colligationes tuæ impietatis direxeram, coram illis relegi feci. Vnde & ab eisdem Episcopis prædictis sacri conuentus auctoritatibus, quoniam iniuste ac irregulariter tantas & tales excommunicationes agere præsumpsisti, & à domno rege impetitus, quoniam iuramenta illi à te super sacra præscripta non obseruasti; sed & quia res suæ proprietatis contra leges diuinas & humanas inuasisti, & à Normanno in synodo accusatus, quoniam eum de rebus tua concessione atq. consensione à domno Carolo sibi beneficiatis sine auctoritate regia, armata militari manu, & turba vulgi collecta cum gladiis & fustibus, primum quidem uxorem suam quæ ibi si-

ne ullo erat, & postea illum ipsum contra leges
& regulas repulisti, & omnia sua quæ ibi ha-
buit abstulisti, sed & à tuis hominib. accusatus,
quia cōtra leges diuinas & mundanas eis sua be-
neficia abstulisti; vt synodalem censuram euade-
deres, dedisti regi & mihi in eadem synodo pro-
fessionis tuæ libellum de regulari obedientia tua,
quem habeo, & tu negare non potes, quoniam
ipsius exemplar de manu mea in eadem synodo
accepisti, sicut in processu monstrabo. Sed vt vir
duplex animo & incōstans in omnibus viis tuis,
statim in crastina misisti mihi per Arduicū ve-
nerabilem Vefontionensem Episcopum ad profi-
tendum & subscribendum tibi breuiculum ita se
habentem. Et ego Hincmarus Remorum Ar-
chiepiscopus tibi Hincmaro Laudunensi Episco-
po tuum debitum sacris præcipientibus canoni-
bus priuilegium conseruabo, & in quibuscunque
Ecclesiasticis negotiis indigueris, secūdum sacras
regulas debitum tibi iure adiutorium Archiepi-
scopali auctoritate adhibebo. Quæ causa non so-
lum non de humili, verum nec de sano sensu pro-
cessit. Iniustum quippe ac irrationabile vide-
tur, vt Archiepiscopus à sacris canonibus non
exorbitans excedenti Episcopo suffraganeo à se
ordinato professionis ac subscriptionis libello, si-
cut postulaueras, satisfaceret. Sicut enim secun-

dum scripturam minor à maiore benedicitur, ita
 prorsus minor à maiore & non maior a minore
 iudicatur, ligatur, vel soluitur, sicut & in decre-
 tis Gelasii demonstratur. Iustè igitur & rationa-
 biliter tibi hinc respondetur ex Iacobo : Petisti
 & non accepisti, eo quod malè petisti. Sed & in
 eo quod tibi à me subscribi poposcisti, ut tuū de-
 bitū sacris præcipientibus canonibus privilegiū
 cōservare; petisti quod voluisti, sed nescisti quod
 dixisti : quoniam ut sanctus Hieronymus dicit,
 privilegia singulorum communem legem facere
 non possunt. Et sacri canones provincialibus E-
 piscopis, & eorum Ecclesiis vel sedibus, privile-
 gia, scilicet priuatas leges vel iura priuata gene-
 raliter non dederunt, quia quod omnes generali-
 ter habent, ius speciale & dignitatis lex priuata
 esse non valet. Sed Metropolitanis Episcopis ac
 Metropolitanis sedibus privilegia tribuerunt,
 & cætera de sacris canonibus & decretis
 Papæ Leonis subnexa. Post quæ subin-
 fert. Qua propter quando talia mihi ad profite-
 dum & subscribendum misisti, scire debueras,
 quod in istis regionibus nemo penè ignorat, quia
 municipium Lauduni, in quo es ordinatus Epi-
 scopus, ab exordio sui, postquam à Marcobrio
 prætore, ut produnt historiæ, conditum fuit, nū-
 quam inter sedes provinciales Remorum provin-
 ciæ, in paganismō vel in Christianismo, nomen

vel locū habuit, donec sanctus Remigius XV.
 Remorum Archiepiscopus certis quibusdam ac-
 cidentibus causis, primus ibidem ordinavit Epi-
 scopum, & eidem municipio, de rebus Remensis
 Metropolis satis superq. ditato, ipsum Comita-
 tum, in quo consistit, partem scilicet ex Remen-
 si parochia delegavit: sed semper fuit Remensis
 provinciae municipium, sicut hodieque alia mu-
 nicipia in Remensi parochia, quæ in subiectionis
 loco ac nomine permanent. Non igitur privile-
 gium, sed municipatum tibi debere servari con-
 venerat petere, quia sicut patres nostri ac magi-
 stri Ecclesiae tradunt, Paulus Apostolus non se
 ciuem, sed municipem appellat dicens: ego homo
 sum quidem Iudæus à Tarso Ciliciæ, non ignotæ
 civitatis municeps. Natus quidem Apostolus in
 oppido Galileæ Giscali fuit, quo à Romanis ca-
 pto, cum parentibus suis Tarsum Ciliciæ commi-
 gravit. A quibus ob studiū legis missus Hiero-
 solymam, à Gamaliele viro doctissimo, sicut in
 subsequētib. ipse memorat, eruditus est. & ideo
 non se ciuem sed municipem, à municipio id est
 territorio eiusdem civitatis, in quo est nutritus,
 appellat. Dictum autem municipium, quod tan-
 tum munia, id est tributa debita vel munera red-
 dat. Nam liberales & famosissimæ causæ &
 quæ ex Principe proficiſcuntur, ad dignitatē civi-

tatum pertinet. Nec mirum, si se Tarsensem & non Giscalitē dicat, cum Dominus ipse in Bethleem natus, non Bethleemites, sed Nazarenus à loco ubi nutritus erat cognominatus est. Et tu ergo in Diœcesi Remensi natus, & in Metropoli Remorum nutritus, & in municipio Lauduni ordinatus, non te civilem vel ciuicum, sed municipem, videlicet tributarium seu munerarium utinam spiritalium donorum Episcopum, & excepto quod à pluribus Episcopis es ordinatus, penè vicarium Episcopum, quem Græci Chorepiscopum vocant, debueras recognoscere, ac per hoc non priuilegium tibi adscribi, sed municipatum: nec contra priuilegium tuæ Metropolis te oportuerat rebellare. quod non ageres, si animo Paulus, scilicet pusillus & humilis esses. Vnde timendum est, ne & in hoc perditionis filium imiteris, qui aduersatur & extollitur supra omne quod dicitur Deus, aut quod colitur: cui quantum ex te fuit tradidisti eos, quos irregulariter, ut præmisi, excommunicasti, non ut secundum Apostolum spiritus eorum salui, sed quantum furor & indignatio tua præualere potuit, perditioni essent in die Domini. Quas colligationes impietatis, ut sæpe dictū est, & semper dicendum est, quoniam regulariter contra votum tuum dissolui, te aduersum me

crexisti. Item, post auctoritates super illicita excommunicatione. De sacramentis autem à te regi praeſtitis non est mihi neceſſe aliquid ſcribere, quoniam pens omnes ſciunt, quid de periurio ſi fortè illud admisisti, Dominus in lege & Prophetis, & in Euangelio, & per Apoſtolos ac Eccleſiae doctores atque magiſtros dicat. Et quia, Vt in decretis Apoſtolicae ſedis dicitur, nolimus exaggerare quod geſtum eſt, ne cogamur iudicare quod eſt iuſtum; quoniam quod inde tibi in ſynodo reputatum eſt, iudiciario ordine comprobatum non eſt, ſed regia benignitate intermiſſum eſt, omiſi hinc regulare iudicium ponere, Vt te ad conſcientiam tuam remitterem. Peruaſio autè rerum proprietatis regiae à te perpetrata maniſeſtiſſimè claruit, quia nunquam res ipſe iuris Eccleſiae Laudunensis fuiſſe legaliter probatae ſunt, nec ſua vel cuiuſcunq; alicuius alterius donatione vel conceſſione ab eadem Eccleſia poſſeſſas fuiſſe monſtratum eſt. Vnde ſuper hominem tuum Teduinum, cui eaſdem peruaſas beneficiaſti, legaliter conquiſitum eſt. Sed & proclamatio aduerſum te Nortmāni vera fuiſſe claruit, nec teſtibus indignuit, quoniam tam maniſeſtiſſimè hoc, quod inde contra leges & regulas egiſti, adeo omnibus in iſtis regionibus patuit, Vt nulla tergiverſatione factum

regi aut excusari valeret. Nam constat multis
 esse notissimum, & tu in scriptis tuis domino re-
 gi & mihi directis hoc confiteris, quoniam ad
 deprecationem Rodulfi & Conradi easdem res,
 postquam dominus rex illas à longo tempore de
 Ecclesia Laudunensi abstractas eidem Ecclesiæ
 sua pietate restituit, ipsi domino regi illas sine
 meo ac Coepiscoporum nostrorum & eius mi-
 nistrorum, tuorum conscientia atque consensu
 beneficiaſti, quatinus eidem Normanno illas be-
 neficiaret. Item & post aliquas datas aucto-
 ritates: & hoc à te ita irrationabiliter factum
 irrationabilius dissoluisti: qui armata militari
 manu, & permixta vulgi multitudine cum ar-
 mis & fustibus & tumultu maximo, sicut di-
 cunt qui factum illud viderunt & audierunt,
 eundem Normannum, qui ipsas res à te regi con-
 cessas per regis beneficium retinebat, violenter
 & sine regis auctoritate ac verbo vel litteris
 expulisti: expulso illo illas inuasisti, & in eas
 intraſti, ac possediſti, cum sint leges & re-
 gula, sit etiam rex portans gladium ad vin-
 dictam malefactorum, sint Episcopi & cano-
 nes ad iudicanda crimina sacrilegorum: Ut si
 ipse Normannus peruasor rerum Ecclesiastica-
 rum foret, gladio, id est vindicta regia puni-
 retur: si sacrilegus comprobatus esset, Episcopa-

li & canonico iudicio iudicaretur. Sunt etiam
 iudices, & sunt leges, quorum & quarum iudi-
 cio si quis fortè tibi & Ecclesiae tibi commissæ
 iniuste factum erat, legaliter & regulariter e-
 menderetur. Item post quædam, præcipuè
 beati Gregorij præceptionum decreta,
 Denique ex eo quod tui homines se ad regem
 reclamauerunt, quoniã ab eis sua beneficia, quæ
 apud antecessores tuos præseruierunt, iniuste
 & irrationabiliter abstulisses; post datum regi
 & mihi libellum in synodo de regulari obediẽtia
 tua secundum sacros canones, & decreta sancta
 sedis Romanæ Pontificum, ex eisdem sacris ca-
 nonibus promulgata, electos iudices Episcopos
 apud me expetisti, & tres secundum Africa-
 num Concilium, scilicet Actardum, Ragenel-
 mum, atque Ioannem à me tibi designatos su-
 scepisti: & eorum atque aliorum Deum timen-
 tium iudicio, in domni regis, sicut postulasti, præ-
 sentia de quibusdam decretum fuit, ut beneficia
 sua, quæ irrationabiliter perdiderant, recupera-
 re deberent. quorundam autem eorum causa us-
 que ad alium tractatum certis causis interue-
 nientibus non diffinita, sed die alia diffinienda
 remansit: & tu ante diffinitionem contra sa-
 cros canones, & sine ulla necessitate vel ratio-
 ne, fuga lapsus regularem diffinitionem expe-

Etare contempsisti. Item, post aliqua de ca-
 nonibus. Et ab electorum iudicio, ut prædixi,
 incautè ac inhonestè fuga lapsus abscedens pita-
 ciolum irrationabiliter confectum & manu
 tua subscriptum, ac præfatæ professioni tuæ usque
 quaque contrarium, per Ermenoldum Diaconū
 tuum vi. Non. Iul. iij. Indiēt. mihi misisti, quod
 „ ita se habet. Reuerentissimo Remorum Archie-
 „ piscopo Hincmaro, sanctæ Laudunensis Eccle-
 „ siæ Hincmarus Deo miserante Episcopus debitā
 „ in Christo deuotionem. Vos scitis, quia ab vni-
 „ uersali sanctæ Romanæ Ecclesiæ Papa quoq. no-
 „ stro & magistro Adriano bis vocatus ex isto, &
 „ vos ipsi in quaternionibus mihi à vobis in Atti-
 „ niaco palatio, coram Archiepiscopis & Episco-
 „ pis qui affuerunt, datis, quòd ad eandem sedem
 „ venire totidem vocatus detrectē, me reprehen-
 „ distis: si vitio scriptoris pro detrectem, quod est
 „ dissimulem vel differam, detractem, quod valde
 „ tractem non ab re accipi potest, intercharaxatū
 „ non fuit. Vnde vos nunc pro amore Dei bmnipo-
 „ tentis & reuerentia sancti Petri exposco, sicut
 „ in eadem synodo in eodem Attiniaco à vobis
 „ conuocata, quod & impetrare non valui, expo-
 „ stulaui, ac iam etiam per integrum efflagitavi
 „ annum, & præcipuè in synodo apud Vermeriam
 „ palatium olim ab orno habita obsecrando decla-
 „ mani,

manu, nunc quoque & obsecro, & item decla-
 mo, ut & haecenus egi, quo vestra Archiepi-
 scopali auctoritate apud domni gloriosissimi re-
 gis Caroli clementiam obtineatis, quatinus
 domni & vniuersalis Papæ Adriani præceptis
 ac institutionibus Ecclesiasticis mihi, ut omnibus
 expedit, velut ei qui de omni Ecclesia fas habet
 iudicandi, liceat obedire: videlicet ut limina san-
 ctorum Apostolorum Petri scilicet & Pauli me-
 rear, ut deuoti, & ab eodem insuper vocatus sū,
 penetrare. Alioquin me vobis ab hinc, ut Ar-
 chiepiscopo Coepiscopus obtemperare debet, cano-
 nicè sciatis obsequi non posse: quia ut decernit
 beatus Papa Gelasius, nesciunt quid loquuntur,
 qui decretis sanctæ Romanæ Ecclesiæ sedis Præ-
 sulum quasi canones opponunt, quibus contraire
 contra canones est ipsos se erigere. Iste Gelasius
 Papa venerabilis & sanctus omnes decretales
 epistolas venerabiliter sanxit suscipiendas: nec eas
 venerabiliter suscipit, licet ad totum caput in-
 clinet, qui eis non obedit, sed potius porrò obuias
 manus inferens, quod sine periculo agi non potest,
 respuit, ut pote qui de se iudicari non prospicit. nā
 Velimus nolimus, aut eis parebimus, aut eorum
 iudicio percellemur, quorum neminē aliqui qui-
 que reprobare valemus. De Archiepiscopis au-
 tem Remigio ac Arduico, quod mihi per Teut-

» landum Diaconum mandastis, privilegio sanctæ
 » Romanæ Ecclesiæ non præiudicat, sed quod eis
 » eadem sancta sedes de me voluit ac disposuit cō-
 » mittere, commisit. Vos vero quod vestrum est
 » agite. In Domino Iesu Christo bene valete. Ego
 » Hincmarus sanctæ Laudunensis Ecclesiæ Epi-
 » scopus sponte subscripsi. De quo pitatio tibi distu-
 » li respondere, putans te retractare, & à tua con-
 » tumacia resipiscere: tu autem non quieviisti: sicut
 » causa brevitatis omitto. Et post hæc per Clericum
 » tuum Bertharium domino regi litteras tuas direxi-
 » sti, excusans te, quoniam ad illum sicut tibi man-
 » dauerat venire non posses, quia febricitans ut
 » te sol tangeret sufferre nequibas. sed tibi Romam
 » eundi licentiam daret, secundum votum tuum
 » quod vouisti, quando altera vice febrem habuisti,
 » ut ad sanctorum Apostolorum limina sicut vo-
 » ueras veniens, ibidem ab eadem febre liberareris.
 » Is autem dominus rex coram Episcopis & aliis
 » suis fidelibus qui affuerunt tibi per eundem cleri-
 » cum tuum remandauit, mirum & non verum
 » esse quod diceres, quoniam ad illum venire non
 » posses, & Romam adire valeres. Venires autem
 » ad illum, & si ipse pro causa rationabili te illuc ire
 » velle cognoscere posset, tibi licentiam non denega-
 » ret. tu vero ad eum venire noluiisti, donec circa
 » Kal. Septembris tertiæ Indictionis ad Siluacum

de collocutione fratris sui Ludouici rediit. quò obuiam illi veniens nihil cum eo, sed nec mecum, per te vel missos tuos aut litteras tuas de licentia tua Romam eundi dixisti. Sed & quando missi Domini Apostolici Remis fuerunt, quotidie per septem dies cum rege & mecum locutus fuisti, & inde nihil dixisti. Quod dicis te in synodo apud Vermeriam, indeque apud Attiniacum licentiã eundi Romam petisse, & impetrare non potuisse, omnes Episcopi qui in eisdem synodis fuerunt, liquidò sciunt, quoniam cum de tuis insolentis increpabaris, timens regulare iudicium vel regis castigationem, licentiam eundi Romam petebas. Cum vero videbas, quia & rex & Episcopi erant tibi placabiles, de ipsa licentia nihil dicebas, sicut nec modo facis, donec aliquam nouitatem, ut soles, quam semper timendo expecto, iterum facias, de qua compellatus solitam cautionem de licentia tua recantes. Petitio autem tua apud dominum regem talis fuit, quando ad eum venisti, quia sicut plures & penè omnes in istis provinciis scire dicuntur, & patet, addens grauib. grauiora velut ipsa sacrorum canonum demonstrant iudicia, nescio quibus machinationibus exquisitis à te iussio est principalis elicita, ut de his de quibus electos iudices secundum sacros canones expetisti, non solum eorum querela, quorum causa vsque

ad alium tractatum diffinienda remansit: Verum & quæ, ut dixi, in domni regis presentia electorum iudicum sententia diffinita fuerunt, sine Metropolitani conscientia, sineque canonico & Episcopali iudicio, per iudices seculares, Helmigarium scilicet mercati palatini Telonearium, & Flotharium ac Vrsionem villarum regiarum maiores, refricarentur contra canones qui ab Ecclesiasticis ad maioris auctoritatis Ecclesiasticos iudices, & non à maioribus ad minores, nec ab Ecclesiasticis ad seculares, neque à consensu partium electis prouocari permittunt. A quib. iudicibus secularibus à te petitis quædam ex diffinitis refricata & immutata, quædam verò ex diffiniendis sunt diffinita, adinuentitia reputatione, sicut ab ipsis, qui in eodem placito fuerunt, dicitur, de non necessariis & inconuenientibus iuramentis reperia, & à te coram prædictis iudicibus ipsis tuis accusatoribus, quos contra electos iudices sicut expetieras suscepisti, proposita: quatinus & is de quo legaliter & regulariter diffinitum fuerat, ut beneficium suum haberet, quod contra rationem & æquitatē perdiderat, eadem adinventionem dimitteret; & illi quibus indicatū fuerat, ut quoniam tu post expetitū electorū iudiciū idem iudiciū subterfugisti, beneficia sua vsque ad legalem diffi-

nitionem tenerent, beneficia ipsa defererent, &
 tu quod incepisti euindicare: cum sicut tibi non
 licet de accusatione, siue criminalis causæ siue ci-
 vilis, relicto Ecclesiastico publico purgari iudicio;
 ita etiam non licet tibi postposito vel contempto
 Ecclesiastico iudicio ad secularia iudicia conuo-
 lare, vel quemcumq. nec etiam laicam personam
 pertrahere, neque ad forum suum sequi, si ipsa
 laica persona consenserit Ecclesiasticum subire
 iudicium, sicut lex Valentiniani, quam probat
 Ecclesia, demonstrat. Item post ostensas
 auctoritates. Et non pertransseat etiam tuam
 considerationem, cur dominus rex tuæ petiti-
 oni annuerit, ut vnde in præsentia illius ele-
 ctos iudices Episcopos secundum sacros cano-
 nes accepisti, sine conscientia Metropolitani, si-
 neque Ecclesiastico iudicio consenserit, ut secula-
 res iudices ad retractanda ea quæ diffinita fuerunt,
 vel ad diffinienda, de quibus iudices acceperas, de-
 mum acciperes. Scio enim & certus sum hinc il-
 lum canonicum scire iudicium. & miror ac doleo
 cur tu hoc videre non voluisti, aut Deo iudice ar-
 rogantia cæcatus non potuisti. Inunge igitur secun-
 dum consilium Apocalypsis Ioannis collyrio ocu-
 los tuos, ut videas & albuginem arrogantiae de
 oculo mentis, id est intellectu tuo abicere valeas.

& pensa, ne fortè dominus rex, quem totiens
 exacerbasti, sciens diuina iudicia atque eloquia
 hinc in annuendo votis tuis cogitauerit contra se
 sententias diuinas, de his qui duræ cervicis & in-
 domabiles corde sunt, Qui nocet noceat adhuc,
 & qui in sordib. est sordescat adhuc, vt impleât
 peccata sua semper: & dimisi eos secundū deside-
 ria cordis eorum, ibunt in adinventionibus suis:
 & nonne hæc condita sunt apud me, & signata
 in thesauris meis? mea est ultio & ego retribuam
 eis in tempore, vt labatur pes eorum: iuxta est
 dies perditionis, & adesse festinant tempora. Et
 cum tantarum transgressionum inueniaris ob-
 noxius, non cessas me prouocare, vt de promisso
 pitacio tuæ professionis atque suæ suscriptionis, de
 quo tibi, vt prædixi, respondere hætenus distuli,
 sed & de aliis tuis professionib. atq. suscriptioni-
 bus vel lacesitus rescribam, quatinus professio-
 num & suscriptionum tuarum historias plures
 legentes, si fortè sunt qui adhuc eas ignorent,
 earum diligentiam, cautelam quoque & utili-
 tatem cognoscant. Et primum quidem respon-
 debo tibi de præfato à te subscripto pitacio, in
 quo scribis in adminiculo tuo te à me repre-
 hensum, & esse me ostendis reprehensibilem:
 sed ego sprete reprehensione tua, qua me quasi sub
 quodam excusationis velamine de scriptoris vitio

more tuo euidenter reprehendere satagis, qui aut differentiam verbi detractem, quod in meis scriptis tibi datis posui nesciam, aut scriptoris vitium in eis corrigere non sapuerim, vel emendare neglexerim, & ex mea reprehensione tuam ostentare scientiam Cham Noe filius voluisti, non solum in verbi illius differentia, sed & in alio verbo, quod ad ostentationem tui in tuis adinventionibus iteratum inueni: & cum hinc meam insipientiam voluisti ostendere, tuam studuisti apud scholasticos stultitiam propalare. Pro me nil curo dicere: mihi enim pro minimo est, ut à te iudicer, aut sine dilectione à tua scientia reprehendar. Sed ne apud illos, qui tecum rumusculos captant, glorieris quasi me mutum effeceris & elinguem, qui solus nostris temporibus thesauros sapientiae & scientiae penetrans introisti, hinc causa compendij praetermittens, cum mihi vacauerit ostendam quid regularum Grammaticae artis auctores, quid Orthographiae doctores, quid sanctae scripturae tractatores inde sentiant atque dicant. Item post nonnulla. Sed alia sunt hinc ex sacris canonibus. & Apostolicae sedis decretis, quae mihi hinc ponere longum fuit, & in opusculo LV. capitulorum, quod ad tuam commonitionem, & correctionem atque instructionem tibi dedi, potes relegere, praeter epistolas praemissas, quas tibi direxi ad re-

darguendam tuam temeritatem contra Euange-
 licam veritatem, & Apostolicam atque canoni-
 cam auctoritatem, contraque sedis Apostolica
 decreta in tuam & perniciem multorum præsum-
 ptam, sicut in synodo plurimorum Episcoporum
 est comprobatum. sed & præter alias epistolas,
 ac alia scripta, quæ tibi direxi, vel dedi ad com-
 primendam tuam insolentiam, & commonendâ
 ac instruendam tuam dilectione, Vt ageres iux-
 ta Domini dictum, Quid quærit Dominus Deus
 tuus à te, nisi Vt timeas Dominum Deum tuum,
 & facias voluntatem eius, obediaſq. ipsius impe-
 rio. Quæ frater sollicita cordis intetione reuolue,
 & recogita quid sit quod dixisti, Quia ex tunc
 quando mihi litteras illas misisti, Vt Archiepi-
 scopo Coepiscopus obtēperare debet canonicè, scire
 obsequi mihi te non posse: & renoca ante oculos
 tuos, quod coram Episcopis decem provinciarum
 professus es, & manu propria subscripsisti: scili-
 cet quia privilegio Metropolitanæ provinciæ Re-
 morum Ecclesiæ, secundum sacros canones & de-
 creta sedis Apostolicæ & sacris canonibus pro-
 mulgata pro scire & posse te obediturum profite-
 reris, & subscripsisti. Dic frater, quando, & V-
 bi, vel in quibus à te requisui vel extorquere
 volui, Vt mihi contra hæc in aliquo obedires? qui
 nunquam tua sed iuxta Apostolum te quæsiui, &

qui meas iniurias, scilicet meae personae, facile Deo gratias possum dimittere, sicut & pro te quotidie omnipotentiam Domini deuotè exorans facio, iniurias ordinationis diuinæ quæ à tua insolentia exquiruntur, vt Metropolitano priuilegio canonicè non subdaris, in eū redundātes, qui Spiritu sancto suo, à quo promulgati leguntur & creduntur canones, instituit, patienter ferre non possum, nec debeo, quin tantum inde non satagam quantum potero. Nam sicut sollicitudo & primatus totius Ecclesiae Catholicae sanctae sedis Romanae Pontifici diuinitus est collata: ita & unicuique Metropolitano ac Primati provinciae sollicitudo sibi delegatae provinciae per sacros canones spiritu Dei conditos, & totius mundi reuerentia consecratos noscitur esse commissa. & cætera. Sequuntur denique plura de professionibus & subscriptionibus eiusdem Hincmari, & correptionibus eius, vsque ad finem operis. Item aliud opus incipiens ita:

HINCMARVS REMORVM Episcopus Hincmaro Laudunensi Episcopo.

VIR DIVERSIS flagellis à diuersis attritus dicit: Qui me comedunt non dormiunt.

ac si diceret, non quiescunt. Et tu, frater, me
 tuæ linguæ flagellis atterere, & venenosus scri-
 ptis tuis ad iracundiam prouocando inficere non
 quiescis. Sed qui ille seruum suum custodiuit à
 murmurationibus, me peccatore & fragile in se
 confidente potest custodire à rancore & malitia
 contra tuas falsas criminationes. Post alia mul-
 ta super dolorem vulnerum meorum addens di-
 cis, Sicut in scriptis tuis peruersis inuenio, quia
 Apostolicæ sedis potestati derogo. Vnde nemo
 sanum sapiens tibi vnquam credidit vel credet.
 quoniam & ipsa scripta quæ ad Apostolicam
 sedem sapissimè misi, & illa quæ tibi resultanti
 saepe transmisi, te reuincunt, & in isto secu-
 lo & in futuro iudicio. Non enim de me ve-
 rum esse valebis vnquam vel vsquam probare
 quod dicis, ab his inquiring, à quibus pro Apo-
 stolicæ sedis privilegiis, quæ Christi sunt, vsq.
 ad mortem fas erat decertari, prædicatur &
 docetur, in his quæ eadem sedes statuit, vel vt
 respuendum probari. Sed tu probaris eius privi-
 legio resultare, qui secundum sacrosanctorum
 Conciliorum canones supra positos, ab ipsa prima
 sede, atque ab omni Ecclesia Catholica compro-
 batos, vt re vera spiritu Dei conditos, & totius
 mundi reuerentia consecratos, & iuxta decreta
 ipsius sanctæ sedis ex eisdem sacris canonibus

promulgata, Metropolitano priuilegio semel & secundo ac tertio commonitus obedire detrectasti, vt colligationes impietatis, quas contra Euangelicam veritatem & Apostolicam atq. propheticam auctoritatē, contraq. sanctorum canonum, & decreta ipsius venerandæ sedis extiabiler in tuum & multorum periculum colligasti, dissolueres. Insuper contra sacras regulas aduersus Metropolitanū priuilegium libello perniciosè subscripsisti, & subscribi fecisti. Vnde in Synodo conuentus ab Episcopis decem prouinciarū libellum professionis de futura tua obedientia, subscriptum manu propria, quod habeo, porrexisti, contra quem iterum resubscripsisti. Nam ego decretales epistolas sedis Apostolicæ diuersis temporibus pro diuersorum patrum consolatione vel consultatione ab eiusdem sedis pontificibus datas, & venerabiliter suscipio, & venerabiliter suscipiendas dico & scribo, & sacrosanctorū conciliorum canones cum decretis Apostolicæ sedis ex eisdem sacris canonibus promulgatis & recipiendos & custodiendos & seruandos, sicut supra ostendi, profiteor. Et quod te dicis audire obloqui de iudicio domini Papæ Nicolai: si de me dicis, mendacium dicis. Nam quod ille de Rothado, siue de Vvlfado iudicauit, non contradixi: sed sicut ipse præ-

cepit obedire curavi. De eo quod dicis de Rothado, quia in eius depositione non consensisti: subscriptiones tuæ manus propriæ te revincunt. Nihil enim inde egi, quod mecum non egeris: nihil iudicavi, quod non iudicaueris: nihil subscripsi, quod non subscripseris. Habeo enim illas ipsas manus tuæ subscriptiones. Et circa huius operis finem. De aliis verò, quæ in scripto apud Attiniacum dato mihi impropere mendaciter dicis, tibi respondere non curo. Sed scias quia non sum oblitus quod scriptum est in Isaia propheta; quoniam sanctus Ezechias artatus angustia, blasphemias epistolas sibi directas in templo coram Domino expandit, & ad eum clamavit, & exauditus est. Expandam autem manus meas ad Dominum cum blasphemis & superbissimis scriptis tuis mihi à te directis, orans, ut quando scit, & quando vult, & sicut scit, & sicut vult, te convertat ad veræ pacis & dilectionis atque debitæ obedientiæ dilectionem, & me liberet à labiis iniquis, & à lingua dolosa. Et dominæ meæ beatæ & gloriosæ Dei genitricis Mariæ meritis, ac precibus sancti Remigij, cuius privilegio derogas, exaudiet me adiutor in opportunitatibus in tribulatione. Et quia beatus Hieronymus de his, quorum aduersum me gratis suscepisti officium, dicit, Au-

diant canes mei, Tu qui de filio in fratrem, indeque creuisti in Coepiscopum, & post adeo profecisti ut in canem meum excreueris, accipe hanc peruersi contumaciae tuae pitacioli exigente causa prolixam responsionem. Cum autem mihi vacauerit, succinctius de aliis peruersis & incompositis scriptis tuis, in quibus quaedam mendaciter, quaedam reprehensibiliter me reprehendendo, quaedam fictè humiliter & verè superbè scripsisti, rescribam, & in illo scripto quia lego dixisse Dominum, Iam non irascar tibi amplius, quantum mihi adhuc paret de huiusmodi altercationibus tibi scribendi finem imponam. De hoc quod dicis, quia dicunt de me homines, qualis est ille auunculus, qui talia suo nepoti scribit? dicant & de te ipsi homines, qualis est nepos ab auunculo suo talis ut tunc erat assumptus, & talis, sicut nunc est in spiritali ac temporali honore effectus, qui talia sibi exigit ab inuito auunculo. ne talis ab aliis, sicut à nepote suo depingitur, aestimatus, per eum blasphemetur nomen Domini, & vituperetur ministerium eius. secutus Apostolum scribentem ad Corinthios contra se blasphemantes, & vilipendi ab aliis laborantes. Egit quippe doctor egregius, ut dum ipse qualis esset agnoscitur, & vita & lingua malè praedicantium eius praedicatione vilesceret. Illos videlicet commendaret si se absconderet. Cumque se non ostē-

deret, errori locum dedisset. Dicunt etiam ipsi homines de te, Qualis est ille nepos, qui talia contra suum auunculum & nutritorem atque ordinatorem machinatur, & quantum potest mali agit, & plusquam potest agere cupit; sicut tu in die magni iudicii manifestè videbis, si te antea inde non recognoueris, & dignis poenitentiae fructibus non emendaueris. Multum me fatigas, & meritò; non imputetur tibi: sed fatigationem meam consolatur, quod sicut tibi scripsi, dicit Gregorius: Et si Aethiops niger balneum intrat, & niger de balneo exit: tamen balneator denarium balnei sui non perdit. Timeo de te meo Alexandro, quod de suo dicebat Paulus; Alexander exarius multa mala mihi ostendit, reddet illi Dominus.

Quæ Altfrido Transrhenensi Episcopo, vel cæteris quibusdam Episcopis scripserit.

Cap. XXIII.

ALTFRIDO Transrhenensi Episcopo scripsit quædam pro rebus sancti Remigij sitis in Thoringia, quas eidem cômiserat, ut reditus ipsarum ipsi tempore opportuno dirigeret. Interdicens iuxta dispositionem beati Remigij, ut nemo

colonos ipsarum in suo præsumeret opprimere seruitio. Item quòd easdem res cuidam suo in beneficium dederit homini, rogans vt eidem homini solatium in quibuscumque indiguerit, ferre studeat.

ADVENTIO Metensium præsuli, super quadam fidei quæstione, de qua fuerat interrogatus ab ipso. Item de itinere quod idem Aduentius Romã petiturus debeat incipere. Item de aduëtu suo ad denunciatam à rege synodum pro memorata quæstione tractanda. Item pro filio neptis suæ, quem eidem committebat. Itē pro his quæ idem Aduentius ei mandauerat de Hincmaro Laudunensi Episcopo, breuiter intimans quæ bona erga ipsū gesserit, & quæ praua ille contrà gerebat. Item petenti consilium quid agere deberet Carolo in regnum Ludouici fratris sui senioris ipsius veniente : significans quid egerit ipse, quando Ludouicus regnum Caroli peruaferat, & quid eidem tunc agendum foret. Item pro acceleranda ordinatione Berardi Viridunensis Ecclesiæ electi, & vocati Episcopi. Item pro excommunicatione Carlomanni, quā mittebat ei, significans qualiter eandem tra-

ctare deberet. Item pro missis ipsius Aduentij, quos Romam direxerat pro causa Bertulphi Treuerensis Archiepiscopi, mirans cur sibi non significasset quid ei renuntiauiſſent. Item pro litteris Ludouici regis, quas idem Aduentius ei direxerat, & vt litteras, quas ipse domnus Hincmarus Ludouico mittebat, ipse præfatus præsul ei aut mitteret, aut donaret. Item pro litteris ipsius Aduentij, quas ei miserat, intimans de aduentu Legatorum suorum pallium à sede Apostolica Bertulpho Archiepiscopo deferentium: exhortans etiam, vt de regum concordia laboraret; vnde quia semper laborauerit & laborare decertet, innotescit. & de mulo, quem sibi mitti petierat, quia hoc animal ipse dñus Hincmarus nō haberet, nec sedere soleret, & alia quædam. Item pro excōmunicationis discretionē, quia excōmunicatos significauerat à se quosdā malefactores Metensis Ecclesiæ, homines scilicet Vualterij Comitis, & Lāberti: deposcens vt Apostolicā regulā & Episcopālē seruet in huiusmodi negotio patientiam. Item quo debeant ordine cōsecrati Metropolitanus atq. Diœcesanus

ECCLESIAE REM. LIB. III. 257
nus Episcopi. **ERCANRAO** Catalaunensi
Episcopo, de quibusdam reprehendens
quæ non libenter audiebat de illo: admo-
nens & instruens qualiter se agere debe-
at, & vt monitis Apostolis diligenter at-
tendat. Item pro cuiusdam villæ incolis,
quos ab omni consolatione diuini mini-
sterij irrationabiliter, propter quoddam
homicidium non ab ipsis patratû, remo-
uerat, intimans quomodo nec caritatem,
nec discretionis moderationem in hoc
facto custodierit. Item pro absolutione
cuiusdam ab eo excommunicati, pro
quo **Guntarius Coloniensis** Episcopus ei-
dem literas deprecatorias miserat; quas
ille suscipere noluerat: ostendens qua-
lem se erga delinquentes, & qualem erga
recognoscentes Episcopus exhibere de-
beat. **HILMERADO** Ambianensi, pro
quodam monacho, qui presbyterum &
monachum in monasterio sancti Richa-
rij occidit; pro quo dominus Papa Nico-
laus litteras eidem domino **Hincmaro** di-
rexerat, pœnitentiæ tenorem continen-
tes. Item pro litteris **Adriani** Papæ quas
ei pro quodam presbytero miserat, mo-
netque vt Apostolicis obediat iussioni-

bus. Item pro quodam presbytero, qui ad eum clamauerat, quia pro eo quòd arma de cuiusdam ebrij manibus, qui eum occidere volebat, extorquens proiecit & fugit, idem Episcopus ab eo & Ecclesiam suam & facultates eius tulisset. vnde redarguit eum quòd contra auctoritatem sacrorũ canonum erga præfatum egerit presbyterum: mandans quid fiendum & quid iuxta canonicam sit auctoritatem de hoc obseruandum. Item redarguens eum quare in torpore negligentiæ requiescens prauorum consiliis vteretur, cum & ætate & corporis infirmitate ad finem vitæ vrgeri videretur: ostendens ei ex sanctorum monitis scripturarũ, quibus transgressionibus inueniretur obnoxius. Item pro quodam presbytero, mandans & interdicens auctoritate Metropolitana, vt nullum præiudicium ei faciat, sed ad synodum conuocatam die denunciata sibi occurrere studeat. Item pro hac eadem re, intimans quia si non occurrerit ad synodum secundum præceptum Papæ, quod synodus de eo iudicauerit in ipsum sit exequendum. ISAAC Lingonensi, pro quodam regio milite ab ipso excõ-

municato, suadens vt mitius erga eum ageret propter instantem de infestatione paganorum necessitatem: notificansque qualiter ipse agere soleret in talibus excōmunicatorum causis, & quia illud anathema non daret amplius, nisi quandiu homo in peccato perseuerat. Item pro nepotibus ipsius qui apud eundem dōnum Hincmarum nutriti fuerant, & alia quædam. HUNGARIO Episcopo, pro excommunicatione Balduini qui Iudith viduam regis filiam sibi furatus fuerat in vxorē. vnde & ab Episcopis huius regni fuerat excōmunicatus. Hortatur autē eūdem Hungarium, vt admoneat Roricum Normānum, nuper ad fidem Christi conuersum, ne recipiat eundem Balduinum, neque præsidium ferat: sed & si ceteri Normāni per eius consiliū, vt audierat, post conuersionem ipsius istud regnum deprædati fuissent, hoc digna pœnitentia emendare studeret. FULCRICO Episcopo Treassino, Ecclesiæ Remensis alumno, gratias referens pro epistolis quibusdā Augustini ab eo missis sibi, & de libro Didymi, quem sibi Fulericus mitti petebat, ac de Ecclesiis monasterij Orbacēsis,

admonens eum, ne contra matrem suam, Ecclesiam scilicet Remensem, & patronū suum sanctum Remigium aliquid peruersè agere præsumeret. ODO NI Beluacensi, quem filium carissimum sæpe vocat, multa fidenter scripsit. Pro epistola siquidem Adriani Papæ, quam sibi miserat super appellatione cuiusdā presbyteri ex Ambianensi parochia, vt assumat idem Odo pro hac laborem, quatinus Hilmeradus Episc. Papæ iussis obediat, & qualiter scripta, quæ presbyter idē Roma detulerat, prudenter tractare debeat. Itē pro quibusdam regis hominibus inter se discordantibus, vt commoneat eos ad pacem venire, indicetque ipsis, quòd nisi hoc egerint, ab eodem domino Hinomaro excommunicandi sint. Itē pro synodo, quam rex præceperat habendam non in tempore congruo, petēs consilium quid inde agere debeat: rogans etiam sibi remandari quid rex responderit de illis hominibus, quos se significauerat excommunicaturum: & de aliis necessariis causis. De quibusdam quoq. scriptis, & Græcorum quæstionibus, & homiliis beati Petri, cæterisque rebus. Item de respon-

sionibus ad obiecta Græcorum, quas idē
 Odo colligens descripserat, & domno
 Hincmaro miserat. Vnde Deo gratias re-
 fert, quia se, ipsumque vno spiritu po-
 tatos inuenit; & quid de his sibi videat-
 ur simul conferendum esse significat. sed
 & apud regem super eum excusatū fieri
 rogat, qui tunc in eius seruitium diuersis
 infirmitatibus detentus abire non potue-
 rit: rememorans etiam de discordanti-
 bus, vnde iam mandauerat, vt eos ad pa-
 cem redire moneret. laudans eum quod
 de his quæ litteris suis ei significauerat,
 vt Deum & fratrem diligens, studiosè ac
 episcopaliter egerit, & vt regem com-
 moneat inde ministeriū suum facere ro-
 gat. sibi quoque rescribi, de quibusdam,
 quæ inter se & regem versabantur, qua-
 dam etiam intimans, quæ secretò Ioanni
 Episcopo notificaret de synodo tunc vt
 rex iusserat non agēda; & quare tunc con-
 uocari non deberet. addens de quibus-
 dam quoque scriptis, quæ illi remitte-
 bat, vel quæ sibi mitti poscebat. Item de
 ordinatione Vvilleberti, cui rex Episco-
 pium Catalaunense dederat, ne in ipsius
 ordinatione ab ordine debito declinaret.

intimans quòd irrationabiliter Catalaunenses post obitum sui Episcopi de sua ipsa necessitate fecerint, & quòd ad regem litteras suas pro electione præfati Vvilleberti miserint, decretum verò suum ad Archiepiscopum, sicut mittere debuerant, vt inde quæ agenda essent canonicè ageret, non miserint: insinuans qualiter inde ritè facere debuissent, sed quia non fecerant, quid exinde cautiùs agendum sibi videatur, edisserit, & prudenter attendendum mandat, vt regularis electio fiat, & postremò sicut ipsius prudentiæ meliùs inde videretur, hanc ita disponderet. Item de causa parochiæ ipsius Odonis, quæ inter ipsum & Rothadum Sueffonensem Episcopum ventilabatur: simulque de presbytero, qui epistolam Papæ Romæ detulerat, vt regem admoneat, modificans eius animum, ne contra Dominũ aliquid faciat in Ecclesia Dei, vel Episcopali ordine: nõ pro Hincmaro nepote suo se tantum id dicere asserens, quantum pro ipso seniore suo rege, ne ipse taliter peccaret, vnde æternaliter periret. Item de correctione epistolæ suæ, quam illi pridem miserat ab

imperito scriptore corruptam, & de his
 quæ obiiciebantur Hincmaro scandali-
 zatori suo. Item de litteris, quas pro
 eodem Hincmaro regi mittebat, ut ip-
 se Odo eas illi porrigeret, & qualiter
 eas receperit, vel his annuerit, sed &
 de aliis sibi sciendis petit litteris sibi re-
 mandari. Item de causa Erpuini Epi-
 scopi, qui ad conditam synodum ve-
 nire non valebat, ut causam ipsius Odo
 inter eius personam & accusatores eius
 exequi studeret, & si ad integrum id age-
 re non posset, eundem Erpuinum & ac-
 cusatores eius ad synodum apud Pistas
 agendam abire commoneat. Item de lit-
 teris sibi ab Odone missis, in quibus com-
 pererat insurgere quosdam monachos
 contra sacram auctoritatem, & de priui-
 legiis Corbeiensis monasterij. Item pro
 itinere suo ad regem. Item gratias referēs
 Deo, pro satisfactionis & correctionis
 dulcedine, qua in litteris ipsius Odonis
 multam recognitionis eius de his vnde
 redarguerat eum reperit benignitatem.
 Item pro electione Suefforum Episcopi
 post obitum Rothadi. Item pro conven-
 tu synodali super responsione ad episto-

lam Adriani Papæ. Item pro litteris regis, quibus præceperat Episcopos regni à dōno Hincmaro conuocari, vt prohiberent filium ipsius regis Carlomannum à præsumptione cessare, quam criminabatur contra patrem exercere. Item pro ordinatione Ansegisi Remēsis Diœceseos monachi in Episcopatu Senonico. Item pro libello historiæ de ortu S. Mariæ, & homilia B. Hieronymi de assūptione ipsius Dei genitricis, quæ quidā monachus Corbeiensis monasterij non esse recipiēda contēdebat. Ad quæ respōdet idem dominus Hincmarus, præfatam historiā nos habere ad lectionem, non ad proferendum auctoritatem: homiliam verò eandem à sancto Hieronymo asserit Catholicè dictatam, sicut & stylus & cautela sensus, & intellectus, & alia certa iudicia monstrāt, & certè personæ, per quas de partibus orientalibus tempore certo delata ad regiones nostras peruenit, fidem faciunt. Subiungit quoque de libello ipsius Odonis contra obiectiones Græcorum, quædam se in eo commemorans adnotasse, quæ retractanda & corrigenda forent. Item per ordinatione Hedenulphi se-

cundum iussione[m] Ioannis Papæ ad Episcopatum Laudunensem diu pastore vacantem. Item pro ratione Lunæ paschalis, & lectione quam Adalardus abbas inde composuit. Item pro eadem re, gratias agens Deo pro sollicitudine ipsius Odonis, qua studuit inuestigare mysticā paschalis solemnitatis obseruationem, & cætera. Item pro suo itinere ad Concilium Papæ Ioannis, vt ad id ipse quoque venire festinet. Itē de inquisitione ab ipso Odone & præfato Hedenulpho tractati iudicij Auriniaci monasterij pro regimine Ricoaræ abbatissæ, quæ cōtra leges idem vsurpauerat monasterium, monetque vt suggerat regi, ne ageret inde qualiter alienis peccatis implicaretur. Idem de itinere suo non ad regum terrenorum præsentiam, sed ad regis æterni iudicium, ad quod iam se festinare per continuas indicat ægrotationes. Item pro ordinatione Hetilonis, quem plebs Nouiomagensis sibi elegerat ordinandum. Aliaque nonnulla eidem sæpe direxisse reperitur scripta. HILDEGARIO Meldensi Episcopo pro parochianis ipsius quibusdam, qui homicidia in Remensi perpetrare

parochia scribit, exhortans ut eos saluare
 quocunque valeat consilio & auxilio pro-
 curet, adiuturum se spondens, ut ad pa-
 cem venire queant. Scribit quoque ad
 eundem quendam de iudicio aquæ frigi-
 dæ libellum. IOANNI Cameracensi pe-
 tenti commendatitias sibi dari Romam
 proficiscenti litteras, ex nomine domni
 Hincmari Adriano Papæ offerendas, re-
 scribit quod si redditurus obsequium Cæ-
 sari Romā velit ita pergere, ut obsequio
 Deo debito Cæsaris contrarium non ef-
 fet obsequium, canonicas libenter ei lit-
 teras tribueret: sin autem pro causa
 Lotharij regis, quæ inter eum & ipsius
 vxorem diu ventilata fuerat, quoniam
 commendatitas in hac re dare litteras
 non valebat, reprehensibiles dare non
 audeat, quia nec debeat: præsertim cum
 nuper dominus Adrianus litteras ei suæ
 auctoritatis per Aetardum Namneten-
 sem Episcopum misserit, in quibus signi-
 ficauerit se certamina, quæ sedes A-
 postolica per antecessores suos Benedi-
 ctum & Nicolaum in hac causa certaue-
 rat, sequi, monens eum, ut quod super

hoc negotio gestum est, nullatenus enervari consentiat, intimanſque qualiter excommunicata fuerit Vualdrada. Addit etiam, quòd sine consilio Coepiscoporum litteras ei dimissorias maximè pro re incerta dare nequireret. Item de obitu Lotharij regis, exhortans vt sine dilatione ad Carolum regem veniat. Item pro quodam presbytero Cameracensis parochiæ, qui seipsum castrauerat, frequenti monitus id agere visitatione, nesciens quid inde sacri decernerent canones: consiliũque dat monens, vt diligenter inuestigetur, quibus sit modis admissum, & interrim per indulgentiam presbyter idem maneat in ordine suo, donec in prouinciali synodo quid exinde tenendum sit inueniatur, quod nec præceptis Euangelicis cõtrarium, nec decretis sanctorum reperiatur aduersum. Item gratiarum referens actiones pro beneficiis sæpe sibi ab eo impensis: petens vt requirat sermonẽ sancti Augustini de lapsu monachi & viduæ, ac sibi ad transcribendum mittat, vel transcribi faciat, & ad proximam synodũ sibi afferat. Expositionẽ quoque Bedæ

in Prouerbiis Salomonis ad eandē synodum sibi deferri petens. Intimat etiam, quòd Papa Romanus Carolo regi & Episcopis ipsius regni quædam mandata direxit, de quibus in synodo sit necesse tractari. vnde & rex Metropolitanis regni sui litteras miserit, præcipiens, vt Coepiscopos suos ad eandem conuocarent synodum. Item pro parte decimæ, quam sibi significatum fuerat, ab antiqua regia capella tulisse, & alteri quam nouiter sacrauerat addidisse: quod quia contra regulas esset, emendare, si sit actum, suadet. Item pro quodam presbytero, qui ad sedem Remēsem proclamauerat, præiudicium se pati quæstus ab eodem Præsule suo, interdicto sibi cum rebus suis officio quoque sacerdotali, nec sponte confesso, nec regulariter conuicto, pro tumultu & homicidio perpetrato, vbi interfuerat & inuitus arma defendendo se sumpserat, hominemque vulnerauerat, non tamen eum qui occisus fuerat: in quibus litteris ostendit ex auctoritate sacra quid discretionis sit in huiusmodi causa tenendū, & quæ sacrorū canonum sint adhibenda capitula. Scribit ad eundem & alia quædam.

RAGENELMO Nouiomagēsi, pro quodam presbytero qui ei litteras ab Adriano Papa detulerat, præcipientes vt si Episcopis idem quod iniuste fuerat actum circa eundem presbyterum corrigere differret, post primam & secundam admonitionem dominus Hincmarus hunc Ragenelmum canonica vsque ad satisfactionem percelleret auctoritate. Vnde & litteris eum monet, vt iussis obtemperet Papæ, & quare vel ipsi vel aliis quibusdā Episcopis talia venire solerent ab Apostolica sede mandata, declarat: quia scilicet in iudicandis subditis regularem non sequantur tramitem discretionis, & quoniam ad auctoritatem Metropolitanam interrogando atque obediendo recurrere negligant. Item pro visitatione Morinēsis Ecclesiæ post obitum Hunfridi Episcopi iuxta dispositionem regis. Item pro Rothado quodam ipsius Episcopi amico, qui sua quæ illius commiserat fidei se fraude perdidisse querebatur: consilium dans quid inde faceret, ne ad synodalem sententiam perueniret. VVILLEBERTO Catalaunensi rescribit ad ipsius consulta pro Gangulpho Comite. vt de his quæ

contra eum se fecisse vel negabat quādā,
 vel cōfitebatur aliqua, iuxta præceptū A-
 postolicū leniter ageret, quatinus in hoc
 legē Christi, caritatē scilicet adimpleret,
 & ad satisfactionem dilectionemq. sui vt
 cumq. posset, & industria eundē Comitē
 prouocans, illi suam clarescere benigni-
 tatem permetteret: decens enim esse, vt
 primordia sui sacerdotij deuotione atq.
 dilectione commendaret. Item pro quo-
 dam presbytero transgressore, vt secun-
 dum beati Gregorij monita de ipsius ab-
 solutione faciat, iuxta prophetica de con-
 fessione pœnitentis, & Apostolicam de
 iudicio & misericordia sententiam: præ-
 missum verò Comitem, quem signifi-
 cauerat iam de culpa sua ex integro se
 recognoscere, patris illius, qui filium pro-
 digum lētus recipit, benignitatē sequens,
 benignē suscipiat, & Vicecomitem pacis
 inter eos procuratorem tanto benignius
 admitteret, quanto Dei esse filium pro E-
 uāgelij veritate recognosceret. Item pro
 duobus vasis salariis, quæ rex sancto Ste-
 phano mittebat, & aurea cruce cum san-
 ctorum reliquiis, quam regina delegabat
 altari eiusdem sancti. Item pro inquiren-

da causa, iuxta regis mādātum, quæ ver-
 sabatur inter Episcopos Odonem & Ro-
 thadum. Item pro ordinatione Arnoldi
 Tullenſis Episcopi, vt eat obuiam pro
 hoc Aduentio & Berardo idem petenti-
 bus, ad eandem scilicet ordinationem ce-
 lebrandam in pago Metensi secundum
 regis iussione. Item cum Odone, vt lo-
 quantur simul apud regem pro synodo
 prouinciali conuocanda. Item cōsulenti
 si de monacho necessitate cogente va-
 leat archidiaconū constituere. Item pro
 quodam homine suo ab ipso excommu-
 nicato, quem quia irrationabiliter audie-
 rat ligatum, monet diligenter absolui. I-
 tem pro synodo Ioannis Papæ domno
 Hincmaro ab imperatore Carolo missa,
 quam idem Vvillebertus transcripserat.
 Iubetq. vt ad vicinos sibi Episcopos Be-
 rardum & Arnoldum eandem transmit-
 rat. & cæt. Sed & alia quædam scribit ei-
 dem. HILDEBALDO Sueſſonensi, pro
 quadam Ecclesia, de qua contentio agita-
 batur inter ipsum & Odonem Beluacen-
 sem Episcopum, quam rex destrui præci-
 piebat. Item pro ministris Orbacēſis mo-
 nasterij ordinandis, & de quibusdam fra-

tribus, qui ab eodem monasterio irrationabiliter exierant, reuersique postea recepti fuerant. Item pro quibusdam presbyteris ex monasterio sancti Crispini, de quibus domnus Ioannes Papa eidem domino Hincmaro scripserat, & de quibus diffinitum fuerat, vt extra claustra monasterij non pergerent, vt eadem censura eis paternè temperetur. Item pro ordinatione Hadeberti ad Episcopatū Ecclesiæ Siluanectensis. Item pro litteris Ioannis Papæ à quodam criminato presbytero delatis, quas à sacris canonibus & sanctorū decretis patrum manifestè discordare commemorat. vnde & qualiter agendum sit, dat vtile consilium. Item vt secum simul ad præsentiam Ioannis Papæ pergeret, qui Trecas pro quibusdam causis diffiniendis aduenerat. Item pro constitutione regum, filiorum Ludouici, vnde mandauerant ei Episcopi, Abbates, & Comites, qui cum ipsis erant, vt ad eos litteras & missum suum dirigeret: quod & fecit, mandans huic Episcopo, vt ad eos proficiscens quæ Deo inspirante inuenerint votis & orationibus prosequatur. Item cum Vualtero, Gisleberto &

Angeluino Episcopis, vt conuenirent se-
 cum ad peragendam iussionem præfati
 Papæ Ioannis inter Hedenulfū & Hinc-
 marum Laudunensis Episcopos cū sacro-
 rum obseruatione canonum. Item ex-
 hortatoriam ad eundem Hildebaldum
 corporea infirmitate detentum, in qua
 iuxta petitionem litterarum confessionis
 illius, absoluit eum réconciliando, licet
 per absentiam corporalem: & alia non-
 nulla scribit ad ipsum. OCTVLFŌ Trecaf-
 sino, de reliquiis sanctorum, quas ille si-
 gnificauerat ostensis mirabilibus se repe-
 risse, qualiter easdem disponat: & de Ec-
 clesia sancti Petri, quam restruere tracta-
 bat, qualiter ageret: ac de infirmitate vel
 euasione sua: & cætera. Item de villis
 Boletico & Fago, quæ debitas presbyteris
 decimas recusabant dare, quid esset agē-
 dum. Item pro mandatis Papæ Ioannis
 de Hincmaro Laudunensi ad eundem
 Octulfum ab ipso Papa directo, quid illi
 sit obseruandum. VVALAE Metesium præ-
 suli, ad litteras quas illi direxerat pro
 documentis vitæ pastoralis, & confede-
 ratione fraternæ vnanimittatis, atque de
 repentina ipsius prouectione, vt confor-

tabilia sibi verba remandaret expetenti. Item pro quodam presbytero, cui dominus Hincmarus quasdam res Remensis Ecclesiæ coniacentes in Vosago commiserat, qui eas malè tractauerat, & nonnulla contracta fuerant ex eisdem rebus in potestatem Metensis Ecclesiæ. Item pro consilio quod ab eo petierat, de contentione quarundam rerum quæ versabatur inter Metensem & Treuerensem Ecclesiam, & de pallio à sede Romana sibi obtento, vnde Archiepiscopus ipsius litteras Papæ suscipere noluit. Item pro ordinatione Virdunensis Episcopi, quæ post obitum Berardi contra regulas prouehi compererat. hanc epistolam suam sacris institutionibus instruens, & qualiter ordinandus vel non ordinandus sit Episcopus, diuinis autoritatibus ostendens. Alia præterea quedam HEDENVLFŌ, quem post Hincmarum Lauduni ordinauerat Episcopum, pro quibusdā diaconis, quos ei dirigebat ad sacerdotium prouehendos. Item pro quodam orphano, cui suā afferebat idem Episcopus hæreditatem, & alia quodā. ARNOLDO Episcopo, pro quibusdam qui homicidium perpetraue-

rant in Remensi parochia, & pacem obtinere non valebant, sed pœnitentiã facere quærebant, quam in hac parochia non poterant agere, quid de ipsis obseruandũ foret. Item pro consilio quod petierat sibi dari super aduẽtu Ludouici Transrhenensis, & quid ipse dominus Hincmarus eidem regi eum ad se venire iubenti remandasset. FRANCONI Episcopo, pro litteris cõmonitoriis, quas iussione regis mittebat Hugoni imperatoris Lotharij nepoti, rogans vt & idem Franco missum suum talem cum ipsius misso mitteret, qui eum saluũ ducere & reducere posset. Item pro Eurardo, quem communẽ suum & ipsius filium vocat, & vt pro eo apud Ludouicũ regem Transrhenensem & reginam intercedat, obsecrat: & cetera. BERNONI Catalaunensi, pro Noiomagensis Ecclesię missis, qui ad se post obitum Rainelmi Episcopi sui venerat, vt eos idem Berno ad præsentiã regum perducatur, & eisdem regibus litteras huius domni Hincmari relegat, & intelligere faciat, & pro hac causa tam apud reges quàm apud palatinos secundum mi-

nisterium suum intercedere satagat. Item pro electione pastoris præmissæ Nouiomagensis vel Tornacensis Ecclesiæ: & quia formam visitationis, vel electionis Adalberno episcopo & eidem Ecclesiæ transmiserit: monens vt petat reges & Hugonem abbatem, vt quantocius sibi litteræ à regibus super hac causa mittantur; quia ipsa Ecclesia sine detrimento diu vacare pastore non poterat. Item pro eadem re, & aliis quibusdam. ADALBERNO, pro visitatione præfatae Tornacensis Ecclesiæ, vt eidem suam visitationem sollerter impendat, & frequenter electionis formam clero plebique relegat & inculcet, ne per ignorantiam ab eadem forma in aliquo deuiant. Item pro electione pastoris ipsius Ecclesiæ, & quia multi laborarent, vt non per ostium intrarent, non timentes neque verecundantes fures fieri & latrones, & quia mandandus sit ad præsentiam regum; quò cum perrexerit loquatur secum, vt qualiter hinc de cætero sibi sit agendum simul consideret. & cætera. Item pro querimonia & proclamatione cuiusdam presbyteri eius parochiæ, ostendens qualiter Episcopi ru-

fricanarum parochiarum Ecclesias dispo-
nere debeant & gubernare: monens, vt
legat sapius homiliam beati Gregorij
ex Euangelio, Designauit Iesus & alios
lxxij. Regulas quoque pastoralis eius-
dem beati Gregorij, cum sacris canoni-
bus frequentius relegat, vt quæ ibi se-
quenda leguntur viriliter exequantur,
& quæ cauenda inueniuntur, sollicitè ca-
ueantur. HETLONI Nouiomagensi,
vt in adiutorium & fidelitatem regum &
orationibus & auxilio quo potuerit fata-
gat, significans in magna se tribulatione
vallatum à barbaris esse, & quòd cæteris
omnibus deprædatis tanta quærebatur
pro ciuitate redemptio, quantam exple-
re non valeret. Item quia Ludouicus rex
Germaniæ mandauerit illi, vt iret ei ob-
uiam: quod tamen non esset acturus in
cippo infirmitatis detentus: mandans
huic Episcopo, vt & per se & per eius cõ-
missos precibus insistat pro pace & de-
fensione Ecclesiæ, & si aliquid utilitatis
contrapaganos facere potuerit, agat cum
primoribus regni quantum valuerit. De
incensis quoque monasteriis, quod ille
mandauerat se dolere, & de his quæ nec

dum erant incensa satis formidare. SIGEMUNDO Episcopo, de reconciliatione pœnitentium, & aliis ad sacrum ministerium pertinentibus, de quibus Hildegarium Episcopum significat se instruxisse. Item pro benignè tuendis ac tractandis subditis, commemorans eum de corporali medico spiritalem à Deo factum. Item ad interrogationem eius, quid ipse scientiæ requireret à presbyteris suæ parochiæ. EPISCOPIS ad synodum Sueffionis ex iussione regis Ludouici Transrhenēsis conuenientibus, legatum suum sacerdotem quendam dirigens, & pro infirmitatis impossibilitate semet excusans quicquid fauente Domino secundum canonicam institutionem & Episcopole ministerium iustè & rationabiliter æquitate dictante decreuerint, eorum decretis se annuere profitens: quicquid vero sacris canonibus poterit obuiare, & à recta fide ac æquitate & iustitiæ tramite valuerit deuiare, se in nullo assensum præbere, nec vt idem vicarius eius assensum præbeat vel coactus annuere. EPISCOPIS Diœceseos Ecclesiæ Senonicæ scribit pro electione Ansegisi Remensis

Dioeceseos monachi ad Episcopatum Senonicum, consensum suum in ipsius adhibens ordinatione. EPISCOPIS quoque totius regni primoribus, commonēs & exhortans eos intemeratam fidem regi suo Carolo conseruare, quando idem rex Romā perrexit. Item Episcopis, Abbatibus, Comitibus, & cæteris Dei fidelibus ad quoddam collegium conuenientibus, quò ipse corporis infirmitate præpeditus abire non valuerat, gratias agens. Deo pro quibusdam primoribus regni, qui ab Episcopis aliquantulum dissenferant, at tunc gratia Dei largiēte beneplacitæ sint vnanimitati cōiuncti. Significās perhas litteras, & missum Ecclesię suæ cōministrū, se de bonis eorum studiis ac dispositionibus congaudere, suadēsque vt secundum sapientiam eis à Deo datam diuinis obediētes præceptis, remotis priuatis studiis, & indebitis cupiditatibus, ac noxiis contentionibus, primum quæ ad generalitatis salutem, pacem & utilitatem pertineant, inquirant, & exequi procurent. adnectens sacras auctoritates de veste Christi, quæ est Ecclesia Dei, hortansque vt seipso tota virtute armantes

iustitiæ zelo erigant, & iugum oneris matris eorum Ecclesiæ, ac virgam exactoris eius confringant, & vincula colli filiorum eius dissoluât: si qui sint oppressi manum allevationis porrigant: si qui fortè depravati cupiditate vel gratia, ad vnanimitatem gregis Dominici reducere studeant. amplectantur consilium beati Gregorij, cæterorumque sanctorum patrum: & ipse quoq. quod illi ad pacē populi Dei & iustitiam procurandam decreuerint, votis & obsequiis, quātum Dominus donaue-rit, prosequetur. Subiungit quoq. sacras auctoritates de canonicè promouendo vel eligendo Episcopo.

*Que Abbatibus quibusdam scripta
direxit. Cap. XXXIV.*

ALIIS quoque diuersis personis tam clericis quàm laicis, honestis etiam feminis, diuersa pro vtilitate cuiusque reperitur scripta direxisse, nemini adulando parcens, sed commoda cuiq. pro rei opportunitate suggerere satagēs. LVDO-
VICO abbati suo litteras misit pro repe-
rēdo corpore sancti Deodati, quod quidā

Giso cupiditate rerū ipsius sancti ductus, ex Diœcesi Remensi furtim transferri fecerat in Pariacensem parochiam, inconsulto Episcopo. Afferit autem in his litteris se nemini, neque sibi vel proprio suo sanguini, contra diuina parcere iura. Sed & indignantem pro his Abbatē iterum litteris monere non destitit, hortans & admonens, vt Ecclesiasticis regulis satisfacere procuraret. Item pro quodam nepote suo, quem commiserat ei, & pro rebus à rege per dispositionem ipsius domni Hincmari monachis sancti Dionysij traditis. HILDVINO abbati pro epistola regis Caroli, & misso suo cum litteris ad imperatorem Lotharium perducendis. In quibus se quædam de salute ipsius imperatoris suggerere manifestat, vt emēdet quæ ipsi notificat emendanda, & de censu soluendo ex villa Dudeciaco. Item simul cum synodo Episcoporum apud Carisiacum habita, scribit Hilduino Caroli regis Archicapellano, & pro Ecclesia Lingonica, quā Vulfadus Ecclesiæ Remensis alumnus contra canonica occupauerat decreta. Vnde suggererat eadem synodus regi, vt alterum ad regen-

dam præfatam cōstitueret Ecclesiā, & rex iusserat vt Episcopi quærerēt talē qui posset in Episcopali ministerio eidē Ecclesiæ proficere, eorumque vota in Isaac ipsius Hilduini discipulum conuenerant, obsecrantes huius in hoc Hilduini consensum & deprecationem ipsius pro eo apud regem. BRUNVARDO abbati, pro rebus sancti Remigij vel colonis Remensis Ecclesiæ in Thoringia constitutis. ADALARDO abbati, de amicitia inter ipsos, & qualiter debet esse verus amicus. GRVNOLD O abbati, pro Sigeberto fidei suo, vt res eius quæ coniacebant in regno Ludouici, in sua dominatione & tutela commendatas susciperet: & vt regi Ludouico suadeat, ne peruersorum credens consiliis, in talia se vltteriùs immittat, qualia contra fratrem suum, Carolum tunc egerat: vnde tale dedecus ipsi acciderat, quale non accidisset, si exhortationi huius domni Hincmari acquiescere voluisset. TRANSVILFO Corbeiensis cum fratribus sibi subiectis, pro quodam fratre, qui præsumptiuè abscesserat à monasterio: quem à rege receptum in gratia præceperat idem

pontifex ad monasterium festinè reuerti,
 pro quo rex rogauerat, vt mandaret qua-
 tinus in monasterio pacificè susciperetur,
 donec eius conuersationis modus à rege
 & eodem Episcopo tempore opportuno
 disponderetur. Item ad eosdem, gratiarū
 referens actiones pro impensa sibi ab eis
 benignitate, memorans se plurimum in
 eorum orationibus confidere, & eis de-
 uotum existere, commonitoriaque salu-
 tis eis dirigens hortamenta, vt quique in
 ipsis nauē dominicę gubernationis susce-
 perant regendam, contra insurgentium
 tempestatum impetus impigra sollicitu-
 dine dirigere studeant, & vt in persecu-
 tione imminente paganorum quacumq.
 recedendum sit, à bono proposito non
 recedant: & cætera. I T E M Hilduino, vt
 certare procuret apud regē pro electio-
 ne canonica Ecclesiæ Morinensis con-
 cedenda, quia & ipse hoc agere satageret
 quantum posset. A D A L G A R I O abbati,
 gratias referens de orationibus ab ipso
 & fratribus sibi commissis Deo pro se o-
 blatis, & de benedictione donorum ipsius
 Abbatis, commemorans etiam de rebus
 Ecclesiæ Remensis in Thoringia sitis,

quas cuidam Amalrico commiserat, sed ipse malè abusus eis diuinum proinde iudicium suscepit: quasque idem Abbas sub censu sibi dari petebat: sed idem dōnus Hincmarus id agere sine clericorum suorum consilio renuens, mandat vt easdem ad custodiendum interim suscipiat, & descriptionem earundem sibi mittere studeat: postea quod cum Ecclesiasticorum consilio ministrorum rationabilius considerauerit, ei remandaturus sit. Item pro eadem re post missam sibi descriptionem, significans insuper, Ludouico regi se pro hisdem rebus litteras misisse: petendo quoque, vt ei solatium ferret quatinus ipsas ordinare quietè valeret. sed & Popponi cuidam, compescendo eum ab harum inquietatione rerū. Familiæ quoque in eisdem rebus consistenti, litteris mandans quo eidem Abbati obediētes in cunctis existerent. ANASTASIO venerabili abbati ac bibliothecario sanctæ Romanæ Ecclesiæ, gratiarum referens actiones pro benedictionib. sanctissimis sibi per Actardum Episcopum directis: suas eidem quoque Abbati mittens munerum benedictiones. Quædam etiam

opuscula suo labore confecta ipsi delegans. Item pro beneficiis sibi ab eo collatis, & vt suggestionem suam domino Papæ acceptabilem faciat, & de memoria benedictionis, quam dirigebat ei. GREGORIO eiusdem Romanæ Ecclesiæ nomenclatori, & apocrisario, asserens quod præfatus Anastasius multa bonitatis insignia sibi de ipso suis litteris intimauerit; & quod magnam fiduciam in ipsius habere posset amicitia synceriter mandauerit: vnde & petit, vt isdem Gregorius se inter fideles amicos suos tenere dignetur. GUNTARIO abbati, pro quodam irreligioso monacho, quem de monasterio irreuerenter proprio libitu recedere fuerat: vnde valde reprehendit eum, ostendens ex auctoritate regulæ, quod ita non debuisset eum dimittere: monetque vt cum misso regis perquiratur & comprehendatur, atque in monasterium reducatur, & in arctissima custodia retrudatur; eiusque culpæ describantur, sibi-que descriptio ipsa cum proprii Episcopi litteris dirigatur, vt secundum sacras regulas cum consilio Coepiscoporum de ipso decernat. GOZLINO, pro Bernardo ne-

pote ipsius, qui seditionem contra regem
moliri ferebatur, hortans vt ab hac inten-
tione studeat eum reuocare, & vt ipse
Gozlinus pro nullo carnali affectu à recta
via declinet: fratrem quoq. suum Goz-
fridum commoneat, vt ambo memores
parentum suorum à fidei synceritate non
degenerent. Item, quærendo cur ad se
missum vellitteras non dirigeret, vt face-
re solitus fuerat, exhortans vt id frequen-
ter pro mutua dilectione atque cosola-
tione facere studeat. Itē, significans quo-
modo de dilecto filio ei Goslinus idem
factus sit inimicus, & adhuc carum filium
eundem nominat, & iniurias sibi ab eo il-
latas non solum patienter, sed & libenter
se ferre depromit, ac petit, vt reminisca-
tur, quia Remensis Ecclesia eum regene-
rauerit in Christo, tuncque in cleri-
cum sub religione nutriuerit & docuerit,
de captione paganorū redemerit, ad gra-
dus Ecclesiasticos vsque ad diaconatum
peruexerit, plurimorum monasteriorum
per concessionem regum Abbatem con-
stituerit. Contra quæ ille potentia eleua-
tus, seditionem quæ in hac Ecclesia vel
in isto regno malè grassabatur excitaue-

rit, quibusque similia gesserit, & quantis malis obnoxius sit, prosequendo manifestat; obsecrans ut eorum reminiscatur, & vocem Domini se reuocantis audiat, animæq. suæ misereatur, ut salutem consequi mereatur. Item, pro correctione ipsius, Deo gratias agens & orans, ut confirmet Deus quod operatus est in eo, & det illi & velle & perficere quæ sibi sunt placita pro bona voluntate. & cæt. quædam. GRVNHARIO abbati, pro rebus sanctæ Mariæ, & sancti Remigij in Aruernico pago sitis; quas interdixerat Bernardo Comiti, mandans huic abbati, ut eas describeret, & earum descriptionem sibi deferret. ADALGARIO vocato Episcopo, pro rebus Remensis Ecclesiæ in Aquitanis partibus coniacentibus, quas Bernardus Tolosanus comes occupauerat, & quia pretio eas obtinere non potuit, deprædatione pessundedit, donec Deus inde suum iudicium exercuit: quasque idem dominus Hincmarus Agilmaro Episcopo commiserat: quando etiam de incestis & usurpatoribus rerum Ecclesiasticarum libellum, iubente rege, ipsi Episcopo dederat. Mandata quoque pro

eisdem rebus ad eundem Episcopum data huic dirigit:& vt cum eodem iste quoque participato consilio pro ipsis rebus satagat, hortatur, quosdam designans pagos, in quibus eadem res coniacerent Aruernicū videlicet, Nigrum montēsem, Lemouicum, & Pictauum. In aliis quoque pagis, quorum non meminit, sed ab hoc requiri atque describi, sibi que ipsam descriptionem mitti petit. LAMBERTO quoque, quem vnicè dilectum ac visceralem filium suum memorat, admonens & exhortans qualiter agere debeat erga illos, inter quos conuersabatur, & qui eum electuri esse videbantur ad Episcopatum Metensem: præcipuè monens pestem simoniaca hæreseos in omnibus præcauere, Quia proficere, inquit, in Ecclesiastico gradu non poterit, qui ad hoc vt hæreticus fiat, promouetur. Suadet etiam, vt regulam pastorem sancti Gregorij festinanter legat, ac mente recondat, & secundum eandem regulam se interiùs & exterius in viam, qua ad Episcopatum peruenitur, dirigat, & per quam in Episcopatu ad vitam æternam tenditur, corrigat. Significans se amicis suis tam Episcopis

scopis quā comitib. regni Lotharij, pro eo litteras dirigere, fidem facere quia de cōfiliis & salubribus ipsius exhortationibus non deuiabit, petitque ne mendacem super his apud amicos eum faciat. HVGONI Abbati, pro electione Nouiomensis Episcopi post decessum Ragenelmi, petēs vt hortetur reges Ludouicum & Carlomānum, quatinus voluntatē Dei & antecessorum suorum consuetudinem in hac causa conseruent. Notificat etiam illi obitum Hincmari nepotis sui Laudunensis Episc. rogans vt pro eius animæ remedio per subiectos ac familiares suos Domini misericordiam deprecari satagar. Item vt præfatis regib. necessarios cōstituatur nutricios, quia nimis iuuenem habebāt consiliarium, & de his quæ sibi iidem reges pro custodienda Tornacensi parochia mandauerant, & quid ipse super his egerat, quidve illi postea remādauerint, vel quid ipse rescripserit eis nolentibus assensum præbere super electionē canonica præfata Nouiomensis Ecclesiæ: & quia ipse nihil inde aliud egerat, nisi quod per triginta & quinque annos in huiusmodi negotio solitus erat. Et quid sibi mandatum

postea ex parte regum vel ipsius Hugonis
in hac causa per Vvarinū clericum fuerit,
quasque litteras deinde præfati reges eidē
miserunt. Adiungēs sacrorum canonum
promulgatas super electione canonica
auctoritates, & ostendens quòd non Epi-
scopi de palatio præcipiantur eligi, sed de
propria qualibet Ecclesia : & quòd de or-
dinando Episcopo non regis vel palati-
norum debet esse commendatio, sed cle-
ri & plebis electio, & Metropolitani in
electione diiudicatio, deinde terrēni prin-
cipis consensio, & sic fieri Episcoporum
manus impositio. Afferēs pro certo quòd
ipse in neminem specialiter intenderet,
nisi vt quisq. secundū sacram auctoritatē
ad hoc accederet officium, & quod spiri-
tale ministeriū postulat, sciret ac faceret,
&c. Item mittens ei exēplar epistolæ, quā
regi Carolo, Ludouici Transrhenensis fi-
lio, direxerat pro regibus adhuc pueris
Ludouico & Carlomanno, hortansque
vt si potuerit obtineat, quatinus idem Ca-
rolus, quia filium non habebat, vnum ex
his regulis sibi adoptet in filium, & sub
manu boni ac strenui baiuli ad hoc eum
nutriri faciat, vt sibi hæredem aut into-

tum aut in partem faciat & statuatur : & ut
 secretè Hugo apud Carolum obtineat,
 quo & horum puerorum & regni huius
 causam super se totam suscipiat, & quæ-
 que disponenda regio sunt in ministerio,
 ipse disponat. Præmittens etiam, ut scri-
 pta sua, quæ Carolo mittebat, ipse Hu-
 go, si haberentur vtilia & rationabilia, suo
 sapienti consilio & prudenti prosequatur
 studio : sin secus quàm inibi deberet in-
 ueniretur, sapienter illud commutare, vel
 si foret necesse quid addere vel obtinere
 satageret. Item pro mandatis Ludouici
 Germaniæ regis, ac suasionibus : primò
 scilicet ut Episcopos Remensis Dioceseos
 eidem regi apud Attiniacum obuios ire
 præcipiat. Secundò ut ei consilium re-
 mandet, qualiter istud regnum disponat,
 quid videlicet ad hæc missis eiusdem re-
 gis respondeat, & si Ludouicus ipse ad-
 uenerit & rogauerit, ut eum in regem
 consecret, quid & qualiter inde sit illi a-
 gendum. & cætera. Præterea & alia quæ-
 dam Abbati scribit eidem.

homo : natus in Remo : ad iur. & c.
 Mm ij

*Que sacerdotibus vel monasteriis
quibusdam scripsit.*

Cap. XXV.

GAUTSVINO sacerdoti & cæteris fratribus Deo & sancto Dionysio seruentibus scribit pro quadam domo, sibi quodam ab ipsis concessa, & ex parte ab eodem coempta, quam quidam eorum sibi subripiens vsurpauerat. vnde miratur, si hoc fratres ita fieri cohibuerint de eo, qui in nullo quantum meminit inutilis eis fuit, sed sicut illis tunc visum fuerat, in multis utilis & necessarius apud eos mansit, & non modica eis obtinuit & re-obtinuit. Non hæc ideo dicēs, vt sibi pretiosa sit illa domus ad tenendū, vel corticula, sine caritate inquit vestra. & cætera. **I**TEM VVILIGISO cum cæteris eiusdē monasterij monachis, de eo quod audierat eos à quodam presbytero pretium querere pro decima: vnde maximam se verecundiam dicit habere propter alios homines, qui hoc audituri erant: quod quantum periculum sit, eis ex diuina ostendit auctoritate, & canonū promul-

gatione: ac deinde, *Absit*, inquit, *fratres*.
Ut alij Ecclesiastici & religiosi viri hoc audiant,
quia monachi de monasterio sancti Dionysii
decimam vendere querunt, ut de ipso pretio in-
fernum comparent. multò magis autem absit, ut
hoc laici audiant, quod nemo etiam peccatis publi-
cis implicatus in mea parochia facere audeat. Si o-
nim aliquis de alio monasterio quàm de nostro hoc
tentare, quanto magis facere præsumeret, ab
omni cõmunione illum de parochia mea excõmu-
nicarem. & cætera. Item eisdem monachis,
 pro visitatione diuinæ miserationis, qua
 admonitus dies suos sicut umbram decli-
 nasse dicit, & se sicut fœnum aruisse: mit-
 tens eorum obsequiis tantulam benedi-
 ctionem, ducentos scilicet solidos de me-
 ris denariis: petensq, ut apud cõmunem
 patronum beatissimum Dionysium in sa-
 cris orationibus sui memoriam iugiter
 haberet. poscens etiam pro Haimone fi-
 deli suo penè in extremis posito, quem
 dilectũ filiũ suum nominat. FVLCRANNO
 præposito, & fratribus monasterij Cor-
 beienfis, scribēs pro electione Abbatis eis
 à rege concessa, proque litteris regiis su-
 per eadem re, & aduentu ipsius domni
 Hincmari ad eos. vnde illum consulue-

rant instruit ipsos, qualiter in hac electione eis sit agendum secundum doctrinam beati Patris Benedicti, ut in omnibus magistrum sequantur regulam, nec temerè ab ea declinetur à quoquam, utpote rationem reddituri pro omnibus ante tribunal Domini nostri Iesu Christi. MAGENARDO præposito, & fratribus in monasterio S. Richarii degentibus, pro literis quas Apostolicus Papa regi Carolo, sibi que miserat, pro quodam qui monachum atq. presbyterum interfecerat: in quibus litteris tenorem iniunctæ poenitentiae exposuerat, admonēs ut diuinis monitis in his quæ ipsæ litteræ præcipiūt obedire procurent. MONACHIS cœnobij sancti Medardi pro Hainoardo monacho, qui veniam pro excessibus suis apud regem postulauerat: de quo ex verbo regis mandat, ut eum vel ad habitandum regulariter inter ipsos recipiant, vel iuxta petitionem illius litteras dimissorias illi ad certum locum faciant, & absolutum abire cum pace permittant. SIGEBODO sacerdoti & præposito monasterij sanctimonialiū Laudunensis Ecclesiæ, super interrogatione qua requisie-

rat ab eo, qualiter oporteret eum agere de inquisitione sibi commissa in Orinia-
eo monacharū monasterio super Abba-
tissa & prapposito ipsius monasterij, vnde
interroganti responderat, quia non ver-
bis de talibus, sed scriptis respondere
deberet. quo circa rescribens quoque
ostendit quæ in legibus, quas Catholica
probat Ecclesia, & in regulis Ecclesiasti-
cis de his scripta sunt: præciens etiam,
vt priuilegium ipsius monasterij sibi affe-
ratur, & notificetur ei per certas personas
de certis rebus accusationes ipsius Abba-
tissæ atque præpositi, vt secundum sacras
regulas cum consilio Coepiscoporum
& visitatoris Laudunensis Episcopij, quia
tunc Episcopus ibi non habebatur, inde
Domino inspirante decernatur. QVIBVS-
DAM decanis parochiæ Sueffonica, pro
quodam presbytero, qui præiudicium
passus iustitiam & iudicium apud Episco-
pum suum Rothadum non valebat obti-
nere, vnde & ipse dominus Hincmarus
eundem Præsulem monuerat, vt si pro-
pter infirmitatem non valeret ipse ad sy-
nodum venire, vel missos suos, commi-

nistros videlicet Ecclesiæ sibi commissæ,
mitteret, vt res canonicè diffiniri valeret:
admonetque per has litteras eosdem de-
canos, & Metropolitana præcipit aucto-
ritate, vt presbyteros decaniæ suæ ad de-
nunciatum placitum venire cõmoneant,
& cum eis ipsi veniant. quod si non fe-
cerint, synodalẽ sententiam apud proximi-
mẽ futuram synodnm se nouerint acce-
pturos. SIGEBERTO cuidam sacerdo-
ti, pro Heidilone Episcopo ipsius, de quo
talìa se audissẽ dolebat, qualia de bono
laico dici non conueniret, & quia culpa-
batur, quòd talem Episcopum ordinaue-
rit: asserens se de illo, quem antè non
cognouerat, fidei & testimonio ipsius
Sigeberti credidisse, præcepitq. ipsi Sige-
berto ad se venire, vt ore proprio ei dice-
re possit, quæ de ipso audiuit, & si vera
forent, simul considerarent, qualiter illa
corrigeret: si vera non essent, qualiter
mendacia esse docerentur.

Quæ viris quibusdam illustribus. Cap. XXVI.

VIro illustrissimo EBRARDO, ex principibus imperatoris Lotharij, litteras dirigens, pro adipiscenda familiaritatis apud eum gratia quondã sibi ab eo gratis oblata, congaudet bonis quæ de ipso per certas audiebat personas, maximè quæ per Amolum præfulem, quem syncerissimum & carissimum vocat patrem suum, mittens ad ipsum cum litteris etiam fidelissimum quendam missum suum. Item laudans synceritatis ipsius deuotionem erga Deum, & sacræ auctoritatis cultum, principumque vnanimitatem, & Ecclesiasticæ pacis studium, debitumque religionis: monens quoque pro caritatis officio, vt sicut cœpit melius ac melius proficiat: quia natura humana, testante Iob, nunquam in eodem statu permanet, & quia in hoc sæculo quacumque præditus quis potestate contra fluminis tractû nauigat. qua de re aut viriliter nauigans superiora petet, aut remissis manibus habet ad ima relabi. Studeat autẽ præcipuè, vt Deo super omnia placeat. Dein-

de vt Ecclesiæ pacem prouideat: tum vt principibus bona non solum suggerat, sed etiam ingerat; viris Ecclesiasticis & locis sanctis debita priuilegia acquirere insistat, populo Christiano pacem & vnanimitatem procuret; bene agentibus congaudeat, male agentibus resistat: seipsum sobriè, iustè, & piè viuendo solle-ter custodiat: & cætera valde necessaria exhortationum. Post quæ suggerit etiam de quibusdam necessitatibus tam ex monasteriis quàm & aliis, pro quibus Imperatori litteras direxerat, quæ in parochia sua ab illius erant auctoritate corrigenda. & reliqua de vtilitate animæ, & consilio spiritali conseruando. FVLCRICO cui-
dam, præmissi imperatoris magnati, qui vxorem legitimam illegitimè dimiserat, alteramque insuper duxerat: vocans ad synodum, excommunicationis iam in eū datæ, atque in comprouinciali synodo confirmandæ pandit modum. Item postquam pœnitentiam pro hoc admissio vi-
sus est suscepisse, iteranti vias suas, & re-uerſo ad vomitum suum manifestam dat excommunicationis sententiam. cunctis-
que id notificare satagit fidelium Christi

personis , quibuscumque audire contrigisset, maximeque Episcopis in quorum videbatur parochiis conuersari vel frequentari. VVLFINGO cuidam ministeriali eiusdem imperatoris Lotharij , cōmemorans familiaritatem quam quōdam ab eo poposcerat , & dilectionem quam ei sponponderat: rogans vt innotescat Imperatori super epistola, quam frater ipsius Carolus rex eidem dirigebat, quatinus eam suscipiens familiariter distinguat & secretò legat. censum quoque de villa Duodeciaco anni præteriti cum censu anni præsentis sibi transmitti iubeat; vnde in illius memoria aliquid ornamenti in sepulcro sancti Remigij facere posset, quod ornare & corpus ipsius sancti in crypta disponebat à nouo præparata transferre. Item pro repetitione præmissi census de villa Dudeciaco sex librarum: ne fortè suggeratur Imperatori, quòd cupiditate illectus hunc censum repetat, quem in suos vsus nunquam redegerat: sed cupiens euadere periculum, ne silentio suo in dieb. suis census ipse depereat, & ipsa villa in alodem vertatur, & Ecclesiastica mancipia in seruos & ancil-

las dispertiantur : sicut & de multis tam rebus quàm mancipiis huius Ecclesiæ, sed & de ipsa iam villa fiebat. Enitens etiã, vt senior suus inde periculum non incurreret, vel ipse cum ipsius periculo partem non haberet. Afferens quòd si cupiditas in hoc eum vexaret, duodecim libras repeteret, quas auus & pater huius regis inde soluerunt. & cætera. Subinfert etiam quædam de præfato Fulcrico, qui Roma veniẽs iactabat epistolas Papæ pro absolutione sua tam regibus se quàm huic Archiepiscopo deferre. De quo monet hũc Vvlfingum, vt suggerat regi, ne seducatur in hac causa: sed omnia cum ratione cauens periculũ faciat, vt veniãt ipsæ epistolę coram illo & Episcopis, & quidquid melius inuentũ fuerit inde sequantur. & quia interim quod rationabiliter & canonicè factũ fuit, non debeat contēni. NANTARIO amico suo fideli, pro rebus sancti Remigij disponendis in Vvormacensis pago : inferens quòd quidam homines eum petierint, vt præstaret illis colonos earum rerum ad diuersas operas, & quidam vt venatores illorum in ipsis rebus per aliquod tempus manere conce-

deret: quod neutrum se concessisse vel concessurum esse fatetur, quoniam sui antecessores hoc facere non sunt ausi: quia sanctus Remigius cum grandi maledictione vel interminatione hoc fieri vetuerit: & cætera. IMMONI Comiti, pro rebus huius Ecclesiæ in regno Aquitanico coniacentibus, vt auxilium ferret earum prouisor, cui committebantur. GERARDO Comiti nobilissimo, pro Isaac Lingonicæ sedis electo, vt per eius hortamen ordinaretur Episcopus, quia Vulfadus, qui ipsam occupauerat Ecclesiam, canonicè non potuit ordinari. Item pro his quæ sibi litteris idem Gerardus significauerat: scilicet quòd Carolus Franciæ rex senioris ipsius Caroli, Cisalpinæ Galliæ regis, regnum sibi vellet subripere. quod ipse dñus Hincmarus nequaquã fieri assentit. De rebus quoq. sancti Remigij in Prouincia sitis, pro quibus audierat domnum Hincmarum ad regem proclamasse. quod se penitus negat egisse, nec quotienscunque necesse fuit, pro ipsis rebus ad alium, quàm ad ipsum Gerardum, & ad suos fideles suggestionem direxisse. De hoc etiam quod scripserat hic Comes

se audisse, quia rex iste Carolus monasteria vellet vsurpare, quæ beato Petro Apostolo idem Gerardus tradiderat: & quia si res ipsius, quæ in hoc regno coniacerent, ab eo forent ablata, ipse licet inuitus res huius regni, quæ in illo habebantur regno præsumeret: respondet dominus Præsul, quia sua voluntate nemo res Ecclesiæ in suum periculum vsurparet: timere se asserens, ne coram Deo dignus habeatur, vt hoc in tempore sacerdotij sui commissa sibi patiatur Ecclesia. Veruntamen si quis præsumpserit, plus illi dolere quàm sibi, periculum præsumptoris ex diuinis pandēs auctoritatibus. Adiciens quoque de eo quod se monuerat, vt sacri causa ministerij regem à talibus reuocaret excessibus, quia prius in illius dispositione talia non perceperat, & de vanis suspicionibus suum non erat senio-rem corripere, ideo nec inde monuerat. Nunc autem certam & causam habēs & personam, debita deuotione ac fidelitate studebit dominationē ipsius monere. Itē pro præfatis rebus sancti Remigij, de quibus idem Gerardus huic Archiepiscopo significauerat litteris se condolere, quia

deuastabantur à multis, & plures earundē vastatores dicerent, quòd per concessionem regis Caroli & huius domni Hincmari easdem res occuparent. Vnde notificat eidē Gerardo, quia ex quo easdē res eidē cōmiserit, nullius alterius eas prouisioni delegauerit, nisi tantū Hildoardo cuidam nutrito suo iniunxerat, vt maiori villē in his quæ necessaria fuissent, auxiliū ferret, sub defensione tamē & tutela præfati Gerardi Comitis. addens de cæteris earundem rerum vsurpatoribus quid agendū sibi videretur. Ipsas autem res nulli homini suo vel alterius in beneficium dare auderet, quia sanctus Remigius hoc in suo testamēto terribiliter contradixit. Ipse verò Comes, qui pro amore sanctæ Dei genitricis & sancti Remigij, res ipsas in sua tuitione susceperat, sicut bene cœpit, ita viriliter de cætero agere procuret. quoniam in Remensi Ecclesia per decem monasteria tam canonicorū quàm monachorum atque sanctimonialium, ampliùs quàm quingenti pro ipsius præsentis & perpetua salute in psalmis & canticis spiritualibus, atq. sacris oblationibus continui oratores existant. &c. Item pro eis-

dem rebus penè similia. Item mittens ad easdem res ordinandas, per ipsius Comitum consilium, atque disponendas, monachum atque presbyterum de monasterio sancti Remigij nomine Rotfridum. RODVLEO illustri Comiti, pro infirmitate coniugis ipsius, & pro eo quòd ferebatur idem Comes inter regem & quosdā subiectos ipsius quædam contraria seminare: asserens sibi quoque dominus Hincmarus, quia ab huiusmodi re valde se immunem putabat, hoc ipsum reputari: & quia de his qui erant cum rege talia mandata venirent, quæ non conuenissent. unde nihil eidē Comiti scribere posset, neque per alium mandare, donec simul loquerentur, & de talibus, quæ vidissent melius ad vtilitatem & honestatē senioris sui pertinere, mutuò conferrēt. quanto citius autem potuisset ad regem pergeret, & cum illo degens, quantumcumque valeret, certaret vt se coram Deo corde & opere custodiret, orique suo ab ipsis etiam qui putabantur amici custodiā imponeret. & de conuocatione fidelium regis, & directione ipsius animi, atq. discissione huius regni, sed & interfectione

Britonum

Britonum Herispogij, Salomonis, & Al-
 marchi: atque de itinere reginæ ad regē,
 prout ipse mandauerat, & quia multum
 de rege timebat. Item de eo quod in lit-
 teris ipsius Comitis inter ipsum Comi-
 tem & regem commotionem cognoue-
 rat esse indebitam. vnde satis tristis effe-
 ctus erat. Et quia de his quæ sibi litteris
 significauerat, apud regem prout potuif-
 fet, satageret, & quicquid inueniret, si ad
 eum remitteret, ipsi remandare curaret.
 Adiiciens quid sibi de omnibus suis acci-
 derit, quos secum super Ligerim habuit:
 monens & confortans in Domino, ne
 commoneatur leuiter super talibus pro
 quibus illi qui Deum timere nesciunt,
 commouentur: sed suum bonum nomen
 sicut bene cœpit vsque ad finem perdu-
 cere studeat. & quia regis animum iam
 bene cognosceret: qui licet aliqua sit per-
 turbatione commotus, statim vt cum eo
 locutus fuerit, & ei suam deuotionem
 manifestauerit, sicut decet, & sicut rectū
 est eum habebit. Admonens, vt iuxta A-
 postolum omnis indignatio auferatur ab
 eo cum omni malitia. quòd si fieret, pro
 eo quod rex nepos ipsius esset, plus piura

animū erga eum haberet, pro hoc quòd senior ipsius esset, plus humilem haberet animum circa ipsum. &c. VVELFO cui-
dam nobili viro, multas gratiarum refe-
rens actiones, quòd talem erga se con-
seruasset amicitiam, vt hominem ipsius sine consensu eiusdē recipere noluisset, &
quòd idem homo se sine causa dimiserit, & sine licentia sua irreuerēter abscesserit, quod nemo suorum adhuc alius fecerat: intimās qualiter eum suscepit, & quā benignè nutrierit, multāque illi bona fe-
cerit, qualitérq. iste inter seniore suum & regem missus ad ipsum inconuenien-
ter egerit. Petit autem, vt nullatenus eum recipiat, antequam secum loquatur, & sciat si rectam contra se homo rationem habeat. Adiiciens non id se de illo ideò replicare, vt aliquod odium illius teneat; sed ne ille contra iustitiā recipiens hunc in Deum peccet, & in se amicum ipsius offendat: præsertim cū salua amicitia per eius licentiam illum habere poterit.

FOLCONI Comitī palatij regis pro quo-
dam presbytero parochiæ Sueffonica, qui relictō Ecclesiastico ad ciuile iudiciū proclamauerat super accusatore suo, qui

probaturum se promiserat esse quod aduersus eundem presbyterum proferebat. Mandat autem huic Comiti, ne in hac se causa commisceat, antequam ab eo tractetur, an id rationabiliter fieri debeat: quia de presbyteri & Ecclesiae causa ad Episcopos & ad synodum diffinitio pertineat, non ad malli vel ciuiliū iudiciū dispositionē. &c. MAIONI illustri Comiti, gratiarum referens actiones pro benignitate & sollicitudine, quam domno Theoderico Cameracensi praesuli, viro sancto, & Ecclesiae ipsius exhibere curabat. petitque vt si in eorum diebus idem Dei seruus ad communem Dominum transiret, pro electione concedenda clero & plebi Ecclesiae ipsius apud Lotharium imperatorē satageret. De pace quoque procuranda inter reges, vnde scripserat sibi, rescribit, quia semper eam desiderauerit, & vt inuiolata inter eos maneret, prout potuit, commonere curauerit, & quantum Deo cooperante valuerit, inde laborare curabit. RORICO Normanno ad fidem Christi conuerso, vt in Dei voluntate & mandatorum illius obseruatione proficiat, sicut eum velle ac fa-

cere per multos audiebat, & vt nemo ei
 persuadere valeat, quo contra Christia-
 nos paganos aut consilium aut adiutoriū
 præstet: quia nihil ei proderit baptismum
 Christianitatis accepisse, si contra Chri-
 stianos aut per se, aut per alios quoscum-
 que peruersa vel aduersa fuerit machina-
 tus. & cætera quæ prosequitur, Episcopa-
 liter intimans quantum in tali sit machi-
 natione periculū. Monens etiam, vt Bal-
 duinū à Dei Spiritu, quo canones sancti
 sunt conditi, per Episcopalem auctorita-
 tem propter filiam regis, quam in vxo-
 rem furatus fuerat, anathematizatum
 nullo modo reciperet; neque solatium
 vel refugium aliquod apud se habere
 permetteret; ne illius peccatis & excom-
 municatione inuoluātur tam ipse, quàm
 sui, atque damnentur: sed talem se ex-
 hibere procuret, quatinus ei orationes
 sanctorum proficere valeant. **L V I T A R D O**
 illustri viro, pro his quæ de ipso au-
 diebat ad animæ illius periculum perti-
 nentia. præcipuè de quodam presbytero,
 quem contra leges de Ecclesia eiecerat, &
 alterum ibi constituerat, efficaciter & E-
 piscopaliter monens, vt à talibus se præ-

sumptionibus compescat : quia si non fecerit, ipse quod sacre leges præcipiunt facturum sit in eum, & per omnia regna Episcopis vsque ad Papam Romanum eum esse mandabit excommunicatum. Presbyterum verò aduenam, quem miserat in eadem Ecclesia, ab omni Remensi parochia excommunicatum esse designat. Item vocans eum dilectum filium, & ideo se eum vocare se dicens, vt talem se faciat, quatinus in eius dilectione rectè manere possit, velut idem Præsul exoptat. Sed audiens eum non talem se exhibere, qualem deceret erga Remensem Ecclesiam, de qua multa bona habebat, vt famulos ipsius Ecclesiæ inquietans cū pace non sineret degere, mandat illi ex auctoritate Dei & sanctæ Mariæ, & sancti Remigij, & sua Episcopali, nec non ex banno regis, cuius missus ipse pontifex erat, vt nullum impedimentum vel ipse vel homines sui hominibus Remensis Ecclesiæ faciant, nec per aliquod ingeniū vel per cōsensum suum : sed si quid rationabile quærere vult contra potestatem Remensis Ecclesiæ, per legem quærat. quia si aliter fecerit, tam per Episcopa-

lem auctoritatem, quàm per missaticum regis, quod inde rectum fuerit sustinebit, excommunicat etiam quendam Diaconum ipsius, qui aduersabatur famulis sancti Remigij. & cætera. TEVDVLFŌ Comiti, pro præsumptione Ecclesiastici ministerij, qua defuncto quodā presbytero abstulerat quæ idē presbyter in eleemosyna pro se dari præceperat, & insuper usurpauerat quæ ad ipsam Ecclesiā ritē relictæ fuerant. Ostēdit ergo manifestē, quā maximum crimen sacrilegij commissum sit ab eo: sed & quomodo contra humanas egerit leges, & quid inde fieri debeat, & qualiter Ecclesiæ in potestate & ordinatione sunt Episcopi secundum sacros canones, & imperialia capitula. Vnde mandat ei, vt iuxta sacras auctoritates & regū præcepta, quicquid de facultatibus ipsius Ecclesiæ acceperat præsentialiter Ecclesiæ reddat, & presbyteris quibus res commendatæ fuerant restituat. deinde ad se veniat, vt inde medicinam accipiat, quatinus sanus fiat, dans illi spatium septem dierum postquam litteras ipsas acciperet, vt octaua die ad se veniat, quò vel si non est ita, debitam rationem reddat, vel si est

ita, congruam satisfactionem agat: quod si non fecerit, exemplar istarum litterarum ipse regi transmittet, ut ille suum ministerium inde faciat, & postea idem Præsul suum exinde perficiet. Et quoniã audierat quod ipsam Ecclesiam idem Comes denominato pretio vendere pararet, adiecit: Propterea scias, inquiens, quia si vel unum denarium tibi aliquis clericus pro ipsa Ecclesia, vel pro alia aliqua in mea parochia, per se aut per immissam personam dederit, per me ordinatus in ea non erit. Si autem vis ibi habere presbyterum, adduc mihi talem clericum, qui aptus sit sacro ministerio, & ego illum inquiram, & illi Ecclesiam dabo, & tunc illum ordinabo, si mihi satisfactionem fecerit, quod nullum pretium inde donauerit. Et si tu ita facere non volueris, ego ordinabo, qualiter populus ibi officium habeat, usque dum ibi ordinem presbyterum. Cui si aliquod impedimentum contra diuinas & humanas leges feceris, & manifestum fuerit, presbyter ibi permanebit, & tu & omnes qui tibi consenserint, ab omni Christianitate usque ad satisfactionem eritis separati. Hæc, care fili, ideo mando tibi & taliter commoneo, quia saluum & honoratum te cupio, & inter filios Ecclesiæ te in loco filij habere volo. & si me coegeris ut sicut

Dominus dicit in Euangelio, sis velut Ethnicus & publicanus, non mihi sed tibi reputare debes. Postquam istas litteras dictavi, dictum est mihi quod matricularios à ministro meo constitutos de illa matricula eiecisti, & ibi Bonariū misisti, & pro illa matricula in pretio vnum asinum accepisti. Quod si ita est, non solum criminaliter fecisti, quia contra omnes leges Ecclesiasticum ministerium homo laicus usurpasti, & eleemosynam, id est misericordiam pauperum, ac per hoc Deum, qui misericordia miseriorum est, sicut Iudas proditor vendidisti, sed etiam turpiter in hoc nimis fecisti, ut de mendicitate de qua mendici vivere debent, Comes & honoratus regis consiliarius in pretio asinum accepisti, & omnes qui hæc audiunt, pensare possunt qualiter de aliis causis pro amore & timore Dei, & reuerentia tui ministerij iustè & rectè facis, qui de tali miseria sine vlla verecundia turpe lucrum requiris. ANSELMO illustri viro, pro quodam presbytero quem apud se accusauerat, sed ad denominatum placitum non venerat: significans purificasse hunc presbyterum canonicè seipsum à crimine coram missis ipsius Anselmi, in conspectu plurimorum tam clericorum quàm laicorum, non tamen misisse, quia nec

debuerit, in sacramentum plures sacer-
dotes ipsius testes. Hortatur autem &
monet, vt omnem rancorem, quem con-
tra præfatum presbyterum habebat, à
corde suo expelleret, ostendens quantū
malum sit odium retinere in corde. In-
terdicit etiam auctoritate Dei & sancto-
rum eius, vt eidem presbytero nullum
præiudicium vel machinationem inferat,
quia si fecerit ipse inde suum ministerium
faciet. Precatur etiam vt iustitiam Deo,
sibi q. faciat de hominibus suis, qui pres-
byteris quibusdam testibus præmissi pres-
byteri ausi sunt iniurias intulisse: quia
si non fecerit, & de ipsis quoque suum fa-
cturus sit ministeriū. **BERNARDO** Co-
miti Tolosano propinquo suo, pro rebus
Remensis Ecclesiæ in Aquitania coniacē-
tibus, quas ille in præstariam sibi concedi
petebat: quod idem Præsul se facturum
negat, quia non audeat, propter testamē-
tum sancti Remigij, quod id omnino fie-
ri prohibuerit. vnde alteri quoque Ber-
nardo Comiti Redonensi scribit, vt lo-
quatur cum hoc Bernardo, ne res easdem
suis hominibus in beneficium daret, vt
eum fecisse audierat: & de inquisitione

harum rerum si rex iuberet per ipsum agenda. Item præfato Bernardo Tolosano pro eisdem rebus, adiurans illum per Deum omnipotentem Dominum Iesum Christum, & per eius genitricē, sanctūque Remigium, vt nihil inde præsumat, nec vllum impedimentum mancipiis in eidē consistentib. faciat, neque Bernardo Comiti Aruernico, cui easdē commiserat ad defendendum, inde molestiam ingerat: quia si fecerit eum à liminibus sanctæ Ecclesiæ, & à communione fidelium cum plenitudine Episcoporum tam Aquitaniæ, quàm aliorum regnorum segregabit. Item admonens eum pro eadē re, vt conciliet sibi amicitiam beatæ Mariæ & sancti Remigij, de præfatis rebus, ostendens ex sacris auctoritatibus, quantum periculum sit res sacras iniuste retinere: caueatque ne Ecclesiasticum iudicium proinde mereatur in hoc sæculo, & æternam perditionem in futuro. Item quia præiudicium & non modicum damnum Remensi faciebat Ecclesiæ, ostendit eum prædamnatum à sacris canonibus sanctorum iudicio, & à se cæterisque Præsulibus, quorum res Ecclesiasticas v-

surpabat, legationem pro hoc iudicio directam, & tunc iterum cum imperatore ad Papam Romanum dirigendam, quatinus eius auctoritate congregata synodus eum, ceterosque rerum Ecclesiasticarum peruasores damnationis sententia percellant. Ideo secundum Euangelicam auctoritatem prius eum Episcopali auctoritate commonet, atque per crucem Christi & sanguinem ipsius interdicat, ne de reb. Ecclesiae Remensis sibi praesumat, neq. à quocunque nisi ad ipsarum rerum contra peruasores defensionem praesumi cōsentiat. EVGELRANNO, Goslino, & Adlelino comitib. scribit, mittēs eis cū literis suis litterarum regis exemplar, in quib. cōtinebatur ut Episcopos cōuocaret & laicos fideles regis ad prohibendum, vel resistendum Carlomanno Diacono regis filio, qui insurrexerat contra patrem suum, in quibus litteris quærens quid eis super hoc regis sit agendum præcepto, designat non esse Carlomannum suæ provinciae, utpote qui sit ordinatus ab Hildegario Meldensi Episcopo, & secundum canones non possit aliquid disponere de illo. Episcopos quoque de alia provincia con-

uocanda potestatem non habeat, sed neque suffraganeos suæ sedis tunc tempus habeatur conuocandi, cum dies instet Natalis domini: & licet Episcopi conueniant, & Carlomanno suas parochias interdican, non sibi videtur vt pro eo quod cœpit dimittat, si alia potestas illi non contradicat. Considerandum verò monet rationabiliter, quid iuxta mandatum regis super hac re sit agendum, ne malum maius accrescat. Significans qualiter conueniendum, & alios eis sit conuocandum, dansque consilium vt idem Carlomanus aduersum se non prouocet Deum & patrem suum, Episcopos quoque regni huius, & populum ad iracundiam contra se, ne & in animo & in corpore tam ipse, quàm illi qui eum secuti fuerint, pereant. Ipse verò Præsul & hi Comites mittant ad regem, vt eum faciât prout meliùs potuerint illi placabilem. Sin autem aliter eis videtur, sibi remanent, & cætera. Item eisdem pro hac ipsa re, designans bonum sibi videri fuisse cōsilium, quia non commouerint populum antequam simul loquerentur, considerantes si quid boni possent inuenire

cum Carlomanno, credens quia suum & ipforum debeat obaudire consilium, & cat. ITEM CARLOMANNO, Goslino, & Conrado, pro iussione regis qua mandauerat, vt ipse Præsul cum cæteris fidelibus regis conueniret ad mandatum regis audiendum, & Carlomanno denuntiandum: designans vbi & qua die vel hora simul conuenire debeant, & vt Carlomannus Goslinum & Conradum ad ipsos mittat, vel ipse Carlomannus, si placuerit ei, ad eosdem veniat, vt missaticum regis simul cum ipsis audiat, & ibi pariter considerarent qualiter ei ad saluationem & honorem suum de cætero sit agendum. HARDVINO Comiti, pro causis supradictis de Carlomanno, quomodo tunc res se haberet, & quia obsides inter se dederant, & cum Carlomanno locuti fuerant, eique suaserant, vt pacificè in hoc regno degeret, ac veniente patre cum ipsis ei obuiam pergeret. Sed quia regem citiùs quàm sperabatur audierat aduenire, quid idem Carlomannus tunc factururus esset se nescire fatetur. Monet tamen vt præparatus sit hic Comes ad mandata regis, si qua iusserit, exe-

quenda. Item pro quibusdam malefactoribus hominibus cuiusdam Vviperti, qui rapinas, incendia, & homicidia, & alia mala faciebant. commonens eundem Harduinum, vt cum fratre suo Hadebol-do decertet, quatinus hæc mala legibus emendentur, & cessent, ne ipsi, qui missi regis erant in hoc regno, pro talibus offensam illius incurrant. quod ipse quoq. certaret agere, nisi corporali detineretur infirmitate. Insuper & cum Grimulfo regis fideli loquatur, qui hos malefactores recipere ferebatur: & ostenderet illi quantum periculum suum in eos excipiendo faceret, admonens vt à talibus deinceps se custodiret. Item de his quibus significauerat se accusatum apud regem, & quia expressè litteris eandem intimauerat accusationem, mandat vt ad se missum fidelem & rationabilem dirigat, per quem rei veritatem diligentius agnoscere possit, & ei verum consilium dare, & ipsum inde pro viribus adiuuare. MANIGAVDO cuidam amico suo, pro rebus sancti Remigij in Vosago coniacētibus, de quibus quidam homines quoddam mansionile conabantur auferre. Vn-

de iam missi regis Ludouici requisierant, & inuenerant quòd Remensis Ecclesia iustè illud teneret, & manifestū esse, quia infra fines illarum rerum, quas ibi sanctus Remigius comparauit, nulla potestas aliquid haberet, nisi Remensis Ecclesia. Vnde precatur istum, vt si res ipsas euindicare quietè potuerit, ad partem huius Ecclesie faciat: sin autem, vel detineat ne reddantur aut addicantur aliæ potestati, donec ipse & Luitbertus Archiepiscopus simul veniant, & secundum legem per Ecclesie aduocatum res ritè diffiniatur. & cætera. Item pro eadem re, exhortans & petens, vt de ipsis rebus maiorem curā habeat. ERLVINO amico etiam suo, pro præfatis rebus, & mansionili quo supra. Item gratiarum referens actiones pro auxilio quod impendebat præmissis rebus & mancipiis, precans vt quòd bene cœpit perficiat, & vt monasteria seruorum Dei picem de præfatis rebus habere possint, adiutorium præbeat, & vt quædam mansa, quæ ab ipsa potestate iniustè auferbantur, iustè reuocarentur, solatium adhibeat: mittens ei dona in auro & argento, & obsequium dignum tam spiri-

tale promittens. Item pro eisdem rebus
 vt regi Ludouico suggerat, quatinus pro
 redemptione animæ suæ res quæ abstra-
 ctæ sunt, Ecclesiæ Remensi restitui fa-
 ciat, & eas ipsi Erluino commendet, ipsū-
 que missum faciat ad inquirendam & per-
 agendam de rebus ipsis iustitiam. Mittēs
 eidem Erluino quoque vasorum argen-
 teorum munera. Item significans quod
 audierat quendam Lautfridum se iactan-
 tem quia impetrauerit res præfatas apud
 imperatorē Carolum, vt haberet ipsas eo-
 dem domno Hincmaro consentiente in
 beneficium. quod per omnia dicit esse
 mendacium, nec obtinere posse apud se
 omnes reges qui sub cælo sunt, vt illas res
 vnquam ab aliquo teneri consentiat, pro-
 pter allegationes quas sanctus Remigius
 in testamento suo disposuit. ODALRICO
 illustri Comiti & amico suo, pro cau-
 sa suorum hominum, quorum res Ludo-
 uicus rex Transrhenensis domnus huius
 Odalrici malè tractabat, iniustè agens
 contra ipsos. monetque vt inde iudicium
 Dei regum regis timeat, & quod iniustè
 egit emēdare procuret. Et quod audierat
 idem rex suasisse domnum Hincmarum
 regi

regi suo, vt proprietates auferret, quas fideles Ludouici in regno ipsius possidebant, & ideo abstulisse ab huius fidelibus proprietates ipsorum, dicit non decuisse regem de Catholico & fideli suo Episcopo talia credere, antequam veritatem inde cognosceret, & quia contradixerit etiā consiliariis regis, qui seniores suum id hortati sunt agere. Ostenditque qualiter Carlomannus rex frater Caroli magni, villam Nouiliacum sancto Remigio tradiderit, & qualiter deinceps vsque ad id tēporis eadem villa tractata fuerit: & quia de honoris & animæ periculo ei res agebatur, si fraudem rerum Ecclesiæ sibi commissæ consentiret, & periculum senioris sui regis illi celaret, qui nec etiam pro toto mundo suum gradum & suam animam perdere vellet. & cætera. Item gratias agens de his quæ pro petitione ipsius erga fideles eiusdem decenter executus fuerat, quia in eius dilectione manebat, petens vt deinceps idem agere non desinat. BERTRANNO illustri comiti Tardunensis pagi propinquo suo, pro sacramento regi agendo, qualiter regi fidelitatem iurare deberēt, qui in ipsius

comitatu cōsistebant. Item pro loco vacante sine presbytero, vbi sancta Patricia requiescit, monēs vt quantocius ministris Ecclesiasticis clericum sacro ministerio aptum ostendat, qui valeat ibi ordinari. sciens pro certo, quia post ordinationē quæ fieri debebat in proximo, ipsum locum sine presbytero nō dimitteret: quia nec cum mercenario, nec sine pastore proprio ipsos homines audebat dimittere: & si ipse non præsentaauerit eum, qui dignus possit inueniri, ille ordinaturus esset qualem meliorē potuisset inuenire. Item pro Haimone fideli suo, quem idem Comes ad placitum suum per bannum vocari iusserat, qui rege iubente in ipsius seruitium profectus erat. **B O S O N I** illustri Comiti, de agenda electione Siluane-
tensis Episcopi, ostendens quod non sit sui ministerij quamcumq. specialem designare personam, & cæt. Item **B O S O N I** viro inclyto, gratiarum referens actiones pro rebus Ecclesiæ Remensis in Pro-
uincia sitis, quas vt sibi promiserat tuta-
batur, monens vt se talem præparet, qua-
liter orationes ipsius & Ecclesiæ sibi com-
missæ illi proficiant: idque quod de ipso

periculosum audierat, non tacens, videlicet quod res diuersarum Ecclesiarum suis hominibus dedisset: vnde satis timendum esse denuntiat, ne orationes fidelium Dei pro ipso impediatur à clamoribus, sanctorum in cœlis cum Deo regnantium. & cæt. GOIRANNO Comiti, propter quendam hominem ipsius, qui grauiam quædam commisisse ferebatur crimina, & quia non audebat ea dominus indiscussa dimittere, precatur hunc propter dilectionem, vt eum ad se venire iubeat discutiendum ab ipso: quia si non fecerit distringetur grauius ab illo tam de ministerio Episcopali, quam de missatiko regis. ISEMBERTO illustri viro amico suo, precans pro Hincmaro nepote suo, quem miserum appellat, vt pote qui pro excessibus suis tam grauiam sustinebat, petensque vt illum in suis necessitatibus adiuuet. RAMOLDO Comiti, pro rebus Remensis Ecclesie, quas receptas se habere significauerat, & de manibus diripientium ereptas. THEVEDERICO illustri Comiti, mittens ei nomina suorum in expeditionem, regisque seruitium properantium. Item pro muneribus argenti, quod regi moranti ad Dei

seruitium in terra per paganos deserta
mittebat. Item pro sollicitudine quam
tēpore Ludouici regis nuper defuncti su-
sceperat idem Theodericus de filiis ipsi-
us regis, ne molestè acciperet, si eum cō-
moneret causa dilectionis, vigilem esse
debere apud filios eiusdem regis. Osten-
dens quia non solū grandis præsumptio,
sed etiam magnum periculum est vni soli
regni generalem dispositionem tractare,
sine consultu & consensu plurimorum.
Notificans quoq. de his quę sibi mādauē-
rat, qualiter quondam inter reges Ludo-
uicum, Lotharium, & Carlomannum
fuerit actum, & qualiter tunc sit agendū:
subiungens capitula quædam, quæ à tri-
bus regibus Ludouico, Carolo, & Lo-
thario simul conuenientibus constituta
& confirmata fuerunt. Item pro quodā
Episcopo religioso, petens vt det ei locū
loquendi secum, vt per ipsius interuen-
tionem peruenire valeat ad regis præsē-
tiam, & ea quæ rationabiliter postulauerit
obtinere. & alia quædā. Scribit etiam eidē
Hugoni filio Lotharij regis, significans se
amicos & familiares habuisse patrem &
auum ipsius Lotharium imperatorem. &

quia salutem ipsius optabat, idcirco quod audierat de periculo eius causa dilectionis ei notum faciebat : multos scilicet prædones conspirasse & conspirare secū, ipsoque principe atque auctore innumeras & horrendas fieri depredationes, aliaque multa scelera perpetrari, quæ omnia in caput ipsius redundarent : ostendens quàm horrendum sit pro tantis sceleribus perpetuas pœnas mereri. demonstrans hæc eadem peruenisse ad synodum Episcoporum in Neustria gestā. Insuper etiam quòd regni moliretur peruationem : sibi que mandatum de præfatto conuentu, vt ad eum mitteret atque moneret, iuxta quòd leges præcipiunt, à tantis malis resipiscere, ipsosque malefactores à se disiungere, & à seditione ac regni peruatione se cohibere ; si verò ipsius commonitionem & mandata synodi obaudire non veilet, tam suæ Diœceos, quàm de prouinciis vicinis Episcoporum synodum conuocaret, & synodali Episcoporum sententia eum, suosque complices atque fautores excommunicaret. postea verò omnes hi Episcopi eandem excommunicationem Romano

Pontifici, & omnibus Episcopis ac principibus per circumiacētia regna notam facerent. Vnde monet eum tanquā filiū, vt recogitet in quanto periculo sit, proponens ei diuinarum sententias auctortatum, vt periculum suum recognoscere possit, hortānsque ac monens, vt nulli adulatori credat ad peruationem regni aggreudiendam: inferens vt attendat, quid profuerit patruis eius, vt contra Dei voluntatem regni peruationem inceperint, & quod pater eius pro labore, quo contra Dei voluntatem laborauerat, & vitam perdiderit & regnum. Adiiciens quid leges de peruasoribus regni præcipiāt. Subiungens etiam, quòd rex eidem promiserit, & ex parte ostenderit, eum se velle honoribus ampliare, & honoratum habere, si culpa ipsius non fuerit. Admonens etiam, vt non auscultet hominum prauorum hortamenta, neque imitetur malignantes, qui florent ad tempus, & citò sicut fœnum arescent, sed obaudiat scripturam sanctam veridicè dicentem, Expecta Dominū, & custodi viam eius, &c. Subnectens quoque, vt sibi de his certam & veram responsionem remandet. EN-

ECCLESIAE REM. LIB. III. 292
GILGARIO cuidam illustri literas di-
rexerit huiusmodi.

HINC MARVS EPISCOPVS

Engilgario Salutem.

PERVENIT ad nos, quia hominem tuum
Rathrannum irrationabiliter & inconuenien-
ter periculosum sacramentum iurare fecisses. qui
licet tibi seruitium debeat, tamen sub nostra
cura & tu & ille de salute vestra esse debetis.
Propterea mando tibi, quia valde miror te non
intellexisse, grauius esse periculum, cum homi-
nem aut suadendo aut terrendo in periurium
mittas, quam si te solus periurares: quoniam in te
vnum periurium, immo pro periurio homicidium
perpetrares: cum autem alium periurare facis,
& te & illum perdis. Et ideo mandamus, vt
si ita causa habetur, sicut ad nos peruenit, ab
Ecclesia & altario te abstineas, donec ad nos
venias, & de tali incautela aut dignam excu-
sationem facias, aut dignam poenitentiam accipias.
LEVDVINO amico suo, pro rebus &
manciipiis Ecclesiae Remensis in Prouin-
cia consistentibus, saepe direxit litteras.
Item **LETVARDO** & **HILDOARDO**, aliis-
que in eodem pago degentibus, tam pro

ipsis rebus, quàm pro animarum salute scripta direxit. ACHADEO Comiti, pro rapinis quas audiebat ab eius hominibus fieri in ipsius comitatu, & pro villa Span-tia, de qua ille annonam Ecclesiæ Remē-sis auferri disponebat: notificans ei, quòd si aliquid inde raperet, tam ipsum quàm suos excōmunicaret, & alienos ab omni Christianitate faceret: atq. per suū missa-ticū, quod de illo Comite fieri debet, qui in suo comitatu iniustitiam facit, exequi procuraret. AMALBERTO illustri Comiti, pro iniustitia quam audierat eum in suo perpetrasse iudicio, exigendo res cuius-dam interfecti ab eo, qui secundum com-mendationem ipsius eas in illius elemo-synam distribuerat: perhorrescens quòd Christianus & moriturus admittere talia non expauerat, timens Dei futurum iu-dicium. & ostendit per diuinam auctori-tatem, quàm graue perpetrauerit flagi-tium, reducens ad mentis oculos, ne for-tè mercenarius non pastor haberetur iniustitiam videndo & tacēdo. & quia mis-sus Imperatoris erat, & capitula ipsius pro defensandis aduenis & necessuosis habebat. Vnde tam eidem Comiti, quàm

omnibus exactoribus atque iudicibus, qui in hoc resederant iudicio, ex verbo Dei omnipotentis & banno Imperatoris, Episcopali auctoritate præcepit, ut eundem hominem nullus pro hac re cõdemnet, aut inquietet, vel contradictionem faciat, donec ipse Præsul per seipsum vel per missos suos hanc causam diligenter inquirat, & secundum leges Ecclesiasticas & humanas hoc iustè & rationabiliter diffiniat. Denuntians quod quisque hoc contra Dei præceptum præsumpserit agere, primò secundum capitula legalia hoc eum emendare faciat: deinde secundum leges Ecclesiasticas illum à cõmunionem Christianorum usque ad satisfactionem repellat. Denuntiat etiam, quia quoscunq. ad placitum suum venire mādauerit, ut hanc causam diligenter inquirat, & legaliter atq. regulariter diffiniat, si venire neglexerint, post tertiam cõmonitionem ab omni Christianorũ consortio usque ad satisfactionem repellat, nisi rationabilem ostenderint excusationem. Adiiciens de flagellis qua patiebatur multis, & ostendens quòd ideo hæc tam duriter ex Dei verbo annunciet, ut

intelligent quanta sit offensa, in hac causa contra Dei præceptum & sacras præsumere scripturas. admonens ne de peccatis alienis peccata sua accumulent. **SIRGEBERTO**, pro præsumptione & præiudicio quod egerat pro quadam Ecclesia cuidam presbytero: mandatq. vt hoc præsentialiter emendet, & à talibus leuitatibus vel præsumptionibus se caueat: quia si non fecerit, suum de eo ministerium facturus sit, & cæteris Episcopis, vt idem faciant, notificabit.

Quæ aliquibus reginis scripta miserit.

Cap. XXVII.

IRMINGARDI Augustæ scribens, congratulatur audito religionis ipsius feruore, asserens se in precibus assidua pro ea dependere munia. Item respondens ad litteras quas ipsa sibi direxerat, significantes insinuasse illi quosdam homines, quia per eiusdem Episcopi iussionem multa mala fieret erga res Auennaci monasterij, Bertæ ipsius imperatoris filia: asseuerans quod diabolus per eorum sit ora locutus mendacium, velut est pa-

ter mendacij. Si quid verò homines ipsius iniuste fecerint in rebus ipsius monasterij, non denegat: tamen quia & ignoraue-
rit, & non consenserit, nec voluerit in-
dicat. De quodam præterea manso, quod
illa significauerat iniuste abstractū à præ-
fato monasterio, asserit quòd nulli ho-
mini, quātum sibi consciētia testimoniū
perhibebat, iniuste vnquam mansum ab-
stulerit, sed apud regem pro eo petierit,
& obtinuerit vt missos suos dirigeret, qui
diligentissimè hoc inter Ecclesiæ Remē-
sis & Auennaci monasterij possessiones æ-
qual lance indagantes decernerent. Nam
ipse qui sua pro Christo dimiserat, nec
vellet, nec indigeret vt aliena raperet: ea
tamen quæ sibi commissa erant, sine ra-
tione & lege negligenter dimittere non
audebat. Adiiciens esse multa de ipso mo-
nasterio, vnde ipsius, filiaque suæ indige-
bat auxilio: petitque vt mittat missum
suū strenuum & fidelem cum missio filia
suæ, qui vna secum quæ corrigenda sunt
ibidem corrigat, & videat quàm inten-
tionem & voluntatem ipse in talibus ha-
beat, ne ipsis & sibi periculum, quod ab-
sit, exinde maneat: petitque vt ipsius ani-

mus sit semper sollicitus, ne alienæ linguæ facile credat, maximè de sacerdotib. Christi: quoniam diabolus si non potest in alio, in hoc velit intentionem ipsius fuscare, vt eam faciat in opinione indubitata sacerdotum errare. Denique quod adiecerat ipsa, se pro eo suggessisse animo imperatoris Lotharij, cōtra ipsum fecisse illā testatur, nō vt magnā & Deo deuotā decet facere coniugem. Ego, inquit, scio quia ei multa de me dicta fuerunt contraria: sed si vult poterit cognoscere non esse vera. tamen non eum audeo reprehendere, quia Dominus est, nec in eius persona dico, sicut legitur in scripturis, Qui libenter audit verba mendacij, ministros quoque habebit impios. Videlicet qui de erga eum pijs volūtariè loquētur impia. Qui illi ea dixit ex mea parte quæ mihi mandastis, aliter quàm verū sit dixit. malè autem interpretatus est bene dicta. Si voluisset cognoscere verum, & aliquis missus mihi de sua parte veniret; vt vera ex me cognosceret, sicut venit, & me qualemcumque Christi Domini sacerdotem suggillauit, libētissimè suo animo satisfacere. De meo autē misso sicut dominatio benignissima vestra mandauit, vt ad eum dirigam qui ei hoc affirmet, quòd de de eius infidelitate nihil velim tractare, scitis

quanta mendacia nunc per istud vadunt seculū,
 & quāta synceritas debeat esse in sacerdote, &
 quantam merito domino meo velim seruare fide-
 litatem. Et idcirco ne mali interpretes male bo-
 num interpretentur, hoc adhuc facere non pos-
 sum. Tamen si vult credere dominus meus Lotha-
 rius, potest veraciter cognoscere, quia non tan-
 tū illi, sed nulli homini in mundo sum infide-
 lis. & si vult credere, credat: sin autem, cū il-
 le inter principes, & ego inter Episcopos ante
 regem regum & Episcopum Episcoporum ve-
 nerimus, tunc quid inde verum sit, plenissimè
 sine alicuius indicatione cognoscet & cætera.

BERTAE abbatissæ Auennaci mona-
 sterij, pro impedimentis quæ fratres ac
 seruiantes monasterij Altuillaris, aliarū
 que villarum Remensis Ecclesiæ patie-
 bantur ab hominibus ipsius, postquam
 in hoc regnum illa deuenerat. Vnde pe-
 tit vt diligentiam, studiūque adhiberi
 iubeat, ne tanta & sic insolita præiudicia
 hæc patiatur Ecclesia de ipsius vicinitate,
 de qua solamē & gaudium pro ipsius bo-
 na vita & sobria conuersatione habere
 debeat. Quod si egisset, Deum proinde
 placabilem sibi faceret, & sanctam Ma-
 riam, sanctūque Remigium sibi conci-

liaret, ab ipso quoque obsequium Episcopale haberet. Si verò suos corrigere parui penderet, ipse licet inuitus aures regis inde pulsaret: vt si necesse foret vt in tantum causa excresceret, ministeriū Ecclesiasticum secundum regulas canonicas in eam, suosque exereret. IRMINTRVDI reginæ, pro Beluacensis Ecclesiæ dispositione in pastoris electione: petens vt suggerat reginæ, ne à quocumque in quamcumque partem animus illius indebitè possit inflecti de huius Ecclesiæ dispositione, donec ipse in eius seruitium veniens, quæ ipsi necessaria fuerint, notificans ipsius aurib. pandat; & sic quæ Deo sint placita, & illis vtilia, Domino annuente disponere procuret. ROTRVDI Deo sacratæ, & cæteris sororibus monasterij sanctæ crucis, & sanctæ Radegundis, pro electione Abbatissę ipsius monasterij, pro qua rex præceperat Frotario Archiepiscopo, & Erardo, atque Angenoldo, ad præfatum monasterium pergere, & electionem regularem ibi facere: & si cuncta concors congregatio, vel pars quamuis minor, tamen melior, Rotrudem elegeret, constitueretur in ordine Abbatissę.

ſæ. ſi autem omnis congregatio concors
 illam abieciſſet, & aliam eligeret, illa quæ
 concorditer elegiſſet, in ordine Abbatif-
 ſæ maneret, donec regi renunciaretur,
 & quæcumque ibi fuiſſet electa, onus Ab-
 batiffæ ſuſciperet, & Odila ad ſuum mo-
 naſterium reuerteretur. primores autem
 clerici & vaſſalli ad reginam venirent, ſub
 cuius deſenſione poſt Dei & ſanctorum
 eius conſiſtere deberēt. Propterea, inquit,
 diligite ſorores ante omnia: & in privatiſ
 colloctionibus, & in publico veſtro conuentu,
 remittite & abicite funditus a cordibus veſtris
 omnes iniurias, & ſcandalorum ſemites, quæ
 hæcenus inter vos orta fuerunt; Ut nulla de
 ſorore ſua vindictam, aut pro ſermone, aut
 pro facto, vel pro aliquo deſpectu quærat, aut
 à Deo, aut in ſæculo. Quia ſicut Dominus pro-
 teſtatur, ſine concordia quicquid ei obtuleritis
 non illi placebit: ſive enim oraueritis, ſive ſacri-
 ficium obtuleritis, ſive vos afflixeritis, ſine hac
 caritatis cōcordia nihil Deo placabile erit. quia
 ſicut Apoſtolus dicit, Etiaſi tradidero corpus
 meum ut ardeat, caritatem non habeam, nihil
 ſum. Et ſcitis, quia regula quam profeſſæ eſtis,
 propter ſcandalorum ſpinas, quæ oriri in mona-
 ſterio ſolent, orationem Dominicam in matu-

tinis & vespertinis officiis, ita vt omnes illam audiant à priore orari præcepit vt timentes conuenientiam qua dicimus, Dimitte nobis debita nostra, sicut & nos dimittimus debitoribus nostris, omnem rancorem de corde nostro pellamus. Quæ dū prius egeritis, ne per vestram discordiam, quod absit, regularis electio de vestro monasterio pereat, adunate vos ad Dei voluntatem, & regularis deuotionis vnanimitatem, Vestramque ipsam salutem, præsentem scilicet atque eternam, cum caritatis concordia, quæ est omnium virtutum mater, & cum humilitate, quæ est custos ipsarum virtutum, atque cum vera obedientia, quæ scala est qua ad coelum pertingitur, & in vobis salubri electione concordatæ, & vosmetipsas ad regularem normam reducite, & constringite ac conseruate: quia aliter, sicut melius ipse scitis, saluæ esse nequaquã valetis: & sicut animos ab inquietis motibus, ita & linguas à prouocatiuis iracundiæ, vobisque nociuis sermonibus custodite: contestante Apostolo, Omnis clamor & indignatio à vobis auferatur cum omni malitia, & omnis sermo malus ex ore vestro non procedat: ne sicut solent homines prius dolore commoti, & postea aliquo gaudio quasi victoriosi obtinentes quæ desiderauerant, exhilaritati, de quocunq. homine, quæ

non

non conueniunt aliqua vestrum dicat: ne & patientiae meritum inutilib. sermonibus coram Deo perdatis. & si aliquis fuerit, qui aliqua prouocatione quamcumq. vestrum ad hoc instigare voluerit, ut quaecumque indebita de quocumque proferat, qualiter illam comprehendere possit, ut rationabiliter damnare praeualeat, locum nec diabolus nec astutus homo exinde aliquo modo habeat: sed tales vos exhibete, ut interius, exteriusque decenter ornatae dignas atque exaudiles orationes & pro vobis, & pro seniore ac domina vestra, proq. non solū amicis vestris, verū etiam & pro inimicis ad aures Domini mittere valeatis. TEVTBERGAE abbatissae, pro ordinatione Auēnaci monasterij, quā ipse quōdam cum Irmintrude regina disposuerat: de numero clericorum & nonnarum, atque de rebus villarum ipsius monasterij, videlicet mille centum quinquaginta mansis: significans se disposuisse xx. clericos, & xl. nonnas ibidē consistere posse, victūq. eis prouidisse, & res necessarias ac ministeriales instituisse, prāter luminaria, &c. monasterij necessaria. ostēdens quōd Niuardus Remorum Archiepiscopus de rebus Remēsis Ecclesiae monasterium Altuillarense construxerit, & frater eius de

suis proprietatibus, & quæ alij boni ho-
 mines ad eundem locum dederunt, Auē-
 nacum exstruxerit monasterium, quodq.
 ad Ecclesiam Remensē tradiderit: vnde
 chartæ habebantur id apertè pandentes.
 sed per regiū donū, sicut & aliæ res huius
 Ecclesiæ ab externis à longo retro tene-
 batur tempore. & cat. RICHILDI reginæ,
 significans quòd quando Laudunēsis pa-
 rochia Episcopo vacans in sua specialiter
 erat prouidentia, malefactumq. sit de e-
 leemosyna Irmintrudis reginæ per quēdā
 præpositum Oriniaci monasterij; postea
 verò hinc Richildi per Vvinfridū pres-
 byterum contra sacras leges malè sit obe-
 ditum, vt regularis abbatissa de ipso eiice-
 retur monasterio. Ostendit autem ex au-
 ctoritate sacra, quātum inde regina peri-
 culum habeat. & quia miserit ad eam qui
 moneret illum hoc euadere malum: illa
 verò non solū non emendauerat, sed ma-
 lo peius superaddiderat, cōtra diuinā au-
 ctoritatē, neophytā scilicet in religione
 nouellā prouehēdo ad regimen propter
 res terrenas acceptas ab illa. Adnectens,
 qualiter Hedenulfo Episcopo in Ecclesia
 Laudunensi ordinato, monuerit illum vt

suggereret regi Carolo tam perniciosum factum dissolvere, & se atque reginam à tanto discrimine liberare. Sed quia quod monuerat perducì ad effectum non viderat, ipse præfatum regem inde commo-
nuerit: sed ille ne reginam contristaret, quod malefactū sciebat non correxerit. Reducit etiā ob memoriā, qualiter præfatus rex petēte Irmintrude regina de reb. tunc suis per consiliū Parduli Laudunēsis Episcopi priuilegium ad idem Oriniacū monasterium à se dictari, & à cæteris Episcopis firmari rogauerit, & ipse rex confirmauerit. Hic autē Præsul iussioni regis obediens, non suis verbis illud priuilegiū composuerit, sed sicut beatus Gregorius Papa de quodam monasterio à quadam regina ædificato, ipsa petente dictauerat, & ipse quoq. dictauerit, vel transtulerit. Repetens maledictionis intentationem, quam domnus idem Gregorius contra præsumptorem illius monasterij iaculatus sit. Adiciensque quòd illa quandiu in hac præsumptione & malefacto perman-
ferit, quotienscunque corpus & sanguinē Domini accipere præsumeret, iudiciū id est damnationem sibi accipiet. obsecratq.

monens illam, vt non sensus ipsius aut
alicuius suggestio eam decipiat, sed de
remedio regis animæ suæ ac redemptione
cogitet, & quod malè actum corrige-
re festinet. Illud etiam quod audierat il-
lam perpetrasse, scilicet quia præfatum
priuilegium & præceptum regale de ipso
monasterio abstulerat, quantum malum
fecerit pandit, & hoc ideo vt se corrigat
ne damnationem incurrat: & quia si res vt
audierat & mancipia de præmissa mulie-
re neophyta acceperat pro commit-
tendo regimine monasterij, simoniacam
hæresim incurrerit: & quod quandiu ei-
dem hæresi quisque fauerit, in corpore
vnitatis Ecclesiæ Catholicæ coram ocu-
lis Domini esse nequibit. Monens vt le-
gat capitula regulæ beati Benedicti de or-
dinatione abbatis vel abbatissæ, & inue-
niet quàm grauitèr pro hac ordinatione
in Spiritum sanctum, quo ipsa regula est
promulgata, peccauerit: ex diuinis insti-
tutionibus propalans, quantum pericu-
li malum tam ipsa quàm imperatrix illa
subierint: petens vt quæ ille ex debito
ministerij sui cum gemitu scribit pro salu-
te ipsius & remedio animæ regis, beni-

gnè suscipiat, & quia magna ex fidelitate
 hæc scribere curauerit, agnoscat. LEVT-
 GARDI Ludouici Transrhenēsis coniugi,
 pro suis missis, quos ad eundem Ludo-
 uicum regem mittebat, vt per eius inter-
 uentionem ad illius præsentiam perueni-
 rent, & eius intercessione ac dispositione
 rex idē strenuos missos ad Remēsem di-
 rigeret urbem, qui eam & monasteria sibi
 subiecta saluare possent ab impetu super-
 uenientis exercitus Transrhenensis. IR-
 MINGARDI coniugi Bosonis inclyti viri,
 pro rebus Ecclesiarum Dei, quam audie-
 rat sufficienter litteris sacris imbutam ab
 Anastasio quodam didascalo. Vnde petit
 vt qui eam dedit scire, det bonum velle
 & posse atque perficere. Monens vt hor-
 tetur virum suum, timere Deum & eius
 custodire mandata. de rebus etiam Ec-
 clesiasticis, quas sicut audierat ab Ecclesiis
 abstractas suis hominibus diuiserat, vt o-
 stendat illi ex scripturis sanctis quàm gra-
 ue iudicium proinde sit à Deo prolatum.
 & cætera. Item BERTAE vxori Gerardi
 Comitis pro rebus Ecclesiæ sibi commis-
 sæ in Prouincia sitis, quas eidem Gerar-
 do tuendas atque ordinandas commise-

rat: petens vt ipsa strenua sit interuentrix
 apud coniugem suum pro rebus eisdem.
 IRMINSINDÆ cuidam matronæ pro
 quodam Diacono, quem illa comprehē-
 hendi iusserat, & in seruitium suum redi-
 gi, reddens rationem qualiter idem Dia-
 conus liber legitimè factus fuerat, & quo-
 modo eius recipiens libertatem Diaconum
 licenter ordinauerat: ostendens
 quòd si seruus ipsius fuisset, neque liber-
 tatem habuisset, & tanto tempore post or-
 dinationem suam sine illius repetitione
 mansisset, secundum sacras leges iam in
 seruitium repeti non posset: quāto minus
 ille qui colonus Ecclesiasticus & non a-
 licuius seruus fuerat, & legaliter liber
 factus canonicè ordinatus, & Ecclesiæ
 atque ordinatori suo proprius erat effe-
 ctus. Monensque vt talem præsumptio-
 nem vlteriùs de ipsa non audiat, quia si
 hæc illa præsumeret, ipse hoc legaliter
 atque regulariter vindicare studeret. Adi-
 ciens eam se taliter commonere, quia ca-
 ram familiariter ipsā habebat. S I B I quo-
 que subiectis nonnulla scribens, vt pater
 filios de multis sollerter instruit, necessa-
 riis tam spiritalibus quàm temporalibus.

Quae sibi subiectis monita salutis ediderit.

Cap. XXVIII.

RICHALDO Chorepiscopo, & Rodaldo Archipresbytero, pro synodo cōprouinciali apud Carisiacum palatium regium habenda: mandans vt notum faciant omnibus per omnem parochiam Remensem, vt qui se lāsos existimant, ad ipsam synodum conuenire procurēt. quosdam verò cum auctoritate inuitent, & venire commoneant. Sed & Milonē cum filia sua, qua Fulcricus abusus fuerat, & omnes qui consentanei fuerāt in illa indebita coniunctione presbyteri, & in quorum parochiis consistebant, & verbo Dei, & suo atque ex banno regis ad eandem synodum conuenire iubeant. ANSOLDO, Gerolo, & Hadrico, pro inquisitione cuiusdam fratris Raganifredi ministerialis sui: & vt si necesse esset libera saluaq. custodia detineretur, ne aufugeret, sibi que adduceretur. Mandans etiam eidem Raganifredo, ex auctoritate Dei ac sua præcipiendo, vt cum ipsis in eadem permaneat inquisitione.

Rp iij.

Cui etiam postquam recesserat, in alienis parochiis immoranti litteras mittit, reuocans eum auctoritate canonica, vt ad Metropolim suam redeat, & eius se humilitati repræsentet: vel si de ipsius iudicio queritur, synodo regulari adesse festinet.

GISLORDO Canonorum Præposito, pro facultatibus sibi commissis & indebitè vsurpatis, qui pro hac re irregulariter ab ipso discesserat: monetque auctoritate canonica vt redeat, & de his quæ illi opponebantur, satisfacere studeat.

THEODACRO quoque præposito, pro eodem Gislordo, pro quo Irmintrudis regina precabatur, vt partem collaborationis suæ, quæ rationabiliter ei competebat, dari iuberet; si qua verò illi debebatur in hoc Episcopio, eidẽ redderentur: quod & idẽ Episcopus fieri iubet. & quia dixerat se missaticũ habere ex parte reginæ ad Canonicos, mandat vt si venerit ad eos, sicut missus reginæ venerabiliter suscipiatur.

GERARDO Decano, pro quodam Radulfo excommunicato, qui ad se venerat petens pœnitentiam. Cui præcipit vt Remis eandem accepturus veniret cum femina sanctimoniali, quam sibi coniunxe-

rat. Iubet autem huic presbytero, vt cō-
 mender aliis presbyteris, quatinus ma-
 gnā sollicitudinē de illis accipiant,
 quatinus si quilibet eorum infirmitate
 prouentus fuerit, de qua se putet euade-
 re non posse, si promiserit quia de pecca-
 to suo ex corde pœniteat, & per dignos
 pœnitentiæ fructus illud se coram testi-
 bus emendare, ac Episcopi iussioni obe-
 dire profiteatur, absolutus existat. SIGLO-
 ARDO Archipresbytero, Ansoldo quoq.
 & ceteris quibusdam, quos inquisitionem
 facere de quodam presbytero iusserat :
 quibus hunc ordinem in eadem inquisi-
 tione tenere præcipit, vt quoniam audie-
 rat eundem presbyterum suis quibusdā
 facultatibus contra leges exspoliatum,
 suis omnibus reuestiretur, antequam suis
 accusatoribus respondere cogeretur : ne
 contra legem fieret, & ipse Præsul à pres-
 bytero legem tollendo eandem quoque
 sibi auferret. Præcipiens etiā vt si Comes
 ipse presbyterū rebus exspoliari iusserat;
 hoc illi emendare per vadiū faciat, dispo-
 nēs qualiter inde fiat. Si verò Comes ipse
 hoc fieri non rogauit, ipsi qui ab eo res
 suas abstulerūt, eidem presbytero legib.

emendent. De pœnitentia illorum ipse Præsul dispositurus secundum illorum recognitionem. Quod si Comes ita facere noluerit, renuntient illi, vt ipse hoc indicet regi. Postquam hæc acta fuerint; ita rationem huius aggrediantur iudicij, vt prouideant ne per ignorantiam accusatores ipsius presbyteri rem talem alicuius impulsu præsumant, vnde damnari possint, sicut prouideri debet, ne presbyter iniuste damnetur. Post hæc adiurent accusatores vel testes eorum in illorum baptisma, & aliis diuersis adiurationibus, ne odio, vel inuidia, aut timore alicuius, vel hortamento de ipso presbytero mendacium proferant, nec pro gratia vel amore aut præmio inde veritatem reticeant. Notificetur etiam eisdem accusatoribus & testibus, quales personas ad accusationem presbyteri, vel ad testimonium super eum sacri canones recipi non permittunt, & qualiter discuti debeant & accusatores & testes. Omnia verò quæ accusatores vel testes de singulis causis testificati fuerint, describantur, & coram omnibus relegantur, vt ita fuisse dicta comprobentur. Describantur quoque

omnes qui in ipso placito fuerint, tam de presbyteris quàm de laicis, prout necessitas visa fuerit. Et ut accusatores suam praesentiam, testes verò iuramentum iure polliceantur se duros in proximo placito, quod canones presbytero donent ad licentiam se defendendi vel respondendi. Quod placitum eidem presbytero denuntietur ad triginta dies, ut ita praeparatus veniat, quo se vel canonicè purificet, vel concedat. quod si non fecerit, canonicam se recepturum sententiã sciat. Mittant quoque bannum Dei, & sacrorum canonum auctoritate, regisque atq. praesulis interdictione, ut nemo ipsi presbytero vllas insidias praepararet, aut aliquã violentiam faciat, sed nec eius accusatoribus vel testibus, donec ista causa legalem definitionem accipiat, praecipiens etiam quid fieri deberet de illis hominib. qui altera vice, quando ipse presbyter fuerit accusatus, iurauerunt, & suum sacramentum iudicio approbauerunt, tunc autem se periurasse dicebant. De terra quoque Ecclesiae pertinenti, unde contentio ventilabatur inter Comitem & presbyterum, quid fieri deberet. & ut his

quæ mandabat Comes obediret: aut si nollet, proinde ad placitum coram rege & fidelibus ipsius tam Episcopis quàm laicis veniret. quod si presbyter aliis obedientibus obedire nollet, ad synodum comprouincialem canonicè prouocaretur. Item SIGLOARDO & Ansoldo, pro eadem inquisitione, succensens eos quòd negligenter illam sunt exsecuti. & cætera. Item pro quodam presbytero, qui ea quæ de suo ministerio quondam didicerat, post ordinationem suam per incuriam fuerat oblitus. vnde iusserat eum aliquândiu sub custodia reclusum seruare, vt saltem per hoc amaritudo aliqua mentem illius tangeret, & à peccato purgaret. & cætera. Item pro ieiunio triduo, quod rex cum Episcopis & cæteris fidelibus suis disposuerat fieri pro pace sanctæ Dei Ecclesiæ, qualiter fieri deberet. Item pro quodam presbytero Auennaci monasterij, qui denotabatur super thesauro ipsius Ecclesiæ dudum perduto. Item SIGLOARDO & Rodoldo, pro quodam presbytero, cui consenserat suadente Sigloardo, vt libello suæ professionis à regimine plebis sibi commissæ redderet

se alienum, & alium in suo loco expeteret ordinandum : sed colludium quod habebat factum sibi celauerat , videlicet vt alumnus eius sine cōsensu senioris sui in loco ipsius ordinaretur. & quia exenium reuadiare dolosè fecerit eundem suum alumnus, contra Episcopale interdictum, & cætera quid inde fieri deberet exequentia. Item SIGLOARDO pro presbytero Ecclesiæ sancti Iuliani , qui furatus fuerat lampadem sancti Remigij. vnde valde redarguit istum, quia id factum compererat, & sibi tacuerat : cū idem Præsul vices suas eidem Sigloardo teste Domino commēdauerit, qui eundem presbyterum in arctissima custodia debuerat retrudere, non per fideiussores dimittere : quod quia prius non fecerat, vel nunc faciat. Carcer quoque firmiter à Vicedomino restauretur, & custodes si necesse fuerit adhibeātur. Item RODOLDO, succensens eum pro eo quòd incautè soluerit quod ipse Præsul canonicè alligauerat , & aliis presbyteris missam celebrare permiserit in quadam capella Basilicæ cortis Ecclesiæ subiecta , præcipitque quid inde fieri debeat. ANSE-

LINO cuidam Monacho , præcipiens
 vt describat omnia, quæ in monasterio, vt
 videtur, Altuillarenſi , ante ipſius Præſu-
 lis ordinationem facta vel collata fuerūt,
 & quæque poſtea: numerum quoque fra-
 trum ac famulorum eis ſeruientium, & ſi-
 qua exinde ſuo tempore diſpenſata fue-
 runt, & in quos uſus, vel quas perſonas,
 & ita veraciter omnia deſcribantur , vt
 miſſi dominici nihil ibi falſum poſſint
 inuenire. R A T R A N N O præpoſito mo-
 naſterij Orbacenſis ſimiliter. Item Ratrā-
 no pro quadā præſtaria , quam Amalraus
 canonicus habuit, & poſt ipſius obitum
 collaborationem eius idem præpoſitus
 diripi iuſſerat. Quapropter excōmunicat
 eum, in pane & aqua conſtituēs tam ipſū
 quàm complices eius in hoc facto, donec
 reſtituantur hæc quæ iniuſtè abſtulerant.
 ALTHARIO cuidā ſacerdoti vel decano,
 pro præſbytero de Eccleſia Vindoniſi,
 quem Leutardus ſenior ipſius villæ con-
 tra legem & omnem auctoritatem de ipſa
 Eccleſia expulerat, & alteri præſbytero ex
 alio Episcopatu eandem Eccleſiam cōmi-
 ſerat. Quem præſbyterum ſuperinductū
 excōmunicat, ne in omni Remenſi paro-

chia missam celebrare præsumat, neque
 cõunionem Ecclesiasticam accipiat, ni-
 si fortè munus viaticum grauis ægritudi-
 nis causa, & hoc ita vt mox si conualuerit
 de parochia ista recedat. Parochianis
 autem Ecclesiæ prædictæ auctoritate Dei
 præcipi iubet, vt nullius presbyteri missã
 in eadem Ecclesia audiant, nisi illius iniu-
 stè depulsi presbyteri, donec ipsius causa
 diffiniatur, nisi fortè idem presbyter pro
 infirmitate eis missam celebrare non po-
 tuerit. & cætera. **ALTMANNO** mona-
 cho atque presbytero, quem procul obe-
 dientiæ causa direxerat, pro his quæ in-
 uenerat in quibusdam litteris sibi per
 hominem quendam Arduici Archiepi-
 scopi datis: scilicet reputari eidem Alt-
 manno, aspirare velle ad beneficia, & ne-
 gotia sæcularia, quæ non cõuenirent eius
 professioni & saluti. vnde præcipit vt
 quantocius ad monasteriũ suum redeat,
 vbi lectiõni & orationi deffendo delicta
 suæ iuuentutis vacare procuret. & cæt.
LANTARDO cuidam sacerdoti, qui de
 parochia Remensi Ebonis Episc. causa di-
 scesserat, quẽ petit vt si qua, prout audie-
 rat, de vita & actib. B. Remigij apud eun-
 dẽ habebantur conscripta præter illa quę

ex antiquo in Ecclesia Remensi legeban-
 tur, ea quantocius aut ipse sibi afferat, aut
 sub sigillo transmittat. Offerens se postea
 eidem in quibuscumq. indiguerit prom-
 ptum & prodesse paratum. Si verò ad lo-
 cum suum redire voluerit, eum libenter
 atque benignè recipere, & mox vt vene-
 rit, canonicam præbendam & ordinem
 pristinum inter fratres concedere, & se-
 cundum quod sibi commodum & illi op-
 portunum fuerit solatium, vt eum apud
 se manere delectet, impendere: pandens
 rationem, vnde ille metuere ferebatur,
 quare scilicet ipse ordinatos ab Ebone
 post suam depositionem à gradibus ac-
 ceptis remouerit, & qualiter postmodum
 sententiã suam temperauerit. RODOAR-
 do præposito, & cæteris fratribus Cano-
 nicis Ecclesiæ Remensis, pro receptione
 Odelardi & Vvaltarij nepotum Isaac E-
 piscopi Lingonensis, qui ab ipsa congre-
 gatione irregulariter discesserant: præ-
 cipitque quo modo recipi & qualiter ha-
 beri vel cōuersari debeant: quibus etiam
 pro reuersione ipsorum commonitorias
 direxerat litteras. Pro receptione quoq.
 Adalgaudi diaconi tam Canonicis, quàm
 mona-

ECCLESIAE REM. LIB. III. 303
monachis scribit, ostendens eum qui se
recognoverat per suam negligentiam ip-
sius offendisse animum, se in gremio suae
dilectionis & paternitatis recepisse: quae-
que benignè ac familiariter fratrem & fi-
lium suscipi, & benignitatis ei beneficia
iubet impendi. Pro quo rex etiam Ludo-
uicus precatorias ei per eundem direxe-
rat litteras. R O T F R I D O Praeposito, pro
correctione Odelcalci monachi, quem
audierat inobedientem existere, & duris
moribus, suaeque voluntatis esse pertina-
tem, dans exempla sacrae auctoritatis, quae
illi legerentur ut se corrigeret. GONTARIO
& Odelardo Archipresbyteris, commo-
nitorium ministerio ipsorum aptum de-
scribit in capitulis tredecim. GVNTRAN-
NO Praeposito, pro famulis monasterij sibi
commissi, qui suas terrulas & debita sibi
stipendia querebantur auferri ab eo: quod
emendari secundum quod iustum fuerit
iubet. G O T H E S C A L C O monacho, qui
erat prolapsus in haesim, de quibusdam
sententiis auctorum quas ille non bene in-
telligebat vel exponebat, maxime Pro-
speri, quarum sensum per sententias pra-
ecipue beati Augustini exponit, & ceteros

idoneos proponit testes Apostolicæ fidei doctores : quorum sequendam in omnibus admonet esse doctrinam. Ostenditq. testimoniis manifestis, Deū & bona præscire & mala, sed mala tantum præscire, bona verò & præscire, & prædestinare. Vnde præscientia esse potest sine prædestinatione; prædestinatio autem non potest esse sine præscientia. & quia bonos præsciuit & prædestinavit ad regnū; malos autem præsciuit tantum, non prædestinavit, nec ut perirent sua præscientia compulit. Cui diffinitioni subscribere idē Gothescalcus pertinacissimè recusavit. Scripsit quoque idem domnus Hincmarus ad monachos Altuillarensis cœnobij, pro eodem Gothescalco, ut si se recognosceret, antequam anima illius egredere-tur de corpore, & spiritalem & corporalem humanitatem exhiberent illi: ostendens auctoritatem Ecclesiasticam ex verbis orthodoxorum super huiusmodi ex-cōmunicatis. A M A L G I S O & Ragberto fidelibus suis, pro rebus Ecclesiæ suæ in Aquitania sitis, pro quibus Regimundo litteras miserat, deprecans ut eisdem missis suis adiutorium pro rebus ipsis euin-

ECCLESIAE REM. LIB. III. 306
dicandis impenderet: præcipitque istis,
vt easdē res ex integro recipiant, & in sua
habeant prouidentia. PETRO fideli suo,
pro rebus in Prouincia consistentibus,
mittens ad eum quosdā fratres, qui cum
ipsius consilio de fidelitate sua & vtilitate
rerum tractarent, & res ipsas ac redditus
atque facultates ipsarum disponderent. &
quia audierat quòd quædam sine ipsius
Petri consilio exinde facta fuissent quasi
eius auctoritate, excusat se non id iussisse
nec voluisse. mandans ei per capitula,
qualiter easdem res disponi volebat, &
quæ personæ ab ipsis rebus, & de quibus
villis ad se venire deberent. EVRARD O
sororis suæ Hildegundis filio vel genero,
instruit scripto qualiter erga Ludouicū
regem Transrhenēsem se gerere deberet,
ne suum alodem, quem in Alemannia
habebat, ab eo auferret, pro eo quod ip-
sius dominium idem Eurardus dimiserat.
pro quo etiam præfatæ sorori suæ scribit,
petens vt illius domum prudenter ordi-
net atque disponat. PLEBEIIS quoque
quibusdā personis, villarum scilicet mi-
nisterialibus, pro rebus ministeriorum
suorum nonnunquam scribens, pruden-

ter atque rationabiliter disponebat qualiter res sibi commissas tractare deberet. Generaliter etiam omnes sibi commissos tam verbis, quam litteris instruens, edocebat qualiter iuste, pie & caste viuerent, quam reuerenter atque deuote ieiunia constituta tractaret: pro his qui obiissent, tam Episcopis quam aliis quibuscumque personis, qualiter Domini clementiam exorarent, & ut personæ Deo placitæ in vacantibus eligerentur Episcopiis, tam ieiuniis quam orationib. Dominum postularent. In diuersis quoq. synodis capitula nonnulla, & valde vtilia edidit, suisque seruanda dedit. Diuersis necnon Ecclesiis suæ Dioceseos, maximè si contigisset pastoribus viduari, consolatoria dirigens scripta, qualiter à Deo primum huiusmodi solamen requirerent, instruebat: qualiter etiam à terrenis principib. liberam sibi concedi quærerent electionem, & ut impetrarent tam per seipsum quam per litteras & legatos suos elaborare studebat. Impetrata verò qualiter exerceret, & quomodo immunes ab omni peruerfitatis fraude seipsos in exequendo custodirent, data forma electionis edocere cu-

rabat : ad nullam specialiter intendens personam : sed quæ concorditer ab omnibus vel vtiliter à pluribus ac melioribus eligeretur , attendens.

*De libro , qualiter sint Domini vel Sanctorum
imagines venerandæ. &c.*

Cap. XXIX.

SCripfit etiam librum flagitantibus Coepiscopis fratribus suis , qualiter imagines Saluatoris nostri vel sanctorum ipsius venerandæ sint , cum epilogo quodam metricè digesto. Respondet quoque ad interrogationes cuiusdam , cur Apostatæ baptizati , & impositione manus Episcopalis consignati , extra ordinem diaconij vel presbyterij , ad agendam pœnitentiam manus impositionem accipiunt. Scribit & cuidam Archiepiscopo de præcipuis tractans sacramentis humanæ salutis. Item cuidā Episcopo , ad interrogata ipsius respondēs de ordinationib. Episcoporum , vel translationib. de ciuitate in ciuitatem : & de Actardo Namnetensi Episcopo , qui expulsus à quodam Britonum duce in vacante Morinensi Ecclesia

aliquandiu demoratus, petente clero ac plebe prouinciæ Turonensis, & conuenientibus Episcopis, in eadem Metropoli fuit incardinatus. Item cuidam fratri, de homine, qui cum quadam fœmina cōcubuit, & postea sororem ipsius in coniugium duxit. Scribit etiam Apologiam pro se, cunctis eam legere volentibus, cōtra eos qui calumniati sunt illum apud Ioannem Papam, qui synodum habuit Trecis, à quo benignè idem præsul suscipiebatur, quibus & in synodo tunc respondit pro tempore, postmodum verò excusare se litteris non neglexit, asserens se decretales epistolas Pontificum Romanorum venerabiliter suscipere atque tenere, cum calumniarentur inimici, has eum nolle ad auctoritatem recipere. Item de Nicæna synodo, & de abiectiōe vel restitutione Hincmari Laudunensis Episcopi. De hoc quoque quòd calumniabantur eum dicere, non maioris dignitatis esse Papam Romanum, quàm existeret ipse. Sed & de Carlomanno, & aliis conuiciis sibi per calumniam illatis, de quibus eum veritas excusabilem reddidit. Scripsit præterea plura, ad quæ nos enumeranda sufficere non putamus.

*De translatione corporis sancti Remigij à mona-
sterio ipsius, & obitu Hincmari
Episcopi. Cap. XXX.*

EXcrescentibus tandem flagitiis, con-
tra quæ veluti murus inexpugnabilis
semper obstiterat, gens Normannorum
per omne Francorum diffunditur regnū.
& quoniam ciuitas hæc tunc absque mu-
ro habitabatur, accipiens ille quod sibi
carius in thesauris habebat, corpus vide-
licet beati Remigij, syluestria loca trans
fluuium Matronam expetiit, & apud vil-
lam Sparnacum idem sacrum corpus ali-
quandiu custodiuit. Denique dum ibidē
moraretur, apud eandem villam diem
clausit vltimum. cuius corpus ad mona-
sterium S. Remigij relatum, & post ipsius
sancti tumulum in sepulchro, quod ipse
sibi præparauerat, est sepultum. Cuius E-
pitaphium ab eo dictatum habetur hu-
iusmodi.

*Nomine, nō merito, præsul Hincmarus ab antro
Te lector tituli quæso memento mei.*

*Quem grege pastorem proprio Dionisius olim
Remorum populis vt petiere dedit.*

Qq iiij

FLODOARDI HIST.

Quiq. humilis magnæ Remensis regmina plebis
Rexi pro modulo, hîc modo verme voror.

Ergo anima requiẽ nunc, & cum carne resũpta
Gaudia plena mihi hæc quoque posce simul.

Christe tui clemens famuli miserere fidelis :

Sis pia cultori sancta Maria tuo.

Dulcis Remigij sibi met deutorio prosic

Qua te dilexit pectore, & ore, manu.

Quare hîc petiit supplex sua membra locari,

Vt bene complacuit. denique sic obiit.

Anno Dominice Incarnationis octingentesimo
octogesimo secundo, Episcopatus autem sui
xxxvij, mense. vij. & die quarta.



F L O D O A R D I

PRESB. ET CANONICI

ECCLESIAE REMENSIS

Historiarum eiusdem Ec-

clesiae LIBER IV.

De Episcopatu Fulconis, & quae scripta qui-
bisdam Romanis Pontificibus di-
rexerit. Cap. I.

PRAEMISSO viro Dei ad pa-
tres suos appposito successit
in Episcopatu Remensi Fulco
vir valde nobilis, & palatinis
assuetus officiis. qui fidei
suae tenorem MARTINO Papae delegans
pallium ab eo antecessorum suorum de
more suscepit. Cui etiam litteras misit
pro concedendo debito Remensis Ec-
clesiae privilegio, atque pro commenda-
tione regis Carlomanni: in quibus se si-

gnificat ab eodem Papa dudum fuisse cognitum tempore Ioannis papæ, quando cum Carolo imperatore Fulco fuerat Romæ. Item pro quodam monasterio, quod frater ipsius nomine Rampo ab eo constructui testamento delegauerat ex rebus sue proprietatis. quas postea Erminfridus quidam peruaferat, qui uxorem ipsius Ramponis viduam sibi copulauerat. Pro quo idem Papa Eurardo Senonensi Archiepiscopo, in cuius parochia idem constructum fuerat monasterium, litteras direxit, sed & Ioanni Archiepiscopo Rotomagensi, in cuius idem Erminfridus Diœcesi degebat, præcipiens ut eum admoneret ab hac sacrarum rerum peruatione cessare: quod si facere nollet, canonicam subiret ultionem. ADRIANVM quoque Papam ipsius Marini successorẽ litteris initio Pontificatus eiusdem visitare studuit; congaudens ipsius honori, & se Romam velle petere significat, si Deo pacem tribuente valuerit. Exemplaria quoq. priuilegiorum à Leone, Benedicto, & Nicolao Pontificib. Romanorũ Remensis sedi cõcessorum hunc petit recitanda, & ab eo sibi conseruanda, & roboranda

atque augmentanda. De præfato quoque monasterio, cuius res prædictus Erminfridus inuaserat, suggerit ut præmissis etiã Archiepiscopis Eurardo & Ioãni suæ auctoritatis præceptionem dirigat, iubēs quid in eum fieri debeat, & cætera. Item pro commendatione præmemorati regis Carlomanni, atque pro defensione Fro-
tarij Biturigensis Archiepiscopi, qui fe-
rebatur accusatus apud eundem Papam
per quendã suæ Diœceseos monachum:
quòd scilicet post suæ ciuitatis deiectionem à paganis factam in alterius sedis in-
uasionem temerè insiluerit. Ostenditque
quòd ab Episcopis ipsius Diœceseos, om-
nique clero & populo eiusdem ciuitatis
sit petitus & electus, & quod prædeces-
sor ipsius Marinus ad eorum petitionem
pium in hoc præbuerit assensum: insu-
per & pallio eum donauerit, & ipsius in
Bituricensi Ecclesia promotionem scri-
ptis roborauerit, & cætera. STEPHANO
quoque huius Adriani successori litteras
mittens, gratiarum actiones referre cu-
rauit, quòd eum & Ecclesiam ipsius lit-
teris Apostolatus sui visitare, & inter va-
rias mundi pressuras consolari dignatus

fuerit, & quia fratris eum & amici vocabulo voluerit honorare: quod ipse tamen nolit appetere, sed magis seruus & subiectus existere. Significatque se ad ipsum Papam videndum properasse, nisi paganorum vallaretur obsidione: hosque de no tantum miliario à sua ciuitate abesse, ciuitatem quoque Parisiorum ab ipsis tunc obsideri. Hanc infestationem huic regno ab octo annis iam præteritis inferri, vt nemini extra castella procul liber aditus patere videretur. Addit denique, audisse se de insidiis quorundam pestilentium, quas ipsi Papæ moliebantur, & satis egrè tulisse, opemque ferre si licuisset optare, vnum quod quibat agere, precibus videlicet pro eo insistere. Pro Vuidone quoque affine suo, quem idem Papa in filium adoptauerat, memorat tam se quam cæteros cōsanguineos suos, quibus id notificauerat, debitam exhibituos eidem Papæ reuerentiam. De eo etiam quod illi scripserat roborare se promptum fore quæcunque necessaria Dei Ecclesiæ significarentur, eius suggestionem se multum per omnem modum effecisse ipsius fidelitati obnoxium, seque

cum suffraganeis Coepisc. in cultu debito S. sedis Romanæ perseueraturū, & si quid contrarium sanæ fidei cōtra ipsam emerferit, omnimodis confutare Deo auxiliante paratum existere. Sedem vero Remensem notum habeat ab antecessoribus suis potius Gallicanis omnibus Ecclesiis semper fuisse honoratam : vt pote cū primus Apostolorum beatus Petrus primum destinauerit huic vrbi sanctum Sixtum Episcopum, & totius Gallicanæ regionis dederit ei primatum, Hormisda quoque Papa sancto Remigio vices suas in Galliarum partibus commiserit. Hoc ideo se cōmemorare, ne sedes Remensis suis in diebus sineretur dehonestari : annexēs etiam de priuilegiis sibi incunctis quæ petiit ab huius prædecessoribus Marino & Adriano concessis. Itemque de iam dictis rebus Ramponis, & earum peruasore, quem præmissi Pontifices iusserant ab Archiepisc. Senonicæ ac Rothomagensis vrbis excommunicari : quibus eandem excommunicationem differentibus, idem peruasor adhuc rapta possidebat. Vnde petit vt Apostolica ab ipso feriatur sententia, præcipiatque hic

Papa præfatis Archiepiscopis, ne ullam in eundem excommunicando afferant ampliùs dilationem. De quibusdam præterea rebus Remensis Ecclesiæ, quas quidam abstulerant inuasores, poscit, vt ipse papa suggerat imperatori Carolo, qui iam magnam ex his partem restituerat, vt bonum quod cœpit eius precatu perficiat, & de his quæ egit ipse gratias ei agere dignetur, & cætera. Ad quæ illæ respondēs asserit oppido se fuisse lætatum, quòd eū circa sedis Apostolicæ reuerentiam cognouerit anhelare, hortans vt in hac dilectione semper ardentius accendatur. Memoriam quoque Vvidonis ducis gratissimè se suscepisse, quem vnici loco filij se tenere fatetur. De Normannorum infestatione, quam regnum nostrum patiebatur, dolere vti propria: Deumq. deprecari pro huius populi defensione per Apostolorum principum interuentionē, & vt incolumis hic Præsul perducatur ad Apostolorum limina: quatinus etiam corporeis, eum valeat vlnis amplecti, & conferre de priuilegiis, de quibus sibi scripserat. Ad Archiepiscopos etiam quas petierat litteras, se direxisse: nec non ad

Imperatorem pro Remensis Ecclesiæ iustitia deprecatorias, & pro collata benignitate grates illi referentes. Item litteras idem præsul ad eundem Papam dirigens, ac de prosperitate ipsius lætificari se inter multas tribulationum quas à paganis patiebatur angustias petens: præfati quoq. Vvidonis satagit commendare fauorem. De prænominato nec non Erminfrido querimoniam repetens, qui admonitus à præmemoratis Archiepiscopis inobediens extiterat, flagitat, vt iterum commoneatur ab auctoritate Papæ Archiepiscopi hunc asperius increpare, & si peruasa non reddiderit, Ecclesiastico feriatur iudicio. Interrogat præterea, sibi q. remandari possit, si ritè valeat Episcoporum fieri ordinatio in qualibet sanctorum festiuitate, nisi tamen Dominica die. & cætera. Ad hæc etiam rescribens idem Papa, gratias agit pro ipsius erga sedem Apostolicam caritate & sollicitudine, condolens de ipsius afflictione, ac pro ipsius preces se Domino fundere pollicetur alleuatione, & confortans monet in Domini confidere consolatione. Item scribit eidem præsuli, pro quodam Dominico à filiis

& cognatis propriis oppresso vel expulso, hortans vt diligenter inquirat, & eius inde adiutor existat. Item pro quorundam susceptione Anglorum. Item eidem cū Aureliano Lugdunensi, Adelgario, Gerlone, Emmennone, & reliquis per Galliam constitutis, pro querimonia Bituricensis Ecclesiæ super inuasionem Frotharij Burdegalensis Episcopi, qui etiam Plætauēsem aliquandiu tenuerat sedem, cui postea Bituricensis fuerat ad tempus à Ioanne Papa propter infestationem barbaricam tali tenore concessa, vt hac remota necessitate, id etiam remoueretur, quod necessitas imperarat. Vnde præcipit hic Papa Stephanus præfatis Archiepiscopis, vt ad propriam sedem illum remeare compellant. quòd si Apostolicis monitis obedire contempserit, nouerint eum sancti Spiritus iudicio perpetuis anathematis vinculis innodatum. Item pro Teutboldo Lingonensi, significans ad se huius Lingonensis Ecclesiæ querimoniam peruenisse, quòd obeunte Isaac Episcopo, inconsulto clero & populo, Egilonem quendam monachum nuper de sæculo venientem in Episcopum Aurelianus

relianus Lugdunensis ordinauerit, eisq.
 vi illata prapofuerit nolentibus, quo di-
 uina uocatione hominem excedente, ne
 in idipsum incurrerent, concordi voto
 clerus & populus Teutboldum ipsius Ec-
 clesiae Diaconum eligentes, ab ipso Papa
 fibimet in Episcopum consecrari petie-
 rint. sed ille vniuscuiusq. Ecclesiae priui-
 legium inconcussum seruare volens id a-
 gere distulerit, eumque praefato Aure-
 liano direxerit, scribens ad eum, vt si cle-
 ri populique vota in eum concordarent,
 & sacri canones illi non obuiarent, ma-
 nus huic imponere nequaquam differret.
 quod fieri si ratio prohiberet, & idipsum
 sibi rescriberet. interim tamen alterum
 inibi ordinare nullomodo se inconsulto
 praesumeret. simulque & Oirannum Se-
 nogalliensem Episcopum a suo latere di-
 rexerit executorem. quem deludens Au-
 relianus ad Lingonensem praemisit vr-
 bem, pollicitus se citissime subsequiturum.
 quod cum diu expectaretur, nec ipse ad-
 uenerit, nec morae suae causam innotescere,
 vel Papae remandare praeuiderit.
 quo circa iterato clerus & populus cum
 decreto manu omnium roborato praefa-

um electum Romam remiserunt, obnixè sibi et illum consecrari petentes: sed nec tunc id agere acquieuerit: volens Lugdunensis Ecclesiæ collatum priuilegium immutatum consistere: ideoque iam dicto Aureliano iteratò rescribens mandauerit, ut quia concordì voto clerus & populus iam dictum Diaconem expetebat, aut ipsum consecraret, aut quid in eo reprehensibile iudicaret rescribere maturaret: sed is priorì inobediētia contumaciā adiiciens, non solum oblatum consecrare, seu quid in eo reprehensibile iudicare sibi rescriberet cōtempserit, verum etiam contra interdicta, & sacrorum canonum statuta quendam extraneum, & eidem Ecclesiæ ignotum, in angulo ordinatum, illis ingerere niti præsumpserit. At hi potius laborem subire quàm subici ignoto eligentes ad se redierint, implorantes ne pateretur Ecclesiastica iura violari, *Nos autem*, inquit, *qui omnium Ecclesiarum in B. Petro Apostolorum principe curam suscepimus, scientes inter Episcopos non haberi eum qui neque à clero electus, neque à populo est expetitus, sæpè dictum Teutboldum venerabilem diaconum, ipsorum lamenta-*

bibus precibus inclinati, Lingonensis Ecclesie
 Episcopum consecrauimus, condigna sententia
 prauaricatoribus illata, licet & alius prauarica-
 tionibus fuerint impediti. Qua propter tua in-
 iungimus sanctimoniam, ut his nostris Aposto-
 licis litteris perceptis, postposita dilatione ad Lin-
 gonensem accedas Ecclesiam, & eundem Teut-
 boldum à nobis solemniter consecratum Episco-
 pum exinde reuestias, omnibusque Archiepi-
 scopis & Episcopis innotescas, pro tantæ contu-
 maciæ ultione nos eiusdem Ecclesie specialem
 sollicitudinem suscepisse, pro tanti laboris mace-
 ratione & oppressione illatæ releuatione. quic-
 quid autem idem venerabilis Episcopus Teutbol-
 dus vobis ex nostra parte retulerit credite, &
 affectui mancipare nullomodo ambigite: ut pote
 tuam reuerentiam circa nos deuotam consistere
 credimus. Ad hæc idem præsul Fulco rescri-
 bens, gratias agit pro consolatione litte-
 rarum ipsius: asserens se paratum fuisse &
 esse quæcumque sibi ab ipsius Papæ celsi-
 tudine iniuncta fuerint adimplere: præ-
 fatam verò præceptionem de Teutboldo
 Episcopo explere sine mora voluisse: sed
 Odonis regis sui consultu interim inter-
 missum, dum rex idem suos legatos ad
 eundem Papam dirigeret, ac per eos iussio-

FLODOARDI HIST.
nem ipsius certissimè cognoscere. Super his autem quæ litteræ ipsius papæ prosecutæ sunt, velle scilicet se omnibus Ecclesiis sua instituta & priuilegia inconfuso ordine intemerata seruare, valde gauisos vniuersos Episcopos, in quorum præsentia hæc recitari fecerat. Consulit autem eius auctoritatem, deposcens vt sibi rescriptis remandet, si liceat Coepiscopis suffraganeis suis, qui in eius Diocesi consistunt, ordinationem vel regis vel alicuius alterius personæ, sine sua licentia & conniuentia seu promissione agere, vel aliud aliquid inconsulto suo Metropolitano, aut contra interdicta sui primatis præsumere. Priuilegium quoque denique à sede Romana quæsitum idem Papa huic concessit, scriptumque transmisit Præsuli super rebus Ecclesiasticis huic Remensi Ecclesiæ collatis, vel conferendis, vt nemo eas inuadere vel detinere præsumeret, & vt post eius decessum nullo modo aliquis hunc Episcopatum & Episcopij res occupare illicitè auderet, cum interminatione hæc inhibens Apostolicæ sedis censuræ. Item scribit eidem, pro altercatione quæ versabatur inter

Herimannum Coloniensem Archiepiscopum, & Adelgarium Amburgensem & Bremensem Episcopum: pro qua Herimannus eidem Papae suam direxerat querimoniam, Adelgarius autem & suam direxerat, & postmodum per semetipsum accesserat, proclamans ab Herimanno Ecclesiae suae privilegia violari. Ideoq. in suam praesentiam commouerat utrumque venire. Sed quoniam Adelgario veniente Herimannus defuit, tantae liti finem imponere Papa distulit, ne quippiam preproperè iudicare videretur, unde rediuita contentio futuris temporibus oriretur. Quocirca iniungit huic Praesuli nostro, sua ipsius Papae vice synodum convocare apud Vvangionem ciuitatē, cum vicinis suffraganeis limitaneisq. Episcopis; ad quam Herimannum Agrippinae Coloniae, & Senderoldum Moguntinum cum suis suffraganeis, nec non & eundem Adelgarium occurrere iusserat, quatinus quid cuique debeat diligens examinatio declararet. Monet etiam fraternitatē ipsius domni Fulconis, ne sibi suam specialem praesentiam, si omnimodis fieri possit, exhibere cum eis quoquomodo

differat: quoniam & hæc, & alia quæ im-
 minebant Ecclesiastica negotia cum ipso
 tractanda, eiusque terminanda consultu
 prouiderat: de quo scilicet ipsius aduen-
 tu satis gratularetur, volens ad Ecclesia-
 stica deliberanda negotia eius habere præ-
 sentiam. Alioquin monet, vt assertionem
 veridicam per strenuum Episcopalis ordi-
 nis virum vnà cum ipsis abeuntem noti-
 ficet qualiter se super hoc veritas habeat.
 Quibus si veniendi facultas defuerit, suos
 cum eo dirigant legatos, qui eorū vica-
 riatione perfuncti, disceptandi & delibe-
 randi libertatem possideant; vt nullo vl-
 terius tempore percepta finitima senten-
 tia de hac re necessarium sit vertere quæ-
 stionem. Super his quoque successor hu-
 ius Formoso dominus Fulco litteras mit-
 tens, qualiter hæc à præfato Stephano
 Papa sibi sunt iniuncta, significauit, & vt
 sibi auctoritatis suæ in his exequendis scri-
 pta dirigeret, expetiit. Vnde & iterum
 scribens, vehementer admirari se dicit, si
 litteræ suæ ad eius præsentiam peruene-
 rint, quid causæ fuerit, cur hinc respon-
 sum huius Papæ non meruerit recipere.
 Grates inter hæc referens, quod sui me-

moriam dignatus sit habere, & per abbatissam Bertham verba sanctæ consolationis sibi mandare; eumque se videre vel-
 le, & collato sermone mutuo verba conferre: quam rem fatetur immensum sibi peperisse gaudium, vt magis eius desideret videre præsentiam: adiciens sibi ab eo tempus, quo ad eum veniat, remandari, locumque, & eius sataget præceptis obtemperare. Præterea postulat, vt priuilegium Ecclesiæ Remensi sui nominis auctoritate fieri iubeat, sicut etiã prædecessores suos fecisse constat, & res huic Ecclesiæ per suam humilitatem acquisitas perpætua firmitate contra omnes aduersarios muniat. Adnotat etiam, qualiter Eurardus Marchio sancti Calixti Papæ & Martyris venerabile corpus à Romana sede impetrauerit, atque in eius honore monasterium in prædio suo constituerit. quod prædium post eius obitum ad filiũ ipsius Rodulfum abbatem hereditario iure deuenerit: qui res ipsas simul cum memorati Martyris gleba vitę suæ diebus absque vlla contradictione tenuerit, & de sæculo migraturus easdem res cum monasterio & corpore sacro Remensis san-

etæ Dei genitricis Ecclesiæ delegauerit,
 eandemque rerum suarum heredem in-
 stituerit, tunc vero Hucboldus quidam
 sororis huius Rodulfi maritus munus
 eiusdem abbatis calumniabatur, & ab
 Ecclesiæ Dei Genitricis iure conabatur
 auferre. proinde precatur vt quid sibi sit
 in talibus agendū, suis eum sacris instruat
 litteris, & harum collationē rerum æter-
 na stabilitate corroboret, atque contra-
 dicentes digna excommunicationis sentē-
 tia percellat. Scrupulum denique sibi di-
 xit ac singultum mouere, quod audierat
 à quibusdam, sanctam Romanam Eccle-
 siam turbari. paratumque se totis viribus
 pro ipsius omnimodis honore decertare,
 & eidem Papæ veluti domino & magistro
 in cunctis obsecundare. Subnectit etiam
 de quibusdam Episcopis Galliarum, qui
 sibi pallium indebitè à Romana posce-
 bant sede; Metropolitanos suos tali sper-
 nentes tenore. asserens quòd res eadem,
 nisi prudēti præcauta foret sollicitudine,
 confusionem non mediocrem generaret
 Ecclesiæ, magnūque caritati dispendiū
 valeret inferre. Vnde tam se quàm om-
 nem precari dicit Ecclesiam, ne citò ali-

cui irrationabili petitioni sine generali assensu & litteris consentiat: ne per hoc Ecclesiasticæ dignitatis honor vilescere incipiat, si res indebita quæ temerè affectatur, inconsultè tradatur.

Quæ Formosus Papa Fulconi, vel Carolo Regi, atque Odoni scripsit. Cap. II.

CVI rescribens idem Papa Formosus, monet eum compati debere Romanæ Ecclesiæ, atque imminenti eius subuenire ruinæ, nec ei suam præsentiam denegare. Adiungens hæreses vndique ac schismata pullulare, nec qui ad resistendum occurreret esse. Dicitque longo retroactò tēpore perniciosas hæreses Orientem confundere, & Constantinopolitanā Ecclesiam nociua schismata perturbare: simul etiam regionis Africanæ legatos insistere, responsa petentes pro dudum exorto inter Episcopos ipsarum Prouinciarum schismate. Diuersarum quoque partium legationes diuersa responsa petentes instare. Cuius rei gratia generalē synodum die Kalendarum Martiarum indictionis vndecimæ se inchoare disposuisse, ad quam eundem remota omni di-

latione admonet festinare vt colloquendo largiùs de his valeant pertractare, & affluētiùs ad consulta singula respōdere. Normannæ gentis procellas, quibus afferebat se perturbari, plurimū dolere. & vt eos excelsi dextera reprimat, Apostolorū principum suffragiis interuenientibus implorare. Litteras vero quas significauerat ad eum per quasdam personas primū se direxisse, ad ipsum minimè peruenisse. Miserat alias etiam pro hac eadem synodo celebranda pridem huic quoque Præsuli nostro litteras; quam decreuisse se asserit incipere mediante Maio mense, Indictionis decimæ. In quibus litteris fatemur Italiā tunc semel & secundò horrida bella perpeſſam & penè consumptā. Orientalium verò partium se deſlere veſanam hæreſim in Chriſtum Ieſum blaſphemiam coniicientem. Mittit ei præterea petitum ſuper quibuſdam præſtariis priuilegium, commemorans beatum Remigium gēti Francorum, Romanæ ſedis auctoritate, cum gratia Dei Apoſtolū conſtitutum. Bernam quoq. villam, quæ iniquè dudum ſubtracta fuerat Remenſi Eccleſiæ reſtitutam. Duodeciacum quo-

que, sed & ea quæ domnus idem Fulco per precarias obtinuerat, Rodemiam videlicet & Margolium, Lestemnā, & Gingleium, atque Virtudem, nec non Abbatiam quæ dicitur Campellis, Atteias etiam & Maniacum, aliasque res, quæ dudum ablatæ tunc redditæ fuerant Ecclesiæ Remensi, restitutas auctoritate confirmat Apostolica, ut eas vel ceteras eiusdem Ecclesiæ possessiones nemo præsumat auferre vel inuadere. Sanciens insuper auctoritate beati Petri, ut nemo regum, nullus Antistitum, nemo quilibet Christianus decedente Remorum Episcopo ipsum Episcopatum, vel res ipsius Ecclesiæ suis cõpendiis applicet, neque sub suo dominio teneat, præter ipsius ciuitatis Episcopum. & eandem Metropolim non vltra constitutionem canonicam, sine regulis Ecclesiasticis conueniente pastore manere cogat: neque aliter ibidem Episcopum, nisi ut sacri canones iubent, constitui faciat. Promulgans etiam ac statuens, ut ea quæ idē venerabilis præsul Fulco de villis huius Ecclesiæ ac facultatibus earum, vñibus Ecclesiasticorum, ornamentorum, vel luminariorum, seu sub stipendiis Ca-

nonicorum, ac monachorum, atque sanctimonialium, seu matriculariorum, & hospitum vel pauperum constituerat, perpetuo inconuulsa permaneant, hanc auctoritatem sui decreti sub anathematis vinculo violatoribus innodatis corroborans. Imperatorem quoque Vvidonem coronatum eodem anno significans indictione decima. Item ad ipsius domni Fulconis petitionem misit aliud eidem privilegium pro monasterio Auennaco, atque pro eo monasterio, quod Rodulfus abbas in honore sancti Calixti martyris & Papæ exhereditario proprietatis suæ iure constructum huic Remensi concesserat Ecclesiæ, tam eadem cœnobia, quam omnes possessiones liberalitate regali vel aliorum Christianorum munificentiâ Remensi collatas Ecclesiæ, siue quas idem Præsul acquisierat, aut deinceps acquiraturus erat, eidem Ecclesiæ Apostolica corroborans & stabiliens potestate. Hic quoque Lambertum filium Vvidonis anno secundo imperij patris ipsius novum imperatorem factum fuisse designat. Itē pro Diœcesanis provinciæ Remensis Episcopis, quod audierat eorum quosdam

huius Archiepiscopi sui audiētiā cōtem-
 nere, scribens eidem, vt suos conueniat
 Coepiscopos, cæterorum quoque quos
 ipsi visum fuerit Episcoporum collegium
 conuenire denunciaret, vt de tanto neglē-
 ctu synodali simul actione perquirant,
 & quicquid oportuerit canonica atque
 Apostolica muniti auctoritate decernāt:
 subiciens vt nemo à tam Deo digno se
 subtrahat opere, qui Apostolicæ ipsius
 particeps voluerit communionis exi-
 stere. Item pro euectione Caroli ad regi-
 men regni, quem dominus idem Fulco
 ad regium culmen adhuc puerum pro-
 uexerat, & de criminibus Odonis regis,
 vel correctione ipsius, qualiter esset agē-
 da: pro quib. rebus idem Archiepisc. huic
 papæ scripta sua, consilium & auxilium ab
 eo petendo, direxerat. Vnde & ad eun-
 dem regem Odonem litteras suas idem
 Papa delegauit, vt ab illicitis recederet,
 nec eundem regem Carolum vel quæq.
 ipsius essent infestaret, induciasque belli
 differendo daret, donec idem præsul
 Fulco scilicet Apostolicam sedem adire
 studeret.

*Quæ Franciæ quibusdam Præsulibus scripta
legauerit. Cap. III.*

Item ad Archiepiscopos & cæteros Episcopos Galliarum, monens vt conueniant atq. commoneant eundem regẽ Odonem ne illicita perpetrentur, & ne aliena vsurpentur, sed bellum sedetur, & omnis hostilis commotio sopiatur, vel induciæ belli, donec Fulco Romam, ceu dictum est, adeat edicantur. Ipsique studeat interim cuncta differre, & pacem ac vnanimittatis concordiam recreare. Item huic quoque regi Carolo, congruam dirigens admonitionem, eiusque gratulans eminentiæ atque deuotioni, quam rex idem se significauerat erga sedem Apostolicã gerere, qualiter ei sit in regno agendum succinctè, lucidèq. demõstrat. quem petierat ei panem benedictũ propignere mittens, & de itinere præfati Præsulis nostri ad sedem Apostolicã monens. Eidem quoque domno Fulconi litteras suas dirigens, hæc supradicta ad præmissas personas se destinasse scripta commemorat, ipsius videlicet suggestionem de pace

vel iudiciis belli inter Odonem & Carolū
 differendi. Item scribit ipsi pro discordia
 sedanda, quam audierat insurrexisse pro
 Manigaudi ab Alberico perpetrata inter-
 emptione. Item petens eundem pro cu-
 iusdā Grunlaici dilecti sibi sacerdotis ad
 Episcopatum, vbi se locus obtulisset, pro-
 motione. Idē quoq. præful Fulco nonnul-
 la præfato papæ præter præmissa reperitur
 direxisse scripta, tam pro sua vocatione
 qua vocabatur ab ipso ad sedem Apostoli-
 cam, quàm pro contentione quæ versaba-
 batur inter reges Odonem & Carolū, nec
 non pro oppressione, quam Remensis pa-
 tiebatur Ecclesia: petens vt papa regibus
 scribendo pacē imperaret. Arnulfo quoq.
 Trāsrhenensi auctoritate Apostolica præ-
 ciperet, ne Caroli regnū inquietaret, quin
 potius ei auxilio esset, vt propinquum
 propinquo deceret. Odoni verò manda-
 ret, ne regnum istud inuadere aut depre-
 dari præsumeret. quòd si auderet, Apo-
 stolicæ sedis sententiam reformidaret.
 Item quia post admonitionem ipsius pa-
 pæ nec Arnulfus orbitati Caroli subue-
 nire voluit, nec Odo à peruatione regni
 rapinis ac depopulatione cessauit: sed &

Arnulfus res Ecclesiæ Remensis tam eas,
 quas aliquandiu iniuste sublatas ipse re-
 stituerat, quàm eas etiam, quæ nun-
 quam prius subtractæ fuerant, abstulit
 ob id tantum modo quia temerariam
 eius inuasionem hic Præsul recipere no-
 luerit. & quod Odo ciuitatem Remen-
 sem obsederit, innumeras etiam cedes &
 deprædationes exercuerit, & res Ecclesiæ
 Remensis suis satellitibus dederit, huius
 Ecclesiæ insistentes rapinis, donec Carolus
 cum valido exercitus apparatu adueniens
 eum ab obsessa ciuitate depelleret. Si-
 gnificans etiam quòd Robertus homo
 Arnulfi ex parochia Herimanni Colo-
 niensis Episcopi, res huius Ecclesiæ inua-
 serit ac diripuerit, donec eum vi ac si ca-
 nem rabidum ab eadem deuastatione re-
 pulerit. De quo petit, vt nisi admonitus
 resipuerit, auctoritatis Apostolicæ sentē-
 tia feriatur. His se perturbationibus re-
 gni obsessum, impossibile fore significans
 ad eius Apostolicam se properasse præ-
 sentiam, dum semper expectetur bellum,
 nec aliter posse res regni componi creda-
 tur: sed ipse semper bellū distulerit, non
 quo inferiores vel impares fuerint, aut de
 iniusta

iniusta causa dubitauerint, sed ne vires regni bellis attritæ paganorum proderentur inuasionibus. Vnde dato placito inter se dextras securitatis inuicem vsque ad tempus præfinitum dederint. & cætera. Item pro eodem rege Carolo & Imperatore Lamberto gratiarum referens actiones, quòd notificauerit sibi de ipso Lamberto, patris se curam habere, filii-que carissimi loco eum diligere, atque inuiolabilem cum eo concordiam se velle seruare. Afferens quòd non illum tantum diligeret pro consanguinitatis necessitudine, qua illi deuinctus habebatur, verum multò magis quia huius Papæ venerator & amator existeret. Precatur autem vt idē Carolus rex cum prædicto Lamberto in amicitia iungeretur, & Odoni vel proceribus regni pro causa pacis Papa rescribat, quo Carolus ad regnum hæreditario sibi iure debitum proficiat: & quamuis tunc totum non posset suscipere regnum; saltem partem aliquam honori suo condignam concorditer & iustè regnum diuidendo illi conseruent: subiungens acturum se quòd sibi Apostolicus idem Pontifex præceperat super transgressoribus

& sacrorum violatoribus Ricardo, Manasse, atque Rampone, mox vt Coepiscopos suos in vnum potuerit congregare. Id tantum Papa remandet, quoniam aeterno illos anathematis vinculo innodauerat, si liceat eis ad pœnitentiam conuersis aliquid impendi misericordiæ, vel eos ad pœnitentiã suscipi, seu quis modus ipsius esse debeat pœnitentiæ. De Râpone verò asseuerat, quia in solû Teutboldû Episc. reus existeret, nihil culpę in Vvalterû Senonensẽ admiserat: ad quẽ cõprehendẽdû nec præsens, nec adiutoriû vel cõsensum ad id agendû præbuerat. Itẽ pro Herilando Taruanẽsi Episc. cuius Episcopio à Normãnis depopulato eum necessitate cogẽte ad se venientẽ, sicut oportebat, susceperat, quemq. visitatorẽ cuidam viduatę Ecclesiæ constituerat, vt visitãdo sustentationem interim, dum Episcopus ibi ordinaretur, ex illa caperet. At quia homines prefatæ Tarvuanensis parochiæ barbaricæ videbatur esse feritatis & linguæ, supplicat vt responso Papæ mereatur certificari, si hunc viduatę debeat præponere plebi, & alterum ei liceret in præmemorata ipsius Ecclesia subrogare, qui

propter parentelam acceptior & linguā,
 in eodem loco posset existere. Item verò
 papa rescribēs ei, laudibus attollit eundē,
 congratulans eius dilectioni atque sollici-
 dini, quam gerebat erga Lambertum Im-
 peratorem, de cuius fidelitate & stabili-
 tate monet eum semper fieri sollicitum,
 veluti consanguinitatis propinquum: as-
 ferens se cum ipso tantam pacis & dile-
 ctionis habere concordiam, vt nequeant
 aliqua iam ab inuicem prauitate seiungi.
 Notificat quoque Ricardū, Manassem, at-
 que Ramponem excommunicatos à se,
 atque perpetuò ligatos anathemate, pro
 eo quod tā nefandissima perpetrauerint,
 vt Teutboldo Lingonensi Episcopo ocu-
 los eruerint, Valtarium Senonensem
 propria depulsum sede custodiæ man-
 cipauerint. Mandās vt secūm de his sen-
 tiant, & conuocatis omnibus suffraganeis
 suis Episcopis, canonicum super his quod
 exercuerat iudicium pari modo determi-
 net. Item scripsit eidem Archiepiscopo
 pro Berthario quodam presbytero, quē
 clerus & plebs Ecclesiæ Catālaunēsis cō-
 sensu regis Odonis ad Episcopatū dice-
 batur elegisse. Succensens quod hunc vo-

atum canonicè noluerit consecrare, sed in transitu defuncti Episcopi Ecclesiam ipsam Herilando Tarvuanensi Episcopo beneficali more ferebatur contulisse. praterea quendam Mancionem nonnullis criminibus irriterit in eadem Ecclesia quasi Episcopum ordinauerit, cumque prenomminatus Bercarius Apostolicâ præsentiam adire vellet, comprehensus sit à quodam Conrado huius domni Fulconis vassallo, de Ecclesia tractus, & in exilium per vnum mensem delegatus. vnde & euocans hunc nostrum Præsulem mādāt expressè sed fraternè, vt suam denominato tempore non differat ei exhibere præsentiam, habens secum præfatum Mancionem & iam dictum Conradum cum quibusdam denominatis Coepiscopis suis, & cætera.

Quæ Stephanus Papa Fulconi, & quæ Fulco eidem Papæ rescripserit. Cap. IV.

STEPHANO quoq. huius Formosi successoris scribens idem domnus Fulco deuotionem quam erga Romanam sedem gerebat conatur ostendere, &

quòd limina creberrimè cupiuerit Apostolorum adire, sed diuersis obstantibus discriminum causis hæc vota nequiuerit adimplere : vbi significat Odonem & Carolum reges in pacis tandem concordia se studentè connexos. Cui remittens hic Papa litteras suas, à se suscepisse fateatur, ipsius non admittens immo reprehendens excusationem, eo quòd alij homines eandem sedem adirent, & ipse fateretur fas sibi adeundi non fuisse concessum. Denuntiat ergo synodum se per mensem Septembrem imminentis indicationis quintæ decimæ certissimè celebrare statuisse : ad quam censendo vocans hunc Archiepiscopum, monet expressè, quatinus omni mora repulsa omni que excusatione amota, eodem tempore suam specialem præsentiam eidem, synodoque omnino exhibere maturet : quod si prætermiserit, canonicam in eum ferre sententiam minimè retractabit. Rescribens autem hic venerabilis Præsul eidem, quam semper habuerit deuotionem circa gloriosam principis Apostolorum sedem, eiusque sanctos Præsules pandere nititur : asserens se tunc va-

riis oppressiōibus aggrauatum, ac diuersis adstrictum perturbationibus præsētia corporali eandem adire sedem non valuisse. dilectos autem filios huius Ecclesiæ illuc destinasse ad itineris sui enarrandas incommoditates viua voce. quēdam quoque confacerdotem suum ad id exequēdum se direxisse. Plura se scribere nō præsumpsisse, quia senserit in epistola sibi ab ipso directā dura se satis inuectione mulctatum. & hoc sibi non modicum incussisse miraculum, quod ita tunc primæ ipsius litteræ grauit̃ eum perculerint, cū eatenus ab ipsa sede nil aliud nisi mellitum ac dulce cum prædecessoribus suis sibi scribentib. venire consueuerit. quod peccatis tamē suis imputans, vt de malo suo se meritō contristari, sic de correptione ipsius se fatetur latificari: reuoluens fieri potuisse, ceu quodam dignat ad se perlatum rumore, vt à quibusdam min⁹ caritate repletis aliter de se audisset quā veritas se haberet. vnde petit, ne faciliē huiuscemodi personis aureñ accommodet, donec vt scriptum est rem quam nescit diligentissimē inuestiget. Adnectens simpliciter, vti ab ipsis pe-

nè cunabulis educatus canonicis fuerit disciplinis, donec à glorioso rege Carolo Imperatoris Ludouici filio, in palatinis ac domesticis eius sit assumptus obsequiis. Sicque in aula palatij perseuerans, vsque ad tempora Carlomanni Regis, Ludouici iunioris filij, nepotis eiusdem Caroli, quando à sanctis prouinciæ Remensis Episcopis, nec non à clero & plebe vrbis huius electus sit, & Episcopus ordinatus. vbi qualiter hanc Ecclesiam paganorum infestatione laborantem repererit, & vt pro pace ipsius ad posse desudauerit, legati sui vel aliorū hæc scientium petit explorari narratione. Assensurans præmissa se non arrogantia explicare, sed vt nouerit, coniciens quia qui sic enutritus, & taliter fuerit ante Episcopatum conuersatus, hoc sibi potius onus quàm honorem, non electionis instrumentum, sed humilitatis esse seruitium. Subnectit autem, quòd si aliqua regna quies concessa fuerit, & ab Odone rege licentiam impetrare valuerit, ad ipsius beatitudinis vestigia tandem aliquando properare studebit, dum sibi vię patuerint, quæ tunc ab Zeudeboldo Arnulfi

regis filio erant obstructæ, qui Ecclesiam quoque Remensem multis affligebat iniuriis, res eiusdem suis impertiens subditis. Cuius tyrannidem Apostolica petit auctoritate reprimi, dicens quia in tam periculoso & necessitudinibus pleno tempore se suam Ecclesiam noxium esset deferere.

*Quæ regibus quibusdam Fulco direxerit
scripta. Cap. V.*

TOtius itaque regni curam agens idē domnus Archiepiscopus Fulco, litteras dirigit Imperatori CAROLO, regis Ludouici Transrhenensis filio, pro tutela & defensione Francorum regni, quod in his partibus à Normānis multipliciter opprimebatur. Afferens illud auxiliante Deo hætenus fuisse protectum, quamdiu patruī & æquiūoci eius ac filiorum eius regebatur dominatione. Tunc verò illis feliciter humana excedentibus, postquā se procures regni eius Imperiali commiserant tuitiōi, eos vndique secus multi superaggrauent casus. Memoratque ciuitatem Parisiorum, quam ca-

put asserit & introitum regnorum Neustriæ atque Burgundiæ, Barbarica cingi obsidione, citòque capiendam nisi Dei subuentum fuerit clementia. Quæ si capta fuerit, totius dispendium regni se perpeffuros. Tamque periculosè hæciam mala grassari, vt à prædicta vrbe Remos vsque nihil tutum remanserit, nulla nisi peruersorum Christianorum barbarisque consentientium secura sit habitatio: quorum multi Christianam deferentes religionē paganorum se societati coniunxerant, ac tuitioni subdiderant, Scripsit & ad eundem Imperatorem pro percipiendò à sede Romana pallio, roborandisque olim datis à Romanis Pontificibus Ecclesiæ Remensi priuilegiis. ARNULFO regi Transrhenensi litteras mittens, pro causa regis Caroli, quem paruulum adhuc vnixerat in regnum, reddit causas eius prouectionis, eo quòd audierat motum fuisse animum ipsius Arnulfi contra se pro hac perpetratioue. Cómémorans quòd decedente Carolo imperatore huius Arnulfi auunculo, in ipsius Arnulfi seruitium fuerit profectus, cupiens suscipere dominium & gubernationem,

sed ipse rex eum sine vllō cōsilio vel consolatione dimiserit. vnde cū nec in eo sibi spes vlla remāsisset coactus sit eius hominis, videlicet Odonis, dominatū suscipere, qui ab stirpe regia existēs alienus regali tyrannicæ abusus fuerit potestate, cuius & inuitus hætenus dominiū sustinuerit. Et quoniam huius Arnulfi dominatū desiderauerit, idcirco in ipsius seruitiū profectus fuerit. At postquam nullum consilium in ipso reperire valuit, hoc solum quod restabat egerit, eligens eum regē habere, quem solum post ipsum de regia ipsius habebant progenie, & cuius prædecessores ac fratres extiterant reges. De hoc etiam, quod idē rex in culpa trahebat quare nō id antē fecissent, reddit rationē, quòd quando Carolus imperator decessit, & idem Arnulfus regimen huius regni suscipere noluit, hic Carolus adhuc admodum corpore simul & scientia paruulus existebat, nec regni gubernaculis idoneus erat, & instante immanissima Normannorū persecutione periculosum erat tunc eum eligere. Vt verò ad eam viderunt perductum ætatem, in qua salubre sibi consilium dantibus assensum præ-

bere nouerat, susceperunt eum secundū
 Dei honorē, vt regno consuleret, volen-
 tes eū ita instituere, quatinus huic regno
 & ipsi Arnulfo proficius valeret existere.
 De eo quoq. quòd sine ipsius Arnulfi cō-
 silio præsūperint hoc agere, morē Fran-
 corū gentis asserit secutos se fuisse, quorū
 mos semper fuerit, vt rege decedēte aliū
 de regis stirpe vel successionē, sine res-
 pectu vel interrogatione cuiusquam maio-
 ris aut potentioris regis eligerent. Hoc
 more hunc regem factum ipsius fidelita-
 ti & consilio committere voluerint, vt
 ipsius adiutorio & consilio vteretur in
 omnibus, & eius subderetur tam rex
 quàm vniuersum regnum praeceptis &
 ordinationibus. Præterea quòd audie-
 rat huic regi suggestum, quia contra fi-
 delitatem ipsius, & propter priuatum hoc
 egerit commodum: infert quòd Asche-
 ricus ipse, qui hæc iactitasse videbatur,
 antequam de re huiusmodi aliquid idē
 Archiepiscopus agere conaretur, vene-
 rit ad se, præsētibz Heriberto & Erfri-
 do Comitibus, & consilium simulque au-
 xilium quæsierit, quid agere deberet de
 iussionibus Odonis, qui res importabiles
 ei præcipiebat. Ex parte quoque filiorum

Gosfridi cōsiliū petierit de malo, quod eis Odo facere conabatur, rogaueruntque vt tale caput communi consilio statueretur, per quod securi esse possēt subditi, intendentes vel in Vvidonem, vel in hunc regis prosapiei Carolū, & simul considerantes qui affuerant, ad quem meliūs attendere deberent, visum illis est propter quærendam regni vtilitatem, & ipsius Arnulfi cauēdam contrarietate, propterque rectum, congruumq. regij generis principatū, vt ad hunc Carolū se cōuerterent, credentes quod Arnulfus hoc de propinquo suo gratū haberet, ipsiq. & regno præsidiū ferret. Quod autem iactitatum audierat, causa Vvidonis hoc eum fecisse, vt hac arte illum subintroduceret in regnum, & dimisso puero Carolo se verteret ad Vvidonem: asserit liuore inuidiæ contra se scienter hac falsa fuisse iactata, aut etiam qualis erat ipse qui talia diffamabat, talem eundē posse fieri sentiebat. Ipse verò nec se talem fore, nec talibus ortum natalibus recognoscebat: prædecessores quoque ipsius regis nequaquā talia ingenia in progenitoribus suis experti fuerant, quos in omni fidelitate ac

regni vtilitate probatos habuerint: ideo illos honorificè sublimauerint. quapropter erubescendū eidē regi fuisset, vt hoc de se crederet vel infamia se tali notaret. Denique quòd audierat ipsi Arnulfo dictum fuisse, quòd hic Carolus filius Ludouici non fuerit, asseuerat neminem se posse credere fore, qui eum si viderit, & parentum ipsius effigiem cognouerit, non recognoscat illum de regia processisse progenie. quadam quoque patris sui Ludouici signa gestare, quibus agnoscat filius ipsius fuisse. Poscit ergo Arnulfi regiam maiestatem, vt hec verba dignanter accipiat, nullusque animum ipsius contra hunc regem innocentem propinquum suum commouere valeat. Sed vtrum hæc quæ asserit ita se habeāt, in sua præsentia, fideliumque suorum examinari faciat, & ad debitum finem perducatur: cogitans qualiter antecessores sui regni statū gubernauerint, & quomodo regalis culminis successio semper hucusque viuerit, tunc verò ille tantum princeps, & hic parvus propinquus eius Carolus, de tota regali stirpe remanserint: perpendat quid contingere possit, si eum debitus cū-

etis casus repoposcerit, cum totiam de aliena stirpe reges existant, & adhuc sint plures, qui sibi regium nomen affectent, quis post ipsius decessum adiuuabit eius filium, ut ad debitam sibi regni conscendat hæreditatem, si contigerit hunc sibi propinquum cadere Carolum. Adnectit etiam, quod in omnibus penè gentibus notum fuerit, gentem Francorum reges ex successione habere consueuisse. proferens super hoc testimonium beati Gregorij Papæ. Subicit etiam ex libris Teutonicis de rege quodam Hermérico nomine, qui omnem progeniem suam morti destinauerit impiis consiliis cuiusdam consiliarij sui. Supplicatque ne sceleratis hic rex acquiescat consiliis, sed misereatur gentis huius, & regio generi subueniat decidenti: satagens ut in diebus suis dignitas successionis suæ roboretur, & hi qui ex alieno genere reges extabant, vel existere cupiebant, non præualerent contra eos, quibus ex genere honor regius debebatur. Afferitque se misisse Aledrānum ad eundem Arnulfum, suggerendo ut quoscunque sibi placeret ex his qui Carolum regem constituerant, in suum

seruitium pergere præciperet, qui coram
 sublimitate ipsius hæc ita esse ratio-
 nabiliter ostenderent. Flagitans etiam
 orat, vt hæc præmissa benigno rex tra-
 ctet animo, & hanc sciat ipsius esse de-
 uotionem vel intentionem erga ipsius
 fidelitatem, vt Carolus ad ipsius con-
 silium in omnibus quæ acturus est, re-
 spiciat, & ipsius pietate tutus consistat,
 & vt nemo huius regis animam ab au-
 xilio istius regni vel eiusdem Caroli
 deflectere valeat. Item ad eundem re-
 gem, significans ei de fidelitate & deuo-
 tione, quam erga ipsum habebat, & quia
 in eius seruitium ad ipsius iussionem pro-
 perare desiderabat. Promissionem quoq.
 quam rex suus Carolus eidem Arnulfo,
 qui regnū sibi contradiderat, promississet,
 maneret inconuulsam tam in ipso rege,
 quàm in subditis sibi. Et quia proponeret
 idem Carolus Odonem inimicum sibi
 regem, & insidias sibi magnopere paran-
 tem armis aggredi. VVIDONEM Impera-
 torem legatione suarum visitans litte-
 rarum, admodum se de ipsius gaude-
 re fatetur gloria & exaltatione: mirari ve-

rò atque turbari, quia nullis nunciis iam longo tempore transacto sibi aliquid de statu & prosperitate sua notificauerit. Exorat autem, vt regi suo Carolo suffragiũ impendat, & talis erga ipsum existat, qualem eum erga propinquum existere decet; & vt celerius illum scire faciat qualẽ voluntatem circa ipsum habeat. De Arnulfo quoque rege significat, quòd non velit eidem Vvidoni pacem seruare. Carolum denique sedi Apostolicę suam epistolam dirigere, orationibus se commendando Papæ, atque ipsius petens roborari benedictione: & vt idem Papa huius Vvidonis eum cõiungat amicitia. poscit etiam, vt eidem regi de amicitia sua per suum missum, aut per sua scripta Vvido remãdet. Sed & suis vel Ecclesię sibi commissæ compatiatur iniuriis, quas fidelitatis ipsius causa tolerabat. Notificat etiam abbatiam sancti Martini à rege sibi concessam, rogans vt res eius, quæ in regno ipsius erant, in sua tutela Vvido recipiat. O DONI regi litteras dirigens, rogat pro concedenda Ecclesiæ Laudunensis post decessum Didonis Episcopi electione libera: ostendens non oportere violenter eos

eos ad eum quem noluerint suscipiendū
 cōpelli. precatur etiam vt eandē Eccle-
 siam absque inquietudine degere iubeat;
 neque res ipsius à peruasoribus depræda-
 ri sinat, ne particeps diripientium fiat,
 si talia fieri permittat. CAROLO regi
 suo scribens, indignatur valde sibi perla-
 tū, quòd prauis quorundā cōsiliis vellet
 idem rex se sociare Normannis, vt illorū
 auxilio ad regni decus obtinendū iuuari
 posset. *Quis enim, inquit, qui vobis sicut o-
 portet fidelis est, non expauescat vos inimico-
 rum Dei amicitiam velle, & in cladem ac rui-
 nam nominis Christiani pagana arma & fœ-
 dera detestanda suscipere? Nihil enim distat v-
 trum quis se paganis societ, an abnegato Deo
 idola adoret. Nam si, vt ait Apostolus, mores
 bonos colloquia praua corrumpunt, quanto ma-
 gis corumpitur castitas animæ Christianæ Eth-
 nicorum consiliis & societate? Neque enim po-
 terit non imitari quod assidue viderit: quin po-
 tius assuescet paulatim, & quasi vinculo malæ
 consuetudinis trahetur ad facinus. Certè proge-
 nitores vestri reges deposito gentilitio errore di-
 uino cultui se sublimiter subdiderunt, & à Deo
 semper auxilium expetierunt. propter quod &*

feliciter regnauerunt, & regni hereditatem ad
 suos posteros transmiserunt. Vos è contra nunc
 Deum relinquitis. Dicam certè, licet nolens,
 quia Deum relinquitis, cum vos eius hostibus
 sociatis. Vnde & meritò prophetica illa vox
 ad vos dirigitur, quæ quondam ad regem Is-
 rael similia facientem directa est: impio præ-
 bes auxilium, & his qui oderunt Deum a-
 micitia iungeris. & certè cum deberetis malis
 præteritis terminum ponere, & rapinis &
 deprædationibus pauperum renunciare, ac pro
 his omnibus poenitentiam agere, nunc ad ma-
 iorem iram Dei prouocandam his qui Deum
 ignorant, & in sua feritate confidunt vos con-
 iungitis. Credite mihi, quia nunquam sic agen-
 do ad regnum peruenietis, immo velociter dis-
 perdet vos Deus quem irritatis. Hactenus qui-
 dem de vobis meliora sperabam. nunc video vos
 cum omnib. consentaneis vestris perituum, si
 tamen hoc verè vultis agere, & talibus consiliis
 acquiescere. re vera qui tale vobis dant consiliū,
 non fideles sed per omnia infideles esse compro-
 bantur, quos si audire volueritis, terrenum si-
 mul & cœleste regnū amitteretis. Deprecor vos
 itaque per Deum vt tale deseratis consilium,
 neque velit vos in æternum præcipitare in-
 teritum. & mihi ceterisque, qui secundū Deum

vobis fideles sunt, aeterni doloris asferre dispendium. Melius enim fuerat vos non nasci, quam diaboli patrocinio velle regnare, & illos iuuare quos deberetis per omnia impugnare. Sciatis enim quia si hoc feceritis, & talib. consiliis acquieveritis, nunquam me fidelem habebitis, sed & quoscumque potuero a vestra fidelitate reuocabo, & cum omnibus Coepiscopis meis vos & omnes vestros excommunicans, aeterno anathemate condemnabo pro fidelitate quam vobis seruo. Hæc gemitundus scribo, quoniam cupio vos secundum Deum & sæculum semper esse honoratum, & non Satanae, sed Christi adiutorio ad debitum vobis conscendere regni fastigium. Regnum enim quod Deus dat, firmum habet fundamentum: quod verò per iniustitiam & rapinas acquiritur, caducum est, & citò deciduum, nec poterit diu permanere.

LAMBERTO imperatori congratulationis apices dirigens, notificat quid sibi de ipso dominus Papa Formosus suis literis intimauerit. quod scilicet eundẽ Imperatorem multum diligeret, & in omnibus ei consulere loco carissimi filij, atq. indissociabilẽ vellet ad eum seruare concordiam. Hortatur ergo hunc principem & admonendo flagitat, vt tantæ benigni-

nati eiusdem Papæ gratus existat, illum ut
patrem piissimum diligit, omnemque
illi fidelitatem & obedientiam seruet, e-
iusque sacris monitis ut verus filius ob-
temperet, & sedem Romanam digna ve-
neratione honoret. Ita enim vestrum, in-
quit, perenni soliditate stabilietur imperiū, &
contra omnes inimicos & hostes diuinum vo-
bis auxilium suffragabitur, fietque ut omnibus
aduersariis diuino adiutorio semper superior &
fortior sitis. Recordamini quæso auunculi vestri
& æquiuoci Lamberti illustrissimi, qualis san-
ctam erga Romanam sedem fuerit, qualēque
exitum consecutus sit, & caute ne in idem
exemplum deueniatis, si aliquid simile agere
volueritis: dominum etiam Apostolicum depre-
camini, ut eum dignetur absolvere, & pro illo
apud Deum interuenire, pro me quoque atten-
tius postulo, ut eius mihi beneuolentiam conci-
lietis, quatenus tam de me quā etiam de sede
Remensi mercedem dignetur habere, & sua il-
li priuilegia inuiolabiliter custodire, sicut omnes
sancti prædecessores ipsius semper fecisse no-
scuntur: & si aliquis nequam aures clementie
ipsius inquietare, & de nobis sinistri aliquid di-
cere præsumpserit, non prius obloquentibus cre-
dere, donec per me aut certè per suum vel meum

missum, quod verum sit, possit agnoscere. De
 cetero cognoscat vestra imperialis auctoritas
 Ramponem propinquum vestrum & meum ab
 eodem domino Apostolico excommunicatum, si-
 cut & litteris ipsis agnouimus. pro quo obsecro
 mansuetudinem vestram, ut eum deprecemini,
 quatinus illi locum poenitendi, & quod admisit
 emendandi non denegat, nec eum perpetuo ana-
 themate innodatum irrecuperabiliter perire si-
 nat: sed quam illi placet poenitentiam & satisfac-
 tionis mensuram illi iniungat. Nobis etiam
 & vniuersis Italiae vel Galliae Episcopis, qui-
 bus de eius damnatione scripsit, vicissim de sua
 misericordia quid illum agere, & qualiter esse
 conueniat, rescribi iubeat. ALBRADO re-
 gi Transmarino amicabiles litteras mittens
 grates refert, quia tam bonum virum & de-
 uotum Ecclesiasticisq. regulis congruentem
 destinauerit Episcopum in ciuitate Can-
 taburg nomine. Audierat enim, quod
 peruersissimam sectam paganis erroribus
 exortam, & in illa gente tunc usque reli-
 ctam, verbi mucrone fatageret amputare:
 quae secta suggerere videbatur Episcopis
 & presbyteris subintroductas habere mu-
 lieres: ad propinquas quoque generis sui
 quisque vellet accedere: insuper & sacra-

tas Deo feminas incestare, & vxorem habens concubinā simul habere, quæ omnia quàm sanæ fidei sint aduersa documentis manifestat euidentissimis ex sanctorū patrū prolatis auctoritatibus. RICHILDIM reginam vel imperatricem litteris commonens atque redarguens, dolore multo se fatetur esse correptum pro fama non bona, quæ ad ipsū de vita & actibus eiusdem reginæ peruenerat, quòd scilicet esset diabolus, ubi fuisset illa, magis quàm Deus, cum forent circa illam quæ contra salutē animæ militant, id est irā, rixā, dissensiones, incendia, homicidia, luxuriā, rapinā quoq. pauperum, peruationes Ecclesiarum. de quibus omnibus debita sollicitudine & pastoralis diligentia commonet eam, vt transferat se de tantis malis ad fructum eternæ salutis: proponēs ei quadriuium vel quadrigam virtutum, quam assumens & ascendere nitens apprehendat quæ sunt sapientiæ atq. sanctimoniæ, ac felicitatis æternæ. velamen quoque Christi, quod assūperat causa viduitatis, incorruptum seruare studeret, vt illud inuiolatū Deo repræsentare posset, nec properare velit ad inferos, vt inueniat in æsti-

mabile malum multarum, quas ei pro-
 palare nititur, miseriarum. Perpendat, si
 est amica Dei vel soror. quòd si non est,
 sine intermissione det operam vt esse
 possit, & si non candore virginitatis, stu-
 dio tamen continentiae salutaris, rectè
 credendo Deum, ac proximum diligen-
 do, pietatis opera faciendo, sobriè & piè
 & iustè viuendo: attendat vt vitam cor-
 rigit donec hodie nominatur, ne inci-
 dat in laqueum confusionis aeternae, dum
 non recogitat quā velociter praesens ho-
 die transeat. parcat animae suae, & atten-
 dat vt Deo proxima fiat, & habeatur
 columba per simplicitatem & innocen-
 tiam, vt audire mereatur à Christo cum
 exierit è corpore, hiems transiit, & reces-
 sit, columba mea veni, mecumque re-
 quiesce sedēs in dextera patris mei. Mul-
 tumque, se ideo loqui asserit, quòd de
 ipsius salute plurimū sit sollicitus, op-
 tans vt verè fiat regina ornando virtuti-
 bus viduitatem suam, praeculis habens
 diem mortis vel resurrectionis suae, au-
 diatque Apostolum dicentem, Euigilate
 iusti, & nolite peccare. det tandem Deo
 suam gloriam, & operetur salutem pro-

priam, diuertat à malo, & faciat bonum :
 oratq. exoptans vt correptio sua & emē-
 datio necessaria salubrisque compunctio
 tangat cor eius, vt tandem aliquando re-
 sipiscat à diaboli laqueis : gratia quo-
 que Dei resuscitet eam de sepulcris vitio-
 rum. & cætera. Febricitatē quoque in
 malis faciat eam firmam & stabilem Deus,
 fixamque in bonis, vt hīc & in æterna
 vita possit gaudere cum sanctis. *Quod si
 consilium nostrum, inquit, audieritis, tales
 vobis erimus, quales esse debemus, in omni fi-
 delitate & reuerentia atque debito seruitio,
 & quod his omnibus maius est, erit vobis.
 Deus propitius sicut optamus, & oramus.
 Alioquin volumus vt sciatis reuera quod pro
 vobis nolumus incurrere offensionem Dei, sed
 secundum ministerium nostrum faciemus de
 vobis, quod canonica nobis iubet auctoritas :
 quod quā inuitus faciemus, Deus testis est.
 non enim possumus discedere ab Apostolo, qui
 dicit, Quamdiu Apostolus sum gentium, mini-
 steriū meū honorificabo, & Dei sumus adiuto-
 res, & Deus est, qui operatur in nobis. & An
 experimentum queritis eius qui in me loquitur
 Christus ? Vnde precor Deum in conscientia
 mea, vt adhæcant cordi vestro verba mea, &*

ipse qui per me loquitur, hæc in auribus vestris per seipsum loquatur in corde vestro. Deus omnipotens ad vota sua mittat manum suam de alto, & liberet vos de cœnulento huius sæculi profundo.

Quæ diuersis scripserit Episcopis.

Cap. V I.

Diuerſis etiam Præſulibus diuerſa reperitur direxiſſe ſcripta pio ſale reſperſa & diuinis auctoritatibus referta. FROTHERO Archiepiſcopo pro rebus Remenſis Eccleſiæ in ſua coniacentibus Diœceſi, quæ ab inuaſoribus non modicū patiebantur diſpendiū: monens & rogans, vt memor miniſterij ſibi à Deo collati, & Apoſtolicorū præceptorum, quorū plura ſubiungit exempla, his peruaſoribus canonica auctoritate interdicat, ne de reb. huius Eccleſiæ amplius præſumere audeāt, ſicut offenſam Domini ſanctorumque ipſius incurrere nolint. ROſTAGNO Arelatenſium præſuli, grates referens quòd eum de rebus Eccleſiæ Remenſis ſollicitum eſſe cōpererat, quas ſub ipſius prouidentia & tutela conſtituerat: ſed

audiebat eas à quibusdam prauis inuasoribus infestari vel vsurpari. vnde hortatur vt eosdem peruasores, nisi resipiscant, districta percellat excommunicatione, si non vult rem huiusmodi ad Apostolicam sedem deferri. HERIMANNO Agrippinensium Archiepiscopo, significans se desiderare cum ipso, cæterisque Dioceseos ipsius Episcopis loqui, & de necessariis Ecclesiarum causis, vt ab eodem sibi suggestum fuerat, pertractare: id tamen insurgentibus Normannicæ persecutionis turbinibus impediri. vt autem oportunitas temporis apparuerit, maturata facilitate adimplere conari. Intimat præterea res quasdam Remensis Ecclesiæ in ipsius parochia peruerso iure à quibusdam peruasorib. possideri. Quæ de causa expetierat Arnulfum regem apud Vvarmariam, vt ipse Vvilleberto præfuli huius prædecessori præciperet, quatinus ipse super hoc negotio secundum edicta canonum ageret. A quo scilicet rege idem etiam Herimannus super hoc ipso legatus ad præmissum Episcopum fuerat destinatus. Sed quia idem Vvilbertus præceptum regis in hoc adimplere non

potuit, hunc monens rogat, ut eisdem
peruasores, vel qui res ipsas inquietare
conantur, animaduersione canonica fe-
riat, nisi à cœpta præsumptione resipi-
scant. decretum quoque Symmachi Pa-
pæ eidem Herimāno dirigit, ubi quid de
talibus sit agendum manifestissima pos-
sit assertione cognoscere. Item eidem,
pro quibusdam rebus huius Ecclesiæ su-
per Rhenum sitis, in loco qui dicitur Bo-
bert, quas Manigaudo commendauerat:
quo defuncto petit, ut idem præsul Heri-
mannus eas tutandas suscipiat. quendā
etiam Vvibertum, qui res alias Remen-
sis Ecclesiæ tenere videbatur admoneat,
ut eas cum amicitia sibi restituat. De
rebus quoque cuiusdam abbatiæ sibi à
rege concessæ, quæ in partibus ipsius
Herimanni coniacebant, rogat ut eas ab
extraneorum peruatione defendat: &
cæt. VVALTERO Senonensis Ecclesiæ Ar-
chiepiscopo, pro causa Hildegardis Ab-
batissæ, de qua placita quædam constitue-
rant, sed ad nullum idem Vvalterus par-
tim occupatione partim infirmitate pres-
sus attenderat. unde præscribit eidem, qua
res ipsa finem vltimum sit habitura: pre-

canſque monet vt nullatenus omittat, quin ad id placitum veniat. Si verò non venerit, ipſe tamen ſalua caritate quod agendum eſt auctore Deo inde perficere conabitur : & quod hætenus id diſtulerat, non quaſi auctoritatem aut priuilegium hoc agendi non haberet, egerat : ſed potiùs cauſa dilectionis ipſius, quàm per omnia inuiolatam ſeruare cupiebat. Petit etiam vt præſatam abbatiffam idem Vualterus, vt pote Diceceſaneam ſuam præmoneri faciat, quone velut ignaram ſe à conuentu ipſius ſubtrahere, ſed potiùs die denominata præſentem ſtudeat exhibere. Item conſolatorias dirigens eidem ſuper ipſius ægrotatione litteras, & de abſolutione quam ſibi petierat idem Vualterus tam ab eo quàm à fratribus ipſius fieri : ſimulque de ipſorum prouidendo ab eodem domno Fulcone, quando fieri poſſet, colloquio. PLEONICO Archiepiſcopo Tranſmarino, congratulans bonis eius ſtudiis, quibus eum laborare compererat, pro abſcindendis & extirpandis inceſtuofis luxuriæ fomentis, ſu-

pra in his litteris quæ Albrado regi scripserat commemoratis, quæ in ea gente videbantur inoleuisse: sacris eum instruēs & armans auctoritatibus censurę canonicę, particeps nimirum piis ipsius laboribus cupiens existere. IOANNI cuidam Romano præfuli, commemorans affectionem dilectionis, quam habebat erga eum, ita vt diceret nullum se inuenisse recordari, cū quo sic concorditer mutuo coniungeretur caritatis affectu. rememorans magna se quondam beneuolentia susceptum ab eo fuisse, liberalissimaque humanitate tractatum, magnisque beneficiorum impendiis accumulatum. Afferitque se quantocius pace reddita dignis seruitiis ostensurum tam erga eum, quàm erga domnum Papam Stephanum grata animi deuotione. precaturque vt eum suo fauore tueatur apud ipsius excellentiam Papæ, & in quibuscumque necessarium. viderit ei sicut optimè in ipso confidit assistat. DODILONI Cameracensi præfuli, pro placitis sibi ab eo datis, ad quæ minime attenderat: monens & rogans, vt fatagat venire ad proximum placitum, vbi-

cumque rex Odo fuerit cum Episcopis, quādo rem de qua tunc agebatur de Hildegardie & Irmingarde terminare deberent. Accusatores quoque ipsius Irmingardis, eosq. qui presbyterū luminib. priuari ac suspendi iusserūt, cum omnib. qui nefādæ iussioni paruerūt, vel fautores huius sceleris extiterunt, commoneri faciat & canonicè conuocari, vt huic conuentui se studeant præsentrare. Item pro eadem causa, gratias referens quia deuotè ipsius commonitionem suscepit, & ad constitutā diē paratissimus occurrerit. Illud verò succensere videtur, cur cum de negotiis Ecclesiasticis ageretur causa, non per clericum sed per laicalis ordinis hominem sibi mandare voluisset. Ipse verò domnus Fulco partim senioris seruitio detentus, partim corporeæ incommoditatis molestia præpeditus, iuxta condictū venire nequiuerat. Admonet etiam, eum meminisse debere, qualis ipse erga eum quōdam extiterit, qualiter sine rege, sine vllō ipsius parti consulente modis omnibus institerit, vt ad hunc Episcopalem perueniret honorē, cum adhuc sibi perfectè notus nō esset. Ita tamē pro eo egerit,

veluti pro fratre carissimo, quia crediderat & credebatur in eo simplicem prudentiam, fidem non fictam, firmam & indemutabilem stabilitatem: sperauerat etiam in omnibus sibi cooperatorem & adiutorem fore. Per illam ergo synce-ram dilectionem, quam in ipso credebatur, eum se dicit monere: mandans ut posthabita omni dilectione vel occupatione ad condictum conuentum Episcoporum praesens adesse studeat, nulla causa excepta, nisi tantum infirmitate corporea. Personas etiam praemissas quas per alteram significauerat epistolam, commoneri canonicè faciat, ut praeparatae ad solennem coetum Episcoporum die praefixa se fatagant praesentare. Item cum cæteris Coepiscopis, Didone scilicet Laudunensi, Herilone Nouiomeni, Riculpho Suefforum, Herinādo Morinensi scribens, huic Praesuli Dodiloni significat, hos praemissos in urbem Remensem conuenisse Praesules ad tractandū de peruatione Balduni, de quo scripserat eidem Dodiloni, admonere illum ut resipisceret à prauo temeritatis suae fastu. Sed quoniam idem Praesul rescripserat, occurrere eisdem

Præsulibus se nequiuisse, quia suum iter
 Normannorum præripuit gladius, ceu de
 communi compatitur exitio. Cæterum
 quod petierat de Balduino, in hoc acquie-
 scitur ei, ut admonendo, exhortando, &
 increpando sedulo eum corripiat, ut à sua
 corrigatur prauitate, diuinas ei propo-
 nens sanctorum sententias patrum: lit-
 teras etiam eidem Balduino ab ipsorum
 Episcoporum parte dirigi significat. De
 quib. hortatur, ut si fuerit præsens, ei reci-
 tetur; si absens fuerit, per suum archidia-
 conum ipsi transmittat, qui etiam illas eum
 intelligere faciat. Quod si & eum ille ne-
 quiuerit adire, litteras ipsas publicè coram
 se legi faciat in loco, ubi Balduinus reli-
 gionem peruasit, & deinceps nisi resipue-
 rit non ei vel monachus vel canonicus
 vel quilibet ritè Christianus adiungatur,
 si non anathematis vinculo implicari vo-
 luerit. Si Hetilò quoque ad Attrabatem
 venerit, Dodilo illi occurrat, ut de hac re
 quod agendum est, canonicè peragere pos-
 sint, & quicquid inde fecerint, litteris si-
 bi significet. HETILONI præfuli litte-
 ris mandat, ut proficiscatur cum fidelibus
 regis Attrabatem, agens pro posse quod
 in

in alio scripto agendum sibi reperit significatum. Item pro his quæ à Dodilone Cameracensi patiebatur Episcopo, asserens quomodo pro benefactis ab eo sibi contumeliosa retribuuntur. Adsciscensque hunc sibi testem, qualiter eundem Dodilonem paterno simpliciq. benignitatis affectu ad poriora prouexerit. Sed & quomodo Rodulfus vir deuotus abbatiã quandam in huius Hetilonis parochia sitam Remensi delegauerit Ecclesiæ, committens simul eidem corpus beati Calixti Papæ & martyris, quod impetratum à Romana detulerat vrbe. Intimat ergo qualiter precatus sit amicaliter præfatum Dodilonem, ad Atrabatense castellum venire, & inde pignera præfati martyris honorificè leuare, atque vsque ad cœnobium sancti Quintini deducere. hunc etiam Hetilonem expetierat, vt ad ipsum cœnobium occurreret, & tamdiu cum sacro comitaretur corpore, donec ipse dominus Fulco veniret, & illud decenter excipere, atq. ad Remensem valeret urbem deducere, vbi tamdiu seruaretur, quousque pace reddita loco proprio ipsius Hetilonis parochia

fito restitui posset. At Dodilo cùm debuisset agere quod petebatur, è contra filialis & fraternitatis posthabita reuerètia in medio occurrens viæ, & de manibus gestantium sanctum pignus abripiens apud se reposuit, dicens non illud cuiquam se redditurũ, nisi eidem Hetiloni, in cuius dinoscebatur fuisse parochia depositum, & hoc ipsum nouæ fraudis argumento gessisse, quo valeret præfatum corpus sacrum cuidã Hucboldo Comiti tradere. quo circa petit hunc Hetilonẽ, vt missum suũ ad eum dirigat, & paterno ac fraterno amore ipsum redarguens corrigat, & in memoriam ei reuocet, quomodo religionis solius & fidei, quam in eo fore credebat, intuitu illum absque regis aut principis alicuius expectatione in sede Pontificali locauerit, moneatque vt à cœpta temeritate pedem reuocet, ne aliquid hunc eundem Archiepiscopum contra se, quod idem nolit, agere compellat. Hunc quoque precatur Hetilonẽ obnixè ne illi assensum in re tali præbeat, sed iustæ parti in omnibus faueat, & thesaurum cœlestem, Remensi Ecclesiæ à præmemorato viro traditum, vrbi ac basilicæ ipsius restitui non solũ cõsentiat,

sed etiam totis viribus adiuuet. DIDONI Landunensi Episcopo, pro recōciliatione animę cuiusdam Vvalcheri, qui reus maiestatis inuentus supplicium mortis incurrit. De quo audierat, quòd in articulo mortis pœnitentiam per confessionem & sacrae communionis viaticum ab ipso expetierat, nec impetrare valuerat. Insuper & sepulturæ beneficium fuerat ei denegatum, & orari pro eo prohibitum. Succenset ergo eundem Præsulem, horrens cur sic voluerit agere, cùm sciret optimè quod auctoritas sacra de non neganda in vltimis statuerit pœnitentia. Adhibetque nonnulla sanctorum patrum super hac re testimonia, monens vti considerato communi periculo, imitetur communis domini pietatem, & huic peccatori remediũ pœnitentiæ in vltimis deprecato impendat misericordiam, vt & orari pro eo faciat, & per seipsum reconciliationem, animæque commendationem more Christiano persoluat: eumque de loco peruiro, in quo non sepultus, sed proiectus erat, ad cœmeterium fidelium transferat. Item pro hac eadem causa, postulans & adhibens exemplum beati

Gregorij de quodam monacho, quem iusserat nec sepulturæ communi tradi, nec orationibus iuuari: at post legitimū spatium reconciliationem eidem præcepit impendi. Adsciscēs etiam illud Evangelicum, quia filius hominis venit quærere & saluum facere quod perierat. Sed & Nicæni concilij testimonium, quod generaliter cuilibet in exitu posito, & poscenti gratiam communionis, tribui præcipitur. PETRO cuidam Romano scribit Episcopo, pro his de quib. Formosum Papā consuluerat super Herinando Morinensi Episcopo, quē Catalaunica præficere decernebat viduatæ Ecclesiæ. petitque vt suggerat Papæ pro hoc suo consultu, quatinus optatum super eo citiùs adipisci mereamur respōsum. Cōmemorās quod gestū reminiscatur super Aetardo Namneticæ vrbis Episcopo, quòd eum Nicolaus Papa Morinēsi Ecclesiæ post ea censuerit præficiendum, ac demum in Archiepiscopatu sedis Turonicæ decreuerit incardinandum. Precatur etiam vt idoneam super hoc exquirat auctoritatem, repertamque sibi destinet exequendam. HONORATO Beluacensiū Præsuli scri-

bens, asserit se mirari vehementissime, quomodo id potuerit contingere, ut animus ipsius tam contrarius & aduersus sibi existeret, cum sciret qualis erga eum fuerit, & qualiter loco fratris ac filij eum semper habuerit, qualique affectu, ut ad eundem honorem perueniret, decertauerit. Nec tamen ideò desperare debeat, sed quantocius ad pacem & concordiam, secum tenendam redeat. Monet eum igitur, tanquam filium carissimum redire ad semetipsum, & cogitare cuius sit ordinis, cuiusque professionis, perpendatque quod in nullo ab ipso laesus existat, & si possibile sit ad se veniat; quatinus de his collato sermone melius conferant. si verò id fieri nequit, quendam familiarem sibi dirigat, per quem quæ fert animus eidem remandare valeat. Notificat etiam se audisse quædam de ipso, quæ non facile credere potuerit, scilicet quod rapinis insisteret, alienas possessiones inuaderet, & pecunias diriperet. Nominatimque designat Robertum quendam apud se fuisse conquestum, quod vniuersa mobilia sua ei abstulerit. *Ego autem, inquit, non hoc de vobis credere possum, sed puto esse aliquem*

qui vestra gratia & auctoritate fretus hoc agere praesumpserit, & idcirco vobis adscribitur, quod ab alio gestum est. Si ergo à quocumq. vestro hoc factum est, obsecro ut auctorem huius mali dignè coerceatis, & damnum omne emendare iubeatis. Si autem verum est, quod vos ipse coegeritis, precor ut à tali intentione desinatis, & ei qui damnum passus est, sua ex integro restitui faciatis. Item redarguens eum de nonnullis, quæ ad se non simplici professione scripsisse videbatur, quasi domnus Fulco pacem & cōcordiam perturbasset. Significauerat etiam à prauis quibusdam suam vexari Ecclesiam, & super hac re nullum ab hoc Archiepiscopo petentem se suscepisse responsum. Vnde reuocat ad memoriā, quia precatu quàm præcepto apud ipsum maluerit obtinere illis hominib. inducias, interim dari, quousq. simul quiuissent ipsi Præfules loqui. De quodā quoq. Aledramno, quem tunc excommunicare minabatur, & Archiepiscopo suam exequi cēsuram præcipere videbatur: asseritque se nunquam destinasse communibus & collatis Coepiscoporum præceptionibus ac suggestionibus non parere: Beluacensi tamen Ec-

clesiæ singulariter Ecclesia Remensis parere nesciret. & quia in excommunicatione hac non Ecclesiastica vigere censura, sed præceps præualere cernebatur animositas; cuius rei erat initium desertio regis Odonis, & institutio Caroli. Annectitq. post aliquāta, de viduatione Ecclesiarū, Siluaneſis videlicet atq. Catalaunſis, quarū Siluaneſis tūc elegerat Otfredum quemq. ad Remensem Præsulē perduxerant, sibi que petierant ordinandum Pontificem. ad quam petit hunc ordinationem venire, remota vt canonica iubet auctoritas omni excusatione. Subiūgit quoque monens, ne intendat eius animus hæc ita dicta, tanquā eundem non liceat Episcopum vltra in ipsius sperare amicitiam, quam sibi mutuò coniunxerant, quamque inconuulsam omni tempore Archiepiscopus tenere cupiebat, & ad honorem suæ sedis sedem ipsius honorare ac sublimare desiderabat. sed quia se mordaci reprehensione viderat eius latenter corrodi litteris, à tanta subreptione se voluerit excusabilem reddere, ne videretur in hoc ei silendo assentire. Item pro ordinatione Macionis Ca-

talaunensis Episcopi, ad quam eundem Honoratum venire mandauerat: sed ille non veniens etiam ipsam ordinationē reprehensionis elogio notarat. quam tamen reprehensionem Archiepiscopus caritatis studio patienter ferebat, mandans & poscens vt ad ordinationē præmissi Otfredi occurrere studeat, &c. Item pro litteris ab eo sibi directis, in quibus horatus fuerat, vt statui, & religioni sanctæ Ecclesiæ labenti succurrere deberet. Vnde gratiarum vota Deo se persolvere Archipræsul asserit, qui ad hoc suadendum eius excitauerit animum, cū priores ipsius Episcopi epistolæ tumidum viderentur præferre rancorem; hæc verò tota fraternum testaretur amorem. Si verò quod verba resonabant, Honoratus corde teneret; paratū se dicit eius caritati respondere, eamq. inuiolabiliter obseruare. Sed quia tunc opportunū tempus, quo simul conuenire valerent, non videbatur, cū Domino iuuante tempus arrisisset. id compenter tam ipsi quàm cæteris suffraganeis prænunciare curaret. Item pro iussione Stephani Papæ, qua mandauerat domno Fulconi, data eidem licentia in-

terim vt petierat remorādi, quatinus hūc
Honoratum Episcopum, atq. Rodulfum
Laudunensem Rauennam mitteret ad
synodum ibidem celebrandam. Vnde
monet vt sicut Papa iubet eius præceptio-
ni obtemperet. TEUTBALDO Lingonensi
Episcopo amicales & caritatis vtrimque
coniunctrices dirigit litteras, significans
de priuatis inter se rebus, quas ei Teutbal-
dus per suum significauerat missum, & de
communi colloquio secum, de regia quo-
que & ipsius Teutbaldi consanguinitate,
atque amicitia ipsius Episcopi Regi Ca-
rolo grata. Rogat etiam sibi remandari de
Richardo Burgundionum principe, & de
Aquitanis, quod eum contigerit scire. &
cætera. RODVLFO iam dicti Didonis E-
piscopi successoris, gratulando de honore
ipsius, & profectu in Domino. Item pro
quodam ipsius Rodulfi subiecto, sed ab
eodem abiecto, monens cauendum ne
lædatur in hoc Episcopalis opinio, dum
quod agitur zelo rectitudinis, feratur
fieri zelo exercendæ vltionis: inferens
Ecclesiam Remensem hoc ex antiquo
priuilegium habuisse, vt quicumq. Dicc-
esaneorum proprios Episcopos quo-

libet offendisse se modo sensissent, ad hanc cæterarum matrem confugerent Ecclesiarum, auxilium sibi flagitantes ab ipsa. *Ast ego, inquit, in hoc negotio nulla vultui vri auctoritate: sed sicut amicus ab amico, immo sicut à specialiter dilecto filio postulare. eo quod me apud vos non dicam aliquid, sed bene posse confidebam.* Subiungens quoque post aliqua, quia miseratio non est prævaricatio: cum Deus quotidie post minas districtæ ultionis ad se conuersis paternæ consueuerit impendere viscera pietatis. & quia nemo sic vnquam cadit, vt ei resurgendi copia debeat denegari, & cæt.

Quæ Abbatibus vel Illustribus Viris quibusdam. Cap. VII.

STEPHANO cuidam abbati ac nobilissimo viro, qui ad Episcopatum electus videbatur, tunc autem fortè reiectus vel reprobatus, consolatorias dirigit litteras, amicitiam quam ei promiserat asserens perpetuò se seruaturum. Dolens verò & ingemiscens, quòd eum, quem preelectum regimini gaudebat Ecclesiæ, hoc videbat tunc effectum frustratum:horta-

tur tamen, vt licet elifus fit fortiter, validius refurgat: cupiens eidem omnes propinquos & amicos suos vel quoscunque alios posset ad pacem & concordiam reuocare. & cætera. BALDVINO Comiti Flandrensi, pro admissis ipsius, de quibus cum Episcopis Dioceseos suæ quæ forēt agenda tractauerat. Qui Balduinus inter alia quælibet praua etiam presbyterū flagellauerat. quod factum quanti sit sceleris, ex diuinis ostendit auctoritatibus. Basilicas etiam quasdam abstulerat à presbyteris inibi ordinatis, & aliis dederat, inconsulto ipsorum Episcopo. Possessionem quoque quandam, quā rex Ecclesiæ Nouiomenfi tradiderat, idem Balduinus inuadens per violentiam retinebat. Annectit ergo canonica & legalia super huiusmodi facinoribus capitula. Redarguit etiam eundem pro eo quod monasterium monachorum sibi vrsurpauerat, & insurrexerat contra regem cum infidelitate & periurio. Super quibus rebus iamdudum data sibi dilatione, & adhibita Episcopali admonitione hanc de loco ad locum se se conuertendo videbatur subterfugere. Vnde & his eum

litteris paterna vocās admonitione, hortatur emendationem profiteri. quòd si non faceret, extorrem se sciret esse à Christiana communione. & cætera. Item ad eundem cum Coepiscopis scribens ex synodo Remis habita dominicæ incarnationis, anno dcccxcij. arguit eum quòd Ecclesiastica simul & legalia iura contemneret, res ecclesiasticas, & honores sibi nō concessos inuaderet, Dei timorem à se proiiciens, & fidem quam in baptismo Deo promiserat operibus abdicans, locū sacri monastici ordinis peruadens, & abbatis sibi nomē vsurpans. Vnde communi decreto Episcoporum iudicatum fuerat, eum autoritatis canonice anathemate feriendum. Sed quoniam & Ecclesiæ & publicis regni ytilitatibus videbatur accommodus, censura suspenditur adhuc animaduersionis Ecclesiasticæ, recogitandiq. sibi & emendādi spatium reſeruatur, & obsecratur per misericordiā Dei, vt ab hac præſumptione animum reuocet, nec ampliùs iram Dei contra se prouocet, ne illi quodammodo gladium præbeat. & cætera. Diuinarumq. sequuntur auctoritatum testimonia ad correptionem ipsius

prolata: quibus si acquiescere nollet, ab omni se nosset Ecclesiae consortio sequestrandum, perpetuoque anathemate feriendum. Ipsius quoque propalat excommunicationis sententiam in eundem, si se corrigere noluerit, quātotius iaculandā.

CLERO & plebi Siluane & tensis Ecclesiae, pro pastoris sibi praeferēdi scribit electione, succensens cur ad se venire distulerint, vel apicibus alloqui se quā viua voce maluerint: mandans vt electas ē collegio suo personas tam aetate quā sapientia maturas & idoneas ad se mittere maturēt, qui nec gratia, nec odio, aut vllius auaritię obtētu à tramite recto exorbitare vllatenus appetant. MINISTRIS quoque Laudunensis Ecclesiae, pro eo quod audierat inter eos contentiones esse, & conuenticula seorsum facere. Quapropter monet eos vt filios, quod si hac ita fuerint omnimodis amputentur. conuentus autem ipsorum fiat moderatus atque iocundus, in quo secundum aetatem vel datam sibi à Deo probitatem omni deposito supercilio quisque loquatur. & cætera. De concordia & caritate vera constituenda atq. seruanda, mittens eis exemplar epistolæ

ad Odonem regem pro obtinenda ab ipsis canonica electione à se missę & exhortans vt vnanimis cum sancti Spiritus adiutorio congregati magnopere satagant, & Dei clementiam attentissimè implorēt, vt eorum pastoralis dignetur adesse electioni. FRATRES Corbeiacēsis cœnobij literis suę visitans admonitionis, redarguit & vehementer increpat super abiectione sui abbatis, quem graui correptum infirmitate crudeli abdicauerant temeritate, nec eum ad ipsos venientē saltem vt peregrinum susceperant, aut eivllam humanitatem impenderant, sed eum de communi habitatione perturbantes in vilissimo extra claustra monasterij loco retruferant, & communi statuto firmauerant, vt ad eum visitandum vel consolandum venire nullus auderet: sed neque moriēs communi sepultura dignus haberetur. Vnde admirans talem sensib. eorum obrepere potuisse improbitatem, & Apostolicas atque regulares super obedientia præpositis exhibenda proponens præceptiones, ostendit non eis licuisse abbatem regulariter electum & Archiepiscopi ordinatione rationabiliter institutum, ita cō-

tra fas omne dehonore, & diuina humanaque in eo iura vel instituta conuelleret atque confundere, cum non sit in eorum arbitrio vel potestate, cum voluerint, abbatem deponere, & alium ad libidinem suae voluntatis instituere. Proponit etiam maledictionem Cham, qui pudenda patris irrisit, & eiusdem complices eos ostendit esse maledictionis, ac proinde interposito ordinis ipsorum periculo monet, auctoritate & ministerio sibi à Deo iniuncto praecipiens, ut ab hac pertinacia resipiscant, eundemque sui loci patrem sicut abbatem honorent ac diligant; donec si conualuerit, & ipse tale onus ferre non potuerit, ipse ad regem excusaturus accedat, ut eius praeeptione & Archiepiscopali auctoritate ipsius in loco alius substituat abbas.

De rebus quibus Episcopium auxit, & ceteris bonis quae egit. Cap. VIII.

Multa denique bona in hac sede Remensi Praesul hic operatus est. nam & Episcopium rebus impetratis pluribus tam monasterio Auennaco, quam nonnullis

aliis à regibus, ac diuersis personis obtentis possessionibus, amplificauit, atque diuersis muneribus & ornāmētis hanc Remensem Ecclesiam decorauit. Urbem quoque, cuius murum ob ædificationem basilicæ Dei genitricis Ebo destruxerat, iste nouo circumdedit muro. quædam etiam castella à nouo instituit, Almōtem scilicet, & aliud oppidum apud Sparnacū, quod Odo rex, quia descauerat ab eo propter euectionē Caroli, subuertit. Venerabile quoque beatissimi Remigij corpus ab Orbacensi monasterio Remensem reuocauit ad urbem. In qua relatione multa & magna sunt ostensa miracula superius à nobis partim declarata. Eo tempore Normannis Francorum terras instantibus, & diuersa loca depopulantibus, hic Pontifex plures tam sacerdotes quàm ceteros clericos & monachos ad se vndecumq. cōfluentes benignè suscepit, & paternè fouit. Inter quos etiam monachos S. Dionysij cum ipsius martyris pretioso corpore, aliorumque sanctorum pigneribus recepit, & aluit. Corpus etiam beati Calixti, concessa sibi vel Ecclesiæ Remēsi abbatia eiusdem sancti, Remis deduci fecit

ECCLESIAE REM. LIB. IV. 343
fecit, & post altare sanctæ Mariæ venerabiliter collocavit, iuxtaque illud pignora beati Nicasij, & sanctæ sororis eius Eutropiæ ab Ecclesia tituli sancti Agricolæ honorificè delata constituit.

De sancto Gibriano & fratribus eius

Cap. IX.

Delata sunt etiam tunc temporis ad Ecclesiam beati Remigij membra S. Gibriani à pago Catalaunensi, vbi peregrinatus fuisse noscitur & humatus. Advenērāt siquidem in hanc prouinciam septem fratres ab hibernia peregrinationis ob amorem Christi gratia. hic scilicet Gibrianus, Tefanus, Tresanus, Germanus, Veranus, Abranus, Petranus, cum tribus sororibus suis Frauda, Promptia, possenna eligentes sibi super fluuium nomine Matronam opportuna degendi loca. Quorū hic Gibrianus sanctus sacerdos quendam vicum elegit ad habitandum Colla vocatum, vbi plurimis annorum curriculis sobriè, iuste, & piè viuens, vsque ad exitum vitæ bonum studuit certamen certare, Cuius corpus primò iuxta publicum fer-

tur aggerem fuisse sepultum. vbi postea supra tumbam ipsius est oratorij ædicula constructa, ob insignia scilicet quædam miraculorum ibidem manifestata Ad quam confluere populi solita fuerat frequentia, maximè cum depositionis eiusdè celebrarentur festa. Multa namque inibi sanitatum tribuebantur remedia. ex quibus quædam habentur descripta, sed plurima celantur ignota. Tres tamen mulieres nominibus adscriptis ibidè notantur illuminatæ. Cuidam præterea nomine Grimoart manus cum integra est sanitate restituta. Tēpore denique Regis Odonis, grassante Normānorum crudelitate, terrasque Francorum vastante, huius sancti Ecclesiola igne cremata est cum aliis multis eiusdem pagi. Post cuius combustionē sæpius auditæ feruntur voces psallentium personarum non apparentium : luminaria tamen quædam noctib. inibi videbātur ardentia. Cūmq. fama huiusmodi virtutum circumquaq. percrebuiisset, superno ductus amore, sanctique veneratione Hadericus religiosus Comes accessit ad Rodoardum Episcopum Ecclesiæ Catalaunicæ, obnixè flagi-

rans, vt quia locus ille, vbi hoc sacrum corpus subudio iacebat, funditus erat destructus, daret ei licentiam illud transferendi, vbi deuotius & venerabilius seruari valuisset. Qui dum diu persistens in precibus tandem suæ petitionis obtinuisset effectum, vocato nauta fertur ei naulum dedisse eo tenore, vt noctu ante galli cantum ad oram fluminis eius præstolaretur aduentum. Cúmque statuto noctis tempore viri tres cum quodam sacerdote adestent fluuij ripæ missi ab hoc Comite, nauta defuit naue vltiori defixa fluminis oræ. His quoque viris aduentû nauigeri diu præstolantib. & vicissim clamantib. cum nemo eis respõderet, dolore perculsi corruunt in terram proni, deuotè precantes vt si Deo placitum foret corpus illius sancti de loco eodem transferri, aliquibus id eis dignaretur ostendere signis. Moxque nauis soluta diuina virtute nexu, quo tenebatur affixa, ripæ qua expectabatur mirabiliter accedit appulsa. quod admirando perspicientes & maximas Deo gratias referentes, ascendunt nauem, de voluntate Dei securio-

res effecti. Accedentesque ad locum sepulcri, & aperto faxeo in quo sacra membra iacebant sarcophago, reuerenter eleuant, transponentes hæc in præparato ad id opus nouiter scriniolo; sicque cum ingenti gaudio remeantes ad nauem transeunt celeriter flumen, hoc pignus cum laudibus deferentes ad vicum Balbiacum, vbi per triennium constat honorabiliter conseruatum. Post hæc ad Ecclesiam beati Remigij honorificè est delatam, & custodi Ecclesiæ deuotè commissum, iuxtaque sepulcrum huius sanctissimi patris honorificè collocatum. Post biennium præfatus Comes cum uxore sua Herisinde domnum Fulconem præfulem humiliter expetiit, postulans vt ei locum sepulturæ concederet in dextera huius Ecclesiæ parte, iuxta ostium cryptæ. quo impetrato, & altari statuto, atque argenteo decore cooperto, illic decenter hæc venerabilia deponuntur membra. Denique postquam à præfato sepulture suæ sublata sunt loco, quædã mulier cœca, Erentrudis nomine, illò candelam deferens accessit impetrandæ causa medelæ. At comperto sacrum corpus inde

sublatum penitus esse, nimio angore affecta coepit flendo coqueri, cur sanctus hic Domini abinde se permisisset auferri, & cur deseruisset vicinos, quibus beneficia solitus erat praeberē diuina. Subueniri ergo sibi gemitibus exposcens, visum sibi est proficisci debere ad vicū Matusgum, vbi frater eius sanctus quiescebat Veranus. Ad cuius sepulcrum candelam ponens, seseque in oratione prosternens, coepit flendo vtrumq. inuocare fratrem. Dumque sancti nomen crebrò repetit Gibriani, coepit caligo albuginis ab oculis eius abrumpi, sicque diuina propitiante pietate prisco redonatur lumine. Praefatus denique Praeful honorabilis Fulco sollicitus circa Dei cultum & ordinem Ecclesiasticum amore quoque sapientiae feruens, duas scholas Remis, Canonico- rum scilicet loci, atque ruralium clericorum iam penē delapsas restituit, & euocato Remigio Antisiodorensi magistro, liberalium artium studiis adolescentes clericos exerceri fecit, ipseque cum eis lectioni ac meditationi sapientiae operam dedit. Sed & Hucbaldum sancti Amandi monachum, virum quoque disciplinis so-

phicis nobiliter eruditum accersui, & Ecclesiam Remensem præclaris illustravit doctrinis.

De interemptione Fulconis Archiepiscopi.

Cap. X.

Accidit autem ut abbatiam sancti Vedasti, quam Balduinus Comes tenebat, cum Atrabatenfi castro rex Carolus pro infidelitate Balduini ab eo auferret, atque huic Præsuli eam concederet, Altmaro quodam Comite abbatiam sancti Medardi tenente: quam sibi visum est opportunitatis gratia cum eodem Comite commutare debere: quod & egit. Accipit itaque ab eodem Altmaro abbatiam sancti Medardi, & dedit illi abbatiam S. Vedasti, recepto per vim obsidionis à Balduino Atrabatenfi castro. Cuius anxietatis dolore succensus tam Balduinus, quam omnis eius comitatus, dum quærunt qualiter vlcisci se possint, amicitiam cum eodem Præsule se fingunt refarcire, quærentes locum ultionis, explorantesque quomodo à metatu suo ad regis colloquium stipatoribus vallatus pro-

ficisci soleret: quadā die, dum paucis admodū comitatus regis peteret alloquiū, eum in via duce quodam Vvicemaro aggredientes intercipiūt. Et quidem primum quasi de amicitia & recuperatione Balduini affantur. demum verò improuisum lanceis impetunt, prosternunt, ac perimunt. Quidam verò suorum se se ob nimium eius amorem super ipsum prosternentes pariter cum eo trāsfixi & interempti sunt. Cæteri qui superfuere, his qui ad hospitalia remanserant, hæc maximi doloris sui nuncia portant. Qui rei nouitate perculsi, armisque muniti percussores Episcopi conantur ultione adoriri. Quibus minimè repertis, corpus examine immensis eiulantes plangoribus leuant, & cum ingenti suorum omniū luctu Remensem ad urbem deferunt. Ibi tandem lotum & dignis exequiis honoratum decenti est sepulturæ mandatum. Cuius Antistitis hoc habetur Epitaphium.

*Hoc tumulo magni Fulconis membra teguntur,
Remorum sedis Præsulis egregij.
Germine nobilium quem Francia protulit ortum,
Aulaque de scholis sumpsit & excoluit.*

*Hinc Deus assumptum statuit virtute probatū,
Ecclesiæ speculum, pontificemque pium.*

*Septenos denosque simul cui præfuit annos,
Tres menses, denos insuper atque dies*

*Auxit Episcopium superaddens plurima rerū,
Vrbis & istius moenia restituit.*

*Orbis honor, patris tutor, pietatis amator,
Pro studio pacis confoditur iaculis.*

*Septenum denumque diem iam mensis agebat
Iunius, ut dira morte peremptus abijt.*

*Cui matris domini, pariter quoque Præsulis almi
Remigij pietas obtineat requiem. Amen.*

Denique Vvinemarus eius interceptor ab
Episcopis regni Francorum cum suis cō-
plicibus excommunicatus & anathema-
tizatus, in super insanabili à Deo percus-
sus est vulnere, ita ut computrescentibus
carnibus & exundante sanie viuis deuor-
raretur à vermibus, & dum propter im-
manitatem fœtoris nullus ad eum ac-
cedere posset, miserrimam vitam misera-
bili decessu finiuit.

*De praesulatu domni Heriuei.**Cap. XI.*

Sequitur in Pontificatu Remensi Do-
 mnus Heriueus, ex aula quoque re-
 gis ad Episcopatum assumptus, vir gene-
 re nobilis, nepos videlicet ex sorore Huc-
 baldi comitis. qui iuuenis quidem ad hunc
 prouectus est honorem, exsequentibus
 & rite celebrantibus eius ordinationem
 Riculfo Suefforum Episcopo, Dodilo-
 le Cameracensi, Otgario Ambianen-
 si, Mancione Catalaunensi, Rodul-
 fo Laudunensi, Otrifido Siluaneften-
 si, cæterisque Diocesaneis consensum
 præbentibus, & decretum huius ordina-
 tionis corroborantibus. Qui mox huic
 adeo gradui sese exhibere studuit ha-
 bilem, bonis omnibus præbens amabi-
 lem, ipsis etiam senibus imitabilem, be-
 nignus amator existens pauperum, lar-
 gus solator religiosorum, multumque
 misericors recreator indigētium misero-
 rum. Ecclesiasticis ad primè cantilenis
 eruditus, ac psalmodia præcipuus, & hu-

ius exercitatione limatus, animo vultuq.
iocundus, suavis atque mitissimus, omni-
que bonitate conspicuus, pater cleri, at-
que totius populi pius patronus, tardus
ad irascendum, & velox ad miserandum:
amator Ecclesiarum Dei, & fortissimus
ouilis sibi commissi cum Dei virtute de-
fensor. recepit denique res diuersas &
villas Ecclesiæ, quas antecessor suus per
precarias siue præstarias diuersis con-
tulerat personis. Cui sedula intentione
sectanti spiritalia affluenter exuberabant
temporalia. quæ ipse honesta dispensa-
bat prudentia. disponens competentibus
Episcopium ministerialibus, ipse oratio-
nibus incessanter intentus. Replentur igitur
Ecclesiæ diuersa bonis vberimis tam
horrea quam promptuaria: disponuntur
cuncta tum rationabiliter tum misericor-
diter prædia: sed & quædam reparantur
ab eo vel etiam instituuntur municipi-
pia.

*De relatione beati Remigij ad monasterium
suum. Cap. XII.*

Hic Præsul corpus beati Remigij, quod eatenus in ciuitate seruabatur locatum post altare Dei genitricis maioris Ecclesiæ, ad basilicam sepulturæ ipsius sancti referre disposuit. Erat autem hyemale tempus, & ad celebrandam Domini natalis solemnitatem tam rex Carolus, quam nonnulli procures eius in hanc conuenerant urbem. Cùmque his diebus multis imminetibus imbribus nimium per totam urbem, & circumquaque haberetur lutum, conqueri multi cœpere, qualiter illud sanctum corpus tunc ad locum destinatum valerent efferre. Factum est autē, vt nocte post sanctorū Innocentij natale, cuius insequēte die id operis disponebatur expleri, Borea ex improviso media nocte insurgente totius subito cœni gelaretur immanitas, ita vt humi, limique humore desiccato, per glaciei repenti datæ superficiem sicco, liberoque vestigio membra sacri valerent

valerent deferri Pontificis. At ubi extra ciuitatem ventum est ad locum, vnde monasterium ipsius directo iam peteretur itinere, claudus quidam, de quo iam supra retulimus, virtute diuina erectus, & incolumitati est restitutus. Vbi cum multitus haberetur populus, turbis vndique confluentibus, principi Burgundiæ Ricardo vaginæ auro exornatæ, gemmisque decenter exsculptæ, agminis densitate stipato abscinduntur ab altero, quas quidam negotiator emptas per diuersa detulit fora, nec alicubi venundare potuit, donec post annū ad eundem principem in Burgundiam retulit, quas ille cum gratiarum actione & sancti Remigij benedictione recepit.

De reparatione castri Mosomi, aliarumque munitionum quarundam Ecclesiarum.
Cap. XIII.

Hic Pontifex castrum Mosomum reparatis muniit muris, & Ecclesiam inibi dirutam à nouo restaurauit, atque in honore sanctæ Dei genitricis, vt olim fuerat, dedicauit: collatis ibi sancti Victo-

ris ossibus, quæ haud procul ab eo fuerāt castello reperta. Munitionem quoque apud Codiciacum tuto loco constituit, atque confirmavit. Aliam nihilominus munitionem apud Sparnacum super fluvium Matronam construxit. Ecclesias etiam nonnullas, quæ sub persecutione Normannorum dirutæ fuerant, restaurari fecit atque consecrauit. Sed & in Vosago infra possessionem beati Remigij Ecclesiam construxit, ac per assensum Magontiacensis Episcopi depositis inibi pigneribus eiusdem sancti dedicavit. Remis quoque Ecclesiam in honore sancti Dionysij extra murum ciuitatis à canonicis vrbis constructam consecrauit. Vbi & membra sanctorum beati Rigoberti Episcopi, & sancti Theodulfi abbatis seruanda deposuit. Cryptam quoq. sub ipsa sede maioris Ecclesię, quæ diu tellure māsferat oppleta, vbi beatus Remigius secretò preces Deo fundere fertur assueuifse, mundatam & exsculptam in honore ipsius sancti præsulis consecrauit. multis quoque donariis Remensem Ecclesiam perornauit, coronis argenteis atque lampadibus tam aureis quàm argenteis illu-

minauit. Aliis etiam vasis vtriusque huius pretiosi metalli, sed & gemmis locupletauit. Insuper & altare in medio chori sub honore sanctæ Trinitatis edidit atque dicauit, & tabulis argento coopertis circumdedit. Crucem quoque maiorem auro cooperuit, & gemmis cum sacrosanctis pigneribus decenter insigniuit. Ornamentis etiam holosericis quampluribus aliam decorauit aulam. Mihi quoque & cæteris tam clericis canonicis, quàm monachis, & sanctimonialibus, omnibusque pro diuersis eum petentibus necessitudinibus multa largitus est bona.

De synodalibus conciliis habitis, & Normannorum conuersione vel expeditione contra Hungaros. Cap. XIV.

COnuentus denique synodales sæpe cum Coepiscopis suæ Dioceseos habuit. In quibus de pace & religione sanctæ Dei Ecclesiæ, statuque regni Francorum salubriter competenterq. tractauit. De Normannorum quoque mitigatione, atque conuersione valde laborauit.

donec tandem post bellum, quod Robertus Comes contra eos Carnotenus gessit, fidem Christi suscipere receperunt, concessis sibi maritimis quibusdam pagis cum Rotomagensi quam pane deleuerant vrbe, & aliis eidem subiectis. Ad petitionem quoque Vvitonis tunc Rotomagensis Episcopi collecta ex diuersis auctoritatibus sanctorum patrum xiii. capitula, qualiter ipsi Nordmanni tractari deberent, eidem Archiepiscopo delegauit. Insuper etiam Romanum Pontificem super huiusmodi negotio consulere studuit. Ad cuius consulta quae circa gentis huius conuersionem exequenda forent, insinuare non destitit. Hungaris denique regnum Lotariense depradantibus, dum Carolus proceres Francorum in auxilium sibi contra gentem ipsam conuocaret, solus hic Praesul ex omnibus regni huius primatibus, cum suis tantum in defensione Ecclesiae Dei regi occurrit, habens armatos secum, seu fertur mille quingentos.

*De Caroli Regis à suis derelicti sustentatione.
Cap. XV.*

SEquenti verò anno, cum pæne cuncti Francorum optimates apud urbem Sueffonicam à rege suo Carolo desciscētes propter Haganonem consiliarium suum, quem de mediocribus electum super omnes principes audiebat & honorabat, eum penitus reliquissent, hic Pontifex fidelis & pius atque robustus in periculis semper existens, regem intrepidus ab eodem loco suscipiens ad metatum suum deduxit. Indeque secum ad urbem Remensem perduxit, & per septem fere menses eum prosecutus atque comitatus est, donec illi comites suos, eundemque regno restituit.

*De Erlebaldi Comitis excommunicatione vel
absolutione. Cap. XVI.*

EXcommunicauerat hic præsul Erlebal dum Comitem Castricensis pagi, propter Remēsis Episcopij terram quam peruasit, ibique munitionem quandam
super

super Mosam construxerat: indeque frequentia Ecclesiastica familia mala ingerebat. Insuper & castrum Altmontem furtim irruperat. Sed cum nec ita cessaret à malis quæ cœperat, pergit Archiepiscopus cum suis ad capiendam munitionem, quam ille construxerat, Maccariaeque nominabat. quàm per quatuor pœnæ hebdomadas obsidens deferente tandem Erlebaldo cepit, & dispositis inibi custodiis Remis rediit. At Erlebalduſ profectus ad regem, qui tunc morabatur in pago Vvarniacensi contra Henricum principem Transrhenensem; ibidem ab hostibus regis sibi superuenientibus interemptus est. Quem tamen postmodum in synodo, quam apud Troſlegium idem dominus Archiepiscopus cum Dicecesaneis suis habuit, intercede rege & obnixè flagitante à vinculo excommunicationis absoluit.

De obitu Herinei præſulis. Cap. XVII. A

EX crescente denique discordia inter Regem Carolum & Robertum, cum pæne cuncti regni procures ad consti-

tuendum regem Robertum apud S. Remigium congregati essent, idem Archiepiscopus languore depressus vita decessit, tertia die scilicet postquam Robertus rex factus fuerat, quarto verò die antequam vicesimum secundum sui Episcopatus expleret annum. Contigit autem vt ipsa die sui decessus plures qui aduenerant Episcopi, Remensē ingrederētur urbem, quique funus ipsius dignis exequiis celebrantes, cum maximo suorum, sed & exterorum luctu decenti tradidere sepultura.

De successione Seulfis Episcopi.

Cap. XVIII.

Successit huic præfati Seulfus, qui tunc urbis huius ministerioungebantur Archidiaconatus: vir tam Ecclesiasticis, quàm secularibus disciplinis sufficienter instructus. quique apud Remigium Autisiodorensē magistrum in liberalibus studium dederat artibus. Quo per consensum & iussionem Roberti regis ab Abbate Sueslonico, ceterisque Remensis prouinciæ Præsulibus ordinato

Episcopo, delati sunt Odo frater quondam Heriuei Archiepiscopi, & Heriueus nepos ipsius apud eundem Præsulem, quod fidelitatem quam ei promiserant minimè seruarent. Qua de re quia noluerunt ad reddendam venire rationem coram eodem Pontifice, vel singulari certamine cum accusatoribus decernere, sublati sibi Ecclesiæ possessionibus, quas plures ex hoc retinebant Episcopo, per Heribertum Comitem deducti sunt ad Robertum regem, & sub custodia vsque ad mortem regis Roberti, Odo quidem penes eundem Heribertum, Heriueus verò Parisiis detenti sunt. Fertur autem tunc ab hoc Archiepiscopo, & à consiliariis suis, Heriberto Comiti depactum, de electione filij sui in hac sede pro prædictorum virorum expulsionem. Hic denique Præsul Legatos huius Ecclesiæ Romanam dirigens pro consensu Papæ Ioannis in ordinatione sua, pallium ab eodem sibi missum cum litteris priuilegij huius sedis suscepit.

*De Synodo quam habuit & ceteris actibus,
vel fine ipsius. Cap. XIX.*

Hic etiam Synodum habuit in villa Trosleio cum Episcopis Remensis Dioceseos, ubi affuere nonnulli quoque Comites. in qua & Isaac Comes ad satisfactionem venit pro his, quæ prauè perpetrauerat aduersus Ecclesiam Cameracensem, quoddam castellum Stephani præfulis eiusdem urbis dolosa comprehensum peruatione succendens. Pro quo facinore vadatus in hac synodo, centum libras argenti pacatur cum præfato Episcopo, satagente Heriberto & aliis qui aderant Franciæ Comitibus. Hic præsul monasterium sancti Remigij, cum adiacentibus Ecclesiis, vel domibus muro cingens, castellum ibidem instituit, domum Episcopalem cameris reparans, picturis excoluit. Fecit & calicem aureum maiorem cum gemmis in honore Dei Genitricis pondo decem librarum. sed & alia quædam Ecclesiæ præparauit ornamenta. Ciborium quoque super altare sanctæ Mariæ argento aggressus est ope-

rire. quod opus morte præuentus explere
nequiuit. Fertur autem veneno-potatus
à domesticis vel familiaribus Heriberti
Comitis vitam finiuisse.

De electione Hugonis filij Heriberti.

Cap. XX.

NEc mora post obitum ipsius Heri-
bertus Comes Remis venit, aduo-
cās Abbonem Episcopum Sueffonicum,
& Bouonem Catalaunicum. Quibus si-
bi iunctis, tractans super electione recto-
ris huius Remensis Ecclesiæ, tam clericos
quàm laicos ad voluntatem suam inten-
dere fecit. Sequentes igitur eius consiliū,
ne fortè per extraneas personas Episco-
patus diuideretur, eligūt filium ipsius no-
mine Hugonem admodum paruulum,
qui nec adhuc quinquennij tempus ex-
plesse videbatur. Quo facto ad regem
properant, eius auctoritatis impetrandæ
gratia. Rodulfus igitur rex hac electione
comperta, præfatorum Episcoporum
consilio Remensem Episcopatum com-
mittit Heriberto, æquitatis censura di-

sponendum atque regendum ab ipso. Qui etiam legatos Ecclesiæ cum Abbone præfule Romam mittere satagit, huius electionis decretum secum ferentes, & assensum Papæ super ea petentes. Ioannes itaque Papa interueniente Abbone præfule petitioni eorum consensum præbens, Episcopium Remense Abboni Episcopo delegat, quæ sunt Episcopalis ministerij ab ipso in eodem Episcopio tractanda atque finienda decernens. Heribertus itaque Comes potestate potitus Remensis Episcopij, iniuste priuauit tam me, qui nõ interfueram præmissæ electioni suæ, quàm nonnullos alios & clericos & laicos beneficiis possessionum Ecclesiasticarum, quibus à præcedentibus Episcopis munerati videbamur obsecundationis gratia. quæ pro libitu suæ voluntatis quibus sibi placuit impertiuit. Nec longum postea tumultu infra claustrum canonicorum inter clericos exorto, superuenientibus quibusdam militib. cum armis, duo interempti sunt ibidem clerici, quorum alter Diaconus, alter habebatur subdiaconus.

*De infestatione Hungarorum, & discordia
inter Rodulfum regem, & Heribertum
Comitem. Cap. XXI.*

Hungaris Rhenum transgressis, & vi-
que in pagum Vonzinssem depopu-
lationibus incendiisq. bacchantibus, cor-
pus sancti Remigij, aliorum quoq. quo-
rundam sanctorum pignera Remis sunt
à suis locis delata. Sequenti denique an-
no simultas inter Rodulfum regem, &
Heribertum Comitē exoritur pro Lau-
dunensi Comitatu, quem Heribertus O-
doni filio suo dari petebat, concedente
illum rege Rotgario Rotgarij Comitiss
filio. Acies igneæ Remis in cœlo visæ
quadam Dominica die in Martio mense.
Cui signo pestis è vestigio successit, quasi
febris & tussis, quæ prosequente quoque
mortalitate per cunctas Germaniæ Gal-
liæque gentes defævit. Heribertus Co-
mes legatos suos trans Rhenum dirigit
ad Henricum: per quos ad ipsius euoca-
tus colloquium properat cum Hugone
Roberti filio, pactoque inter se fœdere,
muneribus Henricum honorant, & ho-

norantur ab ipso. Synodus sex Episcoporum Remensis Diœceseos apud Trosleiu habita Heriberti Comitis iussione conuocata, rege tamen Rodulfo contradicente patrata est. Post quã synodum Heribertus Carolum de custodia, in quã eum detinebat, eiecit, & ad sanctũ Quintinum deduxit. Indeque cum eodem Carolo Normannorum colloquium expe-
tiit. vbi se Vvillelmus, filius Rollonis principis Normannorum, Carolo commendauit, & amicitiam cum Heriberto firmavit. Deinde Remisueniens cum Carolo Heribertus Comes, litteras Romam Ioanni Papæ dirigit, significans ei de restitutione & honore Caroli, vt ille sibi etiam sub excommunicationis interminatione mandauerat, se pro viribus decertare. Reuersus autem missus, qui easdem pertulerat litteras, nunciat Ioannẽ Papam retrusum in custodia detineri à Vvidone regis Hugonis fratre. Heribertus Comes Lauduno potitus, exinde ad placitum Normannis obuiam proficiscitur, amicitiamque cum eis componit. filius tamen ipsius Odo, quem Rollo habebat obsidem, non illi redditur, donec

ECCLESIAE REM. LIB. IV. 357
se committit Carolo pater, cum aliis quibusdam Franciæ Comitibus & Episcopis.

*De introductione Odalrici Aquensis Episcopi.
Remis, & redactione sub custodia
Caroli Regis. Cap. XXII.*

PER idem ferè tempus Odalricus Aquensis Episcopus, qui ob persecutionē Sarracenorum à sede sua recesserat, in Ecclesia Remensi recipitur ab Heriberto Comite, ad celebrandum Episcopale duntaxat ministerium vice Hugonis ipsius Comitis filij, tunc adhuc paruuli; concessa eidem Præsuli abbatia sancti Timothei, cum vnus tantum præbenda clerici. Hugo & Heribertus Comites ad colloquium proficiscuntur Henrici. Vnde reuersi pergunt obuiam Rodulfo regi. Rursusque Heribertus committi se illi, redacto iterum sub custodia Carolo. At Rodulfus rex Remis veniens, vbi Carolus custodiebatur, pacem fecit cum illo, humilians se ante ipsius præsentiam, & reddens illi Attiniacum fiscum. muneribus quoque quibusdam regiis eundem honorat. Heribertus Comes Victoriacū

castellum Bosonis fratris Rodulfi regis capit. Deinde cum Hugone Monasteriorum munitionem Erluini Comitis iuxta mare sitam obsidet, obsidibusq. tandem acceptis ab obsidione discedit.

*De similitudine inter Hugonem & Heribertum
Comites, ac Rodulfum regem exorta.
Cap. XXIII.*

NEclongum, similitudo inter eosdem Comites, Hugonem scilicet ac Heribertum exoritur, recepto Erluino ab Hugone cum terra sua, & Hilduino, nec non & Arnaldo, qui erant Hugonis, ab Heriberto. Indeque diuersi motus agitantur bellorum per Franciam inter Hugonem & Heribertum. Cuius rei gratia Rodulfus rex de Burgundia veniens, pacem inter eos atque Bosonem multo labore per diuersa placita componit, & Heribertus Bosoni Victoriacum reddit. Paucis autem diebus pace seruata, Heribertus Anselmum Bosonis subditum, qui prædictum custodiebat castrum, cum ipso castello recipit: & Codiciacum sancti Remigij municipium illi cum alia terra

concedit. Nec longum, Bosonis fideles oppidanorum proditione Victoriacum recipiunt; & Mosomum fraude peruadunt. At Heribertus à quibusdam Mosomensibus euocatus superuenit insperatus, transmissaque Mosa vadis inopinatis, & intrans oppidum porta latenter à ciuibus aperta, milites Bosonis, qui ad custodiam loci residebant, ibidem omnes capit. Eodem tempore ante Natalem Domini, Remis infra & circa Ecclesiam sanctæ Mariæ lumen magnum ab Aquilonari & Orientali parte paulò ante initium diei apparens, ad Australem partem pertransisse visum est. Anno post hunc Heribertus Comes à rege Rodulfo desciscit, & milites ipsius ab vrbe Remensi profecti quoddam Hugonis castrum super Vidulam situm, nomine Brainā, quod idem Hugo tulerat ab Episcopo Rotomagensi, capiunt ac dirimunt.

De ordinatione domni Artoldi Episcopi.

Cap. XXIV.

Rodulfus rex litteras Remis mittit ad Clerum & populum, pro electione

Præfulis celebranda, ad quas illi respondent, id agere se non posse saluo suo electo & electione quam fecerant permanente. Interea Heribertus Comes ad Henricum profectus, ei se se committit, & exercitus regis atque Hugonis Remensem & Laudunensem deprædantur pagū: obseſſaque ciuitate remorum tertia tandem rex potitur obſidionis hebdomada, aperientibus ſibi militibus Eccleſiæ. Coniunctis igitur ſibi nonnullis Episcopis ex Francia vel Burgundia, facit ordinari hac in ſede præſulem Artoldum quendā ex cœnobio ſancti Remigij monachum. Exinde rex pergens Laudunum, obſidet inibi Heribertum. qui aliquandiu reſiſtēs petit demum egrediendi locum. quo accepto, recedit à Lauduno dimiſſa vxore ſua in arce, quam conſtruxerat ipſe infra idem caſtrum, & ad quam poſtea capiendam maioris laboris & moræ opus regi fuit. Artoldus Episcopus poſt annum ordinationis ſuæ pallium ſuſcipit miſſum ſibi per legatos Eccleſiæ remenſis à Ioanne Papa, filio Mariæ, quæ & Marotia dicebatur, vel ab Alberico patricio fratre ipſius Papæ, qui eundem Ioannem fra-

trem suum in sua detinebat in sua detinebat potestate, & prædictam matrem ipsorum in custodia clausam tenebat: hugonem quoque regem Roma depulerat. Rodolpho rege præsidium heriberti, quod dicitur castellum Theoderici, obsidente, congregatis ad hanc obsidionem nonnullis Franciæ & Burgundiæ Præsulibus, ibidem celebrari visa est synodus, præsidere eidem Teutilone Turonensi Antistite, & Artoldo Remensi. Quique tunc Hildegarium Beluacensi vrbi ordinavit Episcopum. Eodem quoque anno Fulbertum Cameracensis vrbis præfulem consecrauit.

De signis Remis visis, & morbis inde secutis.

Cap. XXV.

SEquenti anno ignea Remis in cælo discurrere visæ sunt acies, & iacula quædam, sed & serpens igneus per cælum celeri deferri meatu. moxque subsequuta pestis diuersis affecit humana corpora morbis. Anno post istum secuto synodus septem Episcoporum apud sanctam Macram, Artoldo Episcopo vocante, conue-

nit : in qua prædones & Ecclesiasticarum rerum peruasores ad satisfactionē venire vocantur.

De receptione Ludouici post mortem Rodulfi regis. Cap. XXVI.

ANno deniq. subsequente, defuncto Rege Rodulfo, Hugo Comes trans mare mittit pro accersiendo Ludouico Caroli filio, quem rex Alstranus auunculus ipsius nutriebat. quique accepto iureiurando à Francorum Legatis, eum in Franciam dirigit. Cui Hugo, cæterique Francorum procures ad eum suscipiendum profecti, mox nauem egresso in ipsis littoreis à renis apud Bononiā se se committunt, vt erat vtrunque depactum. Inde Laudunū deductus ab ipsis regali benedictione ditatur, vngitur, atque coronatur ab Artoldo Archiepiscopo, presentibus regni principibus, & Episcopis amplius viginti. Episcopatus etiam Laudunensis datur Rodulfo eiusdem loci presbytero cōcorditer à ciuib. suis electo, quē præfatus quoq. ordinauit Archiepisc. Sed & per alias Remensis Diœceseos sedes,

excepta Catalaunensi & Ambianensi, di-
 uersos ordinauit Episcopos. Heriberto
 denuo cum hugone pacato, homines
 eiusdem Heriberti Comitis quoddam ca-
 strum Remensis Ecclesiae, quod voca-
 batur Causostis, super Matronam fluuiū
 ab Artoldo Praefule constructum, pro-
 dente quodam Vvicperto capiunt, &
 Ragembertum Artoldi praefulis conso-
 brinum, qui eidem praerat munitioni,
 comprehendunt, circumpositasque vil-
 las Ecclesiae crebris deprædantur infesta-
 tionibus. Interea rex Ludouicus accersi-
 tus ab Artoldo Episcopo Laudunum ve-
 nit, & arcem nouam inibi nuper ab Heri-
 berto editam vallat obsidione, multisque
 tentato machinis muro, tandemque
 suffossione diruto magno capit irruptum
 labore. Corbanacum quoque castrum,
 quod pater eius sancto Remigio tradide-
 rat, quodque sibi monachi ipsius mona-
 sterij commiserant, ab Heriberti subie-
 ctis bellando recepit, & homines Heri-
 berti quierant in eo comprehensos, ro-
 gante Artoldo praefule, saluos abire per-
 misit.

De excommunicatione Heriberti Comitis.

Cap. XXVII.

ARtoldus denique Episcopus cum quibusdam aliis Episcopis collocutus, Heribertum qui oppida quædam villasque Remensis Ecclesiæ peruaferat ac detinebat, in præsentia quoque regis excommunicat. Post hæc rex Ludouicus dedit Artoldo Episcopo, ac per eum Ecclesiæ Remensi, per præceptionis regię paginam Remensis vrbis monetam iure perpetuo possidendam. Sed & omnem Comitatum Remensem eidem contulit Ecclesiæ. Artoldus Episcopus Caustem munitiorem obsidet. quam quinto tandem die Ludouico rege illuc veniente hi qui erant intus reddentes deserunt. Nec longum, subuersa funditus ab his qui recepere dissipatur. Missi hugonis ad regem veniunt, & de pace cum eis rex inter Artoldum præfulem & Heribertum laborare studet. Deinde ad castrum quoddam quod Heriueus nepos Heriuei quondam Archiepiscopi super fluuium Matronam tenebat, vnde & villis Episcopi Remensis circumquaq.

circumquaque positas deprædabatur, proficiscitur cum Artoldo episcopo. nec mora obsidibus acceptis ab ipso Heriuo reuertitur Remis. pergensque in crastinum ad sanctum Remigium, se se ipsius sancti cōmittit intercessionibus, promittens vadibus libram argenti se daturum annis singulis. Monachis quoque eiusdem loci præceptum de eodem castello dedit immunitatis.

De expulsionē domni Artaldi ab Vrbe Remensi. Cap. XXVIII.

HVgo princeps filius Rotberti, iunctis sibi quibusdam Episcopis tam Franciæ quàm Burgundiæ, cum Heriberto Comite, & Vvillelmo Normannorum principe remensem obsidet urbem, sex-taque obsidionis die deferente omni pæne militari manu Artoldum Episcopum, & ad Heribertum transeunte, idem Comes Heribertus urbem ingreditur. Artoldus præsul ad sanctum Remigiū euocatione procerum & Episcoporum profectus, persuasus est vel cōterritus à principibus, Episcopij se procuratione vel po-

testate abdicare. concessaque sibi abbatia sancti Basoli, & Auennaco monasterio, ad sanctum Basolum commoraturus abcessit, post annos octo & menses septem in Episcopatu exactos. Hugo & Heribertus locuti cum quibusdam Lothariensibus, ad obsidionem Lauduni cum Vvillielmo proficiscuntur, relicto remis Hugone diacono Heriberti filio, iam pridem ad Episcopatum ipsius urbis euocato. quique tertio postquam regressus est mense presbyter à Vvicone Sueffonico præfule ordinatus est, expletis postquam fuerat electus annis quindecim, quos Antistiodori commorans egerat litterarum studiis occupatus apud Vviconem ipsius urbis Antistitem, à quo & Diaconus ordinatus fuerat. Nam cæteros inferiores gradus ab Abbone Sueffonico præfule remis acceperat. Ludouico rege post hæc à Burgundia regresso, Artoldus Episcopus deferens cœnobium sancti Basoli ad eundem regem proficiscitur cum quibusdam propinquis suis, à quibus Ecclesiæ beneficia quæ tenebant Heribertus Comes abstulerat. Mihi quoque Ecclesiam Culmisciavici abstulit cum terra bene-

ECCLESIAE REM. LIB. IV. 362
ficij, quam tunc temporis tenebam. Ego
denique disponens orationis gratia se-
pulcrum visere sancti Martini, retentus
sum ab ipso, clam me quibusdam perso-
nis insimulantib. apud eum, quod sui cau-
sa nocumenti, vel filij sui vellem profici-
sci. & quia renutabā me huic electo no-
stro cōmittere, nesciens vtrum Deo pla-
ceret eum præsulem nostrum fore. Sicq.
plenis quinque mensibus apud fratres
nostros ipso Comite iubente sub custo-
dia partim libera sum detentus. Contigit
autem mihi domina mea beata Dei geni-
trice intercedente, vt ipsa die conceptio-
nis & passionis Domini nostri Iesu Chri-
sti absoluerer à custodia, & die tertia sci-
licet vi. Kal Aprilis, qua Dominus à mor-
tuis resurrexit, egressus ipse cum præfato
electo nostro ad urbem Sueffonicā pro-
fectus sum. Vbi conuenientes Episc. hu-
ius Diœceseos cum principibus Hugone
ac Heriberto, tractarunt quid eis esset a-
gendum super Episcopali huius Hugonis
ordinatione. sicque decreuerunt petenti-
bus quibusdam filiis Ecclesiæ Remensis
tam clericis quàm laicis, eum ordinan-
dum: afferentibus fautoribus ipsius, quod

Artoldus nequaquam electus , sed per violentiam fuerit intromissus , seseque Episcopali abdicauerit ditione. Ibi ergo Hugo princeps tunc me per manus accipiens huic hugoni nepoti suo ad beneficiendum commisit. Quique mihi Ecclesiam sanctæ Mariæ dedit in Colridosiam : terram quoque quam pater suus mihi abstulerat reddidit , & aliam in prædicta villa superadiexit.

De malis quæ deinceps consecuta sunt.

Cap. XXIX.

NEc mora , ciuitatem Remensem à præfato conuentu adeuntes Episcopi prætaxatū electum nostrū in Ecclesia sancti Remigij dignitate sublimant Archiepiscopali. Sub hisdem fere diebus monasterium sancti Theodorici nonnullis illustratur miraculis . de quibus iam quadam supra retulimus , vbi commemorationem eiusdem beati viri fecimus. Ab Ecclesia verò S. Mariæ Remis crux maior, quam dominus Heriueus Archiepiscopus auro cooperuerat , & gemmis ornauerat , à furibus noctu tenebrarum

scilicet amatorib. aufertur. Qua diu qua-
 sita, tandem post annum pars auri gem-
 marumque ipsius multatis. reperitur la-
 tronibus. ex quo postmodum auro hic
 Præsul adiecta quadam sui quoque mu-
 neris quantitate, calicem sub honore Dei
 genitricis fabricari fecit. Hugone ac He-
 riberto Laudunum pariter obsidentibus,
 rex Ludouicus sumptis secū quos vnde-
 cumq. colligere potuit, in pagum Porcé-
 se venit. Quo audito Hugo & Heriber-
 tus, scilicet quòd rex eis appropinquaret,
 obsidione relicta properant contrà, & in-
 speratum regis inuadentes exercitum,
 nonnullos sternunt, reliquos in fugam
 vertunt. Rex ipse cum paucis eductus à
 suis, & eximere se bello coactus, vix eua-
 sit, Artoldo episcopo & Rotgario Co-
 mite comitantibus secum. Artoldus epi-
 scopus perditis rebus, quas ibi habuerat,
 ad Hugonem & Heribertum accessit ad-
 ductus ab amicis, redditisque sibi ab-
 batiis sancti Basoli & Auennaco cum vil-
 la Vindenissa, & pacta pace cum Hugone
 præfule, ad sanctum Basolum illic habita-
 turus deuenit. Sequenti anno proditores
 quidam Remis reperti & interfecti sunt.

quidam rebus ecclesię priuati ab vrbe depelluntur. Legati Remensis ecclesię roma regressi pallium deferunt Hugoni Archiepiscopo à Stephano Papa transmissum. Cum quibus pariter & legatio venit principibus regni, vt Ludouicum regem recipiant, & sic Legatos suos romam dirigant.

*De occupatione Altmontis castri, vel Mosomi,
& morte Heriberti. Cap. XXX.*

ANno quoque post istum Artolfus Episcopus relicto cœnobio sancti Basoli ad regem profectus est. At ille promittit ei se redditurum Remensem Episcopatum. Quique assumptis secum fratribus, & aliis quibusdam, qui abiecti fuerant ab Episcopatu Remensi, Altmontem castrum occupat. Cum quibus rex Ludouicus etiam Mosomum aggressus repellitur à fidelibus Hugonis Episcopi, quibusdam suorum interemptis: suburbanas tamen domos quasdam ipsius castri succendit. Interea defuncto Heriberto Comite, de recipiendis filiis ipsius à rege crebra inter ipsum regem & Hugonem

principem versabatur intentio. Quorum rex primum tunc Hugonem Archiepiscopum, mediatoribus Othone duce Lothariensium, & Adalberone Præsule, Hugone quoque præcipuè Duce insistentem recepit eotenore, ut abbatia, quas dimiserat ad regem profectus, Artoldo Episcopo restituerentur: aliud etiam Episcopium ipsi prouideretur: fratribus quoque & propinquis eius honores, quos ex Episcopatu Remensi habuerant, redderentur. Postea cæteri quoque filij Heriberti Comitis recipiuntur à rege. Hugo denique Præsul Amblicum castrum cepit atque combussit, quod Robertus & Rodulfus fratres, qui fuerant Remis expulsi, detinebant: unde & deprædationes per Episcopum Remensem faciebant. Item præfatus Archiepiscopus Altmontem munitionem obsidet, quam tenebat Dodo frater Artoldi Episcopi. tandemque accepto paruulo ipsius filio obside discedit, rege quoque mandante. Anno sequenti regij milites Episcopatum Remensem deprædantur, & filij Heriberti abbatiam sancti Crispini: Ragenoldus quoque Abbatiam sancti Medardi. sicque

alterutris debacchantur rapinis atque deprædationibus.

De obsidione Urbis Remensis ab exercitu Ludovici regis. Cap. XXXI.

ANno post hunc, qui est huius Præ-
 fulis quintus in Episcopatu, Rex
 Ludouicus collecto secum Normanno-
 rum exercitu Veromandensem pagum
 deprædatur. Assumptoque cum ipsis Er-
 luino cum parte militum Arnulfi, sed &
 Artoldo Episcopo cum his qui dudum
 Remis eiekti fuerant, Comite quoque
 Bernardo, ac Theoderico nepote ipsius,
 Remorum vallat urbem. vastantur cir-
 cumquaque segetes, villæq. diripiuntur,
 & partim exuruntur, nec non Ecclesiæ
 plures effringuntur. Quotiens pugnatū
 ad portas vel circa murum, vulnerati ex
 utraque parte non pauci, quidam etiam
 interempti sunt. Hugo deniq. Dux præ-
 liatus cum Normannis, qui fines suos
 ingressi fuerant, eos non modica cade
 fudit, & è terminis suis eiecit. Post hæc
 Remos ad regem mittit, dans obsides
 ut Ragenoldus ex parte regis ad collo-

quium sibi occurrat. Quo abeunte, tractat cum eo, uti rex obsides ab Hugone Archiepiscopo accipiat, & ab obsidione Remensi discedat: quatinus idem Præsul denominato placito ad reddendam rationem de omnibus, quæ rex ab eo quæsierit, accedat. Quibus hoc sibi tenore datis, rex ab obsidione recedit, post quintam decimam qua ciuitas obsessa fuerat diem. Nec multò post idem rex à Normannis comprehensus est Rodomi detentus. Hugo Præsul Altmontem castrum obsidens, post septem ferme obsidionis hebdomadas recipit, reddente illud sibi Dodone domni Artoldi fratre, tali sub conditione, ut filium ipsius & filium fratris sui suscipiens idem Præsul, concederet eis terram patrum suorum.

*De restitutione regulæ in monasterio sancti
Remigij, & constitutione Abbatis
Hincmari. Cap. XX XII.*

ADuocans denique hic Pontifex Er-
camboldum monasterij sancti Bene-
dicti abbatem, regulam monasticam in
monasterio sancti Remigij restituere de-

certat, constituens ibi abbatem Hincmarum eiusdem loci monachū. regina Gerberga nuper ad Othonē regem fratrem suum legationem direxerat, auxilium deprecans ab eo contra Hugonem principem, cui Laudunum reddiderat ut reciperet Ludouicum regem, quem Hugo sub custodia receptum à Normannis retinuerat. Qui Otho maximum colligens ex omnibus regnis suis exercitum venit in Franciam, Conradum quoque secum habens Cisalpinæ Galliæ regem. Quibus rex Ludouicus obuiam profectus, satis amicabiliter & honorificè suscipitur ab eis. Sicque pariter Laudunum venientes, considerataque castri firmitate, deuerterunt ab eo, Remēsem aggredientes urbem, quam cingentes obsidione ingenti vallarunt exercitu.

*De repulsione Hugonis Episcopi.
Cap. XXXIII.*

VIdens autē Hugo Præsul obsidionē se tolerare non posse, neque tantę resistere multitudini, locutus est cum quibusdam principibus, qui videbantur esse

sibi amici, videlicet cū Arnulfo qui eius sororem, & Vddone qui amitam eius habebat vxorem, sed & cum Herimanno Vddonis fratre quæsiuit, ab eis, quid sibi foret agendū. Qui tale consiliū dederunt ei, vt egrederetur cum suis, & relinqueret urbem, quia id dispositum à regibus erat, vt omnimodis expelleretur, neque interuenire possent apud reges pro ipso quin ei eruerentur oculi, si urbem vi capi contigisset. Quo consilio percepto ac suis intimato, post tertiam obsidionis diē cum pæne cunctis qui secum tunc aderāt militibus egressus est. Sicque reges cum Episcopis & principibus ingredientiē urbem domnum Artoldum præfulem, qui dudum fuerat eiectus, iterum inthronizari fecerunt. Quem Robertus Treuerensis Archiepiscopus, & Fredericus Magontiacensis accipientes vtraque manu eidem sedi restituerunt. Deinde relinquentes Gerbergam reginam Remis, ipsi reges cum exercitibus suis terram Hugonis ingrediuntur, & grauibus atterunt deprædationibus. Terram quoque Normannorum peragrantes, loca quæque deuastant, & inde remeantes ad sua

quique regrediuntur. Anno sequenti rex
 Ludouicus Mosomum castrum, quod
 Hugo Remis eiectus retinebat, obsedit :
 sed nihil pro votis efficiens, recedentibus
 tandem post mensem Lothariensib. qui
 secum erant, ipse Remos reuertitur. Quo
 ad Othonem regem ad celebrandum Pas-
 cha profecto, Hugo princeps à quibusdā
 præsumptiosè persuasus Remensi cum
 Hugone Præsule quasi mox capturus ag-
 greditur urbem. frustratoque negotio
 resistentibus regis & Artoldi Episcopi mi-
 litibus, octauo postquam aduenerant die
 illusi recedunt. Defuncto Deroldo Am-
 bianensium præsule Tetbaldus quidam
 Ecclesiæ Sueffonicæ Archidiaconus or-
 dinatur ab Hugone Ambianis Episcopus.
 Conuentu placiti regum Ludouici & O-
 thonis super Charam fluuium congrega-
 to, res litis inter Artaldum & Hugonem
 Remensis Ecclesiæ præsules ab Episco-
 pis auditur. Et quia synodus tunc con-
 gregata non fuerat, altercatio determi-
 nati non potuit: Synodus autem circa
 medium mensis Nouembris habenda de-
 nunciatur. Interim verò sedes Remen-
 sis Altoldo cōceditur, Hugo Mosomi re-

morari permittitur. Heriueus nepos Heriuei Archiepiscopi habens munitionem quam ædificauerat citra Matronam fluuium, villas Remensis Episcopij circumquaque sitas deprædabatur, excommunicatus ab Artoldo præfule, pro rebus quas inuaserat Ecclesiæ. Contra cuius prædones egressi quadam die Ragenoldus Comes, & fratres Artaldi præfulis cum quibusdam militibus Ecclesiæ, ipsos grassatores in fugam vertunt. Quo audito Heriueus, armatis quos secum habebat militibus, egressus à sua munitione contra nostros ad pugnam venit, & congressus cum eis interemptus est cum suorum quibusdam, reliqui omnes in fugam sunt acti, vulneratis vtrimque nonnullis. corpus eiusdem Remos à victoribus perlatum est. Hugo Præsul assumens secum Theobaldum de Monte acuto, sororis suæ maritum, cum aliis quibusdam grassatoribus, in villas Remis continguas vindemiæ tempore venit. Qui omne pæne vinum abinde colligentes in diuersos pagos abducunt.

De Synodo Virduni habita.

Cap. XXXIV.

SYNODUS postea Virduni habetur, præfidente Rotberto Treuirensi præfule, cum Artoldo Remensi, Odalrico Aquensi, Adalberone Metensi, Gozolino Tullensi, Hildeboldo Transrhenensi, Israele Britone, præfente quoque Brunone abbate regis Othonis fratres. Agenoldo etiam, & Odilone abbatibus, cum aliis nonnullis. Ad quam Hugo euocatus, missis quoque duobus ad eum deducendum Episcopis, venire noluit. Vniuersa vero synodus Artoldo Remensi regendum decernit Episcopium. Indicitur itaque synodus quæ & conuenit in Ecclesiam sancti Petri in prospectum Mosomi, ex Diocesi Treuerensi atque Remensi. Veniens autem illuc Hugo Præfule, & locutus cū Rotberto Archiepiscopo, synodum noluit ingredi. Litteras vero quasdam ex nomine Agapiti Papæ misit ad Episcopos per clericum suum, qui eas Roma detulerat, nihil auctoritatis canonicæ continentes, sed hoc tantum præ-

cipientes, vt Hugo in Remense reddere-
 tur Episcopium. Quibus lectis responde-
 runt Episcopi, non esse dignum vel con-
 gruum, vt Apostolicæ legationis manda-
 tum, quod dudum Rotbertus Archiepi-
 scopus deferente Friderico Magontia-
 censi Præsule coram regibus & Episcopis
 susceperat, intermitterent propter has
 litteras, quas insidiator & æmulus Artol-
 di Præsulis exhibebat: immo quod regu-
 lariter cœperât canonicè pertractaretur.
 sicque præcipitur recitari capitulum xix.
 Carthaginensis Concilij de accusato &
 accusatore. Quo recitato, iudicatum est iu-
 xta definitionem huius capituli, vt Ar-
 toldo communionem & parochiam Re-
 mensensem retinente, Hugo qui ad duas iā
 synodos euocatus venire contempserat
 à communione & regimine Remensis
 Episcopij abstineret, donec ad vniuersa-
 lem synodum se se purgaturus occurre-
 ret. Ipsumque capitulum mox in charta
 describi fecerunt Episcopi coram se, sub-
 nectētes hanc etiam definitionem suam,
 & eidem Hugoni miserunt: qui post alte-
 ram diem eandē chartam Rotberto Pō-
 tifici remisit, hoc verbis remādans, quod

ipforum iudicio nequaquam obediturus
esset. Interea litteræ proclamationis Ar-
toldi præfulis ad Romanam diriguntur
sedem. Dominus igitur Agapitus Papa
Vicarium suum Marinum Episcopum
misit ad Othonem regem, propter euo-
candam & aggregandam generalem sy-
nodum. litteræ quoque ipsius Papæ mit-
tuntur ab vrbe quibusdam speciatim E-
piscopis, vocantes eos ad eandem syno-
dum. Congregata deniq. synodo in pa-
latio Engulenheim, recitata sunt quæ se-
quuntur coram regibus & Episcopis.

*De synodo apud Engulenheim congregata, &
excommunicatione Hugonis Episcopi. Se-
ries litis inter Artaldum & Hugonem E-
piscopos agitata. Cap. XXXV.*

SANCTÆ ROMANÆ & APOSTOLICÆ SEDIS VICA-
RIO DOMNO MARINO, VNIUERSÆQUE SANCTÆ SY-
NODO APUD ENGULENHEIM CONGREGATÆ, ARTOLDUS
DIUINA PROPITIANTE CLEMENTIA REMORUM EPISCO-
PUS. DOMNUS AGAPITUS PAPA LITTERAS NOBIS &
CÆTERIS COEPISCOPIS NOSTRÆ DIOCESEOS DIREXIT, IN
QUIBUS PRÆCEPIT, VT AD HOC VESTRÆ SANCTITATIS CŌ-
CILII CONUENIRE STUDEREMUS, ITA INSTRŪCTI DE
omnibus

omnibus, ut rei veritas miseriarum nostræ sedis quas patimur coram sanctitate vestra manifesta fieri posset. Quocirca propalare prudentiæ vestræ commodum duximus, qualiter res exordium ceperit litis huius, quæ adhuc inter me & Hugonem miserrimè ventilatur. Defuncto siquidem Heriuco Archiepiscopo, Seulfum, qui Archidiaconatus urbis nostræ tunc officio fungebatur, ad præsulatum eiusdem sedis elegimus. qui Pontifex ordinatus assumens zelum contra proximos prædecessoris sui, cum eos per semet à loco depellere non valeret, consilio inito cum quibusdam laicis scilicet consiliariis suis, amicitiam quæsiuit Heriberti Comitis, quam dato iure iurando per eosdem consiliarios obtinuit eo tenore, ut post obitum ipsius ad electionem Pontificis milites Ecclesiæ nullatenus aspirarent sine consilio ipsius Heriberti. Idem vero Comes fratrem Heriuco præsulis, & nepotes ipsius à participatione rerum Remensis Episcopij separaret. Quibus patratæ insimulati sunt iidem propinqui Heriuco præsulis à consiliariis Seulsi Episcopi de infidelitate ipsius senioris sui. accersitoq. Heriberto Comite cum pluribus suis iubentur ad rationem reddendam coram ipsis venire. Et quia contra eos à quibus accusati fuerant, singulari congregari certamine noluerunt, sublati ab eis

rebus, quas ex Episcopio possidebāt, comprehensi sunt atque deducti per Heribertum Comitem ad Robertum regem, a quo etiam sub custodia sunt detenti vsque ad mortem ipsius Roberti. Tertio demum sui Episcopatus anno Seulfus Episcopus, ut plures asserunt, ab Heriberti familiaribus veneno potatus defungitur. Mox itaque Comes Heribertus Urbem Remensem adiit, & Ecclesie milites, clericorum quoque quosdam de rectoris electione ad suum consilium, ceu iuratum fuerat, intendere fecit. Cum quibus ad Rodulfum regem pergens, in Burgundiam, obtinuit ab eo, ut sibi committeretur idem Episcopium eo tenore, ut tam clericis quam laicis debitum honorem concederet & conseruaret, nec iniustitiā alicui faceret: sed ipsum Episcopium æquo iure gubernaret, donec talem clericum eidem regi præstaret, qui ad Episcopale ministerium exequendum ritè ordinari valeret. Qui Comes ad eandem Urbem regressus, res Episcopij prout sibi placuit fautoribus suis diuisit, cæteris abstulit, & absque ullo iudicio vel lege quos voluit rebus expoliavit vel ab Urbe propulit. Odalricum denique Aquensem Episcopum in eadem Urbe suscipiens, Episcopale inibi ministerium celebrare precepit. Sicque per annos sex & eo amplius idem Episcopium suo dominio vendicauit pro

libitu proprio illud tractans, & in sede Praesulis
 residens tam ipse quam coniux sua, donec septimo
 tandem anno ortus inter ipsum & regem Ro-
 dulfum atque Hugonem Comitem quibusdam
 simultatibus, Rodulfus rex cum Hugone &
 Bosone fratre suo, ceterisque pluribus tam E-
 piscopis quam Comitibus Remorum obsidet Vr-
 bem, succensentibus sibi Episcopis, & conque-
 rentibus aduersus eum, quod tam diuturno tem-
 pore contra diuinæ legis auctoritates hanc Vr-
 bem permiserit vacare pastore. Quorum queri-
 monius permotus rex admonet clerum & po-
 pulum de pastoris electione, dans eis id agendi
 facultatem ad Dei honorem & sui fidelitatem.
 Sicq. concordantibus cunctis tam clericis quam
 laicis, qui extra obsidionem erant, plurib. etiam
 eorum qui clausi tenebantur in idipsum fauen-
 tibus, eligitur humilitatis nostræ persona in
 hoc magis onere quam honore subeundo. A-
 perientibus tandem tam militibus quam ciui-
 bus portas Urbis regi Rodulfo, & Episcopa-
 lem benedictionem mihi tradentibus Episcopis
 qui aderant decem & octo, & susipientibus
 nostram humilitatem tam clero vniuerso quam
 reliquis ciuib. inthronizatus ab Episcopis no-
 stræ Diœceseos, imposuit mihi, prout Deus
 concessit, ministerium per annos ferme nouem

tractari, ordinās per Dioecesim Episcopos octo,
 & in Episcopio multos, prout competens vi-
 debatur, clericos, quousq. nono postmodum an-
 no, postquam Ludovicum regem, fauente Hu-
 gone cunctisque regni principibus, Gerbergam
 quoque reginam benedixeram, & sacro perfu-
 deram chrismate, instigatus Hugo Comes ira-
 cundia, quod ei consentire vel coniungi nolue-
 rim ad ipsius regis infidelitatem, adhibitis se-
 cum Heriberto Comite, & Vvillelmo Normā-
 norum principe, Remensem obsidet urbem, nec
 longum sexta scilicet obsidionis die deseror ab
 omni pene cœtu laicalis militiæ. Sicque dereli-
 ctus ab his, ad Hugonem & Heribertū com-
 pellor exire. à quibus coarctatus & conterri-
 tus cogor memet Episcopali procuratione abdi-
 care. & ita me propellentes in cœnobio sancti
 Basoli habitare constituunt, Hugonem verò fi-
 lium Heriberti, qui Autisiodori diaconus or-
 dinatus fuerat, in urbem introducunt, & ciui-
 tate potentiuntur. Ludovicus autem rex à Burgun-
 dia rediens, me apud sanctum Basolum reperit,
 & assumens secum simulcum propinquis meis,
 quorum rec Heribertus Comes abstulerat, Lau-
 dunum deducit, quod castrum tunc obsidebant
 Heribertus & Hugo: solutaque obsidione op-
 pidum ingredimur, nobisque metatus degendi

disponitur. Interim clerici nostri loci, sed & laici quidam pessimè ab Heriberto tractantur, & quidam clericorum in custodiis retruduntur, res eorum auferuntur atque diripiuntur, rapinae per totam urbem licitè perpetrantur. Interea conuocantur Episcopi nostrae Dioeceseos ab Hugone & Heriberto, satagentibus & querentibus ab eis de ordinatione Hugonis filij Heriberti. qui Sueßionis congregati, mittunt ad me Laudunum Hildegarium Episcopum cum aliis quibusdam legatis, mandantes ut ad eos venirem ad consentiendum scilicet huius ordinationis peruersitati. Quibus remandavi, quòd non esset mihi competens ad eos illò proficisci, ubi aduersarij & inimici mei cū ipsis erāt aggregati. quod si loqui mecum vellent, ad talem locum deuenirent, ubi sine periculo ad eos accedere possem. Quibus aduenientibus in locum ab eisdem delectum profectus sum ad eos, veniensque prosternor coram ipsis, obsecrans ut propter amorem & honorem Dei tam mihi quam sibi competens consilium dare studerent. qui me de ordinatione predicti Hugonis interpellare coeperunt, & hoc omnimodis suadere, ut eis in hac ordinatione consensum præberem, promittentes res nonnullas Episcopij mihi se impetraturas. At ergo postquam responsum diu distu-

leram, videns eos cunctos in proposito quod ceperant perseuerantes, surgens interdixi palam cunctis audientibus, excommunicans auctoritate Dei Patris omnipotentis & Filij, & Spiritus sancti, vt nullus eorum ad eandem ordinationem accederet, nec alicui in Episcopali honore me viuente manus imponeret; sed nec vllus eandem benedictionem suscipere præsumeret. quod si forte fieret, ad sedem Apostolicam eos prouocabam. Illis inde furentibus, vt possem exire de medio eorum, & Laudunum reuerti, temperavi responsum, dicens vt mitterent mecum, qui eis renunciaret, quid consilij reperire valere super hac re in domina mea regina & fidelib. eius, quia rex non aderat. Ad hoc illi mittunt Devoldum Episcopum, putantes me esse mutatum consilium. Quo veniente, & coram domina regina & fidelibus eius inde me interpellante, iterum exurgens præfatæ modum excommunicationis in eosdem Episcopos iaculatus sum; vocationem quoque ad sedem Apostolicam iterare curavi; excommunicans ipsum hunc Devoldum, vt id eis omnino non taceret, sed cunctis manifestè proferret. His ita gestis, parui pendentes illi nostram excommunicationem, Remis accedunt, & quidam eorum ordinationi huic manus applicuerunt, quidam verò se subduxif-

se sciuntur. Ego vero cum rege manens, quas ille scitur angustias pertulisse, & secum pertuli. & quando eum bello aggressi sunt Hugo & Heribertus, cum ipso eram, & vix mortis evasi periculum. Prolapsus itaque auxilio & protectione Dei de medio inimicorum, profugus & vagabundus loca inuia quæque, sylvasque perlustro, non ausus certo consistere loco. Comites autem Hugo & Heribertus affati quosdam nostros amicos sibi subditos, suadent ut me requirentes ad ipsos deducant, pollicentes se mihi benefacturos, & rebus quas ipsi petissent ditaturos. Requirentes ergo me amici reperiunt per diversa vagantem, & ita perducor à fratrib. meis & amicis ad præfatos Comites. qui postquam me in potestate sua conspiciunt, querere coeperunt ut eis pallium à sede Romana mihi collatum traderem, & sacerdotali me ministerio penitus abiurarem. quod ego nullatenus me facturum, neque pro amore huius vitæ præsentis, attestor. Districtus igitur & coangustiatus ab eis, Episcopij tandem rebus abrenunciare compellor: sicque rursus ad sanctum Basolum, quasi vacans, habitaturus deducor. Mansi denique paucis diebus in ipso cœnobio, quoadusque comperiens per certos ex familiaribus Heriberti Comitris nuncios, quod ab

eo malè de mea tractabatur perditione. Iterum iterūque nunciis huiusmodi pauefactus & impulsus, locum deserui, & abdita lustra sylvarum vagabundus repetii. horisque silentibus & itinere deuio Laudunum reuertor, ibique susceptus à regè, secum manere constituor. Mansi verò ibidè cū ipso vel fidelibus eius, expectans & deprecās misericordiā Dei, donec ipse est dignatus in cor domni regis Othonis mittere, vt ad subuentionē senioris mei regis & nostrā properaret in Franciam. Deniq. postquā domina nostra regina Laudunum propter absolutionem domni regis reliquerat, egressus inde ad domnū regem Othonem cum seniore meo deueni rege, simulque Remos accessimus. Cingitur itaque Vrbs exercitibus, & Episcopi qui aderant me sedi nostræ restitui censent. Mādatur ergo Hugoni à domno rege Othone, vt egrediatur, & peruasam deserat urbem. At ille nutans aliquandiu & pro posse, vbi vidit ad resistendum penitus sufficere se nequaquam Valere, nec amicorum sibi præsidia subuenire, decernit exeundum, querens vt liber cum suis dimittatur abscedere. Permittitur itaque sanus exire cum omnibus qui secum voluerè comitari, & quacumque secum voluit ferre, nullo contradicente asportauit. Sicque cum regibus introgressus urbem, præcipior

loco nostro & honori restitui. Susceptus igitur à domnis Archiepiscopis Roberto Treuerensi, & Frederico Magonciacensi comitatibus ceteris & congratulantibus tam clericis Ecclesiae nostrae quam reliquis ciuibus ab ipsis restitutor cathedrae Episcopali. Hugo vero Remis egressus Mosomum castrum cum suis occupat, & muniens contra fideles regis senioris nostri detinet. Habito denique colloquij placito inter reges, seniore meum videlicet ac dominum Othonem super Charam fluuium, conuenimus ad illud tamen ego quam ipse Hugo cum ordinatoribus suis. Ibi-que res litis huius ab Episcopis auditur: protulit-que litteras ad sedem Romanam quasi ex persona nostra datas excusationis meae, ac si vacationem petentes administrationis Episcopii nostri: quas me unquam dictasse, neque subscribendo aliquatenus corroborasse protestatus sum atq. protestor. Et quia tunc synodus conuocata non fuerat, id opponentibus fautoribus ipsius Hugonis, altercatio nostra determinari non potuit. Synodus autem circa medium mensis Nouembris habenda Viriduni vtriusque partis Episcopis annuentibus denunciatur. interim vero sedes Remensis mihi regenda decernitur. idem vero Hugo Mosomi commorari permittitur. Nec longum, instante scilicet vindemiae tempore, hic

noster æmulus Hugo, assumens secum Theobal-
 dum regis inimicum & regni nostri cum aliis
 pluribus malefactoribus, in villas Remensis E-
 piscopiꝝ contiguas verbi deuenit, & omne pene
 vinum ex his colligens in diuersos pagos abduci
 fecit. Tum multa mala inibi perpetrata, & Ec-
 clesie nostræ homines captiui abducti, & ad re-
 demptionem variis sunt adacti tormentis. Sy-
 nodus autem denūciata Virduni celebratur, præ-
 sidente Rotberto Præsule Treuerensi præcepto
 domni Papæ Romani, præsentē quoque domino
 Brunone, cum Episcopis & Abbatib. nonnullis.
 Ad quam præfatus Hugo euocatus, missis etiam
 duobus ad eum deducendum Episcopis. Adalbe-
 rone & Gozolino, venire contempsit. Vni-
 uersa verò synodus mihi Remense regendum de-
 cernit Episcopium. Indiciturque iterum syno-
 dus habenda die Iduū mensis Ianuar. quæ &
 aggregatur, vt denūciatum fuerat, in Ecclesia
 sancti Petri ante prospectum castri Mosomi, à
 domino Rotberto, conuenientibus cæteris quoque
 Treuerensis Dioceseos Episcopis, & aliquibus
 Remensis. Veniens autem illuc æmulus noster
 Hugo, & locutus cum domino Rotberto synodum
 noluit ingredi: litteras verò quasi ex nomine
 domni Papæ direxit ad Episcopos per clericum
 suum, qui eas Roma detulisse ferebatur, nihil au-

Et oritatis canonicae continentes, sed hoc tantum
 precipientes, ut Hugoni Remense redderetur E-
 piscopium. quibus recitatis inuenientes Episcopi
 consilium cum Abbatibus. & cæteris qui aderant
 sapientibus, reponderunt non esse dignum vel
 congruum, ut mandatum legationis Apostoli-
 cæ, quam dudum Rotbertus Archiepiscopus, de-
 ferente Frederico Præsule Mogonciacensi, co-
 ram regibus & Episcopis tam Gallia quam
 Germania susceperat, & partem iam præceptio-
 nis ipsius exegerat, propter illas litteras intermit-
 teret, quas insidiator noster exhibebat. immo
 quod regulariter coeptum fuerat, ut canonicè
 pertractaretur, vnanimiter censent. Præcipi-
 turque recitari capitulum Carthaginensis Con-
 cily xix. De accusato & accusatore. Quo
 recitato, iudicatum est iuxta definitionem ip-
 sius capituli, ut communionem & parochiam
 Remensem in e retinente, Hugo qui ad duas idem
 synodos euocatus interesse contempserat, à com-
 munionem & regimine Remensis Episcopij absti-
 neret, donec ad vniuersalē synodum quæ indice-
 batur se se purgaturus vel rationem redditurus
 præsentaret. Ipsumque capitulum mox in charta
 Episcopi coram se describi fecerunt, subnecten-
 tes hanc etiam definitionem suam. Qui post alte-
 ram diem chartam eandem Rotberto præfuit

remisit, hoc Verbis remandans, quod ipsorum iudicio nequaquam obediturus existeret. Sicque absoluto consilio, ipse Mosomum contra mandata regum & Episcoporum retinet, & ego Remos regressus reclamationis meæ querelas ad sedem Romanam per legatos domni regis Othonis destinavi, præstolans mandata ipsius sedis, eius decretis & Vniuersalis huius sancti concilij vestri iudiciis parere paratus. Post quarum litterarum recitationem, & earum propter reges iuxta Theotiscam linguam interpretationem, ingressus quidam Sigebaldus, præmissi Hugonis clericus, attulit litteras quas Roma detulerat, quasque iam in alia synodo Mosomi propalauerat. Asserens easdem litteras Romæ sibi ab ipso qui aderat Marino vicario datas. Qui dominus Marinus proferens litteras quas idem Sigebaldus Romanæ detulerat, præcipit eas coram synodo recitari, in quarum recitatione repertum est, prout ipsæ litteræ fatebantur, quod Vvido Suefsonicus Episcopus, Hildegarius quoque Beluacensis, Rodulfus Laudunensis, cæterique cuncti Remensis Dioceseos Episcopi, easdem litteras ad sedem delegauerint Apostolicam, pro restauratione Hu-

gonis in sede Remēsi, & expulsiōe Artoldi. Post quarū lectiōē, exurgentes Artoldus praelul, & praelatus Praelul, qui in eisdem litteris nominabantur, Fulbertus quoq. Cameracensis Antistes, eas litteras refutarunt, adstruētes quòd eas antea nunquam viderint vel audierint, neq. in earū delegatione consensum praeluerint. Quibus dum idem clericus cōtraire non posset, licet in eos calumniis obstrepens, praelcepit domnus Marinus suggerens vniuersae synodo, vt sibi iudiciū rectū & consiliū proferrent super huiusmodi calumniatore, & calumniarum in Episcopos delatore. At illi, postquam delator publicè confutatus est falsa detulisse, lectis capitulis de huiuscemodi calumniatoribus, iudicant & vnanimiter censent eum quo fungebatur honore priuari debere, & secundum capitulorum tenorem in exilium retrudi. Diaconatus igitur quo fungebatur ministerio mulctatus, à conspectu synodi reprobatus abscessit. Artoldo verò praeluli, qui omnibus se synodis praelentem exhibuerat, non refugiens synodale iudiciū, Episcopium Remense iuxta canonum

instituta & sanctorum patrum decreta omnino retinendum atque disponendū decernunt, laudant, atque corroborant. Secunda confessionis die, post recitatas diuinæ auctoritatis lectiones, & Marini vicarij allocutionem, suggessit dominus Rotbertus Treuerensis Archiepiscopus, vt quoniam iuxta sacræ legis instituta restitutum atque restauratum fuerat Remensi Artoldo præfuli Episcopium in eiusdem sedis inuasorem synodale perageretur iudicium. Præcepit itaque Marinus Vicarius, vt canonicam super hac præsumptione synodus proferret sententiam. Iubentur ergo sanctæ legis catholica recitari capitula. Quibus recitatis secundum sacrorum instituta canonum, & sanctorum decreta patrum Sixti, Alexandri, Innocentij, Zozimi, Bonifacij, Cælestini, Leonis, Symmachi cæterorumque sanctorum Ecclesiæ Dei doctorum, excommunicauerunt, & ab Ecclesiæ Dei gremio repulerunt prædictum Hugonē Remensis Ecclesiæ peruasorem, donec ad pœnitentiam & dignam satisfactionē venire procuraret. Cæteris quoque diebus synodi tractata sunt quædam neces-

faria de incestis coniugiis, & Ecclesiis
 quæ presbyteris in partibus Germaniæ
 dabantur, immò vendebantur indebitè,
 & auferebantur illicitè: prohibitumque
 ac statutum, ne id omnino præsumere-
 tur ab aliquo. sed & de aliis Ecclesiæ Dei
 utilitatibus tractata sunt & definita non-
 nulla. Interea rex Ludouicus deprecatur
 regem Othonem, vt subsidium sibi ferat
 contra Hugonem, & ceteros inimicos
 suos. Qui petita concedens, iubet vt Cō-
 radus Dux cum exercitu Lothariensium
 in eius pergat auxilium: interim verò dū
 congregaretur exercitus, rex Ludouicus
 cum ipso duce maneat, & Episcopi scili-
 cet Artoldus & Rodulfus, qui erant cum
 rege, ne quid in via pateretur aduersi, de-
 gerent cum Lothariensibus Episcopis.
 Mansimus itaque cum Rotberto Treue-
 rensi, Rodulfus Laudunensis cum A-
 dalberone Metensi hebdomadas fere
 quatuor. Exercitu denique collecto, Lo-
 tharienses Episcopi Mosomum petunt,
 ipsumque obsidentes castrum atque op-
 pugnâtes, milites qui erant ibi cum Hu-
 gone ad deditionem compellunt, & ac-
 ceptis ab eis obsidibus pergunt obuiam

Ludouico regi & Conrado duci in partes
 Laudunensis pagi. Obsident igitur ibi
 Dux & exercitus quandam munitionem,
 quam ædificauerat & tenebat Theobal-
 dus in loco qui dicitur Mons acutus, qui
 & Laudunū contra regem retinebat. hoc
 etiam oppidū expugnantes, tandem non
 sine mora capiunt, indeq. Laudunum ad-
 eunt, & in Ecclesia S. Vincētij congregati
 Episcopi prædictum Tetbaldum excom-
 municant: Hugonem verò principem
 vocant litteris ex parte Marini legati A-
 postolicæ sedis & sua, venire ad emen-
 dationem pro malis quæ contra regem
 & Episcopos egerat. Vvido denique
 Sueflonicę vrbis Episcopus ad regē Lu-
 douicū veniens eidem se se cōmittit, pa-
 caturque cum Artaldo Archiepiscopo,
 satisfaciens illi pro ordinatione Hugonis.
 Conradus quoque Dux filiam Ludouici
 regis sacro de fonte suscepit. Sicque re-
 cepto Mosomo castro & euerso Lotha-
 rientes in sua reuertuntur.

*De obfessione vel incensione vrbis Sueffonica
ab Hugone Comite. Cap. XXXVI.*

Igitur Hugo nullā moram faciens collecta fuorum multa Normannorumq. manu, Sueffonicam aggreditur urbem, & obsidens oppugnat, ceditque nonnullos. Iniectis etiam ignib. domum matris Ecclesiæ succendit, simulque claustra canonicorum, & partem ciuitatis. nec tamen ipsam capere valens urbem reliquit, & ad quandam munionē, quam Ragenoldus Comes Ludouici super Axonam fluuiū in loco qui dicitur Ranciacus ædificabat, deuenit, ipsamq. adhuc imperfectā castris vallauit. Sed nec ipsam cepit, villas tamen Remēsis Ecclesiæ castris suis contiguas deuastauit. Plures quoq. colorū prædones ipsius interemerunt, violantes Ecclesias & in tantum debacchantes, vt in Culmisciaco vico tam infra quā circa Ecclesiam ferè quadringentos homines interfecerint, ipsumque templum rebus penitus exspoliarent. Multis ergo flagitiis tunc perpetratis, Hugo tandem cum suis regreditur grassatoribus. Itaque milites qui hætenus cum Hugone fue-

rant excommunicato, ad Artlodum præfulem reuertuntur. Qui nōnullos eorum redditis eis rebus quas habuerant recipit, quosdam verò reiicit. Post hæc Treueros proficiscitur ad synodū cum Episcopis Vvidone Sueffonico, Rodulfo Laudunensi, & Vvifredo Morinēsi. Quò peruenientes Marinum se se præstolantem reppererunt cum Rotberto Archiepiscopo. cæterorum vero Lothariensium vel Germanorum præfulem illic inuenire neminem. Confidentibus igitur illis, sciscitari cœpit Marinus vicarius, quid e-
gisset post præmissam synodū Hugo princeps erga ipsos, vel regem Ludovicum. At illi referunt supramemorata quæ ipsis & Ecclesiæ Suefforum intulerat mala. Requirit ergo de vocatione ipsius Principis Marinus, vtrum perlata ei fuissent litteræ vocationis, quas ei perferēdas delegauerat. Cui respondetur ab Artoldo Archiepiscopo, quòd quædā earum perlata sint, quædam verò perferri nequiverint, earum gerulo ab ipsius grassatoribus intercepto: vocatus tamen fuerit tam literis quàm quibusdam internunciis. Requiritur itaque si adsit aliquis ex parte ip-

fius legatus. Vbi cū nullus fuisset inuentus, decernitur expectandum, si fortè aduenturus esset in crastinum. Quod cū minimè contigisset, & omnes qui aderāt, tam clerici quàm illustres laici, eum excommunicandum esse acclamarent, definitur ab Episcopis hanc excommunicationem adhuc differendam vsq. ad diem synodi tertiam. Tractatur autem de Episcopis qui vocati fuerant & venire distulerant, vel his qui ordinationi Hugonis participes extiterant. Et Vvido quidem Episcopus Sueffonicus se culpabilem prostratus coram Marino Vicario & Artoldo Archiepiscopo confitetur. Intercedentibus autem pro eo apud Marinū Rotberto & Artoldo Archiepiscopis, absolui ab hac noxa meretur. Vvifredus Morinensis immunis ab eadem ordinatione reperitur. Adest Transmari Nouiomenfis Episcopi legatus quidam presbyter, astruēs eundem Præsulē ita graui languore detentum, vt ad eandem synodum venire non valuerit. idque nostrates qui aderant attestantur Episcopi.

De excommunicatione Hugonis Comitis.

Cap. XXXVII.

Tertia tandem die insistente præcipuè Luitdolfo legato & Capellano regis Othonis, quoniam idem rex id omnino fieri præcipiebat, excommunicatur Hugo Comes, inimicus Ludouici regis, pro supra memoratis malis ab ipso perpetratis, eo tamen modo donec resipiscat, & ad satisfactionem coram Marino Vicario vel Episcopis, quibus iniuriã fecit, deueniat. quod si facere contempserit, Romam pro sui absolutione proficiatur. Excommunicantur & duo Pseudoepiscopi ab Hugone damnato ordinati, Tetbaldus & Yuo; prior post expulsionem ipsius in Ambianensi vrbe, alter post damnationem eiusdem Hugonis in Siluanectensi ab ipso constituti. Excommunicatur etiam quidam clericus Laudunensis nomine Adelonus, quem accusauit Rodulfus Episcopus suus, eo quod Tetbaldum excommunicatum in Ecclesiã introduxerit. Vocatur Hildegarius Beluacensis Episcopus litte-

ris præfati Marini, vt veniat coram ipso, vel eat Romam rationē redditurus corā dōno Papa, pro illicita ordinatione prædictorū Pseudoepiscoporū, cui interfuerat. Vocatur & Heribertus, Heriberti comitis filius, ad satisfactionem venire pro malis quæ cōtra Episcopos agebat. His ita gestis, Episcopi reuertuntur in sua. Luitdulfus autem capellanus Othonis Marini Vicarium deducit ad regem suum in Saxoniam, vbi consecraturus erat Ecclesiam Vuldenſis monasterij. Post cuius consecrationem idem Marinus exacta hieme Romam reuertitur. Nascitur regi Ludouico filius, quem Præsul Artoldus de sacro fonte suscepit, patris ei nomen imponens.

De quibusdam Ecclesiis vel Monasteriis Urbis Remensis.

Cap. XXXVIII.

PLures deniq. apud nos quondam sanctorū fuere basilicæ, sed & monasteria infra vel circa Remensem hanc urbē, quæ modo non haberi probantur. Duo tamē adhuc supersunt infra urbē puella-

rum monasteria. quorum vnum, quod superius à situ scilicet loci nuncupatur, S. Baldericus presbyter cum sorore sua Boua, eiusdem cœnobij post modum abbatissa, in honore sanctæ Mariæ, vel sancti Petri construxisse traditur: qui regali genere exorti fuisse referuntur, patre scilicet Sigeberto rege, habentes neptem nomine Dodam castissimam puellam, quæ desponsata fuisse fertur cuidam magnati eiusdem regis Sigeberti: quamque præfata ipsius amita Boua instituens ad seruiendum Deo, seruandamque perpetuò virginitatem, ab amore terreni auertit sponsi. Qui cum sibi aduersaretur, spōsam nitens eandem corripere ascenso equo, dum id conatur quoquo modo adimplere, furente lapsus ab equo fractis ceruicibus traditur interisse. Beata denique Doda in castitatis proposito permanens amitæ suæ in eiusdem successit monasterij regimine. quæ præceptum quoque immunitatis, quod adhuc apud nos habetur, à principe Pippino eidem postmodum obtinuit fieri cœnobio. Quorum corpora in Ecclesia extra muros vrbis, vbi primum puellarum fuerat mona-

sterium, tumulata diu quieuerunt, donec postmodum reuelationibus quibusdam eleuata, & ad hanc nouam sunt Ecclesiam perlata, ibidemque venerabiliter collocata, continua honorificantur inibi Deo famulantium reuerentia puellarum.

De sancto Balderico Abbate.

Cap. XXXIX.

SANCTUS autem Baldericus post huius monasterij constructionē locum quærens, vbi suam quoque constitueret habitationem, in qua collectis secum viris religiosis religiosè conuersari, Deoque deuotè ac quietè seruire valeret, tandem reperit sibi placitum, quem dicunt Montem falconis locum. Qui locus tunc temporis inhabitabilis densis operiebatur syluis, quas ipse succidens proprio sibi labore condidit habitaculum. Fertur autem auem, quam nuncupamus falconem, præuiam & quasi præducem itineris, dum locum illum expeteret, habuisse: quæ loco eidem infederit, ac per triduum illo rediens in loco, vbi nunc

habetur altare in honore sancti Petri Apostoli, sine permutatione resederit. Vnde & cœnobium ab hoc euentu sic vocitatum plurimi asserūt. Vbi dum Deo deuotius seruire cœpisset, nonnulli Deū timentes res suas eidem contulere. sicq. collectis secum monachis cœnobium sub regulari constituit institutione, atque idē sub honore beati Germani ædificauit monasterium. Quibus patratis, ad sororē suam reuersus Remis, vltimum sui cursus ibidem clausit diem. vbi & sepultus tempore non modico requieuit.

De miraculis post obitum ipsius ostensis.

Cap. XL.

PROcessu denique temporis, diligentia clericorum prænotatum ipsius beati viri monasterium incolentium eius est illuc furtim corpus delatum, delusis fraude custodibus Remis ablatum. quos dū insequerentur quidam ciues Remenses, eo vsque sunt persecuti, donec eos visu quidem deprehenderent. Dumq. turbarentur horum aduentu sacri latores pigneris, inter vtrosque densa dirimens ne-

bula diuinitus creditur illata. qua sequē-
 tes obtenebrati, & errore in deuiarapti,
 vestigia præcedentium seruare nequie-
 runt. Euectores autem sacri corporis in
 nocte splendor supernè missus irradiauit,
 donec ad proximā cœnobio possessionē,
 quæ dicitur villa Spanulsi, infatigabiles
 peruenerunt. Vbi quia sancta deposuere
 membra, in honore ipsius postea constru-
 cta est Ecclesia. Quibus abinde cum sacro
 promouentibus pignere, vbi monasterio
 propinquare cœperūt, Ecclesiæ signa cœ-
 nobij sponte absque humano scilicet im-
 pulsu sonuisse feruntur. Quod audientes
 fratres obuiam sunt egressi, sicque diu
 desiderata suscipientes munera, dum in
 Ecclesiam sancti Germani ea conantur
 inferre, tanto persentiunt ante ipsius in-
 troitum basilicæ defixa pondere, vt hæc
 nequaquā potuerint vltterius emouere,
 cum per triduū id enitentes omni gestie-
 rint conamine perpetrare. Sic demū te-
 cto super cōdito defixa mēbra confesso-
 ris per trienniū illic ita mansisse tradun-
 tur. Quo temporis peractō spatio, ad Ec-
 clesiam sancti Laurentij, vbi viuens ipse
 sibi sepulcrum parauerat, celebrato per

triduum ieiunio venerabile corpus eius
 perlatum, & in suo reuerenter est deposti-
 tum sarcofago. ibiq. cōstat venerabili cul-
 tu seruatum, vsque ad tempora Caroli re-
 gis & Hincmari Archiepiscopi, quando
 Normanni hoc cœperunt regnum depopu-
 lare. Quorum terrore compulsi cano-
 nici eiusdem loci, corpus huius patroni
 sui de sepulcro leuatum super altare san-
 cti Laurentij posuerunt. Quod dum fie-
 ret, tres guttæ sanguinis de capite ipsius
 defluerunt ita recentes & calidæ, ac si de
 viuente profluerent corpore. Sicque de-
 latum est Virdunum. vnde relatum in Ec-
 clesia est sancti Germani locatum. In-
 terim dum suo abesset monasterio, Nor-
 manni ad id peruenerunt; sed Domino
 illud protegente nec Ecclesias incende-
 runt, nec homines nisi vnam duntaxat
 mulierem occiderunt. vt autem recesserunt,
 altaria muneribus suis cumulata di-
 miserunt. Altera vice dum Normanni ad
 eundem locum rursus accederent, qui-
 dam canonicus loci, nomine Ottradus,
 corpus sancti accipiens, reliquis fuga di-
 lapsis, ipse cum sacro corpore in quan-
 dam conscendit arborem. Quem insecuti

paganisq; ad ipsam peruenerunt arbo-
rem, & respicientes sursum neminem po-
tuerunt eandem conscendisse deprehen-
dere. Idem verò frater per nouem dies
inibi permanens, nihilque victus præter
vnam solummodo fumens glandem, ne-
que famem, neque sitim passus fuisse me-
moratur. Iterumq; tunc locus idem me-
ritis huius beati viri à cædibus & incen-
dio paganorum liberatus est. Postea con-
tingit, vt quidam prædones, regiæ maiesta-
tis infideles, ad eundem deuenirent lo-
cum, & non inuenientes ibi manum re-
pugnantem sibi, desolatum prædari ag-
gressi sunt locum. Quod dum perageret,
signa Ecclesiæ sancti Laurentij nemine
pulsante sonare cœperunt, & duo ce-
rei supero sunt igne diuinitus accensi,
Prædonibus verò timore perculsis, & au-
fugientibus, vnus eorum prolapsus ad
ipsam monasterij portam corruit, tamq;
ipso quàm superbo eius equo ruina con-
trito, vtres quoque, in quibus vinum fe-
rebat ablatum, disrupti sunt. Cæteri hoc
videntes, donis Ecclesiā munerauerunt,
metuque affecti recesserunt,

De villa Vvaslicia. Cap. XLI.

HVius venerabilis loci canonici famis quondā necessitate compulsi, sumptis à corpore venerandi patroni sui reliquiis, ad suam quandam villam supra ripam Rheni sitam, cognomento Vvasliciam, quam quidam eorum Abbas nomine Adelardus eidem contulerat cœnobio, profecti sunt. vbi dum pagenses alma venerantes pignera sua dona deferre cœpissent, Abbas quidā monasterij, quod vocatur Bunna, pergens ad Vvillebertum Coloniensem præfulem, cœpit hanc infamare deuotionem, nec re vera sancti alicuius pignera illuc esse adstruens delata. Timentes autem Canonici qui aduenerant, ne fortè constringerentur & discuterentur ab Episcopo, quoniam totum ipsius sancti corpus secum haberi ferebant; mox vt hæc audissent, sub duobus diebus ad suum per leucas ferè centum rediere monasterium, assumentesq. cum integritate beati viri membra, sub totidem diebus ad prænotatam remeant villam. Cui dum propinquare cœpissent, eis

adhuc ab ipsa villa spatio leucae ferè distantibus, Ecclesiae signa nullo impellente resonare coepere. At hi qui remanserāt in eodem loco clerici hoc audientes, & patronum suum aduenire intelligentes, obuam cum crucibus pergunt, & honore digno tutorem suum suscipiunt. Quibus missarum solemnia celebrātibus, tria inibi repentè mira contigerunt. Contractus vnus erectus, cœcus quidam illuminatus, & loquelam mutus adeptus est. Interum præfatus Abbas blasphemare Dei non cessabat miracula, quos poterat à visitatione sancti auertens. Quæ dum gereret, febre correptus ita grauiter est vexatus, vt nec manducare, nec bibere, nec incedere posset. Ardoribus autem languoris huiusce coactus, tandem peccatum suum recognouit, & sella se gestatoria vsque ad Rhenum, indeque nauigio ad prædictam villam, sicque ante corporis almi præsentiam perferri fecit: ibique culpam suam confessus absolui se petiit, & quantitatem ceræ sui corporis ponderi coæquans dedit, factisque votis annuatim soluendis per sex remoratus dies sanitatem integerrimam recipere meruit.

& sic pedibus suis ad sua sanus recessit. Demorantibus hîc præfatis per anni spatium cum Patrono suo clericis, nulla ut ferunt dies præteriit, quo non ibidem Dei miracula patrarentur. In ipsis autem vigiliis sancti Ioannis Baptistæ, confluentibus de Saxonia pluribus, & à lōginquis etiam regionibus, decem & octo insignia probantur ostensa. vixque aliquis ager accessit, qui non sospes, alacerque recesserit. ubi tanta rerum delata est copia, ut & ipsi clerici exinde viuerent, & cæteros qui remanserant in monasterio sustentarent, Ecclesiamque ipsius villæ amplificarent, vel decorarent. Postea contigit ut propter aquæ indigentiam foras extra monasterium suum idem sacrum corpus efferretur, & obuiam sancti Iouini pigneribus portaretur. Cuius dū fuisset in occursum perlatum, mox ut simul venerūt, obnubilato cœlo, cū magna siccitas existeret, copiosa pluuiarum vis effusa est: & dum humectarentur imbre omnium vestimenta, pallia duntaxat quæ supra Sanctorum præfatorum ferebantur corpora, penitus intacta manserunt à pluuiâ. Ibi quidam luscus lumen amissi

recepit oculi. Qui statim fugiens, nec Deū glorificans, vt erat iocularis, ingratus recessit. at vbi domum peruenit, lumen quod receperat iterum perdidit. Dum verò peruentum est ad monasterium cū vtriusque sancti corpore, ita sancti Balderici pignus est aggrauatum, vt nullatenus moueri posset, donec sancti Iouini vsque ad cœnobium præcedere membra fecissent. Cū autem dominus Dado Viridunensis Episcopus hanc à rege impetrasset abbatiam, & hæc mira cœpisset audire, constituit vt omnibus annis trium monasteriorum sacra pignera simul in quendam medium deferrentur locum, nomine Gaudiacū. De sede scilicet vrbs Viridunensis S. Vitonus & S. Agericus, sanctus verò Baldericus de monasterio suo, & sanctus Roduicus de Vasloyo. In quo conuentu innumera postmodum sunt patrata miracula: vt vix præterierit huiusmodi coitio, in qua non aliquis infirmorum fuerit sospitate reintegratus, maximè tamen illi, qui patrocinia beati Balderici sunt expetere visi. Quodam tali conuentu quidam locutus est mutus, quem Viridunenses arripientes secum

duceret cœperunt, asserentes quòd san-
ctorum virtus quos detulerant, hoc mi-
raculum perpetrasset. Sicque dum sepa-
rati quiq. referrentur ad sua, tanto sancti
Balderici pondere aggrauata sunt ossa,
vt penitus manere viderentur immobi-
lia. Ad quem miraculi stuporem recur-
rentibus multis, dum queruntur sui, cur
inibi vellet immorari, & quid ibidem di-
sponeret operari, accidit vt requireretur
ille qui locutus fuerat mutus. Tandem-
que reuocatus, vbi ad locum defixi per-
ductus est pigneris, mox absque difficul-
tate sublatum, & ad suum sacrum corpus
gratanter est cœnobium reportatum.
Præfatus præsul Dado, postquam hanc
sancti Balderici obtinuit abbatiam, res
quasdam trans Rhenum sitas ab Ade-
lardo Abbate ad idem dudum mona-
sterium datas, pro villa Gerlanimonte
super Mosellam coniacente mutauit. Ad
quam villam dum sancienti sibi cau-
sa proficisci fratres huius congregationis
præcepisset, illi assumentes secum patro-
ni sui, domni videlicet Balderici, mem-
bra profecti sunt exequi iussa. Qui dum
ad villam, quæ Dena dicitur, peruenis-
sent,

sent, tanto pondere sancta defixa sunt pignera, ut progredi nequaquam valerent ulterius ea ferentes, initoque consilio ut ad Ecclesiam deferrentur ipsius villæ sub honore S. Martini dicatam, perferendi recipiunt possibilitatem. Quò perlatis pigneribus, ut post orationem ab Ecclesia est delatum, iterum sancti aggrauatur corpusculum: mirantibusque cunctis, & quòd aliqua inibi Deus pro sancti sui glorificatione signa vellet ostendere quibusdam ferentibus, si qui adessent fortè debiles, est requisitum. Aduenientibus autem læsis aliquibus, atque delatis quibusdam, vir quidam claudus erigitur, & foemina quædā brachiis ab octo retro annis contracta resoluitur, duæque foeminae cœcæ sunt illuminatæ, & infans annorum septem mutus loqui cœpit. In quo loco crux ab ipsius villæ hominibus posita est, ubi postea duæ foeminae lumen oculorum receperunt, & candelæ diuinitus accensæ, multique diuersis sunt ab infirmitatibus liberati.

*De Ecclesia sancti Romani & miraculis
in Gerlanimonte. Cap. XLII.*

Ecclēsiā sancti Romani in præfata villa Gerlanimonte constructam dudum Milo præpositus Canonorum huius loci ab eis auferebat. quam dum Bosone Comite sibi eam reddente recepissent, & sancti Balderici membra illuc detulissent, audientes multi ad ipsius cœperunt cōfluere patrocinia. Inter quos duæ cœcæ nobiles fœminæ deductæ sunt, & quædam perlata paupercula omnibus fere membris contracta. Nocte verò vigiliarum sancti Romani, dum de more peruigiles in Ecclesia celebrarentur excubię, subitò tantum cœlitus est lumen effusum, vt omnia quæ fuerant accensa videretur luminaria superare. Altare tantum, supra quod sancti ossa erant deposita, densa tegi videbatur nebula, ipsumq. sacri pigneris quasi moueri cernebatur gestamē. Cū repente vna cœcarum primū, moxque altera se se videre proclamant. tum media iacens contracta, vbi cœpit clamare, auxiliumque Dei & sancti Bal-

derici deprecari, paulatim resolvitur primum brachiis, & inde poplitibus, donec erecta stetit in pedibus. quæ postmodum sana effecta clericorū stipe hucusque sustentatur. Igitur dum præfato morarentur in loco clerici cum pignere sacro, contigit quadam vespera cum simul residerent, ut cuiusdam Milonis amici homo, ebrietate atque furore succensus, cœpisset ad eos dicere, quid ibi facerent, & quare in villam Milonis ingressi fuissent? Quibus respondentibus, quòd sancti Balderici non Milonis eadem res essent, illo quoque contradicente, quòd non Balderici, sed Milonis haberentur: cōminantibus eum clericis recessit, & in eminentem villæ contiguam rupem conscendēs se se in præceps dedit, sicque attritus iacuit, ut mortuus vel morti videretur proximus. Inde sublatus ante sancti corporis est præsentia deportatus, ibique tandem se culpabilē reddēs, insperatè sanatus, & integrè in brevi restitutus est sospitati. Item dum nuper ad præmemorata villam Vvasliciam huius sancti membra relata fuissent, quoniam Godefridus principis Henrici Comes palatij eandem

peruaserat villam, quidam clericorum sancti Balderici ad eundem Godefridum pro hac causa perrexerunt. Et cum nullā dignam potuissent apud eum percipere responsionem, nec magis se pro eis inde quā pro suo cane facturum respondisset, clericus quidam ex his intentando subiecit, quod calidum proinde sudorem sudaturus esset, nec canis suus adiuturus eum foret. Ille furibundus ad hæc eos à suo præcipite iici conspectu. Quibus recedentibus ipse mox diuina plectitur ultione. validaque correptus febre cœpit grauissimè vexari, nimisque accēdi ardoribus, atque feruentissimis effluere sudoribus. Mittens igitur ad Episcopum Colonensem Vuicfridum, hunc ad se venire petiit, eique rem retulit: atq. id ab eo consilij percepit, vt ad præfatos clericos mitteret, eosque ad se venire faciens, & errata corrigens, ab eis de sua infirmitate consilium & pariter auxilium quæreret. Quod ille obaudiens & ad eos mittens, ad se venire mandauit. At missus eius typo ceu videbatur inflatus superbiæ, cœpit vt ad suum dominum mox clerici pergerent, imperitando præcipere. Quibus

renuentibus, sed eum caritatē secum facere rogantibus, ille contempsit. eoque recedente in ipso egressu equus eius incitatus ab ipso profiliens ruit, & collo fracto interiit. Sic ille humiliatus ad fratres rediit, caritatem quam spreuerat egit, & ita correctus recessit. Hinc iterum, tertioque vocati, atque petiti, huius tandem viri compertis incommodis, ad eum tum veniunt. demum patientis compatiuntur cruciatibus, & confitentē peccatum suū emendationemq. promittentem precibus suis absolvere studēt. At ille statim se melius habere professus, vbi recessere fratres cōualuit, res quas inuaserat reddidit, ac deinceps ab earum se læsione cōtinuit. Verū tanta domus eius affecta clade fuisse perhibetur, vt vix aliqui remanserint, qui eisdem rebus vfi fuerant: ipsi etiam equi & canes interierunt, & ipse peruasor perditis cum cute capillis & ungulis vix euaserit.

De miraculo in Rheno flumine patrato.

Cap. XLIII.

TVnc ob infestationem Hungarorum, quæ primitus eo tempore in hoc emerferat regnum, consilio inito Canonici sancti Balderici Rhenum cum domino suo transmeant. inde quadam vespera remeantes in fluminis medio nauem iactis defigunt ancoris. Relictisque paucis in naui cum sacro pignere custodibus, ipsi ad prædictam scapha properant suæ possessionis villam. Tres vero quidam latrones, comperto quòd pauci resedissent in naui custodes, ibique thesauros vel ornamenta sancti remansisse rati, conscensatendunt illò cymba. Sed antequam pertingerent ad ipsam quam petebant nauē, cœcati diuinitùs, perdutoque sensu remigare non valentes, impetu fluminis ferri cœperunt. Sicque nauicula eorum naui, qua sancti corpus seruabatur, impacta cōtritaque mediis eos in fluctibus dereliquit. Quorum duobus fluuiò mox absorptis, tertius qui etiam famulus erat sancti Balderici, iacta manu nauem sancti arri-

puit, & taliter euadens mortem, clerico-
 rumque perductus in presentiam, nihil
 eorum quæ passus fuerat edicere valuit,
 donec in crastinum refocillatus, sensuque
 recepto tandem quæ gesta fuerant enar-
 rauit. Postquam verò à præfato loco hu-
 ius beati viri ad suum monasterium sunt
 ossa relata, multa inibi feruntur ostensa
 miracula, quæ præ multitudine non ha-
 bentur scripta. Illuc nuper quidam pau-
 per candelam deferens in circulo deuol-
 lutam, paulo ante horam vespertinam su-
 pra loculum sacrorum hanc posuit ossiū.
 Qui dum data oratione recederet, subito
 candela supero accēsa igne cœpit ardere.
 Quæ donec custos Ecclesiæ ad vesperti-
 nalia pulsanda venit signa, pallio cui su-
 periecta iacebat illaeso deflagrauit, nec vl-
 lam pallio læsionem, cui adhærebat, ag-
 gessit. Multa præterea sanitatum, clarifi-
 cationumque ibidem creberrimè ad de-
 claranda sancti sui merita Dominus ostē-
 dere dignatur miracula, ob honorem sci-
 licet ac laudem nominis sui, quod est be-
 nedictum in sæcula.

*De miraculis in monasterio sanctarum Bouæ
& Dodæ factis. Cap. XLIV.*

IN præmemorato denique puellarum monasterio, in quo præfatarum sanctarum Bouæ ac Dodæ translata præfati sumus corpora, nonnulla postmodum patrata probantur miracula, ubi frigiditici, atque diuersis ægritudinib. occupati venientes, optata merentur sospitate donari, maximè in die solennitatis earundem. In qua quædam nuper puella auditu frustrata, vi inualitudinis sensus huius obturatis meatibus, interuētu earundem sanctarum Christi spōsarum, perdita dudum munia recipere meruit auxilium.

De visione cuiusdam puellæ. Cap. XLV.

HAbetur in hoc monasterio quædam sanctimonialis virgo, neptis quondam Guntmari religiosi presbyteri, nomine Ricuidis, cui apparuerunt olim per visum beatus Petrus Apostolus & sanctus Remigius, significantes ei quòd iter Romæ eidem, dum reuerterentur ad ipsam,

præcepturi essent: asserueruntque se medio mense Septembri, scilicet Exaltationis sanctæ crucis die reuersuros. Qua expectatione suspensa nihil inde alicui, prohibita scilicet ab eis, ausa est intimare. Die verò qua prædixerant redituros iterum apparuerunt ei, iubentes vt accersiret fratrem suum Fredericum presbyterum, & exhortaretur eum sequi, prout magis potuisset, vestigia præmissi sacerdotis Guntmari, & ex ipsorum iussione prædictum iter iniungeret illi secum exequi, tali videlicet tenore, vt ab ea die nec ille, nec ipsa carnem comederent, aut vinum biberent, donec iter ipsum arriperent, nisi tantum vini, quantum emi potuisset ex pretio, quod super altare quoddam ab ipsis ei designatum repertura esset, ipsa duntaxat perciperet. Vt ergo inde magis crederetur, quasdam sorores, tres videlicet sanctimoniales huius monasterij, ad id inquirendum sibi testes ascisceret, denominatis scilicet personis quas aduocare debuisset. Sanctus autem Remigius hoc insuper addidit, vt diceret illa fratri suo, quatinus esset memor quòd illi quondam apparuerat, & ei locutus fuerat. Addens

etiā pro signo recognitionis, quod eum
 in palma de cultello visus fecerat percus-
 sisse. At illa mox ad præfatū fratrem suū
 mittens, mandauit ei vt ad se festinanter
 veniret. qui veniens sororem suam hora
 iam vespertina ieiunam adhuc, & de vi-
 sione valde stupefactam inuenit. Quæ ad-
 uocās denominatas sibi sanctimoniales,
 pariter ante denotatum altare septem
 psalmos pœnitentiales cantauerunt. ad-
 ditis insuper litaniarum precibus. acces-
 serunt ad altare, & exuenres operimentis
 reppererunt in cornu eiusdem altaris obo-
 lum paruum. quem assumentes cum gra-
 tiarum actione dederunt pro vino, quod
 tantummodo hæc sanctimonialis bibit,
 non deinceps amplius vinum sumptura,
 donec iter iniunctum tam ipsa quàm præ-
 dictus frater suus inirent. quod fideliter
 & fiducialiter arripientes prosperè Deo
 iuuante, & sancto Petro & sancto Remi-
 gio suffragantibus, vt ipsis promiserant,
 peregerunt, ac deinceps à carnibus illa
 præter Dominicā abstinet, ac tribus dieb.
 in hebdomada, vsque dum signum sonet
 ad secundam, nihil operis agit, orationi-
 bus & psalmodiæ vacans. quod sibi vsque

ad septem annos commemorat adimplere præceptum. Fratri verò suo præmemorato hoc à supra dictis per ipsam mandatum est, vt quatuor diebus in hebdomada à carnibus, omni verò sexta feria à vino semper, dum ad vixerit, debeat abstinere. quod & obseruare visi sunt.

De altero Remis puellarum monasterio.

Cap. XLVI.

ALterum denique puellare monasterium Remis habetur situm ad portam, quæ olim Collaticia, scilicet à conferendis mercibus, nunc Basilicaris vocatur, eo quòd circa se basilicis dudum præ ceteris portis abundasse feratur, seu quòd euntibus ad basilicas in vico sancti Remigij consistentes peruia fuerit. Supra quam domno Rigoberto habitaculum fuisse commemorauimus. Quod monasterium domnus Guntbertus vir illustris in honore sancti Petri construxisse traditur: quod regale vel fiscale vocatur, eo quod in regali potestate vsque ad moderna tempora fuerit habitum. Quod monasterium Ludouicus imperator Alpaidi filix

suæ vxori Begonis Comitis dono dedit, eidemque sacro loco immunitatis præceptū delegauit, vt & pater ipsius Carolus imperator egerat olim. Quod cœnobium postea per precariam ipsius Alpaidis, vel filiorum eius Letardi & Ebrardi, ad partem & possessionem Remensis deuenit Ecclesiæ. Hic haberi asseritur dens sancti Andreæ Apostoli, cuius beneficia multi, qui eum osculari promerentur, frequenter experiuntur infirmi. Vidimus hic, in Ecclesia scilicet huius cœnobij, cereum igne cœlesti ter quoque accensum. quem cereum collata cera fecerant quidam ciues Remenses, qui ad visitanda nuper Apostolorum limina profecti fuerant. Vidimus in hoc quoque monasterio puellam quandam sudasse sanguinē. quæ tunc hebdomada plena iacuit immota quasi mortua, & visiones ei sunt ostensæ nonnullæ.

De domno Guntberto, & ipsius vxore Berta.
Cap. XLVII.

PRæmissus itaq. domnus Guntbertus huius instructor cœnobij, relicta con-

iuge, maritima petens loca, illic etiā monasterium quoddam condidisse fertur. Vbi & à Barbaris decollatus fuisse traditur. Relicta verò ipsius domna Berta cœnobium puellare apud Auennacū, Domino sibi locū per Angelū demonstrāte, cōstruxit. Et dum inibi aquam non haberet, impetrauit à possessorib. proximæ sylvæ argentilibra data fontem quendam, duobus ferè milibus à suo monasterio distantem. Ex quo fonte mox riuus egressus secutus est eam ad cœnobium remeantem, qui adhuc largiter effluens pro eo quòd tantumdem fuerit emptus, libra vocitatur. Priuigni denique ipsius domnæ Bertæ insurgentes contra eam, illam interemerunt. qui statim traditi Satanæ in interitum carnis, ab humano sensu in beluinam feritatē mutati decessisse feruntur. Nepti verò domni Guntberti, nomine Monnæ, quæ sceleris huius consentanea fuerat, noctu vigilanti domna Berta fertur apparuisse, eique præcepisse, vt corpus domni Guntberti ad hunc locum referre satageret, ac iuxta suum funus collocaret; sicque illi peccatum consciae necis suæ Dominus indulgeret. Quæ signū

petens, quò sibi dimissum id esse sciret, audiuit quòd mox vt iussa compleisset ex eius ore vel naribus erumperet sanguis. Quod & impletũ est, dum corpus domni Guntberti iuxta pignus beatæ Bertæ reconditur. Huius domnæ Beatæ corpus post centum circiter annos iuuentum est integrum, & plagæ ipsius ita tunc recenti affluere sanguine, ac si eadem hora viuenti fuissent ingestæ. Ad horum denique sanctorum honorem & meritum demõstrandum multa postmodum Dominus dignatus est operari miracula, quæ causa negligentia non habentur adscripta. De quibuscumque autem tribulationibus ipsorum congregatio Domini misericordiam per eorum intercessionem expetiit, misericorditer impensam sibi consolationem percipere meruit. Quædam præterea mulier ab altari huius monasterij linteum nuper furata ferre secum voluit, sed egredi Ecclesiam nullomodo potuit, donec suum confessa reatum sublatum restituit altari velum. Hoc monasterium vel Abbatiam Dominus Fulco Præsul ab Odone rege concedi Ecclesiæ Remensi per paginam præceptionis ipsius regis obti-

nuit, & pro confirmando eo huic Ecclesie à Formoso Papa priuilegium Apostolicæ sedis impetrauit.

De duabus Ecclesiis sancti Hilarij Remis.

Cap. XLVIII.

SVnt hic Remis Ecclesia duæ in honore sancti Hilarij: vna infra ciuitatem, in qua nuper quædam puella contracta & paralytica diuina est erecta virtute. Altera quæ est antiquior Ecclesia ante portam Martis sita, quam sanctus rigobertus Pontifex antecessoribus nostris clericis ad sepulturam ipsorum dedit. Quæ dudum scilicet ante discessionem vel expulsionem domni Artaldi Episcopi crebris illustrabatur miraculis. vnde & tunc ab eo ciuibus quoq. suffragia ferentibus tectis ac nouis est reparata laquearibus. Nam quidam cæcus, nomine Paulus, admonitus in somnis, vt ad eandem pergeret Ecclesiam lumen ibi recepturus aduenit, & recuperato lumine, nec mora videns abcessit. Quidam ex Episcopi famulis cum ad ipsam pergeret Ecclesiam, piscatorem cum piscibus ante fores Ecclesie

obuium habuit: quos apprehendens velut empturus abstulit. At pauper ille piscator, vt inde sibi cum sancto Hilario conueniret, deuotionum clamores lugubri mente in eum ingessit. At ille despiciens huiuscemodi voces, Ecclesiam quasi missam auditurus intrauit. Vbi dū staret, subito corruit, grauiusque vexatus eiicitur. De quauexatione non paruo tempore laborauit. In huius Ecclesiæ cœmeterio quidam Scotigena Dei seruus olim sepultus est. sed cum iam à nostris & nomen & memoria ipsius sepulturæ videretur abolita, apertis se se cœpit manifestare visibus. Nam dum quidam ciuium non de inferioribus, sed pauper rebus olim nostris diebus obisset, amici eius ad Hildegarium huius Ecclesiæ presbyterum accedentes, petunt ab eo, vt locum sibi sepulturæ impertiret, vbi sarcophagum reperirent, in quo corpus ipsius recondere possent, quia de rebus ipsius vnde emerent non habebant. Qui dum eis petita concessisset, sepulturam serui Dei aperuerunt: sed ipsum eius sarcophagum aperire nequiverunt. quo audito presbyter accessit, & opertorium

sarcophagi

sarcophagi leuare tentans aliquantulum
 aperuit sepulcrum. De quo mox fragran-
 tia tantæ suauitatis emanauit, vt nunquã
 se delectabiliorem testatus sit hausisse o-
 dorem. Introspeciensque videt corpus in-
 tegrum sacerdotilibus infulis redimitũ:
 recomponensque sepulcri pallam, non
 ausus est hanc amplius violare sepulturã,
 permisit tamen vt idem corpus depositis
 quibusdam superponeretur tabulis. Ipsa
 nocte visus est ei auunculus suus presby-
 ter in somnis, qui iam dudum decesse-
 rat, asserens quod valde offendisset Deũ
 præterita die, maximè si sepulcrum san-
 cti violare præsumpisset. Idem quoque
 beatus vir cuidam sub ipsis diebus appa-
 ruit, & quia valde grauaretur præ ponde-
 re & indignitate superiecti sibi cadaueris
 intimauit, & vt indicaret presbytero ius-
 sit, quia nisi citò corpus id fœtidum à se-
 pultura sua repelleret, diuina quantocius
 ultione plectendus esset. His presbyter
 admonitionibus pauefactus, cadauer
 quod sepulturæ sancti superpositum fue-
 rat, eiici fecit cum festinatione, & aperta
 alibi sepultura recondidit. Visus est idem
 sanctus Domini postea cuidam rustico,

præcipiens ei ut iret ad Episcopum Ar-
toldum, & indicaret ei ex verbis eius, ut
corpus ipsius quod extra iacebat, intra
Ecclesiam transferret. quod idem rusti-
cus intimare timens, neglexit mādaturum.
Nec longè pōst iterum apparens euigi-
lanti, duriter increpauit illum, quare præ-
ceptum neglexit, & corripuens alapa eius
percussit maxillam. Qui mox auditum
amisit ipsius auris in qua percussus est par-
te, capitisque dolore per dimidium fere
vexatus est annum. Deinde cuidam pres-
bytero in eadem Ecclesia sub præmis-
so sacerdote seruienti apparens in visione
quadam Dominica nocte, admonuit
eum, ut Episcopo indicaret, quatinus
corpus ipsius in prædictam Ecclesiam
transferret: locum quoque ubi ponendū
foret ostendere non omisit, intimans ei
obitum & causam obitus vel aduentus
sui. significans se Scotigenam fuisse, Ro-
mam orationis gratia cum socijs petendi
itinere occupatum à latronibus super A-
xonam fluuium fuisse peremptum, inde-
que corpus suum à socijs huc delatum, i-
bique sepultum: propalans etiam nomen
suum, quod vocaretur Merolilanus, iu-

bens vt id nomen, ne fortè memoria delaberetur, adscribere curaret, inclinansq. se, partemque cretæ quæ fortuitu iacebat apprehendens dedit ei, præcipiens vt illud continuo adnotaret in arca quæ lecto ipsius adhærebāt. Quam ille cretam visus est accepisse, nomēque descripsisse. In quo dum pro L, litera R, scriberet, corrigere hoc eum monuit, & ita in crastinū hoc nomen adscriptum inuentum est, vt testaretur idem presbyter, quòd vigilando per diem tam bene scribere nequiuisset. Quibus reuelationibus monitus Episcopus Ecclesiam quidem restaurari fecit, sed corpus sanctū non transtulit, nec diu postea. sic ei contigit, vt in eadem Ecclesia coram Hugone principe se abdicaret Episcopi gubernatione.

*De Ecclesiis in honore sancti Martini circum-
quaque per totum circiter Episcopium
constructis. Cap. XLIX.*

IN honore quoque beati Martini multæ circumquaque per totum circiter Episcopium habentur Ecclesiæ, diuinis miraculis illustratæ, ad quæ neminem cre-

dimus enarranda sufficere. In vico denique sancti Remigij constat Ecclesia huius beati confessoris, quæ clericorum olim fertur habuisse congregationem. de qua tale refertur apud nos miraculum. Quidam vir illustris cum duxisset vxorẽ, non longè post in expeditionem præcepto regis profectus, diuq. moratus, postquam domum redisset, significatum est illi, quod vxor eius adulterio fuisset corrupta. Quam vir vxorem diligens, tali examinatione probare voluit audita, vt super sacra Ecclesiarum, quæ in hoc vico habentur, vxor sibi iuraret altaria, quòd hoc crimine esset innoxia, sicque immunis sibi postmodum foret à noxa. quod illa non abnuens prompta suscepit, facturaque fidem dictis cum marito ad vicum peruenit, & dans super quarundam Ecclesiarum altaria iusiurandũ, tandem peruenit ad huius Ecclesiæ domum, accedens ad altare, dum falsa mente deierat improba, repentè vtero disrupto eius labuntur humo interanea, procidensque mortua ostendit quàm vera essent quæ de se marito fuerant intimata. Ille nutu Dei compunctus ad miraculum, vouisse

traditur se vlteriùs mulierem non habiturum; familiamque vxori delegatam eidem addicens Ecclesiæ, hanc eis dedit legem, vt capitis censum ibidem dependerent, nullique præter id obnoxij seruitio forent. Quæ familia hac sibi lege seruata ad duo millia vebamplius excreuisse reperitur capita, vt olim scilicet antequã vastaretur à barbaris, duodecim libras argenti partibus præstaret Ecclesiæ.

De miraculis sancti Martini Remis ostensis.
Cap. L.

Aliis etiam nonnullis beati patris huius vrbs nostra fertur insignita miraculis. Ex quibus ea quæ sanctus Gregorius Turonensis in suis miraculorum libris enarrat hic indere placuit, vt si qui hæc legētes ea fortè non legerint, hinc reperire possint. Refert enim, quòd transiente se quondã per pagum Remensem, retulerit ei quidam Remensis carcerem, in quo famulus ipsius hominis inter reliquos vinctus tenebatur, beati Martini virtute patefactum, vinctosque ab ergastulo absolutos liberos abscessisse. Erat

enim huiusmodi carcer, vt super struem
 tignorum axes validi superpositi pulpi-
 tarentur, ac desuper qui eundem oppri-
 merent insignes fuerant lapides colloca-
 ti: nihilominus & ostium carceris sera
 ferro munita, obducto claue pessulo ob-
 ferabatur. Sed virtus antistitis, vt ipse re-
 lator asseruit, lapides pulpitaque discussit,
 catenas confregit, trabem, quæ vinitorū
 coarctabat pedes, aperuit, nec referato o-
 stio homines per aëra subleuatos foras te-
 cto patente produxit, dicens: Ego sum
 Martinus, miles Christi, absolutor vester,
 abscedite cum pace, & abite securi. *Sed*
cum nos, inquit Gregorius, ad regē accedentes
huius virtutis miraculū diffamaremus, affirma-
uit rex quosdam ex his qui absoluti fuerant ad
se venisse, atque compositionem fisco debitam,
quam illi fretum vocant, à se fuisse regis in-
dultam. Refert etiam idem Gregorius se
 quodam hanc urbem petisse, & in sacra-
 rio huius Ecclesiæ Remensis Sigonis au-
 rem surdam referendarij Sigeberti regis,
 virtute beati Martini, cuius habebantur
 apud se pignera, dum colloquerentur se-
 cum subito patefactam atque sanatam fu-
 isse.

De sancta Macra virgine. Cap. LI.

Passa est in hoc Remensi pago beata Macra virgo sub Rictiouaro Praefecto. quæ post insuperabilem Christi confessionem grauissima tormenta perpeffa, post mammillarû abscissionem, & repentinam curationem per Angelicam in carcere visitationem, dum super prunas & testulas accensas nuda volutaretur, cum precibus & gratiarum actionibus immaculatum Deo reddens spiritum, ac triumphans aduersariû læta petiit cœlum. Corpus eius hæud procul à loco vbi passa est, tunc extitit tumulatum. Multa verò post annorum curricula cuidam bubulco per visionē locus, quo beatissima virgo condita fuerat, iuxta quandā in honore beati Martini constructam Ecclesiam reuelatus est. In quo visu admonetur, vt corpus sacratissimæ virginis intra præfatam Ecclesiam reconderetur honorificentius, quatinus incolis eiusdem loci prout decebat, innotesceret manifestius. Quod & mox à viris Deo amabilibus magno constat peractum decore. In qua donec venera-

bile corpus eius requieuit , insignia per ipsius intercessionem sunt patrata miracula. Ibi cæci visum, claudi gressum, surdi auditum, Domino eius obtentu largiente, promeruerunt. Procedenti verò tempore vir quidam strenuus sanctarum fundator & cultor ædium, nomine Danguis , eius ubi nunc veneratur fundauit templum. In quo illius sacratissima transfudit membra regnante magno Imperatore Carolo. ubi non minima quoque Domino præstante sæpe miracula peraguntur. Quam nuper Ecclesiam, tempore scilicet persecutionis Hungaricæ iidem barbari succendere cupientes , acervos quosdã frugum magnos qui parieti eiusdem adhæserant incendunt, exustisque segetibus, flamma licet Ecclesiæ tecta labente, eandem tamen accendere nequi-

De sanctis Rufino & Valerio martyribus

Cap. . LII.

Eodem tempore quo hæc sacra virgo passa est, lancinator eius Riciouarus per urbem Remorum transiens, & quos-

dam Christianos ad culturam Deorum compellēs, vt eos superare nequiuīt, trucidari præcepit. & egressus inde reperit duos quosdam viros Rufinum & Valeriũ fide Christi robustos, regalium tamen horreorum custodes. Quos comprehensos vbi comperit Christi dilectione & cõfessione firmissimos, plagis afflictos diuturna carceris maceravit retrusione: vbi Angelica visitatione ac consolatione releuati & confortati sunt. Sic inuicti tandem reperti capitalem subiere sententiã. Cumque non post longa temporis intervalla ad urbem Remorum sacratissima deducerētur eorum membra feretris imposita, in loco illo, vbi nunc tumulata ipsorum requiescunt ossa, ita tunc feruntur aggrauata, vt nequaquam loco moueri valerent: & ita Deo iubente factum esse probatur, vt vbi pauperibus eleemosynæ distribuerant largitatem, ibidem suorum corporum gratiã perciperent requietionem. Sed dum nuper gens barbara Normannorum sæuitura se Galliis infudisset, ob vitandam huius persecutionis procellam, eorum pignera ad urbem sunt Remensem delata, positaque in bea-

ti Petri Ecclesia, & per dies plurimos ibidem sub honore seruata. At cum iam demum à barbaris recedētibz in nos bachata diu tempestas defauisset, redissetq. tandem Deo iubente tranquillitas, presbyter qui sanctis deseruiebat, & ad propria iamdudum redire cupiebat accelerauit sanctorum martyrum glebas tollere, & ad dicatum sibi locum referre. Postque celebrata missarum solemnia leuantur à sacerdotibus sacrata Christo corpora, atque cum magna populorum referunt comitante caterua. Contigit autē diem illam, quę Dominica scilicet habebatur, ventorum flatu fuisse nimbosam, ita vt omnes candelę quę ad obsequium sanctorum ferebantur, vi turbinis extinguerentur. Cumque carpentes iter partē fluminis fuissent ingressi, cereus qui ante sanctorum pignera ferebatur extinctus, repentē cœlitus accensus omnibus mirū exhibuit spectaculum. sicque inter commixtos grandine nimbos, & ventorum flatus ad quatuor fere milia durauit ex miraculo flamma. Disposuit denique postea presbyter cereum ipsum in meliorem formam de eadem reficere cera. Cū-

que id à sacerdotibus sibi subiectis efficeretur, mirum dictu, inter manus eorum mollis cœpit crescere cera, & in magnam grandescere quantitatem.

De miraculis eorundem sanctorum.

Cap. LIII.

CUmque illi stupentes, admirantesque perstreperent, ingressus presbyter, & videns auctam sic fuisse ceram, credidit eos aliam ceram illi, quod non præceperat, adiecisse. Sed cognito tandem à sacerdotibus, quod acciderat, miraculo, Deo gratias egit, & ceram in Ecclesia ad memoriam tantæ rei reposuit. De qua cera Riculfo Sueffionum venerabilis Episcopus reliquias sibi deferri iussit. Sed & vicinarum Ecclesiarum religiosi presbyteri exinde ob deuotionem expetitas particulas in suis Ecclesiis venerabiliter condiderunt. Alia autem vice, cùm de Sueffione ciuitate, in qua ob similem persecutionem delati fuerant, ad locum proprium referrentur, claudus quidam cum cæteris, qui sanctorum corpora deuoto comitabantur obsequio, reptabundus

adnifu quo poterat incedebat. Non quidem hunc natura claudum produxerat, sed ex tēpore illi accesserat gressuum dolenda debilitas. Cumque ad villam, quæ Vafneia dicitur, venissent, mox nativæ re-
stituti restitutus, proiectis adminiculis suis cœpit vadere plantis, & Deum in sanctis suis mirabilem ore collaudare granti. Præterea in eos qui sacrum locum violare, & res sanctis martyribus delegatas peruadere nituntur, quam citò diuina ultio exeratur, vno exemplo sufficiat demonstrare. Tempore quo inter reges Odonem & Carolum graues agebantur Francorum in regno discordiæ, per hanc occasionem licitò rapinæ & depredationes fiebant, confusum erat fasque nefasque: nusquam Dei aut humanarum timor legum, sed vi & potentia vniuersa constabant. Aliquando ad villam, quæ Basilica dicitur, prædones affuerunt, cœperuntque omnes pauperum substantiolas auferre. Tunc quadam muliercula cum suppellectili sua fugiens ad Ecclesiam sanctorum martyrum cursu rapidissimo tendebat. quam quidam ex his qui ad prædandum venerant ita vt sede-

bat equo velocissimè insequi cœpit, volens eam capere, & seria sua illi auferre. Sed cùm quidam de adstantibus diceret, Noli miser, noli illam in atrium sanctorum insequi martyrum, ne tibi mali aliquid contigat. Ille nihil veritus, admissio equo rapidissimè fugientem insequabatur mulierem. At vbi primis atrio pedibus equus institit, subitò cernuatus cecidit: fessor autem eius tam graui allisione vexatus est, vt à summo genu vsque pedem disrupta tibia caro velut ferro incisa dehisceret, osque ipsum carnis tegmine nudatū pareret. & qui superbus eques venerat, iam humiliatus, nec suis pedibus incedere valens, manibus alienis de atrio Ecclesiae proiectus est. Tunc equo & quæ habere potuit sanctis martyribus pro eo datis, morti quidam subtractus est, sed quod superuixit temporis inutilis & nulli operi aptus fuit, testimonium diuinæ virtutis in sua debilitate circumferens, & aliis quibusque salubrem timorem exemplo paratæ in se vltionis incutiens, ne talia agentes similia patiantur. Illud quoque notissimum, & omnibus habetur peruulgatū, ad sanctorum martyrum sepulcra oleum

aliquando creuisse. Si quidem presbyter
 vas quoddam fictile iuxta altare posuerat
 ad seruandum oleum, quod ibidem ad
 fomitem luminis ardere debebat. In quo
 vase parum quiddam olei remanserat,
 maiore eius parte in lychnorum lumi-
 ne consumpta, cū repente cœpit cre-
 scere, & nullo inspiciente in maius au-
 geri, donec os vasis crescens oleum ex-
 æquaret. quod cū per diēs aliquot fie-
 ret, nec iam intra vasis angustias se liquor
 diuinitus auctus caperet, ac guttatim in
 terram flueret, clericus Ecclesiæ ipsius
 custos hoc solus animaduertit, & subie-
 cto vase altero intra paucos dies ad vnum
 sextarium collegit, furtimque abscondit
 putans infelix diuinum miraculum cupi-
 ditatis suæ fore compendium, & vnde
 prouidebatur omnibus patrocinium, in-
 de clandestinum se posse credidit perfici-
 cere furtum. Sed Christus, qui sanctos
 suos mirificare apud omnes decreuerat,
 non diu permisit latere vel illius pudēdū
 facinus, vel quod ad suorū martyrum glo-
 riā contulerat munus. Nam quadam die
 domū, quæ Basilicæ adhæret, in qua etiā
 Sueffonicus Episcopus, cū illuc accedit,

manere consuevit, presbyter nescio quid
 causæ fuerit ingressus, vidit vas illud oleo
 superfluere, & miratus vnde illa esset olei
 copia, cùm illic perrarò huiusmodi inue-
 niri possit liquor, cœpit percunctari cle-
 ricum tanti criminis conscium, cuius
 esset oleum, aut quis illud ibi deposuisset.
 Sed cùm ille diceret, nescire se vnde es-
 set, pueri qui ad discendos psalmos ibidē
 residebant, & rem omnem nouerant, in-
 dicauerunt presbytero & factum mira-
 culum, & custodis furtum. Ille hoc audi-
 to, citò ad vas quod iuxta altare stabat re-
 cucurrit, & pauimentum adhuc olei ex-
 undatione madens inuenit. Cumque
 immensum in sanctis suis glorificaret
 Deum, alius quidam de custodibus adue-
 nit, & confessus est se magnam partem
 olei ipsius nullo teste tulisse, & vbi voluit
 & sicut voluit expendisse.

FLODOARDI HISTORIARVM

ECCLESIAE REMENSIS

FINIS.

LECTORI.

DE Appendicē quæ sequitur, hoc tantum monēdus es, Lector, auctoris esse adhuc quidem incerti, sed quem constat eiusdem Remensis Ecclesiæ Canonicum fuisse, Sansonique Archiepiscopi temporibus ante annos CDL. vixisse. Id enim nos docuit Epitome Flodoardi, quam duobus libris ab eo contextam vidimus, cum hoc breui ad calcem auctario. quod ille longius etiam fortasse produxerat, sed plura non erant in Codice Igniacensi, quo vti sumus. His ergo frui interim, ac reliquis subsequētibz opusculis. quæ & ipsa, quoniam ad manum erant, atque ad Ecclesiam Remensem, aut Flodoardi quoque Historiam pertinere videbantur, tibi hoc loco appendenda censuimus.

APPEN-



A P P E N D I X

INCERTI SED ANTI-
QVI SCRIPTORIS EIVS-
dem Remensis Ecclesiæ Cano-
nici, qui Flodoardum breuiarat.



ACTENVS de Remensibus
Archiepiscopis secundum
traditionem Flodoardi, quo-
modo vnus post aliũ surre-
xit, narrationem digessimus.

Nunc verò de cæteris, qui post Flodoardi
decessum extiterunt, secundum quod à
maioribus audiuius, seu quod in anti-
quis chartis reperimus, opitulante Deo
prælibato operi adnectemus. Præfatus
Artoldus, de cuius decessu in libro Flo-
doardi nihil habetur, abbatiam sancti
Timothei, quæ vsque ad illud tempus
Remensium Episcoporum extiterat, S.
Remigio, de cuius cœnobio assumptus

fuerat, contulit. Hic autem cum per triginta annos in multa aduersitate, & aliquando in tranquillitate, Remensem diocesim gubernasset, vniuersæ carnis viam sine bono ingressus est. Quo defuncto, domnus Odalricus, vir nobilis & honestus, Pontificale onus suscepit: de cuius operib. pauca apud nos monumenta habentur. Liquet tamen, quia ipse Ecclesiæ Remensi villam Vindenissam dedit. pro cuius largitione beneficij in conuentu Remensi memoria eius annuatim recolitur. Ipso etiam die, pro animæ eius remedio, viginti quatuor pauperibus singuli panes, totidemque vini metretæ, singuli etiam denarij distribuuntur. Prædicta verò villa in terra Comitum Registestensis sita est. quam modò Comes Guiterus nomine sub trecensu triginta solidorum tenet. Porro antecessorum suorum tempore, pro commutatione eiusdem villæ plurima bona Ecclesiæ Remensi collata fuerunt: quod in subsequens pleniùs exponemus. At vero præfatus Antistes Odalricus pro vtilitate commissæ sibi Ecclesiæ fideliter laborauit, maximeque pro restitutione vallis Rodigionis, quam Hu-

go filius Rogeri Comit̃s Ecclesiæ Remē-
si donauerat: sed quidam malefactores de
stirpe eius illam peruaferant, & hæredita-
tis iure illam sibi vendicare volebant.
Quorum nisi venerabilis Archipræsul
Odalricus, vt vir nobilis & potens, virili-
ter restitit, & prædictam vallem ad ius
Ecclesiæ Remensis liberam reuocauit.
Quod vt posteriorum notitiæ manifestiùs
fiat, prædictæ vallis donationem, & rei
gestæ scriptum memoriale huic paginæ
assignemus.

VNIVERSIS pene totius Franciæ primatib.
liquet, Hugonē nobili prosapia genitū, in primo
flore iuuentutis, cum sciret sibi superuenisse ab
hoc seculo diem egressionis, licet suæ conditio-
nis plurimos inuenire posset heredipetas, Deum
toto mentis conamine, eiusque sanctos ex pa-
trimonio fecisse hæredes. Qui in primo suæ di-
sp̃sitionis exordio beatæ Dei Genitricis sem-
perque Virginis Mariæ, Dominae ac Dominatri-
cis nostræ, præsidium inuocans, tradidit ad men-
sam fratrum, Deo eiusque intemeratæ Matri in
Ecclesiæ Remensi deuotè famulantium, potesta-
tem quandam Vallis Rodigionis à riuulo per me-
dium decurrente vulgò nuncupatam, vt in eadē
Ecclesia ipsius bonæ indolis viri haberetur me-

moria. Vnde & post eius exitum grandis alter-
 catio habita est inter ipsam Ecclesiam & quos-
 dam præfati illustris viri parentum. Quibus ve-
 hementer resistente, domno ac Venerabili Odal-
 rico Antistite eorum controuersia ad nihilum
 redacta in nullo potuit proficere. Quapropter nõ
 immeritò fieri debet censerì, si illius cuiusquam
 propaginis petitionibus accommodatur auris. Id-
 circo notum sit omnibus præsentibus scilicet ac
 futuris sanctæ Remensis Ecclesia Canonicis,
 monachis, laicis, vel nobilibus, quia ipsius vene-
 randi Episcopi neptis, nomine Emma, adiēs præ-
 sentiam prædictorum fratrum, petijt sibi dari
 eandem potestatem sub censu decem solidorum
 denariorum in Assumptione sanctæ Mariæ
 persoluendorum, duobus necne filiis Arnulfo &
 Odalrico, vt quisquis eorum affectu dilectionis
 illi amicabilius obtemperauerit diebus vitæ suæ,
 in hereditate succedere debeat, his ad indominatũ
 prædictorum fratrum retentis, mansionile Seui-
 ualdi Curtis nuncupato, cum sylua & dimidio
 brolio ad ipsum aspiciente: ita duntaxat vt porci
 in eodem mansionile degentium, & illi qui cum
 porcis Canonicorum Remensium, qui sunt tamẽ
 familiarium eorum, illuc ducti fuerint, fructus
 syluæ depascent. hominibus quoque extra po-
 testatem degentibus. de reliquo verò licenter

salua potestate faceret veluti de proprio. Cuius voluntas cum in nullo rationabiliter refragari posset, quod postulabat obtinuit, factum verò litteris memoriae tradidit. Actum Remis Anno xiiij. Lotario Rege, Episcopatus domni Odalrici Archiepiscopi sexto. S. Odalrici Archiepiscopi, cuius licentia atque consensu hoc scriptum factum est, quod & ipse manu propria firmavit, manibusque nobilium virorum corroborari fecit.

PRAEFATO Odalrico post septem suscepti regiminis annos ad patres suos appposito, domnus Adalbero Henrici Comitum frater de terra Lothariensium, ad Pontificalem Cathedram fauore & prouidentia Lotharij Regis assumptus est. Qui siquidem vir nobilis honestate morum conspicuus, & Ecclesiasticis disciplinis institutus, religionem Remensis Ecclesiae nimis tepefactam in bonum reparauit statum, & vtilitatibus inibi Deo seruientium instantem operam dedit & impensam. Hic etiam Mosomense coenobium à priori dignitate prolapsum in monasticum ordinem reformauit, eiusdemque reformationis tenorem, ne per succedentia tempora immutaretur, huiusmodi auctoritatis suae priuilegio confirmavit.

Adalbero diuina propitiante clementia sanctæ Remensis Ecclesiæ Archiepiscopus. Notum fiat vniuersis, cum presentibus tum etiam futuris fidelibus, quondam nobis Episcopo gratia Dei ac benignitate regia contradito, sanctorum quoque loca quædam honore integro reperisse plurimum valentia, quædam verò pristinae dignitatis statu deficiente prorsus neglecta. Inter quæ etiam ille Mosomi cœnobialis locus, antiquitatis studio certatim constructus, ab exordio scilicet sanctimonialium vitæ aptatus, post modum verò Canonicorum ordine ab Herineo prædecessore nostro melius informatus, atque in honore sanctæ Dei genitricis Mariæ dignè consecratus, sed nefandis vsib. vtrobiq. negligenter incultus, rebus quidem partim subtractis, partim verò intercurrentibus malis sinistra cecidit fortunæ. Quo igitur comperto, manus nostra adhibito fidelium nostrorum diligenti consilio, liquido perpendens eundem locum pro mundi infelicitate in canonicali ordine stare non posse, æternorum spe, prout opportunum extitit, ibidem monasticæ religionis vitam, ordinato Abbate Ledaldo constitui: vt eiusdem loci religiosi, cultores tam rebus delegatis, quàm etiam fortè delegandis vtentes, continua vota Deo soluentes, sint pro nobis, pro posteris nostris, cæterisque ordi-

nibus iugiter orantes. Quocirca paternitatem loco nostri subrogandorum in illa caritate Dei enixius imploramus, quo sub diuini amoris respectu huius rei gestæ conducibili negotio consentaneæ pietatis faueant zelo, idque liberalis auxilij indeficienti base dignentur curricularum consolari atque fulcire, ut ex eo gratiam Dei feliciter adipiscētes, huius præstantioris emolumenti mereantur fore consortes. Sed & hoc ex decretis sanctorum Patrum sub auctoritate Pastoralis omnimodis inhibemus; immo etiam cum diuini nominis obtestatione omnino interdiciamus, ne unquam huiusmodi statutum qualibet temeritate ab ullo nostri ordinis violetur: quin potius in reliquum stabile & incöcussum iure perpetuo id ipsum venerabiliter conseruetur. Si per laicos in rem hæc iniuria inuehatur, in eos procul dubio excommunicationis iaculum cum anathemate intorqueatur. Anno igitur incarnationis Iesu Christi Domini nostri dcccclxxxiiij. Prouinciali synodo mense Maio generaliter congregata apud montem sanctæ Mariæ, in Pago Tardanensi, hoc decretum solemniter recitatum est coram venerandis Episcopis, Abbatibus, cæterisque nonnullis fidelibus huic nostræ institutioni pro assensu fauentibus, immo etiam collaudantibus, atque confirmantibus. quorum videlicet primus ego

Adalbero iam præscriptus Archipræsul, eidem Concilio Deo auctore Pontificali auctoritate, præsidens, manu nostra subscribens idem corroborauit. Sed & ceteri non secus censuerunt manibus impositis solidari.

Huius etiam Adalberonis tempore de villa Vindenissa inter Manasssem Comitem & Canonicos Remenses conuentio talis facta fuit.

IN NOMINE Patris & filij & Spiritus S. Notum fiat omnibus tam præsentibus quam etiã futuris fidelibus, quòd Manasses miles potestatem illam, quæ dicitur Vindenissa, à Canonicis Remensis Ecclesiæ, fauente quoque Domino Adalberone Archipontifice, totam sibi suæq. coniungi Oidela, exceptis etiam Ecclesiis Canonicorum vsibus iure dominij reseruatis, salua rerum commutatione, per precariam efficaciter obtinuerit. Dedit itaque contra idem Manasses competenti modo Canonicorum parti quicquid possidebat in villa Tencauda: hoc est mansos ix. & molendinum, & in Verniaco viij. mansos & dimidium. & in villa Colummis adas duas in Comitatu Remensi. Aliam autem villam nomine Loeiũ, in qua continetur mansi vij. & dimidiũ, & quarta vna, excepto indominicato manso, & quarta pars Ecclesiæ, pratum, molendinus,

& sylua cum mancipiis vtriusque sexus numero lxxi. in Comitatu Castricensi super fluuium Bair. sed & in villa, quæ dicitur Escleis, duas partes de Ecclesia, & quidquid iuris habetur in ea, mansi scilicet v. pratum vnum, cum terris & mancipiis vtriusque sexus in Comitatu, Porcensi. ea videlicet ratione altrinsecus stabilita huiusmodi precaria, vt iidem Canonici pro respectu & vestitura Tencaudam & Verniacum manu sua teneant, cætera verò tam ipse quam sua coniunx prædicta, cum eadem potestate vindex nissa, in sua tantummodo vita libera facultate sibi teneant atque possideant. Vbi verò rebus humanis exceßerint, totum illud ex integro prædium, precario datis scilicet rebus, inuiolabili iure sorti Canonorum iugiter adherentibus, in manus eorum pro debito legibus ad possidendum redeat. Si quis verò, quod fore non creditur, precariæ isti in posterum vllatenus aduersari tentauerit, illi temeritas stulta prorsus existat inanis & irrita. & sic hæc eadem precaria, maiorum auctoritate constituta legaliter, maneat stabilis & firma: tali videlicet conditione, si ille Manasses omnes res illas è contra redditas iure quieto stabiliter Canonicis solidauerit. alioquin aut his similia reddat, aut Remensis Ecclesia quod suum est iuste recipiat. Actum Remis in sede VIII. Idus

Nouemb. Anno xx. regnante domino Lothario Rege Francorum D. Episcopatus autem domni Adalberonis iiij. Dominus Adalbero Archipræsul subscripsit & firmanit.

Alia quoque cōuentio de villa Virtutis inter Heribertum Comitem & Canonicos Remenses tempore præfati Adalberonis stabilita fuit, cuius rei memoria ne senio temporum obliteraretur, tali scripto roborata fuit.

IN NOMINE S. & indiuidue Trinitatis ego Leudo S. Remorū Ecclesiæ Præpositus omnisque eiusdem loci. Canonorum congregatio. Nolumus latere omnium tam præsentium quam futurorum industriam, quoniam Heribertus Comes nostræ humilitatis adiens conspectum, petiit dari à nobis sibi nostri iuris eam quæ dicitur Villa Virtutis, quam ipse sibi ex peruatione vendicabat: ea videlicet ratione, ut pro vestitu nobis ad præsens ex ea retineremus mansos duos ingenuiles & vestitos, & pro respectu annuatim persolvere libram vnā denariorum Remensis monetæ festiuitate sancti Remigij Kal. Octob. in diebus tantum vitæ suæ, seclusis vxore sua & infantibus, cunctisque heredibus suis. Cuius petitioni fauentes, cum omni consilio & voto, concessimus illi soli præfatam villam,

secundum præscriptam ab eoque determinatam rationem. Quòd si de censu negligens extiterit, & emendare renuerit, vsum fructum amittat. & vt securius in dieb. vitæ suæ præfatas res possidere valeat, post discessum verò eius prænominatam villam cum omni integritate nostris vsib. recipere valeamus, sancitum est non solum à nobis, verum etiam ab illo, vt super hoc negotio faceremus cum chirographo mentionis decretum. addentes insuper, vt si qualibet persona post vitæ suæ terminum aliquam nobis inferre conatus fuerit inquietudinem vel iniustitiam, sub maledictionis & anathematis excommunicatione insolubiliter adstrictus damnetur. fiat, fiat, fiat. S. signum Domni Adalberonis Archiepiscopi confirmantis & consentientis.

Cùm igitur præmemoratus Adalbero Remensem dioccesim per decem & nouē annos viriliter gubernasset, & honestæ conuersationis eius bona opinio circumquaq. diffunderetur, ad vltimum confectus senio fine bono diem vltimū clausit, corpusque eius in Ecclesia maiori, sub altari, quod in honore sanctæ crucis consecratum est, sepulture traditum fuit. cuius Epitaphium in tabula ærea litteris aureis descriptum tale adhuc permanet.

*Contulerat natura parens quæ summa putauit.
 Ad meriti cumulū tibi, præsul Adalbero, cū te
 Præstantem cunctis mortalibus abstulit orbi
 Quinta dies fundentis aquas cum pōdere rerum.
 Nec prætereundum reor, quòd omni an-
 no dies defunctionis eius venerabiliter
 recolitur, & eleemosyna panis & vini co-
 pioſa pauperibus distribuitur. quæ etiam
 eleemosyna mandatum Adalberonis nū-
 cupatur. Sciendum quoque est, quomo-
 do istius eleemosynę sumptus præparetur:
 videlicet de domu, quæ vocatur Hospi-
 tale pauperum, annonæ sextarij iv. de ca-
 mera frumēti iv. de horreo indominicato
 annonę modius vnus, & vinum quod suf-
 ficiat.*

Plura non erant in Codice Igniacensi, vnde
 hæc excerpta sunt.

DE MINISTRIS REMENSIVM

Ecclesiæ, quos inordinatè Ebo Episcopus inuenit, & per deprecationem eorum inspirante sancto Spiritu hæc dictauit.



RRAEPOSITVM decet cura interior ac exterior. Exterior in rebus & familia saluandis, atque secundum Deum gubernandis, summa cum in-

tentione & pietate & beniuolentia. Ibi etiam consistit omnis nutriendi industria, cuncta proficua ingenia laborandi in agris, in vineis, in syluis, in hortis, in diuersis emptionum generibus prouidè procurandis. Insuper & de qualitate necessaria ædificiorum, siue quantitatè. Interior verò sollicitudo eius esse debere manifestum est dispensatio fratrum publica, honestè disposita in victu & potu, siue omni subsidio corporali, quod administrat diuina pietas, siue per studium laboris eius, siue de eleemosynis fidelium, necnon & de dono propriæ procurationis publicæ, Cui non minor patet etiam

DE MINISTRIS

alia dispensatio necessaria in infirmis & senibus , pro diuersitate vniuscuiusque necessitatis. Sequitur autem hinc studiū omnem ornatum corporalem ac spiritalem continens fratrum. Corporalem primū in clausura, inde in refectorio, & in dormitorio, in cellario, in coquina, siue in cunctis habitationibus necessariis, nec non in vasculis omnibus. Spiritalem verò zelum talis minister veræ religionis habere debet sanctæ conuersationis nocte ac die canonicis partitis in horis. Correctionem morum, per grauitatem leuitatis motum deprehendens : vaniloquiū secretis in locis & horis suo rigore omnino depellens: omnes negligentias omnium publicè deprehensas in capitulo omnium fratrum iudicio puniēs his tribus modis, id est aut carcere, aut separatione mensæ, siue in omnium verberum diuersitate. Cuius etiam prudentissima circumspectio Decanis sibi suppositis inuigilare debet, ne vnus quidem à maximo vsque ad minimum absque eius conscientia & licentia vnus diei spatio nequaquam ab officij sui loco desit.

ARCHIDIACONI officium est, gra-

duſ Eccleſiaſticos ſumma cum prouidentia ætatum & meritorum ordinare: de tempore in tempore nominibus certis vniuſcuiuſque officium de omni regione præfigere, ſubtiliterve merito probare, & gratiam ſancti Spiritus vnicuique inueſtigando miniſtrare: in omnibus diuinis officiis ſanctę Dei Eccleſiæ fideles miniſtros erudiendo & excolendo efficere: feſtiuitatum omnium ac feriarum, nec non totius anni officia in canticis & lectionibus, non ſolùm litteraturam corrigere, ſed ſpiritalem intelligentiam omni clero in Capitulo tradere. libertates liberorum cum teſtibus probare, alienorum ſeruorum ad gradus venire volentium exigere, poteſtatem etiam habens libertatem Eccleſiaſtica propria de familia facere, & alienis exigere. Pro neglecta, lectione aut officio gradus ſui à diacono uſq. ad infimum excommunicare: etiam & inuenculos talibus pro exceſſibus verberibus arcere: verbum etiam faciendi ad populum in diebus feſtis prouidere & facere: & ſic omnia per ordinem dignè uſque ad conſecrationem preſbyteri ſtudioſiſſima intentione veræ religionis per-

DE MINISTRIS

ducere. Vinctorū etiam publicæ ciuitatis ex carcere curā in festiuitatibus solemnibus Domini gerere, id est in Natale Domini, in Epiphania, in initio Quadragesimæ, media Quadragesima, in Palmis, in Sabbato sancto, & in die sancto Paschæ, similiter in Ascensione Domini, & in Pentecoste summa cum diligentia eos excipere, & eis obsequia benignitatis corporalia spiritaliaque, ex diuinis & humanis beneficiis refectionem benedictionis parare.

CHOREPISCOPI verò ministerium est, omnem sacerdotalem totius regionis sibi commissæ conuersationem corrigere atque dirigere, id est in conficiendis diuinis sacramentis & baptisterio omnium intellectum aperiens excitare, populum regionis prædicare, confessiones exigere, pœnitentiam cum discretione cautè imponere, hospitalitatem sectari, infirmos visitando obsequia benignitatis & benedictionis, & sanctæ vñctionis inferre. Communioni sanctæ dignos fieri populos assidua cōmonitione exercere, mortuos cum commendationibus animæ & orationibus dignis obsequiis sepulturæ

pulturæ venerabiliter tradere. pro viuís etiam ac defunctis totius Ecclesiæ filijs rationabili assiduitate exorare. Insuper verò omnia quæcumque intra Ecclesiam & extra Ecclesiam in claustro & in omnibus habitationibus à maximo vsque ad minimum quemcumque viderit negligere, secundum Ecclesiasticum correptionis modum semper corripiat, & omnem veram religionem prior ipse faciendo omnes facere doceat. Et hunc modum nequaquam, nisi præcipiente Episcopo, de causis subsequenter excedat de omni iure consecrationis.

EPISCOPVM verò ciuitatis propriæ disponere oportet de consecratione, de confirmatione, de reconciliatione, & de publico indicendo ieiunio, aut aliud aliquid publici iuris pro tempore digno Deo debito. Cuius officij summa speculationis hæc est, vt & subtilissimè prouidendo insistat qualiter omnium officia studiosissimè gubernando ad portum perfectionis dirigat: quibus in causis nisi iussus Chorepiscopus nullatenus excedat.

DE VILLA

Quod præcessit opusculum Ebonis, ex S. Remigij
bibliotheca Remis exscriptum, cum Ioannis VIII.
epistola & Decreto electionis Laudunensis, quæ in-
fra sequuntur. Proximam verò Notitiam de villa No-
uilliac, cuius auctor Hincmarus ipse videtur, nobis
communicauit humanissimus Nic. Faber ex bibliotheca,
vraiebat, V. C. Claudij Puteani Senatoris Paris.

SEQUUNTUR GESTA QVO-
modo D. Hincmarus villam Nouilliacum
apud D. Carolum Imp. filium Ludolici Imp.
impetrauit.

DE FUNCTO Pippino Rege VII.
Kal. Octob. in monast. S. Dionysij.
filij eius Carlomannus & Carolus secun-
dum dispositionem patris sui, & consi-
lium regni primorum, diuiserunt inter se
regnum paternum, & eleuati sunt in Re-
ges VII. Id. Octob. Carlomannus in Sues-
sionis, & Carolus in Nouiomo, sicut in
Annali regum scriptum habemus.
Anno iv. regni sui infirmatus est Carlo-
mannus infirmitate, qua & mortuus est in
Salmuntiac, & ante obitum suum per
præceptum regie suæ auctoritatis, quod
habemus, tempore Tilpini Archiep. tra-
didit villam Nouilliacum cum omnibus

ad se pertinentibus, pro animæ suæ remedio & loco sepulturæ, ad Ecclesiam Remensem S. Mariæ, & Basilicam S. Remigij, in qua & sepultus est. Post cuius obitum Carolus frater eius præcepto, quod habemus, suæ auctoritatis ipsam traditionem confirmavit.

Defuncto Tilpino Archiepiscopo anno xxiii. postquam Carlomannus Remensi Ecclesiæ villam Nouillacum tradidit, tenuit D. rex Carolus Remense Episcopium in suo dominatu, & dedit villam Nouillacum in beneficio Anschero Saxoni, qui nonas & decimas ad partem Remensis Ecclesiæ de ipsa villa usque ad mortem suam persoluit. & defuncto domino Carolo, sed & ipso Anschero, postquam Carlomannus præfatam villam cum omni integritate Remensi Ecclesiæ tradidit, semper ipsa Ecclesia inde vestituram, sicut prædictum est, per annos xxxvii. habuit.

Post obitum domni Caroli, & defuncto ipso Anschero, domnus Ludouicus Imperator donavit ipsam villam Nouillacum Donato in beneficio. Qui Donatus, interueniente Bigone, per subre-

ptionem quasi de fisco Regis quasdam
 colonias de ipsa villa obtinuit in proprie-
 tatem per præceptum D. Ludouici Imp.
 & quando Lotharius filius D. Ludouici
 Imp. Cauillonem veniens eam expugna-
 uit, Donatus à villa supra Matronam, quæ
 Pomarius vocatur, ab Imperatore defe-
 cit, & illi mentitus ad Lotharium confu-
 git, & veniente hostiliter Imp. Ludouico
 ad villā quæ Caleiacus dicitur, Lotharius
 ad eū cum suis constrictus venit, & sacra-
 mētum ipse & sui ab Imperatore quæsitū
 illi iurauerunt. Inter quos & Donatus de
 infidelitate eius cōprobatuſ ipsi Impera-
 tori quæsitū sacramentū iurauit, & Comi-
 tatū Miridunensē & villam Nouilliacū
 cū suis appendiciis Imperator ab eo abstu-
 lit, & Athoni, qui fuerat ostiarius Caroli
 Imp. in beneficiū dedit. Donatus autē in
 vita Imp. Ludouici nec Comitatum rece-
 pit, nec de proprietate sua vllam firmitatē
 promeruit. Post obitū D. Ludouici Imp.
 diuiso regnō inter fratres, & pace facta
 inter eos, & mortuo Athone, dedit Ca-
 rolus Donato in beneficium Nouillia-
 cum. Processu denique temporis com-
 mendauit Donatus filium suum Gozelū
 Carolo Regi. cui in beneficium dedit

Carolus villam Nouilliacum cum appendiciis suis. Deinde Landrada vxor Donati, sed & filij eorum, pergente Carolo rege ad obsidendos Normannos, qui in Insula, quæ Oscellus dicitur, residebant, cum aliis defecerunt. Quorū honores & proprietates à Francis auferri, & in fiscū redigi iudicatæ sunt. Vnde Landrada & filij eius eatenus auctoritatem Caroli Regis non obtinuerunt. De quibus rebus anno xx. regni sui Carolus villam fiscalē præcepto suo, quod habemus, Orbacēsi Monasterio dedit.

Anno xxxii. regni sui venit D. Carolus rex gloriosus in Basilicam S. Remigij, vbi ostendi ei locum sepulcri Carlomāni Regis, & præcepta ipsius, Carlomanni & Caroli aui de villa Nouilliaco, & auctores sacrorum canonū, qualiter damnent Spiritus sancti iudicio eos, qui elemosynas defunctorum retinent, & Ecclesiis tradere demorantur, qui vt infideles ab Ecclesia abiiciendi, & quasi egentū necatores, nec credentes iudicium Dei habendi iudicantur. Et reddidit præcepto suæ auctoritatis, quod habemus, Remensi Ecclesiæ ipsam villam cū omnib. ad se pertinetib. quā tunc Bernaus post fra-

trem suū Rothaum in beneficio habebat.

Postea peruenit ad eius notitiam, quòd quidam homines de ipsa villa Nouilliaco per subreptionem tam apud patrem suū, quàm & apud eum res & mancipia in proprietatem obtenta tenerent, Lâdrada scilicet vxor quondam Donati, Guntharinis, Hugo, & Vvaltrudis, & Elampodus filius eius, Rotbertus, & Boso. misit suos missos ad hoc inquirendum, & inquisitione facta, & veritate, sicut ei dictum fuerat, inuenta, quoniam prædicti ad rationē non venerunt, sic vt banniti fuerunt, iussit vt præcepta Carlomanni & Caroli, sed & suum præceptum coram suis fidelibus in generali placito suo apud Duziacum in causis palatinis legerentur. Vnde fideles eius, tam Comites quàm Vassi Domini, quorum nomina scripta habemus, sed & ceteri omnes, qui adfuerunt, relectis eisdem præceptis iudicauerunt, vt quicumque de rebus & mancipiis ipsius villæ Nouilliaci, per cuiuscumque præceptum vel quocumque modo, post donationem Carlomanni, qua cum omnibus appendiciis suis, vel cum omni integritate, ipsam villam Nouillacum, sicut tunc in fisco erat, ad Ecclesiam Remensem tra-

didit, & post confirmationem fratris eius Caroli in proprietatem obtinuit, si commutationem ostendere non posset, qualiter res & mancipia de ipsa casa Dei iuste & rationabiliter commutata fuissent, quia non de fisco regis, sed de Ecclesiasticis rebus & mancipiis per donationem obtinuit, ut ipsæ res & mancipia, quæ de villa Nouilliaco obtenta fuerunt, ad ipsam casam Dei restituerentur, sicut in præcepto restitutionis ipsius D. Caroli, quod habemus, plenius continetur.

Sed quando D. Carolus Romam perrexit, & D. Ludouicus frater eius ad Attiniacum venit, per quosdā ex nostris apud Domnā Richildē Reginam, & apud D. Ludouicū filiū D. Caroli Regis obtinuerūt Donati & Lādradæ filij, ut villa Nouilliacū cum suis appenditiis eis cōsignaretur, non attendentes quia sicut in capitulis Augustorum scriptum habetur, tales de Regis proprietate ut infideles iudicandi sunt, & secundum leges Ecclesiasticas de rebus Ecclesiasticis sacrilegij iudicantur.

Reuersus autem D. Carolus Imp. Remos veniens, cum tale factum audiuit.

fatis grauitè tulit, & misit suos Missos: qui scilicet dictam villam Remensi Ecclesiæ & aduocato nostro restituerunt, sicut plenius scriptum habemus.

*IOANNIS VIII. PAPAE
inssio de ordinando Episcopo in Ecclesiâ
Laudunensi vacante.*

IOANNES Episcopus seruus seruorum Dei Hincmaro Archiepiscopo Remensi. Quamuis de sanctitatis tuæ iudicio nihil dubitasset: quia tamē carissimus filius noster Carolus inuictissimus Imperator, à nobis diligētissimè percunctatus, circumstantiam iudicij à beatitudine tua Coepiscoporumque suorum in Hincmarum dudum Laudunensem Episcopum prolati Apostolatu nostro retulit, agnouimus iustum fuisse omnino iudiciū. Neque enim tātus Princeps nisi veritate fultū quicquā poterat affirmare. Vnde nefas esse duximus eius relationi non præbere fidei incunctanter auditū. Noli ergo iam nunc Ecclesiam Laudunensem viduatam & sine regimine pastoralis dimittere. sed

indifferenter electum & de Laudunensis Ecclesiæ clero virum idoneum, & in quo omnium vota consentiant, eidem Ecclesiæ præfice prorsus Episcopum. Cui electioni volumus etiam Missum prælati piissimi Imperatoris interesse, vt sine sæculariũ strepitu omni latere talis eligatur, qui aptus sacris canonib. esse modis omnibus approbetur. Optamus sanctitatẽ tuã in Christo bene valere. Data est Romæ Theoderico iussu Papæ Ioannis, & domni Caroli noui Imper. per manus Anastasij Bibliothecarij in Secretario Ecclesiæ S. Petri. Anno incarnationis Dominicæ DCCCLXXVII. Non. Ianuarij, Indictione ix. & delata est ab eodẽ Theoderico in ciuitate Remis Hincmaro Remorum Archiepiscopo eodem anno, & eadem indictione v. Idus Martij.

Flodoardus lib. 3. cap. 23.

DECRETVM CLERI LAVDV-
nensis de Hedenulfo electo Episcopo.

Domino reuerentissimo & sanctissimo Hincmaro Archiepiscopo cate-

D E C R E T U M

risque nostræ Diœceseos sanctis patribus
 & Episcopis, clerus Laudunensis cum to-
 tius parœciæ plebib. & sibi cõiunctis Præ-
 sulibus, æternam in Domino Iesu Chri-
 sto salutem, & pacem. Canonicis regulis
 & Apostolicis institutionibus statutum
 esse recolimus, vt quotiens quælibet ci-
 uitas ministerio Pontificalis dignitatis ca-
 ruerit, proprioque pastore vacauerit, cum
 decreto electionis, singulorum petentiũ
 manibus roborato, Metropolitanum ad-
 ire Pontificem debeant, ac de substituen-
 do in loco eius qui decessit Pastore peti-
 tione supplici commonere: quatinus &
 ciuitas sollicitudine pastoralis destituta
 proprio recuperetur Pontifice, & qui or-
 dinandus est gratiosius possit accedere:
 quia cui debet ab omnibus obediri, vtique
 debet & ab omnibus eligi. ne ciuitas non
 optatum Episcopum aut contemnat aut
 oderit, & fiat minus religiosa quàm con-
 uenit, cui non licuit habere quem voluit:
 hi verò qui ordinaturi sunt, in quem vi-
 derint omniũ vota propensius cõcorda-
 re, protinus liberiùsque illi manus impo-
 nere possint. Quapropter cum decreto
 nostræ electionis manibus singulorum

nostro corroborato ad paternitatem vestram accedentes, Hedenulfum Ecclesiæ nostræ filium, & in Ecclesia nostra suffragantibus stipendiorum meritis ad onus usque sacerdotale promotum, vita & moribus ac sancta conuersatione idoneum approbatum, quem per licentiam vestrā, fauente Christianissimo Imperatore Carolo, pari consensu ac concordi deuotione, atque vnanima voluntate elegimus, per manus vestras ac cæterorum vestræ Diœceseos sanctorum Episcoporum cōsecrari, nobisque & Ecclesiæ nostræ doctorem atque Pontificem institui implo-ramus, precamur, ac petimus. Eligimus autem eum nobis fore pastorem, quem Apostolicæ formæ, qua Episcopum ornatum B. Paulus esse debere demonstrat, cōgruere, & sacris non obuiare canonibus Christi gratia cooperante confidimus. Oramus sanctam paternitatem vestram nunc & semper in Christo bene valere.

Actū v. Kal. Apr. in basilica S. Mariæ genitricis Dei & Domini nostri Iesu Christi, anno Incarnationis eiusdem Domini nostri Iesu Christi DCCCLXXVII. regni domni Caroli Imperatoris XXXVII. ac imperij primo, Indictione IX.



ELENCHVS ARCHIE-
PISCOPORVM REMEN-
sium ex antiquis catalogis, An-
tonio Demochare, & aliis.

- | | | |
|----|--|--|
| 1 | | .SIXTVS. |
| 2 | | S. SINICIVS. |
| 3 | | S. AMAVSIVS. |
| 4 | | BETAVSIVS. <i>Arelaten-
si Concilio interfuit.</i> |
| 5 | | APER. |
| | | DISCOLIVS. <i>Hunc Demochares inseruit ex
synodo Agrippinensi. nam omittitur à Flo-
doardo, & in antiquis catalogis.</i> |
| 6 | | S. MATERNIANVS. <i>Huius corpus
à Ludouico rege in Alamanniam translatum
est.</i> |
| 7 | | S. DONATIANVS. <i>Hic apud Brugas
in Flandria.</i> |
| 8 | | S. VIVENTIVS. <i>Hic Braquis super Mo-
sam.</i> |
| 9 | | SEVERVS. |
| 10 | | S. NICASIVS. <i>Martyr.</i> |
| 11 | | BARVCH. |
| 12 | | BARVCIVS. |

- 13 BARNABAS.
- 14 BENNADIVS.
- 15 S. REMIGIVS. Clodouæum regem ad fidem
conuersum baptizauit.
- 16 ROMANVS.
- 17 FLAVIVS. Aruernensi Concilio, & Aure-
lianensi IV. subscripsit.
- 18 MAPHINIVS.
- 19 AEGIDIVS. ab Episcopis in synodo Meten-
si exauctoratus, quia in Childebertum re-
gem conspirarat.
- 20 ROMVLVS.
- 21 SONNATIVS.
- 22 LEVDEGISLVS.
- 23 ENGILBERTVS.
- 24 LANDO.
- 25 S. NIVARDVS. Monasterium Alcuilla-
rense condidit, vbi quiescit.
- 26 REGVLVS. Orbacense Monasterium fun-
dauit, in quo situs est.
- 27 S. RIGOBERTVS. Sede sua deiectus à
Carolo Martello.
Abel à Bonifacio consecratus in locum
Rigoberti.
- Milo Abbas Remensem Episcopatum
cum Treuerensi vsurpat.
- 28 TILPINVS.
- 29 VVLFARVS. Synodum Remis habuit sub
Carolo magno ann. 813.
- 30 EBO. In synodo apud Theodoniuillā ann. 841.
depositus, quia in Ludonicum Pium cum aliis
conspirarat.

- Fulco Abbas, & post eum Notho, Remensem Ecclesiā Ebonis loco regūt.
- 31 *HINCMARVS*. anno 845. Ludouicum balbum regem consecrauit.
- 32 *FVLCO*. anno 882. Carolum simplicem coronauit. Scholas Remenses restituit. à Vine-maro Balduini Comitis fraude cāsus est.
- 33 *HERIVEVS*. ann. 900. Caroli simplicis summus Cancellarius. Robertum seniozem in-vnxit, ac triduo post obiit an. 922.
- 34 *SEVLFFVS*. Synodum habuit apud Trosle-ium. immunitatem claustrī Canonicis dedit. veneno Heriberti Comitis dolo extinctus est. ann. 925.
- 35 *HVGGO*, Heriberti Comitis filius quinquen-nis.
- 36 *ARTOLDVS*. ann. 931. Huic monetam & Comitatum Remensem concessit Ludoui-cus Transmarinus rex, quem consecrarat.
HVCVSQVE FLODOARDVS.
- 37 *ODALRICVS*. Hugonis Comitis F. ann. 968. Vindenissam Canonicis dedit.
- 38 *ADALBERO*. Godefridi Comitis F. ann. 972.
- 39 *ARNVLFFVS*. Lotharij regis ex concubi-na F.
- 40 *GERBERTVS*. contra Arnulfum electus ann. 992. postea reiectus est.
- 41 *EBALVS*. ex laico electus, vir sacris li-teris eruditus. Betiniacum villam dedit Ca-nonicis.
- 42 *VVIDO*. Sedit annos 22. mens. 2.

- 43 **GERVASIVS**. Episcopus antea Cenomanensis, Philippum regem sacrauit anno 1059.
- 44 **MANASSES**. ab Hugone Dienti Gregorii VII. legato depositus in synodo Lugdunensi anno 1080.
- 45 **RAINALDVS CONTRACTVS**. obiit ann. 1095.
- 46 **MANASSES II.** anno 1095.
- 47 **GERVASIVS**. Hugonis de Retest F. Balduini Hierosolymorum tertij regis frater. abdicauit ann. 1114.
- 48 **RADVLFS** Viridis. ann. 1114.
- 49 **RAINALDVS II.** ex Andegauensi Episcopo, ann. 1124. Igniacensis Monasterij fundator.
- 50 **SANSON**. Clericus antea Carnotensis, ann. 1139. apud Igniacum sitas est.
- 51 **HENRICVS**. Ludouici VII. regis frater, ord. Cistert. Episcopus antea Bellouacensis. ann. 1163.
- 52 **GUILLELMVS** ad albas manus. Theobaldi magni Campanie Comitis F. Philippi Aug. regis auunculus, ann. 1176. Archiepiscopus antea Senonensis. S. Sabine Cardinalis Legatus. anno obiit. ann. 1202.
- 53 **VVIDO II.** Cardinalis Episcopus Pranestinus, Legatus. olim Abbas Cisterciensis. obiit Gandam ann. 1206.
- 54 **ALBERICVS**. ex Archidiacono Parisiensi ann. 1207. Ecclesia Cathedralis incendio deformata miro schemate adificari cepit.

- Hierosolymis rediens Papiæ obiit, ibique in S. Petri Ecclesia sepultus est.*
- 55 *GVILELLMV S. II. de Iouisvilla. ann. 1220. Episcopus antea Lingonensis. In Claraualle situs est.*
- 56 *HENRICVS S. II. de Brenna. Roberti Iun. Drocarum & Brenna Comitum F. ann. 1227. Remis in Ecclesia cathed. S. E.*
- 57 *IVELLVS. ex Archiepiscopo Turonensi ann. 1244. ad bellum sacrum post Concilium Lugdunense profectus est.*
- 58 *THOMAS DE BIAVMES.*
- 59 *IOANNES DE CORTENAY Obiit anno 1271. Remis S. E.*
- 60 *PETRVS DE BARBI. ob. anno 1300. Remis S. E.*
- 61 *ROBERTVS DE CORTENAY. obiit ann. 1325. Remis S. E.*
- 62 *GVILLELMVS III. DE TRIA. Philippi Valesii regis quem coronauit, auunculus. obiit ann. 1334.*
- 63 *IOANNES II. DE VIENNA. Episcopus antea Morinensis Carolum V. sacravit. obiit ann. 1351. Remis S. E.*
- 64 *HVGON DE ARCEIS. obiit 1351. In Ecclesia Rem. S. E.*
- 65 *HVMBERTVS. Delphinus Vienna. ord. præd. Patriarcha Alexandrinus. Parisiis in Dominicanorum Ecclesia situs est ann. 1356.*
- 66 *IOANNES III. DE CRAON. Obijt Parisiis ann. 1374. ibique in Ecclesia Franciscanorum S. E.*

- 67 **LYDOVICVS THESAR.** Remis in
Ecclesia cathedrali situs est. ann. 1375.
- 68 **RICHARDVS PICQVE.** obiit ann.
1389. Remis. S. E.
- 69 **FEDERICVS CASSINEL.** obiit.
1390. Autisodori S. E.
- 70 **GUIDO III. DE ROYA.** Episcopus
antea Viridunensis, Collegium Remense Pari-
sis fundavit. Archiepiscopus Senonensis
postea factus est.
- 71 **SIMON DE CRAMADO.** Pa-
triarcha Alexandrinus, S. Laurentij in
Lucina Cardinalis. obiit anno 1429.
- 72 **PETRVS II. TROVSSEAU.** In
Ecclesia Bituricensi S. E.
- 73 **REGINALDVS III. DE CARNO-**
TO. Caroli VII. regis Cancellarius. S.
Stephani Cardinalis. obiit 1446. Turo-
nis, ibique in Ecclesia Franciscanorum
S. E.
- 74 **IACOBVS IVVENALIS**
DE VRSINIS. Ludonicum XI.
coronavit.
- 75 **IOANNES IV. IVVENA-**
LIS DE VRSINIS. Iudex
cum Episcopo Parisiensi à Callisto III. de-
lectus Ioannam Virginem immerito dam-
natam absoluit. Remis S. E. anno
1473.
- 76 **PETRVS III. DE LAVALL.**
obiit Andegavis anno 1493.

- 77 ROBERTVS BRISSONETVS.
Francie Cancellarius, anno 1494.
- 78 GVILLELMVS IV. BRISSONETVS.
frater superioris, anno 1500. Archiepiscopus postea Narbonensis.
- 79 CAROLVS DE CARRECTO. Cardinalis anno 1507.
- 80 ROBERTVS II. DE LENONCOVRT. Obiit anno 1533. Remis S. E.
- 81 IOANNES V. A LOTHARINGIA.
Cardinalis, Renati Ducis Lotharingie F.
- 82 CAROLVS II. A LOTHARINGIA
Cardinalis, Claudij Ducis Guisie F. Remis S. E.
- 83 LVDOVICVS II. A LOTHARINGIA.
Card. Guisus Francisci Ducis Guisie F.
- 84 PHILIPPVS DE LENONCOVRT.
Cardinalis. obiit ann. 1592.
- 85 NICOLAVS DE PELLEVE. Cardinalis. obiit ann. 1594.
- 86 PHILIPPVS DV BEC. Episcopus antea Nannetensis. obiit ann. 1605.
- 87 LVDOVICVS A LOTHARINGIA.
Henrici Ducis Guisie F.

Restat, quem longo seruet Deus
optimus xpo.



INDEX,

LITERA A. PRIOREM,

B. POSTERIOREM FOLII.

paginam indicat.

A.



B B O

Autif-

fiodo-

rēsis E-

pisco-

pus

238. b

Abbo Tricassinus Ep.

108. b

Abel Archiepiscopus

Remensis

129. a

Accusare qui non pos-

sint

105. b

Achadeus Comes.

292. b

Adardus Namneten-

sis Ep. 216. a. 232. a

307. a. 338. b

Adalardus Abbas.

269. b

Adalbernus Ep. 266. b

Adalbero Ep. Meten-

sis

376. a

Adalgarius Abbas.

270. a

Adelgarius Ambur-

gurensis Ep.

315. a

Adelelmus Comes.

286. a

Adelonus Clericus ex-

com.

378. b

Adeloldus Turonen-

sis,

234. a

Ado Abbas.

121. a

Ado Viennensis Ar-

chiep.

232. b

Adrianus Papa. 125. b.

130. a. b. 217. b. 231. 232.

a. 309. b

Aduentiu Metensis

Episcopus.

256. a

G G g ij

INDEX.

- | | |
|--|--|
| Adultera peierans pu-
nita. 394. <i>b</i> | Alstranus rex. 359. <i>b</i> |
| Aegidius Archiepiscopus
Remensis à Chil-
deberto captus & ac-
cusatus, 95. <i>a. b.</i> &
seqq. ordine remo-
tus & exilio mul-
tatus. 96. <i>b</i> | Altharius Decanus.
303. <i>b</i> |
| Actius S. Remigij ne-
pos. 77. <i>a</i> | Altmānus monachus.
304. <i>a.</i> |
| Agapitus Papa. 368. <i>b</i> | Altmarus Comes.
347. <i>b</i> |
| Agathimerus S. Re-
migij nepos. 77. <i>a</i> | Altmons castrum æ-
dificatum. 344. <i>b.</i> ca-
ptum. 363. <i>b.</i> 364. <i>a</i> |
| S. Agericus. 384. <i>a</i> | 365. <i>a</i> |
| Agilmarus Ep. 272 | Altumvillare mona-
steriū ædificatum,
110. <i>a.</i> Ecclesia bis
corrui. 110. <i>b.</i> ex-
structa in honorem
S. Petri & omniū
Apostolorum. 111.
<i>b.</i> priuilegium mo-
nasterio concessū.
112. <i>a</i> |
| Agius Ep. 238. <i>b</i> | |
| Agricola presbyter S.
Remigij nepos. 76. <i>b</i> | Amalbertus Comes.
292. <i>b</i> |
| S. Agricolæ Ecclesia.
19. <i>b.</i> 20. <i>a</i> | Amalricus religiosus
Archiep. 230. <i>a</i> |
| Alamanni victi. 33. <i>b</i> | Amausius Archiepiscopus
Rem. 13. <i>b</i> |
| Alaricus rex Gotho-
rum fusus. 41. <i>b.</i> 42. <i>a</i> | Amblicum castrum
combustum. 364. <i>a</i> |
| Albradus rex 331. <i>a</i> | Ampulla sancta e cæ-
lo descendit, 36. <i>a</i> |
| Alfridus Episcopus
Trāsrhenensis. 255. <i>b</i> | Anastasius Abbas |
| Alitgarij Cameracen-
sis Episcopi libri.
138. <i>b</i> | |
| Alpais Ludouici Imp.
filia 390. <i>b</i> | |

- Rome Bibliotheca
custos. 270. *b.* 271. *a.*
S. Andreæ apostoli
dens. 390. *b.*
Angelbertus. Arch.
Rem. 108. *b.*
S. Anianus Aurelian.
Episcopus. 15. *b.*
Anisiacus villa. 59. *b.*
Anselinus monachus.
303. *b.*
Anselmus nobilis. 284. *b.*
Aper Archiep. Rem.
13. *b.*
S. Apollinaris martyr.
9. *b.* 10. *a.* vidit cœ-
los apertos. 10. *a.* eius
miracula. 12. *b.* ossa
translata. 13. *a.*
Arbidogilus villa. 102. *b.*
Arnoldus Ep. Tullen-
sis. 264. *a.* 265. *b.*
S. Arnulfus Episcopus.
Metensis. 103. *a.*
Arnulfus Transrhenē-
sis. 320. *a.* 325. *a.*
Artoldus Arch. Rem.
23. *a.* 163. *b.* 358. *a.* *b.*
363. *a.* *b.* 377. *b.* Re-
mis pullus 361. *a.* re-
stitutus. 366. *a.* 367. *b.* 368. *a.* cogitum lea-
dicare Archiepilco-
patu. 370. *b.* ei da-
tapossidenda mone-
ta urbis Rem. 360. *b.*
eius controuersiā
Hugone. 366. *b.*
367. *b.* 368. *a.* *b.* 369.
a. *b.*
Atolus xii. xenodo-
chia studio S. Re-
migij struxit. 78. *a.*
Atteix villa. 318. *a.*
Attilas Laudunensis
Episcopus. 110. *a.*
Auennacum monaste-
rium 293. *b.* 294. *a.*
391. *a.* *b.*
Aurelianus Lugdunē-
sis Arch. 312. *b.*
313. *a.*
B.
Balbiacus vicus. 345.
b. S. Baldericus At-
bas. 379. *b.* 380. *a.* e-
ius mors & miracu-
la. 380. *b.* & se ip-
corpus furto ablatu.

380. *b.* 381. *a.* *b.* corum. 216. *b.*
 cuiusdam Abbatis S. Basolus, 97. *a.* & se-
 in eundem blas- qq. miracula ab ipso
 phemia. 382. *b.* 383. *a.* edita. 98. 99. illius
 Balduinus Comes Ecclesia in Vitriaco.
 Flandrensis. 180. *a.* 110. *a.*
b. 258. *a.* 282. *b.* Bauo, 110. *a.* III. *a.*
 342. *a.* 347. *b.* Bego correptus à Dæ-
 S. Balsamia S. Remi- mone. 122. *b.*
 gij nutritrix. 25. *a.* Benedictus Abbas.
 Balsennus S. Basoli 99. *b.*
 nepos. 100. 99. Benedictus Papa. 176. *a.*
 Barnabas Arch. Rem. S. Benedictus. 30. *a.*
 22. *b.* Bēna vehiculi genus.
 Baruc Arch. Rem. 62. *b.* 63. *a.*
 22. *b.* Bennadius, siue Ben-
 Basilica SS. Petri nagius Arch. Rem.
 & Pauli Parisiis. 41. 22. *b.*
b. 42. *a.* Remis ad Bercetum monaste-
 monasteriū puella- rium. 58. *b.* 59. *a.*
 rum. 108. *a.* 109. *a.* Bercharius Abbas.
b. ad Cortem. 109. 110. *a.* III. *a.*
a. S. Symphoriani Berna villa. 317. *b.*
 siue ad Apostolos. Bernardus Comes Ar-
 108. *a.* 109. *b.* S. victo uernicus. 285. *b.*
 ris. S. Basoli. 109. *b.* Bernardus Comes Re-
 Crispini & Cris- donensis, 285. *a.*
 piniani. 108. *a.* 109. *b.* Bernardus Comes
 Basilicaris porta Rem. Tolosanus. 285. *a.*
 122. *a.* 360. *a.* Bernardus Ecclesiæ
 Basilica villa. 398. *b.* Remensis custos,
 Basilius Imp. Græ- 166. *b.*

Berno Cartalaunenſis
Ep. 266. a
Bernoldi viſio. 154. b.
219. a. b.
Berta Auennaci Ab-
batiffa. 293. b. 395.
a. 316. a
Berta Gerardi Comi-
tis vxor. 299. a
Berta Gunthberti vxor.
390. b. 391. a. eius
corpus. 391. b
Bertharius preſbyter.
322. a
Bertrandus Comes.
289. a
Betta Rieuini vxor
mortua. 61. b. 62. a
Bertulfus Treueren-
ſis Archiep. 233. a
Betauſius Archiepiſ.
Rem. 13. b
Blitgarius medius cre-
puit. 63. b
S. Bonifacius in Gal-
liis legatus. 123. a. b.
129. a. 130. a
Boſo Comes. 289. b.
357. b. 358. a. 385. b.
Boſo nobilis. 269. b
S. Boua. 379. b. eius
corpus. 380. a

SS. Boua & Doda
monaſterium. 388. b
Brunuardus Abbas.
269. b

Brunna monaſterium.
382. b

Burgundiones victi.
41. a

C.

S. Calixti corpus.
316. a. 337. a
344. b. monaſterium.
316. a. 318. b.

Campellis abbatia.
318. a

Carlomannus Pipini
filius. 133. a. eius ſe-
pultura. 134. a

Carlomannus Caroli
regis filius aduerſus
patrem conſurrexit.
218. b. excommuni-
catus. 219. a.

Carlomannus Dinco-
nus regis filius. 286. a.

Carolus Magnus rex
Franc. 130. b. 134. a.

Carolus Ludouici
Imp. F. rex Francorū.
83. a

Carolus rex Francorū.
Ggg. iij.

- Lotharij frater 151. *a* res. 104. *a*
 res Ecclesiæ Rem. Childebertus rex. 93. *b*
 ablatas restituit. Chilpericus 94. *b*
 156. *a* Christiani auguria ca-
 Carolus Pippini fi- ptantes, aut cum pa-
 lius. 121. *b*. 122. *a* ganis supersticiosos
b. 123. *a*. eius se- cibos comedentes.
 pulcrum. 123. *b* 105. *b*
 Carolus puer rex. 319. Clericus. 184. *a*. 105. *a*
a. 321. *a*. 325. *a*. 227. nō debet adire forū
a. *a* suis destitutus. sine permissu Epis-
 362. *b*. carcere libera- copi. 106. *a*
 tus. 356. *b*. iterum Clerici ab Ebone
 custodiē mandatus. post suam deposi-
 357. *a* tionē ordinati gra-
 Carolus Ludouici- dibus Ecclesiasticis
 Trāsrhenani regis priuati. 174. *b*. 175.
 filius. 228. *a*. *b*. *a*. *b*. ad gradus re-
 273. *b*. *a*. 274. 324. *b*. cepti. 177. *a*. *b*
 Cauiniacum à S. Re- Clodoueus siue Lu-
 migio maledictum- douicus Franco-
 40. *a* rum rex. 32. *b*.
 Causostis munitio Rothildim vxorem
 occupata. 360. *a* ducit. 33. *a*. Ala-
 obseffa & capta. mannos vincit. 33. *b*.
 360. *b* fit Christianus. 33. *b*.
 S. Celsinus. 25. *a*. *b* 34. *a*. baptizatur. 36.
 Celti villæ homines *a*. Remigio posses-
 seditiosi maledicti. siones dat. 39. *b* 40.
 à S. Remigio. 43. *a*. eius victorię. 41.
b. 44. *a* *a*. *b*. mors 42. *a*
 Cens publici recto- Codiciacus villa. 40.

INDEX.

a. 59. b.
Cænobium à S. Remigio ædificatum.
80. a. b. combustū.
91. a. fons ibi exortus. *91. a. b.*
Coluber non potest viuere in atriis aut cæmeteriis S. Remigij Ecclesiæ circumiacentibus.
63. b
Collaticia porta Rem.
390. a
Confessio per litteras.
265. a
Conradus dux. *64. b.*
65. a. 376. a
Conradus rex. *365. b*
Cōtrouerſia inter Episcopos Sueſſionenſ. & Nouiom. *135. b*
Corbanacum caſtrum captum. *360. a*
Corbeiacēſis cænobij monachorū temeritas. *343. b*
Coſla vicus. *345. a*
SS. Coſmæ & Damiani baſilica. *109. a*
CruX maior Eccleſiæ S. Marię Remis

furto ſublata. *372. b*
Crucis ſignum de ſanguine S. Oriculi
22. a
Culmiciacus vicus.
377. a

D.

Dado Ep. Virdu-
 nenſis. *384. a. b*
Dagobertus rex Gall.
108. b
Dangulfus. *396. b.*
Dena villa. *384. b.*
Dentium dolor ſanatus. *127. a. 128. b.*
129. a. 161. b
S. Deodati corpus
268. b. 269. a
Deroldus Ep. *371. b*
Dido Ep. Laudunenſis. *338. a*
S. Dionyſij corpus Remis ſeruatum.
85. a. illius Eccleſia.
351. a
S. Dionyſij monachi cum ipſius martyris corpore à Fulcone Remis excepti. *344. b*

S. Dinitianus Sues-
sionis Episcopus
8. a

S. Doda. 379. b. eius
corpus. 380. a

Dodilo Cameracēsis
Ep. 335. a

S. Donatianus Arch.
Rem. 14. a

Drogo Metensis Ep.
235. a

Duodeciacum villa.
317. b

E

Ebo Arch. Rem.
14. a. 99. b. 137. a.

Danos ad fidem
conuertit. 144. b.

Depositus. 146. a.
& seqq. restitutus.

150. a. ad Lud. re-
gem germaniæ se

confert. 151. b. De-
positionis eius iu-

dicij reparatio. 153.
b. & seqq. eius li-

bellus. 147. b. 148.
b. ei concessus Ci-

uitatis murus. 141.
a. data abbatia

S. Columbanus
151. a. de eo vilio.

145. a

Ebrardus. 277. a.

Ebrardus clericus
febri liberatus.

162. b

Ecclesia B. Mariæ in
arce Remensi fun-

data. 121. a. 18. a. b

Ecclesiæ beneficio à
morte liberati.

104. a

Ecclesiæ Græcæ &
Latinae cōtrouer-

sia 216. b. 217. a. b

inter Ecclesiæ fa-
cultates cōputā dū

quicquid sacerdo-

ti ab extraneis
donatur vel di-

mittitur. 106. a

Ecclesiæ ciuitatis
muri corruunt.

42. a

Edeboldus rex an-
gl. 180. a

Edinulfus anglorū
rex. 180. a

Electio Episcoporū.
107. a. 223. a. 225. b.

273. b

I N D E X.

- | | |
|---------------------------------------|---------------------------------------|
| Eneas Parisiorū Ep. | excōmunicatus. |
| 239. <i>a</i> | 352. <i>b</i> . interēptus |
| Engilgarius nobilis. | ab excōmunica- |
| 292. <i>a</i> Epiphanius | tione solutus. |
| Abbas basilicæ S. | 353. <i>a</i> |
| Remigij. 96. <i>a</i> . | Erduinus. 288. <i>a</i> |
| officio remotus. | Erminfridus. 309. <i>b</i> |
| 97. <i>a</i> | Erpuinus Siluane- |
| Episcopus an pos- | ctensis Ep. 236. <i>b</i> |
| sit alienare bona | S. Eucherii Aurelia- |
| Ecclesiæ. 105. <i>b</i> | nenſis Episcopi vi- |
| Episcopi deceden- | sio. 123. <i>a</i> . <i>b</i> |
| tis bona non licet | Engeltannus Comes |
| occupare ante te- | 286. <i>a</i> |
| ſtamenti reſera- | Eulogius S. Remi- |
| tionem. 105. <i>b</i> | gii interceſſione vi- |
| Episcopo an liceat | tæ & bonis reſtitu- |
| ministeria ſacra | tus. 40. <i>b</i> . |
| frangere. 106. <i>b</i> | Eurardus Arch. Se- |
| Episcopi in gallia | nonenſis. 309. <i>b</i> |
| iurant fidelitatē. | Eurardus Marchio |
| 242. <i>a</i> . 247. <i>a</i> . vii- | 316. <i>a</i> |
| de eligendi. 273. <i>b</i> . | S. Eutropia Virgo & |
| electi regia au- | martyr. 17. <i>b</i> . 18. <i>a</i> |
| ctoritate. 370. <i>a</i> | <i>b</i> ſepulta 19. <i>b</i> . reli- |
| Episcoporum ele- | quix tranſlatæ. 21. <i>b</i> . |
| ctio. 107. <i>a</i> . 223. <i>a</i> . | Excommunicatio. |
| 225. <i>b</i> . 226. <i>a</i> . | 103. <i>b</i> . 104. <i>a</i> |
| 273. <i>b</i> | Excommunicatus. |
| Ecanraus Catalau- | 104. <i>a</i> |
| nenſis Ep. 257. <i>a</i> | |
| Erlebaldus Comes | |

F.

Felix Abbas S.
 Iuliani martyris.
 108. *b.* 109. *a.*
 Fercinctus ciuis Re-
 menfis. 29. *b.*
 Flavius Arch. Rem.
 92. *b.*
 Flauuardus auctoris
 auunculus. 100. *a.*
 captus à latronibus
 100. *b.*
 Flodoardus custo-
 diæ mādatus. 362. *a.*
 S. Florentius mar-
 tyr. 18. *b.*
 Folco Comes. 281. *b.*
 Folcuinus Morinen-
 sis Ep. 238. *b.*
 Fons S. basoli, 98. *a.*
 Fons in monasterio.
 SS. Theoderici &
 Theodulfi exortus.
 91. *a. b.* miracula ibi
 edita. 91. *b.* 92. *a.*
 Formosus Papa. 317.
a. 331. *a.*
 Formosus religiosus
 Ep. 234. *b.*
 Fortunatus Italicus

poëta. 93. *b.*
 Franci ad fidem cō-
 uerfi, 31. *a.* 32. *a.* &
 seqq. 34. *a.* 36. *b.*
 Francorum mos in
 regum electione,
 326. *a.* 327. *b.*
 Franco Ep. 266. *a.*
 Fredericus Mogun-
 tinus Arch. 366. *a.*
 373. *a.*
 Fredericus sacerdos.
 389. *a.*
 Frotarius Bituri-
 gensis Arch. 310. *a.*
 Frotarius Burdega-
 lēsis Ep. 235. *a.* 312. *b.*
 Frotherus Archiep.
 333. *a.*
 Fulbertus Ep. Came-
 racensis, 359. *a.* 375. *a.*
 Fulco Arch. Rem.
 21. *b.* 128. *a.* 149. *b.*
 390. *a.* 391. *b.* Ec-
 clesiam Rem. au-
 xit facultatibus.
 317. *b.* 318. *a.* 344.
a. b. eius scripta.
 309. *a.* & seqq.
 mors. 347. *b.* 348. *a.*
 Fulcrannus mona-
 chus. 285. *a.*

I N D E X.

Fulericus Trecaſſi-
nus Ep. 258. *a*
Fulcrici cuiuſdam
crimen. 169. *a. a*
170. *b. excōmu-
nicatio. 229. a. 230*
a. 277. b. 278. b.
300. *a*
Fulradus S. Diony-
ſij Abbas. 123. *b*

G

Gallus Ep. Ar-
uernēſis. 109. *a*
Gaudericus episco-
pus. 234. *b*
Gaudiacus locus.
384.
SS. Gaugerici &
Quintini baſilice.
109. *a*
Gautſuinus. 274. *b*
Genebaudus ordi-
natus episcopus
Laudunenſis. 36.
*b. 37. a. eius pec-
catum. 37. a. pœ-
nitentia. 38. a mi-
raculum. 38. b. 39.*
a. mors. 39. b
S. Genouefæ altare

in Eccleſia S. Chri-
ſtophori in Re-
menſi vrbe. 45. *b*
illius baſilica. 109.
a. b
Gerardus comes.
276. *a*
Gerberga regina.
365. *b. 366. a. 370. b*
Gerhardi preſbyte-
ri viſio. 164. *b*
Gerlanimons, uilla
384. *b*
S. Germani baſilica
109. *a*
Gerniacæ cortis Ec-
cleſiæ redditæ
campanæ furto
ablata. 124. *a*
Gibehardus abbas.
133. *a.*
Gibero quidam mi-
ſere vexatus. 230. *b*
231. *a*
S. Gibrianus eiufq.
frater. 345. *a*
Gingleiū villa. 318. *a*
Godefridus Comes
palatij. 386. *a. b.*
387. *a*
Goirannus Comes.
290. *a*

I N D E X.

- | | |
|--|---|
| <p>Gondebaudus vi-
ctus. 41. <i>a</i></p> <p>Godebertus Pertas
dedit ecclesiæ SS.
Timothei & Apol-
linaris. 12. <i>a</i>.</p> <p>Gontarius archi-
presbyter. 305. <i>a</i></p> <p>Gothescalcus hære-
ticus condemna-
tus. 180. <i>b</i>. 201. <i>a</i>
305. <i>a</i></p> <p>Gothi fusi. 41. <i>b</i>. 42. <i>a</i></p> <p>Goslinus comes.
286. <i>a</i></p> <p>Gozlinus. 271. <i>a</i>. <i>b</i></p> <p>Gregorius Eccl.
Rem. Nomenclatu-
tor 134. <i>b</i>. 271. <i>a</i></p> <p>Gregorius Papa in
Galliam venit 153. <i>a</i></p> <p>Grimo Ep. Roto-
maz, 129. <i>b</i></p> <p>Grimoaldus. 110. <i>b</i>
120. <i>a</i></p> <p>Grunharius abbas
272. <i>a</i></p> <p>Grunoldus abbas.
169. <i>b</i></p> <p>Guntarius abbas.
271. <i>a</i></p> <p>Guntarius Coloniæ</p> | <p>sis Ep. 230. <i>b</i></p> <p>Guntbaldus archiep.
229. <i>a</i></p> <p>Guntbertus. 390. <i>a</i>.
<i>b</i>. 391. eius corpus
translatum. 391. <i>b</i>.</p> <p>Guntmarus sacer-
dos. 388. <i>b</i></p> <p>Guntrannus rex.
94. <i>b</i></p> <p style="text-align: center;">H.</p> <p>Hadericus co-
mes, 345. <i>b</i></p> <p>Hæresis quædam per-
niciosissima. 332. <i>a</i></p> <p>Hæretici, 103. <i>b</i></p> <p>Harbertus Ep. Se-
non. 129. <i>b</i></p> <p>Harduinus Abbas
Altuillarensis. 175. <i>a</i></p> <p>Harduinus comes.
287. <i>a</i>.</p> <p>Hectis Treuironum
Archiep. 229. <i>a</i></p> <p>Hedenulfus Laudu-
nensis Ep. 265. <i>b</i>.
297. <i>b</i></p> <p>S. Helenæ translatio
ad monasterium
Altumvillale. 112.</p> |
|--|---|

INDEX.

- a. b. & seqq.*
Henricus rex. 357. *a*
 358. *b.*
Herardus Turonen-
 sis archiep. 232. *a*
Heribertus comes.
 354. *a.* 355. *a. b.* 356. *a*
b. 357. *a. b.* 360. *a.*
 361. *a.* 3695. *a. &*
seqq. excōmuni-
 catus 360. *b.* mor-
 tuus. 363. *b*
Heribertus Heri-
 berti comitis fi-
 lius. 379. *a*
Herigarius Magun-
 tia præsul à S.
 Remigio flagella-
 tus. 64. *a*
Herilandus Tarua-
 nensis Ep. 321. *b*
Herimannus Colo-
 nienfis arch. 315. *a.*
 333. *b*
Herinandus Mori-
 nensis Ep. 338. *b*
Heriucus arch.
 Rem. 39. *a.* 64. *b*
 76. *a.* 163. 349. *a*
 eius mors. 353. *b*
Herineus Heriuei
 nepos 354. *a* excō-
 municatus. 367. *a*
Hermēnicus rex ina-
 pius. 327. *b*
Hetilo archiep.
 336. *b*
Hetilo Nouioma-
 gensis Ep. 267. *a*
Hilaria Diacona
 77. *b*
S. Hilarij basilicæ
 Remis. 87. *b.* 392. *a. b*
Hildebaldus Episc.
 Sueffionēsis. 264. *a*
Hildegarius beluacē-
 sis ep. 356. *a.* 374.
b. 378. *b.* 379. *a*
Hildegarius Meldē-
 sis Ep. 261. *a*
Hildevannus Bel-
 uacensis Ep. 147.
a. 148. *a*
Hilduinus abbas S.
 Dionysij. 152. *b.*
 153. *a.* 269. *a*
Hilmeradus Am-
 bianensis Ep. 257. *a*
Hincmarus Laudu-
 nensis Ep. Hinc-
 mari Remensis
 nepos. 231. *b.* 239.
a. & seqq. eius
 mors. 273. *a*

- Hincmarus** mona-
 sterij S. Remigii
 Abbas. 365. *a. b.*
Hincmarus Arch.
 Rem. 13. *b.* 66. *a.*
 83. *a.* 127. *a.* 152.
b. 175. *a.* pallium
 obtinuit ad vsum
 quotidianū. 168. *b.*
 eius libri & scripta
 204. *b.* 205. *a.* 211.
b. 218. *a.* & seqq. 239.
a. & seqq. mors.
 308. *a.*
Hirringardis Lu-
 douici Imp. vxor
 dicta Augusta.
 140. *b.*
Homicidium. 104. *b.*
 105. *a.*
Honoratus Ep. Bel-
 uacensis. 338. *b.*
Hormisda Papa.
 311. *a.*
Huchaldus Comes.
 349. *a.*
Hucboldus mona-
 chus à Barbaris
 ladi non potuit.
 118. *a. b.* 347. *a.*
Hugo Abbas. 2
Hugo Lothari. 73. *a.*
 i re-
 gis filius. 212. *b.*
 290. *b.* Roma pul-
 sus. 359. *a.*
Hugo Herib. F. arch.
 Rem. 91. *b.* 355. *a.*
 357. *a. b.* 359. *b.*
 364. *b.* 370. *a. b.* &
 seqq. diaconus,
 361, *b.* obtinet pal-
 lium, 363, *b.* Re-
 mis expulsus, 365,
 366, *a. b.* cōtempnit
 synodum, 367. *b.*
 excommunicatus
 375. *b.* 378, *b.* e-
 ius crudelitas 377. *a.*
Hungari Gallias.
 infestant, 91, *a.* 356. *a.*
 Lothariense re-
 gnū vastant, 356, *a.*
 352, *a.*
Hungarius Ep. 258, *a.*
 I
Ille Ambianensis
 Ep. 146, *a. b.*
Immo Comes, 279, *a.*
Incestus, 104. *b.*
Ioānes Cameracen-
 sis Ep. 161, *b.*
Ioannes Episcopus,
 234, *b.*
Ioannes

I N D E X.

- | | |
|--|--|
| <p>Ioannes Papa. 264. <i>b.</i>
 307. <i>b.</i> 355. <i>b.</i> 356. <i>b.</i>
 358. <i>b.</i> Trecas venit.
 231. <i>a.</i>
 Ioannes Rotomagen-
 sis Archiep. 234. <i>a.</i>
 309. <i>b.</i>
 S. Ioannis Basilica.
 107. <i>b.</i>
 S. Iocundus martyr.
 18. <i>b.</i>
 Iouinus sanct. Agrico-
 læ templum funda-
 uit & decorauit. 19.
 <i>b.</i> 20. <i>a.</i> S. Remi-
 gius ibi morari soli-
 tus. 20. <i>b.</i> eius ve-
 stigia graduum Ec-
 clesiæ lapidibus ex-
 pressa. 20. <i>b.</i> eius re-
 liquiæ. 383. <i>b.</i>
 Irmingardis Augusta.
 293. <i>b.</i>
 Irmingardis Bosonis
 coniux. 299. <i>a.</i>
 Irmininda matrona.
 299. <i>b.</i>
 Irmintrudis regina.
 295. <i>b.</i>
 Isaac Comes. 354. <i>b.</i>
 Isaac Lingonensis E-
 piscop. 257. <i>b.</i></p> | <p>Issembertus nobilis.
 290. <i>a.</i>
 Iudith Caroli regis fi-
 lia Angliæ regina
 Balduino Comiti
 nubit. 180. <i>a.</i>
 Iuliacus Villa. 40. <i>a.</i>
 59. <i>b.</i> miraculum
 ibi editū. 61. <i>b.</i> 62. <i>a.</i>
 S. Iuliani martyris Ec-
 clesia Remis, 78. <i>a.</i>
 <i>b.</i> 107. <i>b.</i> 109. <i>a.</i></p> <p style="text-align: center;">L.</p> <p>L Ambertus desi-
 gnatus Ep. 272. <i>b.</i>
 Lambertus Imp. 318.
 <i>b.</i> 321. <i>a.</i> 332. <i>a.</i>
 Lampadius Remorū
 præses à dæmonio
 arreptus moritur.
 11. <i>b.</i>
 Lando, 23. Ep. 108. <i>b.</i>
 109. <i>a.</i>
 Landramnus Archie-
 pisc. 230. <i>a.</i>
 Lantardus sacerdos,
 304. <i>a.</i>
 Latro genebaudi filius
 37. <i>a.</i> ordinatus E-
 piscopus. 39. <i>b.</i></p> |
|--|--|

INDEX.

- Laudunensis Episcop.**
 primum ordinatus,
 246. *a*
Laudunum obsessum.
 363. *a*. captum. 370.
b, Arx noua capta.
 360. *a*
Leo Episcopus custos
 bibliothecæ Rom.
 234. *a*
Leo IV. Papa. 169. *a*
Lesterna villa. 318. *a*
Leudegiselus 21. Ep.
 108. *b*
Leudemarus Abbas,
 118. *a*
Leutgardus regina
 Transrhenensis. 299. *a*
Libra fons. 391. *a*
Lotharius rex Italiae.
 221. *b*. 228. *b*. 231. *a*
 Imp. 150. *a*. 221. *a*
Ludouicus Abb. 298. *a*
Ludouicus Imp. 122. *a*
b. 137. *b*. 360. *a*. Re-
 mis cum Stephano
 Papa exceptus. 140.
a. muros dedit Ebb-
 ni Arch. 141. *a*. ca-
 ptus à filiis & cili-
 cio indutus ab E-
 piscopis. 144. *b*. 145.
- a*. regno restitutus.
 146. *a*. mortuus. 150. *a*
Ludouic⁹ Caroli filius
 rex Gall. 222. *b*. 359.
b. 363. *a*. 376. *b*. ca-
 ptus à Normannis.
 365. *a*. vnctus. 370. *b*
Ludouicus Ludouici
 Regis filius. 379. *a*
Ludouicus Transrhe-
 nensis siue Germa-
 niæ rex. 13. *b*. 59. *b*.
 151. *b*. 168. 171. *b*.
 221. *a*. 223. *b*. 266. *a*.
 267. *a*. 274. *a*. 288. *b*.
 306. *a*
Lues inguinaria inter-
 cessione S. Remigij
 depulsa. 56. *b*
Luidbertus Magunti-
 nus præsul. 230. *b*
Luitardus. 282. *b*
Luitbrandus Italorum
 rex Berceum mō-
 nasterium Mode-
 ramno tradit. 59. *a*
Luitdulfus Capella-
 nus. 378. *b*. 399. *a*
Lupus Catalaunensis
 Ep. 175. *a*. 236. *b*
S. Lupus Treassinus
 Ep. 15. *b*. 24. *b*

I N D E X.

M.

S. M Acra virgo, & martyr 396.

a. illius templum, 396. *b*

Magenardus mon. 275. *b*

Maio Comes 282. *a*

Manasses sacrorum violator, 321. *b*. 322. *a*

Mancio Catalaunenſis Ep. 340. *a. b.*

Mancipia Chriſtiana Chriſtianis tantum venundanda, 105. *a*

Maniacum villa, 218. *a*

Manigaudus 287. *b*

Mapinius, 17. Ep. 92. *b*

Marciliana villa, 102. *b*

Margolium villa, 318. *a*

Maria ſive Marotia Ioannis Papæ mater 359. *b*. 359. *a*

B. Mariæ Eccleſia in arce Remenſi fundata 12. *a*. 18. *a. b*

Marinus Episc. 368. *b*

Marinus Papa, 309. *a. b*. 310. *a*. 311. *a*

Marinus Papæ Vica-

rius, 374. *b*. 375. *a*. 277. *b*

S. Martini Eccleſiæ in Episcopio Remenſi.

107. *b*. 109. *a*. 394. *a*. & ſeqq.

Martis porta Rem. 3. *b*

Martius cōuentus, 33. *a*

S. Maternianus Arch. Rem. 13. *b*

Matuſgus 347. *a*

S. Mauricij Baſilica, 108. *a*. 109. *b*

S. Maurus preſbyter, 10. *a*. eius reliquiæ, 11. *b*

S. Medardi Baſilica, 108. *a*. 109. *b*

S. Medardi monaſte- rium, 275. *b*. 347. *b*

S. Memmius 7. *b*

Meretricum collectio Remis in viduarum congregationē permutata 83. *b*. 84. *a*

S. Merolilanus Scotus 392. *b*. & ſeqq.

Michael Græcorum Imp. 216. *b*

S. Michaëlis oratoriū in porta Baſilicari Rem. 122. *a. b*

Milo expulſo S. Rigo- HHh ij

I N D E X.

Vberto factus Arch.
 Rem. 122. *b.* & seqq.
 Milo Gerſanimontis
 præpoſitus, 386. *a*
 Miracula. 8. 9. *a.* 11. *b.*
 12. *a.* *b.* 13. *a.* 19. *a.* *b.*
 20. *a.* *b.* 21. 22. *a.* 23.
 24. *a.* 27. *a.* 36. *a.*
 39. *b.* 40. *a.* 42. *b.* 43.
 44. *a.* 56. *b.* 57. & ſeqq.
 60. *a.* 62. *b.* 63. *a.* 65.
 66. *a.* 68. *b.* & ſeqq. 72.
 73. *b.* 81. *a.* 82. *b.* 85. *a.* *b.*
 86. *b.* 87. *a.* 91. *b.* 92.
 93. *a.* 98. 99. 110. *a.* 111.
 112. *b.* & ſeqq. 118.
 119. *a.* *b.* 120. 121. 127. *a.*
 128. *b.* 129. *a.* 145. *a.*
 161. *a.* 230. *b.* 231. *a.*
 345. *b.* 358. *b.* 379. *b.*
 380. *b.* & ſeqq. 384.
 385. *a.* 388. *b.* 390. *b.* 392.
 393. *a.* & ſeqq. 394. *a.* &
 ſeqq.

Moderaminus Redo-
 nenſis Episcopuſ.
 38. *a.* *b.* Berceti Ab-
 baſ. 59. *b.*

Molendinum à S. Re-
 migio euerſum 39. *b.*
 40. *a.*

Monasterium regale

Rem. 390. *a.*
 Monasterium in mon-
 te Bardonis à Mo-
 deramno ædificatū.
 145. *a.*

Monna Bertæ neptiſ.
 391. *a.*

Mons acutus obſeſſuſ.
 376. *b.*

Mons falconis, 38. *a.*
 monasterium ibi æ-
 dificatum, 380. *a.* *b.*

S. Montanus mona-
 chuſ, 23. *b.* & ſeqq.

Moſomum caſtrum ſe-
 paratum, 350. *b.* ob-
 ſeſſum, 366. *b.* captū,
 373. *a.* 376. *a.*

Mulier ante reliquias
 S. Remigij ſanata
 fatetur ſe proprium
 matrē occidiſſe 72. *b.*

Municipiorum origo
 246. *a.*

N

NAntarius, 278. *b.*
 Nazarenorum
 Euangelium, 234. *b.*

Nicaſiuſ, Arch. Rem.
 14. *a.* & ſeqq. mar-
 tyr, 18. *a.* *b.* ſepultuſ,

I N D E X. I

- 19, *b*, eius reliquie translate, 21, *b*, basilica, 107, *b*, 109, *a*
 Nicolaus Papa 176, *a, b*
 177, *b*, 216, *a*, mortuus, 217, *b*
 S. Niuardus siue Niño Arch. Rem. 109, *b*, & seqq. eius mors 112, *a*
 Normanni Gallias vastant, 308, *a*, 310, *b*, 317, *b*, 321, *b*, 324, *b*, 333, *b*, 344, *b*, 345, *b*, 381, *b*, 397, *a*, fusi, 364, *b*, ad fidem conuerſi, 352. *a*.
 Notho 152. *a*.
 Notho Arelatensis Arch. 238. *b*.
 Nouilliacū villa, 289. *a*
- Odila S. Reoli filia, 117. *b*. 118. *a*
 Odo Beluacensis Ep. 258. *b*
 Odo Heriuei Arch. Remensis frater, 354. *a*
 Odo rex, 319. *a* eius & Caroli regis discordia 398. *a*
 Oirānus Senogallienſis Ep. 313. *a*
 Orbacense monasterium 118. *a*
 Orciuallis villa, 102, *b*
 S. Oriculus martyr cū sororibus suis, 22. *a*
 Orientalium schismata & hæreses, 317. *a. b*
 Otho rex, 372. *b*. 376. *a*
 Ottradus canonicus, 381. *b*

O.

P.

- O**ctulfus Trecaſſinus Ep. 265. *a*
 Odalricus Aquensis Ep. 357. *a*. 362. *b*
 Odalricus Comes, 288. *b*
 Odelardus Archipreſbyter 305. *a*
- P**agani Gallias vexant, 310. *b*.
 Paganorum amicitia fugienda 329. *a*.
 Pallium non debet temere concedi Episcopis, 316. *b*. Hincmaro concessum.

I N D E X.

- | | |
|---|---|
| <p>ad vsum quotidiana-
num 168. <i>b</i></p> <p>Pardulus Laudunen-
sis Ep. 237. <i>a</i></p> <p>Parisi obfessi à Nor-
mannis, 310. <i>b</i>. 324. <i>b</i>
325. <i>a</i></p> <p>S. Patricia. 289. <i>b</i></p> <p>Pertæ, villa 12. <i>a</i></p> <p>Pestis in Gallia & Ger-
mania. 356. <i>a</i></p> <p>S. Petri crypta in Ec-
clesia Rem. 137. <i>b</i>.
138. <i>a</i></p> <p>Pippinus Aquitanorū
rex. 144. <i>b</i>. 228. <i>a</i></p> <p>Pippinus rex Gal. 120.
<i>b</i>. à S. Remigio cor-
reptus 54. <i>b</i></p> <p>Pleonicus Archiepisc.
334. <i>b</i></p> <p>Plumbea fontana villa
Episcopii Remensis,
ibiq; miraculū editū,
62. <i>b</i>. 63. <i>a</i>. <i>b</i></p> <p>S. Polycarpi translatio
115. <i>a</i></p> <p>Primogenitus Diacon.
13. <i>b</i></p> <p>Principius Suefforum
Episcopus 24. <i>a</i></p> <p>Prudentius Trecensis</p> | <p>Episcopus 236. <i>b</i></p> <p style="text-align: center;">R.</p> <p>B. R Abanus Ma-
guntia Præ-
sul 229. <i>b</i></p> <p>Rado Subdiaconus Su-
ession. dolore den-
tium liberatus à S.
remigio 66. <i>a</i>. <i>b</i></p> <p>Raduini monach. vi-
sio 145. <i>a</i></p> <p>Raganarius perēptus
36. <i>a</i></p> <p>Regenelmus Nouio-
magenfis Ep. 263. <i>a</i></p> <p>Ragenoldus Comes.
367. <i>a</i>. 377. <i>a</i></p> <p>Ragimbaldus percuf-
sus & furiis agitatus
moritur 65. <i>a</i></p> <p>Rainnerus, 238. <i>b</i></p> <p>Ramoldus Comes,
290. <i>a</i></p> <p>Rampo sacrorum vio-
lator, 321. <i>b</i>. 322. <i>a</i>.
332. <i>a</i></p> <p>Ranciati munitio ,
377. <i>a</i></p> <p>Ratoldus presbyter,
100. <i>b</i>.</p> <p>Ratrānus excommu-</p> |
|---|---|

nicatus, 303. *b*

Remensis & Treuerē-
sis Archiepiscopatus
distinctio. 197. *b*. 225. *b*

Remensis sedes cæte-
ris Gallicanis magis
honorata. 311. *a*

Remensis Ecclesia re-
ditibus aucta, 92.
b. 93. *a*. 360. *b*. multa
ei prius ablata resti-
tuta. 143. *b*. 156. *b*. re-
parata, 140. *b*. illius
priuilegia. 119. *b*.
120. *a*. 131. *a*. 144. *a*.
176. *a*. 314. *b*. 318. *a*.
341. *b*. 354. *a*. *b*.

Remi inter finitimos
semper tenuerunt
principatum, 5. *b*.
illorum origo, 3. *b*.
4. *b*. 7. *b*. primi mar-
tyres, 8. *b*. & seqq,

Remi obfessi. 16. *a*. 320.
b. 361. *a*. 364. *b*. 365.
b. 366. *b*. 370. *a*. *b*.
372. *b*. relictī soli-
tarij. 19. *a*. cremati.
29. *a*. *b*. capti. 361. *a*.
muro circumdati.
344. *b*. Durocorto-
rum Remorum, 4.

a. *b*. Remishospitale
ædificatum. 171. *b*.
signa visa. 356. *a*. 358.
a. 359. *a*. monasteria.
379. 390. *a*

Remis multæ Basilicæ
fuerunt, quæ Flo-
doardi tempore nō
reperiebantur 379.
a. scholæ restitutæ.
347. *a*

S. Remigius dictus
Remedius. Arch.
Rem. 23. *b*. 25. *a*. *b*.
26. *a*. 232. *a*. syluæ in
saltu Vosago fines
manu sua termina-
uit. 60. *a*. *b*. Arianū
Episcopum cōuer-
tit, 42. 43. *a*. male-
dixit seditiosis Celti-
villæ, 43. *b*. 44. *a*. o-
culis priuatus & re-
stitutus. 44. *b*. eius
mors, sepultura, te-
stamentum. 45. *a*. *b*.
46. *a*. *b*. & seqq. tu-
mulus, 12. *a*. 20. *b*.
29. *a*. crypta. 39. *a*.
351. *a*. oratorium. 61.
a. discipuli. 76. *b*. &
seqq. Basilica, 107.

- b.* 365. *a.* virtutes & 351. *a.*
 miracula, 20. *b.* 26. Robertus Comes Car-
b. 27. *a.* 29. *a.* *b.* 60. *a.* notenus. 352. *a.* rex
 68. *b.* & seqq. pos- constitutus. 353. *b.*
 sessiones 36. *b.* & seqq. Robertus Treuerensis.
 corpus trāslatū. 57. Arch. 366. *a.* 373. *b.*
a. *b.* 66. *a.* *b.* 67. *b.* 73. 375. *a.*
a. 308. *a.* 344. *b.* 350. Rodoaldus Archipres-
a. 356. *a.* byter. 300. *a.* 302. *a.*
 Reolus 25. Ep. 111. *b.* 303. *a.*
 116. *b.* Rodoardus Ep. Cata-
 Ricardus sacrorum launensis. 345. *b.*
 violator. 321. *b.* 322. *a.* Rodemia villa. 318. *a.*
 Richaldus Chorepif- Rodoardus Remensis
 copus. 300. *a.* Ecclesiæ Præpositus.
 Richildis regina. 297. 304. *b.*
b. 232. *b.* S. Roduicus. 384. *a.*
 Riciouarus præf. 396. *a.* Rodulfus Biturigensis
 Riculfs Ep. Sueffio- Ep. 230. *b.*
 nensis. 398. *a.* Rodulfus Comes.
 Rigetiū nemus. ibique 280. *b.*
 Monasterium. 97. *b.* Rodulfus Ep. Laudu-
 S. Rigobertus Arch. nensis. 374. *b.* 376. *a.*
 Rem. 118. *b.* 392. *a.* Rodulfus rex. 355. *a.*
 Remis pulsus. 121. 356. 357. *a.* *b.* 359. *a.*
b. & seqq. exulat in *b.* 370. *a.*
 Vasconia. 124. *a.* re- Romæ origo incerta.
 dit 124. *b.* ei datæ 4. *a.* Romanus Arch.
 terræ circa Gernia- Rem. 92. *b.* eius Ec-
 cam. 120. *b.* eius o- clesia. 385. *b.*
 bitus. 126. *a.* transla- Romulfus 19. Ep. 97. *a.*
 tio. 127. *a.* reliquæ. 101. *b.*

I N D E X.

- Roricus Normannus. copo iudicatur. 247.
282. *a* *b*. 248. *a*
- Rosetum villa. 62. *b*. Sanguis sudatur. 390. *b*
63. *a* Senderoldus Mogun-
Rostanus Arelatenfis tinus Arch. 315. *a*
- Arch. 234. *a*. 333. *a* Senonenfis Episcopus
- Rotgarius rex 356. *a* Primas Galliarum &
Rothadus Sueffionen- Germaniarum. 232. *a*
- sis Ep. 69. *a*. 235. *a*. Sergius Papa. 151. *a*
- depositus 180. *b*. Serpentes fugati. 63. *b*
183. *b* S. Seruatius Tungren-
Rothildis Clodoueo sis Ep. 15. *b*
- nubit. 33. *a* Seuerus Arch. Rem.
- Rotlandus Archiep. 14. *a*
330. *b* Seulfus Arch. Rem.
- Rotrudis monial. 295. *b* 22. *b*. 163. *a*. 353. *b*. e-
SS. Rufinus & Vale- ius mors. 355. *a*. 369. *b*
- rius martyres. 396. Sidonius Aruernorum
- b*. & seqq. eorum Ep. 31. *a*
- basilica. 108. *a* Sigebaldus diaconus
- S. multatus. 375. *a*
- Sigebertus rex Gall. 109. *b*. 379. *b*
- Sacerdos superindu- Sigebertus Sacerdos
- ctus ab Hincmaro 276. *b*.
- excōmunicatur. 303. Sigebodus Sacerdos.
- b*. 304. *a* 275. *b*
- Sacra trium monaste- Sigemundus Ep. 267. *b*
- riorum singulis annis Sigloardus Archipres-
in vnum locum dela- byter. 301. 302. *b*. 303. *a*
- ta. 384. *a* SS. Siluani & Siluina-
- Sacrilegium ab Epif- ni corpora. 12. *a*

- S. Sindulfi translatio. partem Ecclesiæ
 115. *b* remensi delegat.
 S. Sinicius. 2. Ep. Rem. 92. *b*
 7. *b*. 8. *b* Sueffionica vrbs in-
 S. Sixtus 1. Arch. Rem. censa. 377. *a*.
 7. *b*. eius basilica. Sueffionice Ecclesiæ
 107. *b* fundatio. 7. *b*. 8. *a*
 SS. Sixti & Sinicij se- Sufanna Abbatissa.
 pulcrum. 8. *a*. eorum 79. *b*. 80. *a*
 ossa translata in Re- Syagrius in Galliis oc-
 migij Ecclesiā, 8. *a*. *b* cibus. 32. *b*
 SS. Sixti & Sinicij basi- Symmachus papa.
 lica vnus presbyte- 324. *b*
 ri titulus. 8. *a* Synodus Arelatensis.
 Sonnacius Diaconus. 13. *b*. Aurelianensis.
 102. *a*. *b* 41. *b*. Beluacensis.
 Sonnatius Arch. Rem. 152. *a*. Carisiacensis.
 103. eius acta & te- 269. apud Engulen-
 stamentum. 187. *a*. *b* heim. 368. *b*. apud S.
 Spanulfi villa. 381. *a* Macram. 359. *a*.
 Sparnacum villam e- Namnetensis. 110. *b*.
 mit S. Remigius. 40. *b* in Neustria. 291. *a*.
 Spernus Abbas. 99. *b* Nouiomensis. 135.
 Stephanus Abbas. *b*. parisiensis gene-
 341. *b* ralis acta. 103. *a*. *b*. &
 Stephanus Papa. 310. seqq. Remensis. 136.
a. 312. *b*. 322. *b* *a*. 342. *b*. Sueffionē-
 Stephanus Papa remis sis. 171. *a*. & seqq. 176.
 ab Ebone exceptus. *a*. *b*. 177. *b*. ad Theo-
 140. *a* dederici castrum. 359.
 Suauegotta regina *a*. ad Theodonis vil-
 villa Virisiaci tertiā lam. 151. *a*. Trece-

I N D E X.

- sis. 215. *b.* & seq. 307. *b.*
 Treuerensis. 154. *a.*
 377. *b.* ad Troslegium
 353. *a.* 354. *b.* 356. *b.*
 Vvangionensis. 315,
a. Virdunensis, 367.
b. 373, *a.* *b.*
- T.
- T** Enqilus villa.
 63. *b.*
 Tetbaldus pseudoepi-
 scopus excommuni-
 catus 378. *b.*
 Tetgifuſ Presbyter.
 112. *b.*
 Teudechildis Suane-
 gottæ filia, 92. *b.* 93. *a.*
 Teudoinus Heriuei
 Remensis Præſulis
 legatus. 64. *b.*
 Teudulfus Comes,
 283. *b.*
 Teutberga Abbatissa,
 297. *a.*
 Teutboldus Lingo-
 nensis Ep. 312. *b.* 313.
a. *b.* 321. *b.* 322. *a.* 341. *b.*
 Teutgaudius Treue-
 renſis Ep. 230, *a.*
 Theobaldus excom-
 municatus, 376, *b.*
- Theoderaminus, 110. *a.*
 111. *a.* fit monachus
 111. *b.*
 Theodoricus Came-
 racenſis Ep. 238, *a.*
 Theodericus Comes.
 290, *a.*
 Theodericus rex Frā-
 corum, lumen re-
 cipit, 81, *a.* *b.* eius
 filia mortua vitæ
 reſtituta, 82. *b.* S.
 Theoderici corpus
 tumulo condidit,
 84. *b.*
 S. Theodericus, 78,
b. & ſeqq. ei data
 Vendera villa, 83, *a.*
 eius miracula, 81, *a.*
 & ſeqq. monaſteriū
 90. *b.* 91, *a.* baſilica,
 108, *a.*
 SS. Theoderici &
 Theodulfi mona-
 ſterium, 109, *a.*
 S. Theodulfus, 86, *a.*
 & ſeqq. Abbas 87, *a.*
 nunquam ceſſauit
 ab exercitio, 90.
a. eius miracula
 86, *a.* & ſeqq. ara-
 trum, 87, *a.* eius re-

I N D E X.

- liquiæ, 351, *a*
 Tilpini Arch. Remensis mors, 11, *b*. 130, *b*,
 134, *a*
 S. Timotheus martyr,
 8, *b*, & seqq. vidit
 cœlos apertos, 9, *b*
 illius miracula,
 13, *a*, *b*, 12, ossa in
 Saxoniam translata
 13. *a*
 SS. Timothei & Apol-
 linaris Ecclesia, 12,
a, 107, *b*, 109, *a*
 SS. Tonantij & Iouini
 corpora, 12, *a*
 Transulfus Abbas.
 269, *b*
 Treuerensis & Remē-
 sis Archiepiscopa-
 tus, 197, *b*, 225, *b*
- V.
- V** Valas Metēsium
 Præsul, 265, *a*
 Vvalterus Senonensis
 Arch. 321, *b*, 322, *a*,
 334, *a*
 Vandali trepidi fugiūt
 à ciuitate Remensi,
 19, *a*
- Vandalorum perfec-
 tio, 15, *a*, & seqq, 20,
a
 Vvarnerius pagi Vor-
 macēsis Comes. 64. *a*
 Vvassitia villa, 382. *b*
 & seqq.
 Vvafneia villa 398. *b*
 S. Vvedaſti abbatia.
 347. *b*
 Vvelfus nobilis, 285, *b*
 Venatio in ſylua rige-
 tia apud cellulam S.
 Baſoli, 98. *b*
 S. Veranus, 345. *a*. 347. *a*
 S. Viſtoris ossa, 351. *a*
 Vvido Ep. Sueſſionē-
 ſis. 374. *b*. 376. *b*. 377
b. 378. *a*
 Vvido Imp. 318. *b*. 326.
b. 328. *a*
 Vvifredus Morinen-
 ſis Ep. 377. *b*
 Vvillielmus Norman-
 norū dux. 361. *a*. 370. *b*
 Vvillebertus Catalau-
 nenſis Ep. 263. *a*
 Vvillebertus Arch. Co-
 lonienſis 382. *b*
 Vvinemarꝯ Fulconis
 Arch. rem. interē-
 ptor. 348, *b*

I N D E X.

Viriziacum monasterium, 117. *a*
 Virtudis villa, 318. *a*
 Visio. 145. *a*. 154. *b*. 219. *a*. *b*. 309. *b*. 388. *b*
 S. Viti Basilica. 108. *a*
 Vvito Rotomagensis Arch. ^{sup. p. 117.} 352. *a*
 S. Vitonus, 384. *a*
 S. Viuentius Archiep. Remensis, 14. *a*
 Vrsus Archidiaconus S. Remigio familiaris, 77. *a*
 Vvldensis Ecclesia cōsecrata, 379. *a*
 Vulfadus Biturigensis Episc. 235. *a*
 Vulfadus Canonicus Remensis cum locis 173. *a*. & seqq. 216. *a*. 232. *b*. 279. *a*
 Vulfarius Arch. Rem.

Carolo Magno carus, 135. *a*. *b*.
 Vvlfingus 278. *a*
 in Vvlfiniaco Riua oratorium in S. Remigij honorem dedicatum. 65. *b*
 Vulpecula Genebaudi filia, 37. *b*.

Y.

Yvo Pseudoepiscopus excommunicatus 378. *b*


Z.


Zacharius Papa, 123. *b*, 129. *a*
 Zeudeboldus Arnulfi regis filius. 324. *a* *b*


F I N.

ERRATA.

PAG. 23. b. lin 1. Præfato. 39. a. 16. ostij limine.
 40. b. 13. prædictum virum. 61. b. 23. ad eam. 64.
 a. 21. visum reputans. 66. b. 16. corpus exanime. 69.
 a. 13. Nec vox. 79. b. 7. cœlibis vitæ. 80. b. 5. aliger
 index. 86. a. 20. manducabis. 97. a. 17. Armoricana
 nobili. 100. a. 23. matris. 103. b. 23. vt si qui hæc. 106.
 a. 26. & Ecclesia. 111. a. 16. causa fletus. 119. 24. de
 villa quæ. 121. b. 6. in pago Laud. 134. a. 21. S. Remi-
 gio, Remensem. 137. a. 4. diuersis animalibus. 138.
 a. 23. fouit iuuentam. 153. a. 23. cum præmemoratus.
 161. a. 1. Trinitatis almificæ. 187. a. 25. diœcesi nostra.
 195. b. 18. beatus exp. 199. a. 18. censuræ Eccles. 201.
 b. 26. præeram. 203. 5. prædestinati. 215. a. 26. in
 hoc solo. 216. a. 5. videbitur. 227. b. 4. totis nisibus.
 241. b. 23. debet Eccles. 248. a. 12. sanctæ. 256. b. 27.
 consecrari. 260. b. 6. ordinatione. 262. b. 16. que-
 stus. 267. b. 17. Episcopale. 278. b. 23. Vvormacensi.
 279. a. 26. suggestionem. 286. a. 14. Adelelmo. 293. a.
 25. quæ patieb. 296. b. 27. exhilarati. 297. a. 10. exau-
 dibles. 301. a. 5. præuentus. 309. b. 6. Matino. 311. b.
 10. Ad quæ ille. 314. a. 1. lamentabilibus. 322. a. 2. I-
 dem vero. 4. sollicitudini. 323. a. 7. fatetur. b. 20.
 designat. 325. b. 6. tyrannicè. 328. a. 20. manere.
 340. a. 8. Catalaunensis. b. 24. competentem. 346. a.
 2. sub dio. 347. b. 1. accersuit. 348. a. 17. exanime.
 350. b. 11. abscind. à baltheo. 353. a. 9. pene. 20. inter-
 cedente. 359. b. 15. arenis. 363. b. 11. Artoldus. 372. a.
 27. At ego. 384. b. 1. ducere. 395. b. 21. quædam. 396.
 b. 20. nequiuert. 399. a. 19. quidem.







оранд. 54.

№ 5. - 11. 11. 96.

